





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
362/A






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
362/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
362/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
362/A























LEVINI APOL-
LONII, GANDOBRY-
GANI, MITTELBURGENSIS,
de Peruuia, Regionis, inter Noui Orbis prouincias
celeberrimæ, inuentione: & rebus in
eadem gestis,

LIBRI V.

AD IACOBVM CLAROVTVM MAL-
DEGHEMMAE AC PITTE-
MIAE DOMINVM.

*Breuis, exactaque Noui Orbis, & Peruuie
regionis chorographia.*



ANTVERPIAE,
Apud Ioannem Bellerum sub
Aquila aurea.

M. D. LXVII.

62472



Thomas Foley of Great
Witley Court in the County
of Worcester Esq^r.

2

ILLVSTRISSIMO
HEROI, IACOBO CLA-
ROV TIO, MALDEGHEM-
mæ ac Pittemiæ Domino
S. P. D.

INter omnia officiorum gene-
ra, quibus se mutuò prosequū-
tur mortales, nullum profe-
ctò, aut recta conferentiū vo-
luntate, aut diuturnitatis spe laudabilius est
atque præstātius, Heros illustrissime, quàm
quod ab ijs confertur, qui in hoc potissimum
studiorum genere summa contentione elabo-
rant, vt immortalī monumentorum testimo-
nio, ab omni obliuione silentioq̃, successuræ po-
steritatis eorū memoriam vindicent, qui sin-
gulari virtutū præstantia excellētes, de pu-
blica salute præclarissimè meruerunt.
Postquam enim humanæ fiduciæ egregia lu-
dificatrix natura, nobis exiguum vitæ cur-
riculum circumscripsit, nullum me hercule
maius nostræ mortalitatis solatium acci-
dere potest, quàm si vtili consilio memoriæ
æternitatem speremus: eos verò humanæ

A 2 pro-

EPISTOLA

propemodum virtutis fastigium excessisse
 videmus, qui omnium suorum operum fi-
 nes posteritatis opinione atque iudicio diri-
 gentes, omni doctrina & scribendi peritia
 instructos suae vitae testes quaesiverunt: qui
 morum, virtutis, constantiae, pietatis atque
 ingenij ipsorum effigiem monumentis nun-
 quam intermorituris, apud omnem sequen-
 turi temporis memoriam essent relicturi.
 Hac de causa, quum vel ab ineunte
 aetate incredibili historiarum delectatio-
 ne & voluptate detinerer, nullamque
 & ad alienae & ad privatae laudis fru-
 ctum parandum commodiorem viam esse
 perspicerem, quam si in describendis vi-
 rorum principum rebus gestis omnem ope-
 ram studiumque consumerem, multo-
 rum exemplo, & meae etiam occupationis
 ac voluptatis gratia, me penitus ad
 scribendae historiae studia auocaui: ne
 forte per socordiam atque desidiam id
 omne succisui temporis spacium, sine fru-
 ctu aliquo parum honeste efflueret, quod
 ipsa quotidianarum rerum occupationum-
 que mearum intervalla, mihi ad peculiare
 ocium

ocium reliquerunt. Quapropter in tanta
scriptorum copia, cum potissimum iudica-
rem, nouæ alicuius rei, & parum adhuc
nostris exploratæ materiam ad scribendum
adferre, ea auidissimè perscrutari ac li-
teris mandare cœpi, quæ ad Noui Orbis
(quem Americam vocant) nostra de-
mum memoria inuenti & occupati cogni-
tionem pertinerent. Nam haud dubiè su-
pra omnium rerum gestarum amplitudi-
nem, quæ in nostra tempora incidere, ma-
ximè memorabile videri potest, longè am-
plissimam Orbis partem, tot antè seculis in-
cognitam, & incredibili rerum omnium co-
pia & beatitudine affluentem, iam tan-
dem Caroli Quinti Cæsaris classibus atque
auspicijs innotuisse, & grauissimis labori-
bus, periculis, atque ærumnis extremo-
rum malorum, ab ornatissimis Hispanici
nominis Ducibus Prætoribusque occupa-
tam esse: sic vt æstimata diligenter rerum
omnium ratione, ea, quæ hic gesta patra-
taque fuerunt, profectò humanæ admira-
tionis modum excedant, & procul dubio
Alexandri Macedonis, ac superiorum de-

EPISTOLA

nique omnium principum, regum, viro-
 rumque virtutem atque fortunam lon-
 gissimè superent. Atqui adeò magis ego
 in summam admirationem adducor, quòd
 in tanta doctissimorum virorum multitu-
 dine, qui summa eruditione facundiaque,
 indigna interdum nugarum certamina con-
 sectari maluerunt, tam pauci fuere, qui in
 harum etiam rerum fecundissima materie
 ingenij sui ornamenta exercere studuerint.
 Nam præter Petrum Martyrem, qui ini-
 tia huius exploratæ Americæ in suis Deca-
 dibus contexuit, ac Sebastianū Munsterū,
 qui in cosmographicis Tabulis harum re-
 gionum summas persequutus est, & diuer-
 sorum mercatorum epistolas, ipsiusq; Ferdi-
 nandi Cortesij literas ad Carolum Cæsarem
 perscriptas in vnum volumen redegit, ne-
 minem Latinorum inuenio, qui præter ex-
 iguam mentionem in hac parte aliquid
 grauioris operæ collocavit. Itaque satis
 præclarū mei studij fructum me adepturum
 ratus, si ipse hoc negotio maiore cura di-
 ligentiaque suscepto multorum expectatio-
 ni satisfacerem, quos huius generis ali-
 quid

quid iam dudum expectasse cognoui, quamquam longè præstantius flumen ingenij, maioremque dicendi vim & copiam huius negotij magnitudo requirat, eam potissimè partem explicare sum adortus, quam maximè Latinorum Scriptorum monumenta ignorabant. Nam sicuti ex Petro Martyre, & eo Munsteri volumine aliqua de prima exploratione atque introitu Americae regionis cognitio suppeditatur, ita nusquam aliquod exactæ narrationis opus legisse me memini, quæ videlicet ratione, quibusque Ducibus, quo discrimine atque euentu rerum, Peruvia occidentalis Noui Orbis pars, omnium certè Prouinciarum auro atque argento opulentissima inuenta sit & occupata, ac quibus deinde initijs irarumque causis ea ipsa ciuili implicata bello mutuis Hispanorum stragibus permaduerit. Proinde cum in his etiam Belgarum terris, multi in ea regione mutua societate opulentas negociationes exerceant, ac multa propè supra fidem humanam occurrant, de quibus certissimè constet, amicorum

EPISTOLA VV

commentarijs adhibitis, ipse lubentissime
 id de Peruvia opus suscepi: ea ratio-
 ne ac modo, vt ad summorum Scripto-
 rum exemplum, mediocri orationis vber-
 tate, rhetoricæ amplitudini & elegan-
 tiæ, vbique nimirum inuiolata histo-
 riæ fide, locus relinqueretur. Quanquam e-
 nim mihi iam huius incerti ausus aleam
 iacturo, alta consideratione metus oc-
 curreret, ne in hoc etiamnum meæ iu-
 uentutis tyrocinio, ego nulla videlicet
 elaborati ingenij atque ætatis authori-
 tate spectatus, in præiudicia quorun-
 dam calumniasque incurram, minimè ta-
 men vel ob id ab instituto consilio absti-
 nendum putavi, quod mihi optima con-
 scientia bonæ mentis freto, non illauda-
 bile futurum existimarem, huiusmodi pro-
 batissimæ rationis successu, apud optimos
 viros honestæ commendationis principia
 aucupari. Sed inter cæteros, apud quos
 huius diligentie non inanem gratiam mi-
 hi sperare licebat, Heros illustrissime, iam
 inde ab institutæ cogitationis meæ princi-
 pio, te ego maxime vnum iudicavi, cuius

Huma-

NUNCUPATORIA.

5

Humanitati has mei laboris primitias de-
dicarem. Omni enim literarum genere or-
natissimè excultus (quod paucis splendi-
dissimi ordinis tui Nobilibus accidere solet)
maximè veram opusculi nostri voluptatem
ab ipsa linguae Latinae cognitione perci-
pere posse videris, & in cæteris rebus No-
bilitatis tuæ gravitatem splendoremque
illustrissimum ea humanitate condijisse
prædicaris (sicuti id ipsum in hilari vultu
tuo clarissimè elucescit) ut tibi profectò ma-
ximè solidas ad publicum amorem grati-
amque retinendam virtutes, naturam ac-
cumulasse appareat. Nam quantum in-
feriores quique tuæ imprimis Humanita-
tis perfugium & receptaculum petunt, tan-
tum tu ipse principes illos Augusti Or-
dinis ac velleris aurei heroes, incredibili cha-
ritate tenes devinctos, sic ut intima
familiaritate ac necessitudine illustrissi-
mum Egmondæ Comitem Amurathem,
cuius certè opera in præsentia vivimus,
tibi maximè coniunctum videamus. At-
qui etiam publici beneficij causa me tan-
tum Humanitati tuæ debere existimaui, ut

A 5 si quid

EPISTOLA

*si quid ex nostro labore splendoris nominis-
 que cuiquam possit adiungi, id maxima
 contentione ad tuarum laudum magnitudi-
 nem illustrandam mihi conferendum puta-
 rem. Equidem enim in earum virtutum
 memoriam sæpenumerò redeo, quibus di-
 uersis in rebus luculenter exhibitis, nostræ
 Brugenſis maximè ciuitatis Rempub. tuo
 nomini penitus obligasti. Ex hac autem
 virtutum tuarum imagine quanquam mi-
 hi certissima spes offerretur, te nostri la-
 boris studium æqui bonique facturum, ta-
 men ego & meæ verecundiæ rationibus, &
 tuo splendori tantum tribuendum censebam,
 vt quodammodò ab inuerecundiæ huius fidu-
 ciæ consilio deterrerer. Sed postquam id ip-
 sum M. Ioannis Dammiij, literatissimi &
 grauiſſimi viri iudicio comprobari perspe-
 xi, cui omnibus animi ornamentis decora-
 ro, propè domestica familiaritas tecum in-
 tercedit, omnem conceptæ formidinis cun-
 ctationem abieci, certissimeque inde confi-
 dere cæpi, cum pro tuæ humanitatis cādore,
 tum pro eius spectatissimi viri authoritate,
 nostrum laborem in honestissimo studij gene-
 re con-*

re constitutum, & ad tuæ Nobilitatis ornamentum (vt ingenuè fatear) profectò directū, tibi vnico literarū amatori haud ingratè accidere posse, eoq̃ iustius atque benignius, quod & tibi omniū lectionum apprimè studioso, non exiguam voluptatem ipsa nouitatis gratia, & memorabilis Topographiæ, aliarumq̃ue id genus rerum copia (vti arbitror) apportabit, & perspicuum humanæ varietatis documentum vtili exemplo legenti proponet. Nam sicuti tribus libris prioribus demonstratur, Franciscus Pizarrus ac Didacus Almagrus, postquam mutua amicitia atque ope Peruvia explorata atque deuicta ad id incomparabilis fortunæ fastigium peruenissent, demum mutui imperij potentiæq̃ue impatientes dissidio & similitate excitata, in tristissimum miserabilis excidij casum incidere, deinde verò Consalius Pizarrus Francisci frater, ac Franciscus Caruaial (sicut duobus libris posterioribus edocetur) prouinciam occupare, & per vim tyrannidemq̃ue inuito Cæsare obtinere moliunt, quum Vela Blasco Prorege deuicto, atque

EPISTOLA

que interfecto, firmissima crudelis imperij ac dominatus fundamenta se consequutos existimarent, repente à Præside Gasca victi captique, foedissimum ignominiosi supplicij exitum habuerunt. Idcirco me hercule beatius aliquantò cum Rebuspub. atque cum ipsis Principibus ageretur, si se in omnis posteritatis theatro constitutos meminissent, in quo nihil vel rectè vel improbè factum celari possit. Itaque illustrissime Heros, pro tui ingenij humanitate hoc nostri laboris munusculum ea animi benevolentia fauoreque accipies, quo multò minoris certè precij decorisque munera à popularibus tuis interdum ad ingenuum sui obsequij & charitatis testimonium exhibendum, in te collata accipere consueuisti: quod si hac ratione intelligimus atque videmus apud grauissimos viros, & tui imprimis ingenij candorem, non illiberalis iudicij gratiam nostros huius generis labores ac studia promereri, qui multò his excelsiora in præsentia agamus, magnoperè in huiusmodi industriae cursu confirmabimur: omnem haud dubiè in
hoc

NVNCVPATORIA. 7

hoc operam posituri, vt ex ea ostentatae
humanitatis & lati affectus imagine, non
inanis nostrae contentionis & industriae fru-
ctus, ad excellētissimae Nobilitatis tuae or-
namentum accedat. Vale Brugis

Flandrorum, 1566. postri-
die Id. Octob.

Ornatissimae Nobilitati
 tuae deditissimus,

Leuinus Gandobruganus.

CVM PROPTER HI-
SPANICAE LINGVAE DV-
RITIEM, OPVS FVERIT
nonnulla oppidorum nomina paulò
longius à vulgari appellatione ad La-
tinam mollitiem detorquere, percom-
modum ad historiæ intelligentiâ Le-
ctori futurum putauimus, vt oppi-
dorum ac regionum nomina in pri-
mam statim Libri frontem referren-
tur, quo eadem historiæ & cos-
mographiæ studiosi in ta-
bulis chorographicis
facile deprehen-
dant.

Regiones.

<i>Noua Hispania,</i>	<i>Nueva España</i>
<i>Vatimalia</i>	<i>Guatimala</i>
<i>Isthmus</i>	<i>Andalofia</i>
<i>Nicaragua</i>	<i>Nicaragua</i>
<i>Terra firma</i>	<i>Tierra firme, cuius</i>
	<i>pars Castilla de oro</i>
<i>Peruuia</i>	<i>Peru.</i>

Vr-

Vrbes.

<i>Themistithana</i>	<i>Themistithan, hodie Mexico.</i>
<i>Theonyma</i>	<i>Nöbre de Dios, hoc est nomen Dei.</i>
<i>Panamaïs</i>	<i>Panamà</i>
<i>Portus Vetus</i>	<i>Puerto viejo.</i>
<i>Tumbæum</i>	<i>Tumbez.</i>
<i>Michaëlia</i>	<i>Sã Miguel à D. Mi- Michaële dicta.</i>
<i>Trugillum</i>	<i>Trugillo.</i>
<i>Regium</i>	<i>Ciudad de los Rey- es, hoc est, ciuitas Regum.</i>
<i>Arecupia</i>	<i>Arequipa.</i>
<i>Quito</i>	<i>Quito.</i>
<i>Cassamalca</i>	<i>Caxamalca.</i>
<i>Vanuco</i>	<i>Guanuco, vel San Iuã de la victoria.</i>
<i>Vamantiacum</i>	<i>Guamanga.</i>
<i>Cusco</i>	<i>Cusco.</i>
<i>Argyropolis</i>	<i>Villa de Plata, hoc est, vrbs argentea:</i>
<i>Xaquixaguana</i>	<i>Saquissauana.</i>

Argumentum Libri Primi.

Paucis exponitur Noui Orbis, in-
uentio, deinde descripto Isthmo ad
historiam Author procedit. Francis-
cus Pizarrus ac Didacus Almagrus
Peruuiam explorant atq; inueniunt,
deinde Pizarrus in Hispaniam traij-
cit, & Prouinciæ Præturam à Cæsare
impetrat. deinde reuersus instructo
nauigio in Peruuiâ traijcit, & ad Co-
accios peruenit, vbi relicto Pizarro,
regionis situs, hominum mores, mul-
taque ad eam rem pertinentia expo-
nuntur, postremo breuiter statû Pro-
uinciæ Author explicat, qui eo tempò-
re erat, quo in Peruuiam Pizarrus
traiecit.

9

LEVINI APOLLONII
GANDOBVRGANI MIT-
TELBVRGENSIS DE RE-
bus in Peruuia gestis.

LIBER PRIMVS.

Postquam Lusitani immen-
sissima nauigatione Æqua-
torem & Capricorni tropi-
cum prætermensi Atlanti-
cum Oceanum, ac tot insulas
tantis aromatum thesauris beatas aperuis-
sent, magna ingeniorum æmulatione excita-
ta, multi eluxere, qui admirabili Oceani ex-
plorandi ausu parem nominis splendorem, di-
uitiarumq; amplitudinem vel maximo vitæ
periculo quæsitarent. Inter hos Christopho-
rus Columbus, natione Genuensis, Ferdinan-
di Hispaniarum regis auspicijs incredibili na-
uigatione suscepta ad fortunatas insulas
proiectus, atque inde vastissimè in Occiden-
tem vela dirigens post longissimam triginta
dierum nauigationem ad eas tandem insulas
peruenit, quas ipse Hispaniolam atque Do-
minicam

Christopho-
rus primus
noui orbis
inuentor.

Leg. Hispani-
olam.

Blasius
Nonnius
interfectus.

LEVI. APOL. GAND. DE

Ferdinan-
dus Come-
xicanæ Pro-
uincie in-
uentor.

minicam nominauit. Successere dehinc alij at-
que alij, qui interiore nauigatione sensim plu-
res insulas scrutabundi inuenerunt. Posthæc
paulatim diuersorum inuentione regio om-
nis innotuit, fuitq; ex insulis vicinis in Isth-
mum facile conscensum, cuius rei laus, fortè
prima Blasco Nonnio deberetur, ni affectati
regni conuictus atque damnatus, infœlicem
atque infamem vitæ exitum habuisset. Is e-
nim Prouinciam, quæ Isthmo à dextris pro-
xima est iuxta Darienem amnem detexit,
sed interfectus Petro Arriæ occupandâ re-
liquit. Non multos post annos ex Lucatha-
na insula in Continentem transgressus Fer-
dinandus Cortesius, Mexicanam terram a-
peruit, domitaq; magno bello vrbe Themisti-
thana (quæ Venetiarum instar magno lacu
vndique continetur) quicquid inter duo ma-
ria interiacet, Carolo Cæsari eius nominis
quinto subegit, & vniuersam eam terram
Nouam Hispaniam appellauit. Verum su-
pra hos omnes Ferdinandus Magellanus, dū
in Lusitanorum contumeliâ stupefenda na-
uigatione Moluccas insulas peteret, id vni-
uersum littus præterlegit, quod ab Isthmo
flexu

flexu arcuoso sensim in Promontorium tandem retortum, hanc Noui Orbis portionem terminat ad eius freti angustias, quod ab illo nunc Magellanicum nomen gerit. Verū uti copiosè ab alijs narrata hæc sunt, ita nostri nunc est instituti, omiſſis his ea modo recēſere quæ ad Peruuie primam explorationem, ac res in ea partim aduersus Barbaros, partim intestinis bellis gestas pertineant. Tota igitur orbis huius pars, quæ nostra iam demum memoria Hispanorum nauigatione innotuit, ab Septentrione ad Meridiem descendēs, tenui Isthmo ſecernitur, qui hinc ab Occidente inde ab Oriente mari profundè illato, id omne quod ad Austrum vergit plagæ Septentrionali coniungit. Hæc Terram floridam Mexicanamq; Prouinciam continet. At quicquid ſecundum Isthmum in Meridiem protenditur, Africæ & ingenti Pyramidi eſt perſimile, cuius baſim ea terra efficit, quæ ſub Isthmo ab occidentali ad orientale pelagus perpetuo tractu porrigitur. Terra firma ab Hispanis vocitata. Latera autem latè velut in alas aliquādiu expaſa vtrimque hinc per immenſa Paria Braſiliæq; ter-

LEVI. APOL. GAND. DE

ra, inde per recentis Peruuia littora ex-
 dentia illatus vtrunque Oceanus terrarum
 cuneo sensim extenuato ita castigat, vt pede-
 tentim coeuntia in oblongum tandem Pro-
 montorium ad Magellanicum fretum desi-
 nant. Illud fronte in Antarcticum polum vl-
 tra Aequatorem & tropicū Capricorni con-
 uersum concurrentia maria suo procursu di-
 sterminare dirimereq; frustra committitur,
 quum rapido impetu illatus ab Oriente O-
 ceanus tanta vndarum vi ac mole per arctas
 fauces irrumpat, vt lenes Meridionalis pe-
 lagi fluctus ab Septentrione descendentes re-
 uerberet atque recutiat. Porro Isthmus (quo
 duæ hæ partes Noui Orbis tenui quidem sed
 firmissimo vinculo constringuntur) Oceani
 vtriusq; vasto incurso conflatus & aduer-
 sus irrumpentia maria rupium montiumque
 munitione se probè defendēs ad appellentium
 opportunitatem, ad vtriusque pelagi littora
 singulas vrbes habet, quæ vel è Peruuia re-
 deunt, vel ex Hispanijs aduectos fido por-
 tuum hospicio excipiunt. Sunt hæ Theony-
 ma diuini nominis appellationem gerens, ac
 Panamais hæc Peruuino mari, illa Occiden-
 tali

Theonyma
 ac Pana-
 mais præci-
 pue Isthmi
 vrbes.

tali aduectos recipiens. Ad has utrimque per
 Eagrū amnem, vel secundum vel aduer-
 sum iter patet, qui ad Crucem (loco id nomen
 est) nauigatur, deinde pedestri itinere Pana-
 maidem peruenitur, ab hac Theonymam ten-
 dentibus pedibus ad Crucem itur, dein ad vr-
 bem vsque fluuiō, ac per huius ostium mari
 nauigatur. Ille autem ab montibus his oppri-
 dis interiectis prosiliēs primū ad Peruuinum
 mare cursum intendere videtur, verum per
 anfractuosas montium ambages reflectens in
 Occidentale pelagus incidit quatuordecim
 passuum milia flexuoso cursu conficiens, ita
 ut ad nauigationem in utrunq; pelagus fa-
 ciundam vix quatuor aut quinq; leucarum
 spaciū perfodere opus esset, verū tanta aspe-
 ritate inhorrescit locus, ut facile credi possit
 non minore contumacia ligonū impetus vul-
 neraq; laturum, quam Peloponnesiacum illū
 Isthmum pertulisse constat. Erat tum Pa-
 namais non classium modo appulsu clara, sed
 magno hominum confluxu exculta, quum
 isthinc vicinæ omnis Prouinciæ litigantes
 summam iurisdictionis auctoritatem petere
 cogerentur, & viatores, hic residente cœtu,

LEVI. APOL. GAND. DE

Francisci
Pizarri ac
Didaci Al-
magri ami-
citia & so-
cietas.

qui argentariam faciunt, pecuniam deponē-
re, vel alibi depositam à prædibus referre con-
suescerent. Hic inter ceteros tres Hispani a-
gebant, Franciscus Pizarrus, Didacus Al-
magrus, ac Ferdinandus Lucius, qui fortu-
nis inter se communicatis ex negotiatione fœ-
lici tantos rerum successus habuerunt, vt re-
liquos opulentia atque facultatum copia lōgē
anteirent. His postquam maioribus animis
& spe excitatis fortuna aspirans maiora ca-
ptandi appetendiq; libidinem addidisset (vti
præsentibus natura humana nunquam con-
tenta est) in id porro intenti erant, vt nouo
aliquo & memorabili facinore non se modo
ad summam dignitatem impræsentiarū pro-
ueherent, sed nomen in posterum etiam velut
immortali laboris insumpti fructu, ad æter-
nam perpetuamq; memoriā extenderēt. Hac
re inter se clam non raro agitata id impri-
mis ad memorabile facinus operæ precio di-
gnū videbatur, si aliqua perlustratione eam
regionem attentarent, quæ proximè Æqua-
torem Occidentali littorum tractui subiecta
esset, quum Blasci Norinij labor vicinarum
aliquot regionum iā nomina detexisset, quas
carbun-

carbunculis, margaritis, auro atque argento
 longè beatissimas esse fama vulgarat. Itaq;
 Pizarus qui ingenio alacrior, & ardente ad
 res magnas natura audacior erat, rem qua-
 licunque fortuna atque euentu tentandam ra-
 tus, cùm veniam à Petro Arria Terræfir-
 mæ Prætoris impetrasset, myoparone ad rem
 diligenter instructa, vicesimo quinto anno su-
 pra millesimum quingentesimum, post satis
 diuturnam littoris ignoti explorationem ad
 Peruuinam gentem appulit. Distat ea nō am-
 pliùs quinquaginta passuum millibus Pa-
 namaide, eratq; tum planè gens obscura, in-
 culta, & inops, verum, quod Pizarum pri-
 mum exceperit, suam appellationem in vni-
 uersam regionē diffudit, quæ ultra mille du-
 centas leucas perpetuo littore ad Antarcti-
 cum polum extenditur. Ab Peruuino littō-
 re ad Ambustorum gentem venit, sed cùm
 ea parte Barbari infestis telis passim occur-
 rerent, non paucis amissis, & ipse in prælio
 vulneratus cursum retrahere, & in Einga-
 mum portum deflectere Isthmo proximū com-
 pulsus est. Didacus interea Almagrus, cùm
 iam satis benigni de Pizarro rumores iam-

Pizarus
 ad explo-
 randum se
 accingit.

Peruuia
 vnde di-
 sta.

Didaci Al-
 magri ex-
 pediuo.

B 4 dudum

LEVI. APOL. GAND. DE

dudum affluxissent, ad quærendum illum,
quia ubi locorum degeret, nondum percepe-
rat, adornato nauigio, impositisq; septuagin-
ta Hispanis viris fortissimis, similem naui-
gationem aggressus est. prouectusq; ad D. Io-
annis amnem, qui Panamaide abest millibus
passuum amplius ceterum, cum Pizarrum in-
uenire non posset, tamen institutum cursum
tenens circa littora aliquandiu lustrabundus
errauit, quoad tandem certius didicisset ad
Arubustos penetrasse Pizarrum, attamen dam-
ni accepti ignarus. Proinde cum huc vela fle-
xisset, non hercule meliorem Pizarro fortu-
næ casum tulit: nam Barbari quadam nocte
remissiores fortè vigilas derepente venena-
tis sagittis, & reliquis armis adorti, eam in-
tulere externationem stragemq;, ut magna
Hispanorum parte cæsa Didacus, amisso fe-
rè lethali ictu oculo, cum paucis in nauem re-
fugiendi vix spacium haberet. Eius tamen
damni ægritudinem consolatio est consequu-
ta, quod quum ipse inimico littore discedens
in Eingamum portum venisset, Pizarrum
inueniret. Tum quidem gratulatione inter
se facta, ac communicatis consilijs, ubi ea in
vrbe

Didacus
ab Ambu-
stis oculo
amisso in
fugam a-
ctus.

Urbe nauibus reficiendis, & supplemento vi-
 rorum curando aliquandiu moram traxis-
 sent, his probe curatis eidem se nauigationi
 littus legentes dedere, in qua nihilo minori-
 bus tam laboribus, quam periculis sunt de-
 functi. Littora enim ingentium fluminum,
 quæ à præcelsis rupibus præcipitantia ma-
 gnis ostijs in pelagus exonerantur, agmine
 vndarum obruta ac constrata sunt, & cæcas
 ob id occultorum vadorum syrtes ad naui-
 giorum perniciem egerunt atque protrudunt:
 ipsa adhæc fluminum ostia hydrarum plena
 conspiciuntur, quæ magna frequentia exitus
 obsidentes obseruantesq; quodcunque in æ-
 quis sentiunt, confestim abreptum ad ima ab-
 strahunt dilaniandum. Verum nulla oratio-
 ne exprimere possim, ad quantas ex rerum in-
 opia angustias deuenerint, quum ab longin-
 qua ac diuturna profectione ad supremam pe-
 nuriam reductis ipsa per se regio inculta ne-
 glecta q; nihil ad alimoniam suppleret, præter
 vnos littoralium retarum, quas Mangle
 vocant, fructus eosq; ipsos insuaues & insipi-
 dos vtpote ingrato æquoreæ muricæ succo in-
 fectos. Quamcunque ad partem appellerent,

Didacus es
 Pirarrus
 coniuncti
 nauigatio-
 nem expe-
 diunt.

Littora Pe-
 ruuie vn-
 dis contexta

Mangle
 fructus ar-
 borum.

LEVI. APOL. GAND. DE

& anchoras iacerent, ab infestis Barbaris arcebantur, qui non modo omnibus in locis venenatis telis aderant, sed nauigantes refugientesq; probrosis clamoribus conſectabantur, quod exules, & ab omnibus velut ſentina nebulonum expulſi, ceu erroneſ ac piratæ extorres ad infeſtādam regionem veniſſent. Itaque tot circumuenti difficultatibus, cū etiam ex ducentis vix octuoginta incolumes ſuper'eſſent Hiſpani, ſtatuunt inter ſe vt Didacus ad milites aliquot conſcribendos Panamaidem reuerteretur: atque interea Piſarrus ad Gallam inſulam tempus inter ſummas anguſtias conſumpſit. Didacus autem Panamaidem reuerſus dum curatis rebus ad Piſarrū redire cogitaret, à Petro Rio Iſthmi Prætoſe præter expectationem retentus eſt, quod ij, qui cum Piſarro in Galla inſula agebant, periculoſæ & inutilis nauigationis pertæſi per literas Rium clam rogaveſſent, ne plures in proſectionem omni periculorum generi obnoxiam abducēdi facultatem amplius permetteret, & ſibi abeundi commeatum daret. Hac de cauſſa prærepta redeūdi poteſtas Didaco fuit, & reliqui impetrato per literas à Præ-

Almagrus
Panamai-
nem reuer-
ſus detine-
tur.

à Prætoze commeatu desciscences Pizarrum ^{Pizarrus}
 deseruerunt, ita vt tantum ex octuagin- ^{ab suis de-}
 ta vix duodecim multis precibus deliniti re- ^{seruitur.}
 tentiꝫ permanerent, inter quos facile princi-
 pes erant Nicolaus Riuerius, Petrus Cre-
 tensis, Ioannes Torræus, Alphonsus Brise-
 nius, Christophorus Peralta, Alphonsus
 Trugillanus, Franciscus Eullarinus, & Al-
 phonsus Molinæus. Hos Pizarrus blanda
 oratione cohortatus, vt paululum sustine-
 rent, meminissentꝫ ad magnā laudem, opesꝫ
 ingentes parandas contendentibus per omnes
 asperitatum difficultates fortissimè eniten-
 dum, & ea demum accidere dulcissima pul-
 cherrimaꝫ quæ magnis laborum ac pericu-
 lorum angustijs acquisita essent, mirum di-
 ctu est quanto vnā cum suis animo patien-
 tiaꝫ & præsentis inopiæ misérias, & alia
 aduersa omnia tolerarit. At paucitatis suæ
 metu in frequente insula non ausus diu mo-
 rari ad Gorgonam vela flexit, quo demum
 cum Panamaide naui à Didaco missa per-
 uenit commeatu onusta, quanquam nullum
 militem aut vix vnum atque alterum ad-
 ueheret, relicta hac insula, nauiatore Bar-
 tholo-

LEVI. APOL. GAND. DE

Bartholomæo Ruitio perpetuis iactatus v̄e
torum, aduersique maris incredibili æstu (v̄e
dictum est) ad Septentrionem præcipitantis
tempestatibus id tandem littus tenuit, quod
inter conditas postea vrbes Michaeliam at-
que Trugillum interest. Huc appulsus cum
præ paucitate longius progredi non auderet,
depascentem ad Chiram amnem ouium gre-
gem cum Barbaris aliquot opilionibus cæpit,
atque inde fugienti similis digressus; Tum-
baeum peruenit. De ea vrbe ita cognouit, ce-
lebrem quondam fuisse, habuisseque regiam
Peruuinorum regum ornatissimam, sed de-
mum Punensium Insulanorum irruptione
propè euersam, florem pristinum amisisse. Vbi
hic Pizarrus nonnullos dies transegisset, ve-
lis iterum vento datis tandem Panamai-
dem cum omnium admiratione redijt à trien-
nio, ex quo nauigationem primam institue-
rat, qua quidem profectio non tam admi-
randus mihi videtur, quam ea rerum om-
nium patientia, qua non sæuientium modo
tempestatum procellas, ac infestum maris æ-
stum vicit, sed ipsam fortunam, & naturam
humanā superauit. Nā quæ in extremo pro-
pè

Tumbaum
vrbs.

Pizarrus
Panamai-
dem redit,
inde in Hi-
spaniā ten-
dit, et Pro-
uinciæ Præ-
sura ab
Cesare ob-
tinet.

pè mundi termino in fluctibus magis quam
 continente versanti nunc premente inopia,
 nunc per hanc socijs ad desperationem tu-
 multumque incitatis, in tam longinquo, va-
 sto, emortuoque itinere patiunda fuerint, iu-
 dicio omniū & coniecturæ magis patet, quam
 vt iuxta magnitudinem dici possit. At Pi-
 xarrus quum per tot difficultates nauiter e-
 mergens esset, vt verum aliquando eius for-
 titudinis ac laboris fructum acciperet, quum
 conatum suum à Præatore impediri tardari-
 que videret, per Oceanum in Hispaniam ad
 Cæsarem proficiscitur, cui exposita nauiga-
 tionis suæ fortuna, persuasit, vt sibi eius re-
 gionis Peruvina infestandæ occupandæque
 ipsius auspicijs facultatē permitteret. Quod
 cum facile à Cæsare in magnæ rei spem ar-
 recto obmutuisset, factis inter se ex more pa-
 Etorum tabulis Panamaidem reuertitur. Co-
 egerat in Hispania classiculam aliquam, &
 viros fortes, interim ceteros fratres adduxe-
 rat quatuor, patre natos Consaluo Pizarro
 Trugillano, qui aliquando in Nauarrico bel-
 lo ordinem duxerat Longi nomine vulgo no-
 tior. Ex his germani erant Ferdinādus atq;
 Ioannes,

Pizarri fra-
 tres.

LEVI. APOL. GAND. DE

Ioānes, semigermanus Frāciscus Martinus:
 ipse Frāciscus Pizarrus atq; Cōsaluus diuer-
 sa matre orti naturales erāt: Verū hi oēs ad
 mutuā ingeniorū magnis anhelantium, & in
 aduersis constantiū similitudinē accesserant.
 His comitatus Pizarrus cū Panamaidē re-
 diisset, in summā Didaci Almagri offen-
 sionem venit: nam is indignabatur quod Pi-
 zarrus pro suo emolumēto cōmodoq; amici, et
 præstitæ opis ac familiaritatis etiam imme-
 mor omnia trāsegisset: & quanquā ille pro-
 missa aliqua imperij portione hominē pacare
 contēderet, satis tamē cōstat hinc omnē fata-
 lis dissidij scrupulū erepsisse, qui demū utrū-
 que in exitiū traxit. Cōposita tamē ad tēpus
 contentione per Ferdinandū Pontiū instru-
 Eta est liburnica, qua primum sacro audito Su-
 peris propitiatis cū fratribus in altum pro-
 uectus est, cursumque sed aliquanto, quā oportebat,
 tardius ad Peruuīū littus tenēs mani-
 pulos suos exposuit, itinerēq; secundū orā ca-
 pro ad Coaccios peruenit. Hi magnū exercen-
 dæ negotiationis vsum habent, terrāque occu-
 pāt omni alimonia letā, & magno smara-
 gdorū numero abundantē, cuius opulētiae Pi-
 zar-

Almagrus
 cur Pizar-
 ro succen-
 seat.

Pizarrus
 in Peruuī-
 am traicit
 Coaccij po-
 puli.

Zarrus ut fidem faceret, & ea spe plures eliceret, celoces duas Panamaidē cū triginta aureorum nummūm millibus remisit, quæ apud eam gentem conflarat. Inde sensim populari incipiens ad Veterem Portum venit, ubi gaudium auxit opportunus Benalcazaris & Ioannis Florentij aduentus, qui duobus nauigijs aliquot equites peditesque aduexerant. Sed cū rerū gestarū historia nō satis dilucidè intelligi possit, nisi & loca, & prima rerū initia probè cognoscātur, monet nos tēpus ut ante quā cū Pizarro progredimur, & de Peruvia situ, & de rerū eius statu, qui in nostrorū aduentū incidit, prius dicamus. Secundū æquatoris lineā ab Paria, Brasiliaque latissimo nomine ac regione prouincia Peruuina patescit per immēsa locorum spacia, populis regnis, ac hominum lingua, colore, moribúsque, et ipsius natura situs discreta. Primum enim quum in littus ad Meridiem atque Occidentem vergit, plana ac æquior est, & littoris sibi perpetuo congruentis nusquam degenerem naturam sequitur, quum vero in interiora longius ab pelago retractum abscedit, in altos excrescit montes, qui expansis latissi-

Peruuia
descriptio.

Peruuia
maritima
& æqua,
montana
aspera.

LEVI. APOL. GAND. DE

Peruuia
maritime
sterilitas.

latissimè cornibus magnam terræ partē com-
plexi, perpetuis rugis, nusquā intermisso cur-
su in Magellanicum fretum feruntur, & ex-
tenuatis pelago littoribus, extremum pro-
montorium rostri instar extrudunt. Terra
quæ littorali tractu directā sublimibus mon-
tium imminētium verticibus subiicitur, suf-
focantis sabuli oppressu, & horrida frequen-
tissimarum solitudinum vastitate informis
atq; effæta est, vixque indigenis sustinendis
par, quum præter agrorum incredibilem ste-
rilitatem iusto fontium lacuumque, præter
paucos insuaues & marino influxu enterpa-
latos, subsidio sit destituta, & incolas fre-
quentissimè in magnas rei potatoriae angu-
stias inops, perpetuoque æstu perusta perdu-
cat. His enim per se incommoditatibus affli-
cta nulla etiam pluuiarum imbriumue adiu-
menta succurrunt, quæ, semper durante v-
nius æstiuæ tempestatis tenore, penitus (quod
dictu est mirum) ignorat. Verum terræ hac
tanta infelicitate mulctatæ natura nun-
quam humanæ necessitati deesse solens ad non
mediocre incolarum leuamen haud omnino
interdum letiores vales ad agros serendos,
amnes-

Peruuia
maritima
pluuias,
aut toni-
trua fulmi-
naq; non
sentit.

amnesq³ limpidos ad potum petendum dene-
 gavit. Hi à præcelsis mōtium, rupibus dela-
 psi tanta vi feruntur, vt vel multis valido-
 rum contorum perticarumq³ statuminibus
 fracto cursu debilitati, omnē virorum equo-
 rumq³ue transitum respuant. Eidem hyema-
 libus ferē temporibus mira altitudine luxu-
 riantes agros circumiectos ad frugum refocil-
 lationem vtili perfusu atque inundatione ir-
 rigan. Quapropter indigenæ vt reliquæ ste-
 rilitatis detrimentum sarciant, magna in-
 dustria vicinos amnium ripis agros exercēt,
 qui perpetuis singulorum annorum satiuīs
 restibiles conserentium tanta facilitate sata
 excipiunt, vt Hispanis etiā postea triticum
 siliginemq³ue ac omne frumenti genus seren-
 tibus sine multo arādi occandiq³ue labore red-
 diderint. Videre idcirco licet non modo cir-
 cumiectas fluminibus vicinias passim cultis
 veruactis ridentes, sed ipsas amniū ripas ar-
 bustis delectabiles, & amœnos nec insalubres
 vmbatilem voluptatem captantibus seces-
 sus præbentes: deinde, quum salictis, atq³ a-
 rundinetis amnes riuīq³ue multis in locis ple-
 ni sint, ex lanuginosis iuncorum arūdinum-
 C que

Peruuia
 maritime
 flumina,
 & eorum
 rapiditas.

L E V I. A P O L. G A N D. D E

Littora ac
prata flu-
minibus
strata, quo
modo trās-
natentur.

Peruini
in tres di-
uise

que pappis nonnihil lanificio compendij acce-
dit. Amnes autem ex montibus effusi ac se-
ptē decēmue milliariū interuallo inter se dis-
iuncti in pelagus deferuntur, seseq; super lit-
tora ac prata vsq; adeo profundūt, vt omnē
proficiscētibus viā intercipiāt, nisi tignis trās-
natētur, aut ijs retibus, quæ in eū vsum indi-
genæ cucurbitis, atq; eius generis tomēto suf-
farta habēt: & accola natans per aquas fune
trahit, atq; alter cōto protrudit, qua ratione
incumbentē his viatorē traducūt. Passim au-
tē rura Barbari magno numero oberrāt, sar-
mentorūq; ac stolonū dissectorum composita
fornicatim strue sub arboribus viuūt, ita vt
apricantes gratæ vmbraē persugiū, & aduer-
sus nocturnarum pruinarum intēperiem pla-
cida quietis locum diurno labore languoreq;
fessi in prōptu habeant. Vniuersi vero tribus
potissimum gentibus distinguuntur, quarum
singulæ plures sub se populos nominum rur-
sus varietate differentes continēt. Hæ gētes
dissimilitudine gaudent, & diuersis linguis
sunt secretæ, frequenter etiā limites exceden-
tes inter se bella gerere, & ferro iniurias vin-
dicare discordes solebant, prius, quā in vnius
Gyna-

Gynacaue ditionē ad Æquatorē vsq; prouin-
cia cēssit: verum vti victoria eius cunctis sub
vnā potestātē redactis dissidiorū facultas ab-
lata est, ita apud procures & vulgus Cusconi <sup>Cusconice
linguæ stu-
diū ac pre-
cium.</sup>
ca lingua, qua dūtaxat ius dicebatur, volu-
ptati ac studio esse cōepit, sic vt huius gnaro
totius prouinciæ peragrādæ non difficilis fa-
cultas relinquatur. Fœminis lanea vestis est <sup>Habitus
fœminarū
ac virorum</sup>
ad talos vsq; propendens, mares induciolū ad
suras vsq; & huic superiectum palliolum ge-
stant. Quanquam vero idem ferē tota regio-
ne corporibus vestimenti sit genus, capitum <sup>Habitus
capitū vsq;
rij.</sup>
tamen habitus mirificē variant, quum singu-
li pro vsitato patriæ more fasciolas tornati-
les, multi simplices, plurimi versicolores ge-
rant, nec ferē sint quiquā, qui eo in capitum
ornatu secundum patriam vsitationem ab
alteris non vehementer discrepēt. Admirabi-
lis vero omnes naturalis indolis simplicitas
imbuit, adhuc vetustæ ruditatis hæres, qua
ridiculas nobis negociationes exercēt, vix in-
exhaustas suas auri atq; argēti gazas sapiūt,
atq; informib' eorū massis dūtaxat vtūtur,
quanquā, aureorū atq; argēteorū emblema-
tū minore, quā nos, delectatiōe capiūtur,

C 2 quibus

LEVI. APOL. GAND. DE

quibus templorum atq; regiarum postes bra-
teato sculptōe opere fabrefactis plurimum
exornant. In ea tamen vulgari simplicitate

*Aequatori
proximorū
populorum
diri mores
& infemi-
nas seui-
ties.*

proximè Aequatori subiecti morum incom-
moditate ac vitijs reliquos superant, qui ab
multa hypocrisi taciturni, & compressis in la-
bra verbis submurmurātes, non multum ab
Iudæorū modo abhorrent, fædæque marium
libidini procliuiores, exiguo in precio mulie-
res habent, quas non vilissimè modo sibi an-
cillari cogunt, sed vel leuissima offensione pla-
gis acerrimè excipiunt. Iudusiolo leui vmbi-
lico tenus vestiuntur, cæteras corporis par-
tes ne pudendis quidem saluo pudore nudas
relinquunt, crura brachiaque gemmatis sphæ-
ricularum circulis ornant, & pertusis vtrimq;
malis atque orum labris, torcosios atque sma-
ragdos mirificè splendicātes hiatibus infixos
gerunt. In eo ornatu tanta superbia est, vt
eundem vxoribus inuideāt, quibus nulla vel
ad perpetuos grauissimi solis æstus arcendos
stragula vestium præter tenue pudendorum
præcingulum conceduntur. Apud hos ostia
templorum in Orientem porrecta, laneo præ-
pendiculo sunt præclusa, in ipsis vero tēplis
simula-

*Labra ac
male per-
tuse, & in
earum fo-
raminibus
gemæ in-
sertæ.*

*Simula-
chra birco-
rum.*

simulachra duo ad atrorum hircorum simi-
 litudinem sculpta adorantur, atque ad perpe-
 tuum cultum ante hæc certarum miri odoris
 arborum ligna cremantur, ex quibus, dum
 cortices detrahuntur, tã acri odore adeps de-
 fluit, vt olentium nares cerebraq; teterrimè
 afficiat, illita vero defunctis, aut gulis instil-
 lata (quemadmodũ cupresso promanans resi-
 na) perpetuo ab vermicularum iniuria, ca-
 rieque vniuersa mortuorum cadauera vin-
 dicet. Apud Caraceos in supremis portarum
 peristylijs humana simulachra cõspecta sunt
 striata Diaconi stola induta. Pasaones in-
 terfectorum puerorum virorumque corpora
 ad saxeos stylos mirificè aduersus putredinẽ
 præmunita conseruant, & capita truncatorũ
 in pugni magnitudinem quadam materia mi-
 rabiliter extenuata, ad postes clauis affixa
 tanto artificio ostendunt, vt post multa etiã
 annorum spacia nõ ingratum odorem spirẽt.
 In vulgaribus vbique ferè tẽplis magnorum
 serpentum figuræ adorantur: super hæc sin-
 guli priuatis in ædibus vetere Ægyptiorum
 superstitione, pro vt cuique sua ars atque opi-
 ficium est, peculiare deos ceu penates ac lares

Arborum
 quarundã
 vis mira-
 bilis.

Peruuiino-
 rum su-
 perstitio.

C 3 colunt.

LEVI. APOL. GAND. DE

Fromontio-
riū Desthæ
lena hor-
rendum.

Gigantes
& mira
de hū.

colunt. Hac in plaga promontorium in mare
proijcitur Desthælena ab Hispanis vocatū,
piceis venis, saxorumque ambustorum tristi
hiatu pluribus in locis tetrum atq; horrible.
Ferunt indigenæ eum locum gigantum quon-
dam sedem fuisse, qui quatuor virorum lon-
gitudinem exæquarēt: dirum, atrox, in deos
hominesq; superbum ac contumax hominum
genus. Nudos incessisse, aiunt, & ab egestate
crudelitatemq; immanes ac truculētos fuisse vs-
que adeo, vt præter captatas balenas, & aliā
marinarum venationū prædam, triginta ra-
ptos accolæ insatiadis faucibus deuorarent.
Apud Veterē portum viderunt Hispani cœ-
lata ad horū similitudinē duo simulachra v-
triusq; sexus: indigenæ vero memoriā eorun-
dē, resq; ab eis gestas maiorū cōmemoratione
per manus traditas anniuersarijs festis reco-
lūt, & de eorū morte horrēda cōmemorāt. Ve-
nisse cœlo iuuenē solis instar rutilantē, eūmq;
in hos ignes ac flāmas, quæ ipsas penetraue-
rint rupes (quemadmodā adhuc certissima in
saxis exustis signa cōspici possunt) eiaculatū
esse, persequētēmq; internecione deleuisse. Hac
initio pro fabulis habita sunt, quoad Ioānes
Hol-

Holmus Veteris portus praefectus his rebus
perceptis admirabundus eo in loco fodi iussit,
ubi costae tantae magnitudinis sunt erutae, ut
nisi simul offensae calvariae fide fecissent, nun-
quam credi potuisset, eas humani corporis fuis-
se: Dentes praeterea inuenti, qui tres latitudi-
ne, quatuor longitudine digitos exequarent, at-
que exinde indigenarum narratio fide inuenit

Dentes gi-
gantium in-
uenti admi-
rabiles.

Id certissime nostris persuasum est, quia prae-
ter summam immanitatem etiam flagitiosissimo
posticae libidinis vicio laborabant (vbi et ho-
die tota gens, quemadmodum fertur, laborat) scele-
rum impatiens Deum immisso veluti in Sodomam
igne sulphureque per Angelum nequissimam hominum
nocentissimorum strumam ex orbe terrarum ex-
cidisse. Verum in his liquido cognoscendis quae ip-
si de maiorum rebus gestis commemorant magna
est difficultas, quum omnis scientiae prorsus exper-
tes, literarumque omnium ac picturarum exortes sint,
quae apud Mexicanos literarum loco habetur.

Laneis enim funibus utuntur (Quippos appel-
lant) quibus implicitis diuersarum figurarum nodis
numerum supputet ab monade ad denarium, atque
inde aliter numerando gradatim ascendentes: no-
dis colores imprimunt rebus illis similes quas

Annales
Peruino-
rum ex funi-
bus.

C 4 indicare

LEVI. APOL. GAND. DE

indicare volūt. Singulos prouincia quælibet
cōstitutos notarios habet, qui per hos colores
rerum, vël ante multos annos gestarum me-
moriæ ceu literarum monumentis haustam
plebi insinuant, & si quid tum in prouincia
posteritate dignum geratur, fideli per eorum
nodorum colores custodiæ demandant. Vni-
uersa autem hæc terra quæ montibus litto-
rique interiacens grauibz magnæ infertilita-
tis incommodis afflictatur, multis tamen lo-
cis in vallibus fluminum prætercurrentium
irrigatione egregiè fœcundatis insignes ali-
quot vrbes habet. Harū facile quicquid præ-
cipuæ sunt, quas allecti situs cōmoditate Hi-
spani ædificijs quantum possent Europæo mo-
re exornatas, & mercatui habitaculoque de-
lectas occuparunt. Prima est & Æquatori
proxima Portus vetus, tuto quidem sed in-
salubri sinu nauigia recipiens, quibus ad su-
periores vrbes properantibus, vel his Pana-
maidem redeuntibus in itinere ad nautarum
refectionem hospitium præbens, lignandi com-
meatusque adferēdi copiā subministrat. Pau-
ci propter grauissimæ aëris intemperiem Hi-
spanorū isthic sibi certas sedes fixēre, qui sma-
ragdos

Peruina
maritime
vrbes quin-
que ab Hi-
spanis occu-
pate.

Portus Ve-
tus.

ragdos vicino in agro lateribus rupiū, quibus accrescunt decerptos perpolitosq, magno cum lucro varias in vrbes submitunt. Supra hanc ab quinquaginta passuum millibus Michaelia occurrit, quam Piuram Barbari Michaelia. vocant, in fertili quidem agro, sed prorsus argenti auriq, fodinarum experte, & peculiari ophthalmiæ morbo infami, qui transeuntium oculos magno dolore impedit atque excruciat. Patet ad hanc ab Motupia à sinistris supra viginti passuum millia iacente, porrigiturque ad Tumibambæ ac Cassamalca illustrium vrbium montes ingens camporum solitudo Solitudo Motupiana omni hominum cultu alimoniaq, destituta, & altissimo sabulo æstu perpetuo ardente suffocata. Tertia Hispanorum vrbs Trugillum Trugillum. ab Michaelia abest passuum millibus sexaginta solo frumenti Peruvini (quod Maitium incolæ vocant) feracissimo prætereuntes inuitans, nec dubium esset, quin celebri etiam nauigiorum perfugio frequentaretur, nisi impediti portus discriminē deterreret. Sed his omnibus longissimè præferendū, et totius maritimi tractus excultissima metropolis supra passuū millia octoginta in amcenissima

C 5

LEVI. APOL. GAND. DE

Regium à
festo trium
regum de-
nominatū.

Regini agri
ferilitas.

simā valle ad ripam amnis Regium sequitur
à trium regum festo denominatum, quod illo
die primum intrassent Hispani tutissimo por-
tu ad duo passuum millia ab littore semotū.
Tanta hic aëris temperantia est, ut toto ver-
tente anno nulla insignis aut æstus aut frigo-
ris ijs in locis iniuria sentiatur. Nostra æsta-
te isthic aliquantò frigus intendi sentitur,
sed inualescentem eius vim per id tempus e-
neruans tepesfacto leniter humo placabilē ro-
rē nebula cāpis ad meridiem vsq; ea salubri-
tate inspergit, ut quemadmodū cōpertum est,
qui illo humore capita imbuunt cerebri gra-
uedine haud leuiter liberentur. Regino in a-
gro mirifica est rerum omnium fertilitas fru-
mentiq; præsertim, fabarūque ac pisorum, &
omnis, uti apud nos leguminis, postremò so-
lum ferre didicit ficus, mala citrea, arantia,
limonia, apyrina, aliasque id gen^o fruges Hi-
spanicas. Nec terra pomis ferendis assuefa-
cta vuarum ad vina exprimenda aptarū co-
piam denegaret (quum ex solis passerum aci-
nis vineas integras pullulasse sit compertum)
si aliqua ratione aëris natura isthic patere-
tur. Magnam enim omnium frugum seren-
darum

darum tum soli sc̄licitas, tum proflui amnis
cōmoditas non in pratis modo, sed in ipsis do-
morum hortis facultatem suppeditāt. Nam
ex illo fossis ac riuulis in hos diductis nō dif-
ficile relinquitur agrestium occupationum
suauitate sese oblectantibus arbutis incilia-
tis, vitibusque ablaqueatis necessaria iustæ
irrigationis nutrimenta subdere. Ad harū
fossarum margines Hispani etiam trusati-
les molas erigunt, quæ flumineo agmine agi-
tatae nullo negotio frumēta terūt. Vrbs quin-
gentis ædificijs excolitur ambitu tamen plus
spacij circumplectēs quam pleræque quæ am-
plius duo ædium millia comprehendunt. Fo-
rum enim latissima planicie in immensum pa-
tet, & vici magnum spacium obtinent, ædifi-
ciorum area, præter cultissimas spaciosissi-
morū hortorū delicias octoginta amplius pas-
sibus extenduntur. Hæc quū ob lignorū ino-
piā, quæ vel triennio teredinum coessorumque
vim ferre possint, contabulari nō queant, ful-
crorum quorundā terræ infixorum munimē-
to cū ambitu lato, & magna luxuriantium
cubiliū pōpa regificè superstruuntur. Parie-
tes rudere compacto erecti latera sustinent,
qui

Aedificia
Regina.

LEVI. APOL. GAND. DE

qui altè ab humo imò fenestellas cancellatis
vitreisq; interstitijs spectabiles more nostro
ad prospiciendū in vicos ac plateas emittunt.
Gradus ab area per porticum, vestibulū mue
aut podiolum in ædes introducunt, quarum
suprema tecta carbaso aut storeis carinatim
interdum impositis integuntur, quæ delinea
tis multa pictorum arte historijs, ad occupan
dos spectantium oculos non inutilem oblecta
tionem præbent. Hac ratione aduersus assi
duos vrentis solis æstus ædes munitæ sunt,
quū firmiora adhibere aduersus pluuias mu
nimenta stultum esset, quando, vt dictū est
nulla maritimi tractus terra intra tropicū
capricorni pluuiarum, fulminū, tonitruum,
atque id genus procellarum tempestatem non
sentiat. Cur autem hæc terra omni imbrium
subsidio cassa sit, causam ferunt ex naturali
ratione ductam, quod corus toto anno flans
iracundo consurgentium montium (qui quo
dammodo reperiuntur atque retundunt in
trantē) supercilio in ipso ingressu reiectus, &
intra rupium littorisq; angustias coarctatus
tantam indignationem concipit, vt humorem
ac vaporem marinum in continentem incli
nantem

Peruvia
maritima
cur pluuijs
careat.

nantem exasperatus interturbet, iracundeq;
disijciens in aërem dispergi, atque isthic con-
cerni non patiatur, vnde tempestatis muta-
tio alioqui consequi posset. Hæc etiam caus-
sam adferunt nonnulli cur æstuans mare Pe-
ruuinum semper ad Septentrionem feratur, ^{Peruuiinũ}
^{mare cur}
^{retrogradũ}
quanquam cum alijs hæc nobis potior videatur,
quod cum occidentalis oceanus magna
vndarum mole incumbens per fretum tran-
situm parer, & tãta aquarum vis per eas an-
gustias commodè transmitti non possit, vsq;
adeò graui feruore atque impetu perrumpit,
vt vniuersum id mare ab Septentrione in
occursum sibi decurrẽs reiectis reuerberatis-
que vndis ad suas sedes repellat. Regio cen-
tum triginta leucarum itinere aditur. Are-
cupia ^{Arecupia}
^{vrbs.}
cupia quinta inter maritimas Hispanorũ Co-
lonia fœcũdo ac salubri in loco ab mari duo-
decim passuũ millibus sita, trecentis quo am-
plius ædificijs exornata est, nauigiaque cõmo-
do portu recipiens quæ vinum commeatum-
que Cusconicis, Collaonibus, atque Charcan-
tibus aduehunt, & ea remittens quæ allatũ
ab his aurum argentũue Regium aut Pa-
namaidem deportant, magna commeantium
frecuen-

LEVI. APOL. GAND. DE

Chiliaci po-
puli.

Struthij a-
ues.

Flumina
interdiu
currentia,
noctu non
currentia.

frequentia celebratur, & maioribus in dies
cuius opulētiaq; incrementis excrescit. Supra
hanc urbē quadringentis passuū millibus iux-
ta Pacificū mare Chiliaci populi habitant
ab incredibili regionis frigore nomē habētes,
pluuiasq; ac fulmina et totius anni mutati-
onē sentiunt. Nā ubi littus quadringentis
passuū millibus, qui grad⁹ triginta efficiūt,
ultra lineā æquinoctialē sese extenderit ean-
dē, ac nobis est, tēpestatū cōmutationūq; anni
rationē diuersis licet temporibus terra admit-
tit. Chiliaci partim ingētes anfractuosi maris
sinus, partim mōtana inhabitant, quos demū
magno ac diuturno bello perdomuit Petrus
Valdiuia, & urbē extruxit ubi nūc noua Hi-
spanorum colonia coalescit: terram multa tē-
perie diurna, frigoribus noctu scēuētibus, po-
pulorumq; frequentia ac raro morum cultu
moderationeq; laudabilē ferunt. Est hic alibi
magnus struthiorū numerus, qui per valles
locustarū instar saliēdo diffugientes per cele-
res equos longa insectatione capiūtur. Mul-
ta insuper flumina interdiu rapido agmine
decurrētia cōspiciuntur, quorū alueus noctu
vix tenui aquam adescit: nā die niuiū vrgē-
te so-

te solis feruore, distillantium imbres magna aquarum mole deiecta alunt, eadem noctu frigoris ac gelu immensissimae tempestates niuibuscōstrictis, et fomento substracto facile supprimunt. In ea plaga quae Antartico subest, nullo tamē certiore ac clariore astro polus notari potest nisi tenui et lurido fulgore palleſcente nubecula, quae sub nocturnū crepusculū pigro & leni rotatu circa Antarticum sese versat, quatuor stellas in specie crucis diductas ita sequētibuscōiunctas, ut planē Vrsae nostrae septentrionē exprimāt, nec vlla ratione differāt, nisi quod illae, quae crucis formā representāt, paulo arcti⁹ inter se sint cōiunctae, nec tāta lucis claritudine splendoreq; luceſcāt oēs, qui in nostris septētrionibus conspicitur. Vbi longa nauigatione ducētis leucis supra Panamaidē est peruentum penitus Arctos amittitur, statimq; quanquā altē sub Antarticum sit ventū, tū demū tamē nautis obseruatibus polare punctū quatuor hae stellae in crucis formā diductae designare tenui et vixdum spectabili fulgore oblāguidae incipiūt, et illi ac harū sensim lucidi⁹ sese aperiētium ductū nauigationē dirigunt, et cursus metiūtur, triginta demū

Signa poli
Antartici.

gra-

*Utra Chilia-
cos reges
potentissi-
mi duo.*

Amazones

gradibus prouectis reliquæ tres in conspectu
veniunt. Supra Chiliacos incredibilis poten-
tiæ reges duo, amplius vastasque regiones la-
tissimo imperio occupant, qui perpetuas dis-
cordias ac bella contentionesque ob principa-
tus dignitatem alunt, & cruentis sæpe præ-
lijs dimicant, ferunturque interdum ampli-
us ducenta armatorum millia in aciem pro-
ducere, & magno terrori finitimis esse, regio-
numque opulentia, & popularium tributis
infinitos auri argentique thesauros posside-
re. Horum alteri Lychengorme nomen est,
quem insulam duobus passuum millibus à con-
tinente sitam habere ferunt, esseque in eadem
templum magnitudine ac diuitijs incompa-
rabile, in quo duo sacerdotum millia incredi-
bili pompa dijs sacrificia peragunt. Proximè
huius fines narrant Hispanis indigenæ ma-
gnum vastæ regionis spacium intra duos ma-
ximos amnes Amazones obtinere, quæ nisi
certis temporibus ad coitum generandi caus-
sa viros admittunt, prægnantesque à partu
fœmellam tenet, marem parenti remittunt.
Harum regina Quabimilla dicitur, quod ip-
sarum lingua aureum cælum significat ab au-
ri co-

ri copia haud dubiè dicta, qua nulla totius
 prouinciæ regio illarum terra est affluëtior,
 penduntque ingentia tributa Lychengormæ
 cui subiectæ sunt. Porro id quoque cognoscen-
 dum, vniuersi tractus maritimi accolis tan-
 tam esse natandi peritiam ingenitam, vt nul-
 lo negotio aduersos fluctus natantes susti-
 neant, & in venti vim vel turbidissimè spi-
 rantis stabiles contendunt, tantam etiam ce-
 leritatem vt nauium plenissimis velis proue-
 ctarum cursum natando adæquent. Iuxta o-
 ras magna multitudine vultures conspiciun-
 tur versari dira marinis lupis pernicies,
 quos multi simul ex insidijs circumstant, ro-
 strisque diu impetitos perimunt, ac perēptos
 ex æquo deuorant. Verum his ipsis longè se-
 uiores ex halcyonum genere volucres, quas
 Alcatraces vocant, maiore numero passim
 lit: ora oberrant, & carabis piscibusque insi-
 diantur, cadauerina carne mirum in modum
 delectantur, quamobrem & ipsæ ex frequen-
 te cadauerum esu, intolerabili foetidæ carnis
 rancedine vsque adeo sunt læthales, vt ad
 earū esum necessitate redacti, non secus quam
 aconito toxicoue victi intereant. Maritimæ
 D regioni

Peruuiinis
 maritimis
 innata na-
 tandi pe-
 ritia.

Vultures.

Halcyones.

Peruvia
montana
atque eius
felicitas.

LEVI. APOL. GAND. DE

regioni hominum cultu, urbium frequentia,
& soli aërisque beatitudine montana longè
præstat, ac peculiari idcirco regum sede pro-
cerumque habitaculo excoli consuevit. Ter-
ra enim omnis egregia clementis cæli tempe-
rie adiuta multo innumerabilium riuorum
amniculorumque, quos montes profundunt,
excursu mirificè fœcundatur, ita ut grami-
nosis ubique viretis lætissimè transeuntibus
arrideat, & fertilibus passim pratis graui-
da omne leguminum genus liberaliter præ-
beat: Nam præter chamæcerasia, & alia e-
ius sortis mora dumetis assueta, lactucasque,
brassicas, caros, daucos acraphanos magna
proceritate luxuriantes, sed tenuiū etiā men-
sis vulgares, etiam amaracum, nasturtium,
petroselinum, saluiā, oxylopathum, mentam,
& inuisam Veneri portulacam condiendis
epulis lautissimas herbas profert, & cætera
porrò omnia, quæ postea Hispanis serenti-
bus accepit, vberissima referendi benignitate
reddit. Præter has alteram herbam edit, fla-
uos flores tenuiusculis petiolis egerentē fron-
dium habitu apio non absimilem, quam cele-
bratissimo ab Græcis scriptoribus potamio
stra-

Herba vul-
neribus sa-
nandis
maximè
accommo-
da.

stratiote potentiorum vulneri etiam rancescenti, & Chirurgorum desperatione deplorato vnicum solam remedium afferre, eandem autem carnem sanam ac valentem (si huic adhibita sit) ad ima ossa peredere ferunt. Hac etiam praestantior nascitur altera (Cocam vocant indigenae) frondibus eius arbusculae similis quae Graecis *Rhus* dicta est, Latini fruticem coriarium vocarunt, quae, sicuti reipsa compertum est, omnem cibi ac potus appetitum auertit in ore gestanti. Verum ante alia frumentum tanta fecunditate luxuriat, ut, sicuti proditur, ipse dicere verear vno ex satiuo frumenti sextario amplius quinquaginta aut centum, ducentos interdum progigni, quod eo certe vehementius demirari licet, quod leuissimam tenuissimamque agriculturae curam ac rationem exerceat. Agros enim leuiter expurgatos, & lolijs euulsis sarritos, quum aratrum vomeremque penitus ignorent, non tanto inductis sulcis subruendi, glebas occandi, deinde post iacta semina cylindro aequandi labore fatigant incolae, quantum nostri ad fruges ferendas requirunt, sed lignea pala modice vulneratam humum leuiter in-

Herba Coca sitim ac famem tollens.

D 2 uertunt,

LEVI. APOL. GAND. DE

Peruino-
rum agri-
cultura mi-
rabilis.

Ferae &
aues Peru-
uinorum.

Equi nouo
orbi inco-
gniti & ob
id magnus
incolarum.

uertunt, scrobibusque effossis grana pascino
ligneo, sicuti apud nos fabæ solent, depangunt,
quæ regeſto demum ſuperfuſo cõdita in ſum-
mam luxuriem prorumpunt. Herbarum fru-
menti que copiae arborumq; ſaecunditas reſpon-
det, quarum non illæ modo, quas nouit Eu-
ropa, egregiè creſcunt, ſed earum etiam pluri-
mas inuenire licet, quæ nobis nomine natu-
raque ſunt prorſus incognitæ. Nam, vti in
montanis fieri ſolet, nigricantes plurimis in
locis ſyluæ occurrunt, quæ non omne arborum
genus modo, & earum caudicibus vberriſſimam
lignandi copiam, ſed in cauis abditis que ſpe-
cium luſtris magnam ferarum multitudinem
ſubminiſtrant. Pumilium etiam animantium
campi ac imæ valles ad aucupium voluptatem
uſque adeo ſunt plenæ, vt lepores, cuniculi,
turtures, columbæ, ſincedulæ, Niſi frigillæq;
nullo anni tempore menſis deſint. Sed ne pſi-
taci quidẽ, vulpes, Urſi, ac Leones rara mon-
tanis ſunt animantia, equi non iſthic modo,
ſed per vniuerſum orbem nouum penitus in-
cogniti, quamobrem paſſim incolæ ad primum
equitum conſpectum veluti dæmone quodam
viſo aut Centauri monſtro refugere metu
exanimæ

exanimes solebant. Verum horum egentiam Peruui-
orum oves
camelis si-
miles.
 quanquam imparibus, & ineptis ad bellum
 viribus ouium copia supplet, quæ equis ma-
 gnitudine pares, & cætera forma præter to-
 rosi pectoris strumam camelis per similes quin-
 quaginta onerum pondo sustinent, & virum
 interga sublatum ad aliquot passuum millia
 vehunt, fessæ, si tamen vrgeantur, sedente
 ore conuerso ringentes fædo odore conspur-
 cant, si onustæ sint, tum humo sese acclinant,
 nec inde vlla verberum vehementia ipsis asi-
 nis contumaciores, nisi penitus clitellis exone-
 rentur, propelli possunt, vtile profecto ani-
 mantium genus non ad supplendam modo ab-
 sentium equorum in sarcinis virisq; vehendis
 commoditatem, sed ad alimoniam etiam & o-
 pimi lucri vsum. Lanæ enim tenuitate, lon-
 gitudineq; & copia facile nostras superant, et
 ipsius carnis suauis gratitudine veruecium
 atque iuuentorum nostratium delectabile sa-
 porem adæquant, frumeto vescuntur, sed pau-
 cissimi cibi sunt, vsque adeo exigui vero po-
 tus, vt illo triduum quatrduumue abstine-
 ant. Barbari si quando vulgari epulo solen-
 ne festum celebrare decreuerint, ad ferinæ car-

LEVI. APOL. GAND. DE

*Peruui-
rum vena-
tio mirabi-
lis.
simi-
bona-
fit-
virgi-
na.*

nis apparatus mirificam venationem insti-
tuunt. Quinque quatuorue hominum millia
larum aliquot iugerorum ambitum comple-
tuntur, gradatimq; ad cantici strepitū pro-
pinquantes in continentem pedetentim coro-
nam subeunt, ita deinde horribili clamore ex-
citas lustris feras, & puido discursu effuge-
re conantes, sed arcta corona circumclusas ma-
gna multitudine cādūt rapiūntq;. Pleraque
autem montium pars innumerabiles auri ar-
gentiq; gazas nobilissimis fodinis emittit, nec
vlla ferē vrbs aliquo nomine spectata offer-
tur, quā nō insigni aliuus minæ auro na-
tura ditarit, vt merito harum comparatio-
ne diuitiæ sordescere debeant, quas aut Ta-
go aut Lydorum Pactolo veterum fabulæ
ascripserunt. Nam præter inēxhaustas mon-
tium Arrugas quis eloqui possit quantā au-
ri argentiq; vim canalicia, aut egesti flumini-
bus thesauri ferant? quæ rutilantibus are-
nis, & pellucidis vndis limpidi aureo quodā
profluxu ruere videntur. Nec in tanta fodi-
narum copia minij, sicut accidere Plinius te-
statur, aut sandaracæ & id genus versicolo-
ris terræ ad vestimenta inficienda venæ de-
sunt.

sunt. Supra has dotes omnis hæc plaga, quæ
per montes latissimè extenditur, ad vberri-
mam satiuarum frugum alimoniam, & pri-
uatorum etiam puteorum commoditatē mu-
tante vices tempestate pluuiarum subsidia
habet, quæ in tanto solis æstu magno incola-
rum & agrorum hiantium gaudio excipiun-
tur, sed summa vallium depressarum inui-
dia, quibus, cohærentium montium densitate
id auxilium solatiumque intercipiente, assi-
dua euectarum frugum vredo, & graue calo-
ris prementis onus incumbit. Verum solers il-
la rerum natura erudita & accommoda di-
spensatione quælibet moderari solita, ne earū
vallium incolis penitus inuidere visa esset,
ea rem arte composuit, vt montani perpetuo
inhærentium cacuminibus niuium frigore di-
scruciati vallium incommodo non multū læ-
tari, & pluuiarum inopiam riuorum multi-
tudine vallicolæ sarcire possent. Hac regio-
nis fœlicitate incolæ industria, atq; ingenio-
rum solertia dignos se præstant, qui sicuti so-
li bonitate, ita naturæ politiæq; præstantia

Peruvia
montana
pluuias
sentit.

Peruui-
no-
rum mon-
tanorum
mores ac
politia.

LEVI. APOL. GAND. DE

Femine
montano-
rum.

Montano-
rum mate-
rie liquefa-
ciendæ ars.

alunt crines, quos circa verticem tenui fas-
cia substringunt: scæminis vestimentū est ob-
longum, non manicatum, quod laneo cingulo
ter quaterq; circumducto infra vmbilicū suc-
cingitur, huic penula superijcitur aurea ar-
genteæue ascicula circa collum constricta,
quam Topum vocant. Hæ candida facie gra-
tiosæ, quanquam absurdè serè in acutam cu-
spidem caputū vertices acuminentur, nō for-
mæ modo, sed modestiæ verecundiæque mulie-
bris & reliquorum morum non leui gratia
pollent, & huic singularem in maritos amo-
rem fiduciāque mirabiliter adiungunt, quos
præter sui sexus vires in quotidianis operi-
bus assiduo & fideli labore subleuant, atque
intra ædiū parietes non grauatae quanquam
nullo compulso inseruientes sedulam rei do-
mesticiæ curam gerunt. Ex hoc gnauæ gentis
variorum laborum vsu & exercitio indige-
næ non omnino thesaurorum suorum precia
& magnificentias ignorant, & auri argenti
ue liquefaciundi purgandique arte etiam no-
stros, situ adiuuante locorum, longè exupe-
rāt. Fornacibus enim patulo ad meridiem o-
re apertis, vbi semper esse diximus, materiem

con-

condunt, & cuium stercora imponunt, quæ
vento sufflante calefactæ tantum æstum e-
mittunt, vt nullo grauiore omne metalli, au-
ri, atque argenti genus liqueſcat, quod subdi-
um fuerit, adeoque compertum eſt Potosina-
um fodinarum materiem reiecto Hispano-
um labore nulla re alia, quàm eo fornacium
genere liqueſieri potuiſſe. Ab illa verò vtri-
usque ſexus ſedulitate fideq; magnum amo-
rem coaleſcere, & maiorem inde induſtriam,
peritiorumq; ingeniorum artificia proficiſci,
ciuitates etiam rectioribus rerumpub. conſti-
tutionibus inſtrui, & gnauiore regum princi-
pumque prudētia imperium adminiſtrari nō
mirum eſt. Incolæ egregia paſſim ædificia in-
habitāt, & quia pluuijs inſeſtantur, tecto-
rum terreorum munimento aduerſus tempe-
ſtates probè inſtructa, nec iuſta ſpatioſorum
cubiliū magnificētia, atque ornatu caſſa.
Elixo piſtoque frumento & ſerina veſcun-
tur, quam ad diuturnum ſuccidiarum uſum

Cibus ac po-
tus Peruanū
norum.

veluti apud nos cardum, petafones & farci-
mina ſolent, fumo condurant, præterea ſic-
catis piſcibus, & diuerſis radicū olerumque
generibus, & ijs denique omnibus quæ poſtea

Hispani intulêre. Potum ex frumenti & aqua polenta conflatum vini loco usurpant, quem *Acisam* vocant, nihilo fere Hispanico vino cerebris clementiorem, quam Barbari more nostro ad ingluuiem proni, non gravatè gentilem potum omitunt, quoties vini copia fiat. Præter hunc minoris vis ac precij tenuiores ex arborearum quarundam frugum succo alterum expriment. Communium legum septis coërcentur omnes, & in summa Rerumpub. moderatione egregius iurisdictionis est ordo, iustoque suppliciorum inflictu in fontes animaduertitur, præterq; cætera criminum nomina adulteria & impuræ alieni tori violationes, quas magno Christianæ religionis pudore nostri parui interdū morantur, maximè abominabiles habètur, & gravissima supplicij acerbitate vindicantur. Id vero supplicij genus vix oratio, vix aliorum fides capere possit, quod regias coniuges attentare ausis infligitur. Nā si vel solius ad patrādum facinus propositi sit conuictus, nec tamen vera perfecti sceleris labes accesserit, is vnà cum muliere, si culpæ consors fuerit, viuus in foro ex-

Adulteria
maximè
punita.

ro exuritur, parentesque, vxor, liberi, &
 quicquid hunc cognatione aut proxima fami-
 liaritate contingit, minore quidem, sed mor-
 tis tamen supplicio, dein ipsum etiam natale
 solum miserabili vastatione vnius scelus ex-
 biare coguntur. In hoc publico priuatoque
 exercitio non deest bellicus vigor, quo ad glo-
 riam parandam, imperijque amplificandos
 fines propinquos dominos pati non possunt,
 & vicinas gentes subijcere, sui que nominis
 ac regni dignitatem propagare, maximè
 student. Arma illis sunt, ensis, hastile, Arma Pe-
ruvianorum
 præpilatum, clauus ferreus, securis, argen-
 tea aut aurea acie, fundi, & alia telo-
 rum genera: excurrere, seruare ordines,
 ferre opem expeditè norunt, nec virtute pe-
 titam mortem extimescunt, modo vel suis
 egregiam memoriam relinquere, vel acci-
 piundi ab ducibus muneris locum facere pos-
 sint. Hac montana regio tanto soli ho-
 minumque cultu ornata, præter infinitas
 alias, quas magna frequentia Barbari pas-
 sim inhabitant, quatuor vrbes potissimū ha-
 bet, quæ multò quidem antea maioris an-
 te alias, culturæ nomine præcellentes, longè

LEVI. APOL. GAND. DE

tamen maiorem frequentia ac negociationis
 lucem Hispanorū colonia sunt adeptæ. Ha-
 rum prima Equatori est proxima Quito, vi-
 rente in solo & omni frugum beatitudine flo-
 rido, inuentisque postea fodinis ad maximæ
 negociationis florem peruenturam certum e-
 rat, ni in ipso pullulascentis viroris limite,
 Consalvus Pizarrus fugatis incolis, & om-
 nium fortunis crudelissimè spoliatis in ipsam
 urbem sæuus atque impius indignissimè affli-
 xisset. Supra Quitonem ducentis passuū mil-
 libus Braccamori & Cichapoiades proximè
 Leuantinam urbem sedes habent, in quam
 Alphonsus Aluaradus Hispanorum colo-
 niam duxit. Ea fertili & diuite fodinarum
 solo non splendide modo incolas alit ac ditat,
 sed profunda valle, & largo fluminum cir-
 cumcursu aduersus hostiles insultus fortiter
 munita, si modo intercisi pontes aditus præ-
 cluserint, agrum ac sese tuetur. Sexaginta
 milliarius interuallo distans excipit adeun-
 tes, Vanuco, cui Vacianus Caster imposita pa-
 triæ suæ appellatione Leonica nomen muta-
 uit. Ager eius vulgari opinione fodinarum
 gazis locuples habitus incertas adhuc spes ho-
 minum

Urbs Quito

Urbs Le-
uantium.

Urbs Va-
nuco.

minum tenet, quum Barbarus Princeps ad-
 huc fœdus respuat, finesque constanter aduer-
 sus vicinos hostes superbus & nostri inuidio-
 sus defendat. Pari locorum spatium ab Vanu-
 cone distat Vamantiacum Hispanis D. Io- *Vrbs Vamā*
 annis Victoria appellatum fructuoso & diu- *tiacum.*
 te quidem solo, sed ob frequentes vicini ho-
 stis circa eum locum perpetuo exercitu ver-
 santis, & semper ex occasione nocentis incur-
 sus hominū cultura tenui securiores ad quie-
 tem ac tutiorem negociationem sedes obtine-
 re quærentium, quam obnoxiijs periculū quo-
 tidianis locis hære, & agros serere, quos v-
 nius incursus momento vicinus hostis cru-
 deli igne peruertat. Post hanc urbem mon-
 tes sensim crescentes absurda vastissimorum
 cacuminum altitudine ultra nubes insur-
 gunt, perpetuisque niuium voraginibus con-
 recti nobilissimos totius Peruuie Montane *Que hic de*
 amnes emittunt Sausam, Argyreum, Auan *Argyrei an-*
 cæum, & Apurimiam: Hi vehemētissimo im *nis ortu di-*
 petu ex alto procidentes per latissimas am- *xi, ea ex*
 nissimasque valles diuersos populos adeunt, *Hispano au-*
 sed inter omnes longè Princeps Argyreus ab *thore hau-*
 Argenti copia quam limpidissimus glareis *si, sed lecto-*
 egerit, *rem moni-*
tum velim
parū adhuc

LEVI. APOL. GAND. DE

originē huius fluminis Hispania no aut mihi esse comperiā, quū ille sibi non constet. sed nunc ē Cusconicus montibus, nunc ē Bombone lacu, nunc longē diuersa ē Quitoniciis montibus egeri dicat, ex quibus postrema opinio mihi videtur probatior, cum charta Cosmographica inde etiam oriū eius deducere videntur, tamen nihil in hac incertitudine affirmare volo.
 Urbs Cusco. egerit, Hispanica voce Plata dictus, longissimo excursu diuagatur, & in omnes aequaeque suarum profusus ac liberalis, quacunque tendit, agros & incolas inexhausta argenti auriq̃ue opulentia afficit, demum magno influentiū amnium agmine propulsus in occidentalem Oceanum defertur. Secundum hunc Sausa nobilem Sausani populi gentem faciens (quæ Regium Cusccone eūtibz trans-eunda est) magno lacu Bombone extruditur, cuius ripa ingente hominum frequentia accolitur, & in ipso lacu iacent insulæ arundinetis incultæ, & animantium pastui tantum vtilis. Barbari quoties hi aut alij amnes pedibus impenetrabiles trāseundi occurrant, si ligna desunt, pontes distentis in vtramq̃ ripam tomicis construunt, quos herba quadam Maqui ipsorū lingua vocitata, sed sparto aut canabo rigidiorē intorquēt atq̃ indurāt. Vamātiacū octogita milliū intervallo dextrorsum extrusa sequitur montanarū vrbū regina Cusco hominum cultu Regio par, fodinarū opulētia lōgē superior. Hæc ante Hispanorū aduentū Prouinciæ reges læta Aulicæ pompæ sede fouebat, magno procerū & gregariorum

riorum commercio iura hinc petentium cele-
brata, & inter Peruvianas sola quæ faciem
urbis præfert. Munitissimā enim quadrato-
rum maximæ magnitudinis saxorum molem
habet, quorum permagnam copiam vicini
montes immensissimis lapicidinis petentibus
excidentibusq; suggerunt, & indigenæ saxis
erutis, & infinito labore, quum ijs oneribus
trahendis vehendisq; equi ac boues deessent,
vnum ad locum comportatis firmissimo egre-
gia structuræ operi adhibuerunt. Aedes, quas
incolæ quondam possedēre, easdem politiore
paulò ornatu instauratas Hispani tenent:
vniuersa ciuitas quum magno hominum con-
fluxu in dies augetur, regū instituto qua-
tuor in partes veluti tribus dissipata est, &
in harū vnā seuerò edicto impulsī quicunq; ci-
uitate donari, aut urbē incolere vellēt, recipe-
re sese debebant. Ager non frugū aurearum-
que fodinarum, quarum ingens numerus cir-
cà scatet, fœlicitate modo gratus est, sed
mitissimi aëris auræq; placidissimæ tāta gra-
tia commēdatur, vt vegetè saneque ingresso
pristinā valetudinē nō facile immutet. Agro

Arx Cusco-
nica.

Agri Cus-
conici fer-
tilitas &
cœli salubri-
tas.

orien-

LEVI. APOL. GAND. DE

Lacus Ti-
ticaca.

oriēte lacus Titicaca, quem rapidissimus am-
nis in occidentem decurrens aquarum in ma-
gnum se spacium effluentium exuberantia
efficit, ac deinde veluti intolerabili onere pau-
lò solutus in alvei sui angustias redit, sed
isthuc receptus, iterumque velut ante illaben-
tium amnium mole increscens in alterū rur-
sus, sed minoris magnitudinis lacum prorumpit,
laxatisque tantæ molis incubitu hume-
ris liberius excurrrens obscuro exitu euanes-
cit in occultos, vt credi par est, naturæ specus
subsidens, & subterraneo alvei absorpti cuni-
culo in pelagus transmissus quemadmodum
Alpheum ex Peloponneso in Siciliam perla-
psum olim ferunt: Ultra Titicacam ad orien-
tem plana & aqua in regione Collaones, atq;
his proximi Charcantes adeuntur, gens fo-
dinis & Argyreo amne mirificè diues, culta,
& politica disciplina insigniter instituta, hu-
iusque & nostrorum maximè, vsu erudiente,
moribus cultis imbuta. In horum finibus fri-
gido multum loco est Argyropolis quinta in-
ter montanas Hispanorum colonia, non ma-
gna quidem ciuium habitantium copia, sed
eorundem incredibili opulentia insignis, qui
infini-

Collaones
& Char-
cantes po-
puli.

Vrbs Argy-
ropolis.

*infinitam seruorum fodientium turbam ad
 eruendas fodinas alentes, immensos auri ar-
 gentique redditus praefecturae ac curationis no-
 mine habent, & longè procul dubio maiores
 contraxere, postquã nouissimè ad Potosium* *Vrbs Poto-
 sium.*
*fodinas scrutantium auaritia nihil intentu-
 tum relinquens, inuenit copia atque multitu-
 dine argenti vsque adeo breui inclarescentes,
 vt multis destitutis ad has magno fossorum
 numero sit concursus. Huic vrbi introrsum
 à sinistris ad orientem proxima regio quam
 Didaco Roæ explorandum Vacianus cõmi-
 serat, Peruuinae prouinciæ terminos finit,* *Peruuia
 longitudo.*
*qui ab Pasto vrbe infra Quitonem sita ad
 Chiliacos vsque directo transuersum paral-
 lelo supra mille octingentas leucas longitudi-
 ne complent. Vtriusque autem regionis Peru-
 uini vti literarum ac scriptorum monumen-
 tis carentes, quemadmodum ante dictum est,
 nullam rerum cognitionẽ nisi fallibili ex præ-
 dictorum funium nodis versicoloribus ratio-
 ne exceptam habent, ita nihil etiam certi de
 mundi initijs, de sua procreatione nisi vetu-
 sta traditione opinionem receptam tradere* *Peruino-
 rum de sua
 creatione
 opinio.*
queunt. A Septentrione aiũc venisse quem-

E piam

LEVI. APOL. GAND. DE

piam ossium, neruorum, artuumq̃, & totius corporis expertem, eumq̃ seculi eius homines procreasse, atque omnia obeuntem viarum rationem, & montium altitudinem constituisse: demum vero ab maritimis iniuria affectum eam regionem aliàs fertilitate lætissimam in tristem, sabulo enectam, atque infructuosam commutasse, & omni aëris pluviarumq̃ commoditate interdixisse, concessis modo fluminibus, quæ potus necessitati sufficerent. Hunc Conum nominatum, habitumque primum pro numine, & solis lunæq̃ filiū suis se narrant, quoad demum hoc longè præstantior potentiorq̃ à meridie alter aduenerit nomine Pagacamas solis etiam lunæq̃ filius, cuius aduentu euauisse Conum: ac tū factos ab Cono homines, authore Duceq̃ orbatos suo, Pagacamam in ea animantiū genera transformasse, quæ nunc Peruuium habeat, & nouum hominū genus creasse, idq̃ præsentis seculi esse mortales, quos colendi agri, ac politicarum artiū sciētia imbuerit. Hunc pro summo numine habent, & supremos diuinæ lætitiæ honores exhibent, eamque regionem, in qua versari solebat, Regio quatuor passuum
milli-

Pagacamas Peruu-
ianorum
Deus.

millibus distantem eius nomini dedicarunt. In hac optimatum quorumque defunctorum corpora, ut ipsius numini consecrentur, animaque delictis expiata in optatis gaudijs conquiescant, humantur. Hæc enim honorifico exequiarum splendore humo mandant, & de futura reuictione non multum ab nostra persuasione abhorrent, qua permoti ex pia quadam simplicitate, dum virum Principem atque Heroem terræ cōdunt, vnam atque alteram uxorem (& ipsi enim polygami sunt) quæ viuenti fuerat charissima, atque è seruis, qui fiducia spectatiore probatiores erant, aliquot, præterea magnum auri atque argenti pondus, quo honorificentiore comitatu postea in vitam redeat, simul cum defuncto condunt. Sepulchris etiam nostratum more humatorum insignia affigunt, & in exequijs mortuo per cannam potum Cicham infundunt. Egit autem hic Pagacamas apud Barbaros ad Hispanorum usque aduentum, qui, postquam rerum potiri cœperunt, nusquam postea comparuit, unde persuasum nostris fuit cacodæmonē extitisse, vanis ludibrijs rudem simplicemque gentem decipientem. Est illis non insulsa de

De resur-
rectione o-
pinio.

Ritus hu-
māle Prin-
cipes.

Spectatiore
probatiores
erant.

E 2 dilu-

LEVI. APOL. GAND. DE

De diluvio
opinio.

diluvio opinio, asserunt profugisse tum omnes in editissimorum montium specus atque antra, & ad præcludendos aquarum introitus, ora ostiolis firmissimè obturasse, opinantes deinde aquam refluxu ad sedes referri, canum emissorum indicio rē didicisse, qui quoad madentes, non luto fœdati redirent, cognitum fuisse nondum terras aquarum mole liberatas, sibi verò non egredi tutum. Præ-

De terræ
excidio o-
pinio.

terea hanc vniuersam terrarum compagem generali excidio perituram credunt, sed grauem siccitatem præcessuram, & soli lunæque tenebras offusum iri, quos ob id eclipsi obscurari cū vident, in magno metu versantur, in grauissimosque vlulatus profusi iam terreni interitus diem adesse opinantur. Supra Pagacamam Solem ac Lunam adorant, & per hos, perq̃ tellurem, quam pro cōmuni matre habent deierant ac fidem astringunt. Solis vice in tēplis lapides figuratos cultu atque adoratione afficiunt, quos Guacas appellāt. Id lamentationis vocem innuit, quod simulac huiusmodi delubra sint ingressi, confestim omnis gaudij immemores ad fletum ploratumque conuertantur. Ad Guacas nemi-

Guacæ la-
pides ado-
rantur.

ni acce-

ni accedere fas est, præter destinatos sacrificos
candidis vestimētis indutos, qui cūm adora-
turi accedunt, in solum prouoluti, manibusq;
vestimentulum candidum tenentes cum Di-
uo diuersa lingua, sicuti in Pithicis Delphi-
cisq; oraculis petēdis olim fiebat, ne vulgus
intelligat, colloquuntur. His omne sacrorum
munus ac cura innititur, victimasq; seu a-
nimantium, seu muti operis, delatas cōsecran-
di ad hos negocium pertinet. In animantium Peruuiino-
rum aruspi-
cia.
immolationibus Veterū superstitione ab ex-
tis, & humano imprimis corde (nam & hi ho-
mines immolant) aruspicia atque auguria ca-
ptant, ac in his, nisi destinata animis signa of-
fendant, non antè quam offenderint, sacrifi-
cando supersedunt, rati & alijs persuadentes
eiusmodi hostijs Diuum non esse contentum.
Hi incredibili pietatis ostentatione in vul-
gus admirabiles prodeunt, quæ maximè san-
ctimonie opinionem apud plebē, sicuti apud
Iudæos in Phariseis accidit, concitat atque
alit. Nam sacrificaturi, fœminis abstinent, et
si fortè delictum quid sit, ieiunio expiant, ad
sacrificandum procedentes obuinciunt oculos, Sacrificorū
sanctimo-
nia ac ze-
lus.
tantoq; interdum precandi ardore zeloq;

LEVI. APOL. GAND. DE

conciuntur, ut sibi, quemadmodum conspe-
ctum fuit, oculos eradant, vnguibusq; effo-
diant. Nec tali sanctimonie opinione conci-
tata observatio horum, ac reuerentia inani
simplicis vulgi admiratione sustinetur, verum
ipsi Principes, sicuti olim Persarum Indorumq;
reges Magorum ac Bracamanorum, horum
authoritatem anxie suspiciunt ac veneran-
tur, quibus inconsultis nihil moliri audet, id
certissime inauspicatum fore ducentes: illi ve-
ro tantae authoritatis amplitudinem incor-
rupta consulendi fide tuentur, quum non, quae
Ducibus gratiora fore arbitrantur, ad tuen-
dam gratiam mox inconsulte suadeant, sed
ea ingenuè tantum consulant, quae certissimo
Diuini oraculo excepta ex imis adytis repor-
tarint. In his delubris inuenere Hispani am-
phoras puerorum, qui immolati fuerant, os-
sibus plenas, interque argenti cumulos, fru-
sta, ac massulas, sceptrum, ac mytras nostrorum
Episcoporum insignibus plane similes, inte-
gra multis in locis simulachra conspexere An-
tistitum Christianorum more mytrata. Bar-
bari frequenter rogati quare ratione eorum or-
namentorum sit introducta cognitio, nihil
respon-

Mytra re-
perta.

respondere vnquam certius potuerunt, præterquam longis maiorum monumentis ad se peruenisse: quare ipsi, cū aliquando Themam Verlangium Terra firmæ Præsulem sacra-
ta ornatum mytra missificantem viderent, mirabundi asserebant suo Guacæ persimilem esse, adeoque, num Christianorum Guaca is esset, interrogabant. Præter Guacas plura diuersæ sortis tēpla cænobiaque soli dicata habebant, in quibus magni fœminarum cœtus agebant, quibus perpetuus pāni gossypini texendi labor erat, quem artificioso opere confectum vnā cum candidis ouinum ossibus exurebant, cineresque versus Solem in auras dispergebant. Hæ tutis monasteriorum septis inclusæ, & prisco Vestarum, & nostrarum etiam sacrarum virginum ritu, ab omni libidine et virorum consortio alienæ, sese perpetuæ pudicitie virginæque verecundie deuinxerant, ac deuotæ castitatis legem temerare ausis, inexoranda mors in promptu erat, sic tamen, vt si Solis compressu factum adiurarent, infans certissima nece liberaretur. Fuere Peruvinis multò antea stirpe ac virtute insignes, quos Curacas vocarunt sine summo aliquo

Virgines
vestales So-
li dicatæ.

Peruui-
orum Prin-
cipes.

E 4 rege

LEVI. APOL. GAND. DE

rege aut Principe, qui æquato inter se iure
imperioque, prouincias administrabāt, & bel
la aduersus hostes gerebant, sicuti quondam
Rom. Rempub. gubernatam constat, tantis-
per dum ab Titicaca lacu Ingæ numerosa
multitudine profusi, Cusconem occuparunt.
Apud hos penes vnum summa rei vniuersæ
erat, quem Ingam Zapalim nominarūt, hoc
est, solum ac supremum regem, qui fixa impe-
rij sede Cusconica in vrbe, breui circumiectam
prouinciam, domitis incolis, & libertate ex-
cussa, potestati tributisque subiecit. Filius pa-
terno imperio ita succedebat, si primum de-
functi frater imperasset, quo defuncto tū de-
mum ad filium rerum potestas redibat, cuius
demortui frater rursus imperium excipiebat,
ac deinde filius. Regum diadema erat fascia
lanea rubri coloris, tempora obcingēs, & de-
pendentem pylulam fluentibus pēsilibusque
filis habens, quæ Prætoribus atque Præfe-
ctis suis, per quos omnem imperij administra-
tionem diuisis Prouincijs tuebantur, veluti
sigillum atque insigne donatæ Præfecturæ
atque authoritatis tradebant, in quo tanta
re lucebat maiestas, vt vel ad vnius vniuer-
sæ gen-

Succesſio
regni.

Regum Pe-
ruuianorum
diadema.

sæ gentis supplicium atque excidium missis,
 (licet nullas ad manum copias haberent) si-
 mulac regij diadematis filum ostendissent,
 simul omnes haud inuitè, vel ad subeundam
 mortem parerent. Inter hos longa posterita-
 te succedens Gynacaua (quod diuitijs floren- Gynacaua
 tem iuuenem significat) belli gloria vniuer rex.
 sam Peruiam nominis sui fama comple-
 uit. Is enim ante omnes longissimè imperij
 finibus propagatis, Quitonicum regnum in
 Prouinciam redegit, & rudem ignaramque
 gentem, ad vitæ politiam abrogata Barba-
 rie redactam ita instituit, vt non suæ modo
 stirpis regibus præferri, sed nostræ etiam flo-
 rentissimæ Europæ Principibus compara-
 ri æquarique mereatur. Quare pari amo-
 re ac gratitudine erga regem permoti indi-
 genæ, vt aliquo officio insigni prosequeren-
 tur, quum ille iam è Quitonico domum re-
 petere cogitaret, rem propè infandam atque
 incredibilem aggressi, quia asperrima via in-
 tercurreret, & redeuntem regem multis cal-
 lium difficultatibus iactandum scirent, à
 Quitone in Cusconicum nunc abrupta immo Via strata.
 bilium rupium mole, nunc leuigata eadem
 E 5 æqua-

LEVI. APOL. GAND. DE

æquataque, nunc derasis montium altissi-
 morum cacuminibus, nunc profundissimis
 vallibus obrutis, iucredibili miraculo per
 quingenta passuum millia perpetuam viam
 mōtani tractus æquarunt. Pari labore ma-
 ritimam viam alteram strauere, dū Gyna-
 caua illac ad repetendam Quitonem iter in-
 tenderet, dispositis vnius diei itineris inter-
 uallo palatijs, quæ nocturno hospicio regem
 exciperent. Proficiscentem stirpe ac fide præ-
 stantissimi heroes in lectica, auro tabulato
 constrata, humeris ferebant, in summa, ea e-
 rat obseruantia, vt vultum eius intueri ma-
 ximè inciuile putarent, & inter baiulos, qui-
 cunque vel leuiter pede offenso hæsitaret, è ve-
 stigio interficerent. Hic non præclaram belli-
 cæ virtutis memoriam modo reliquit, sed in
 suos etiam Diuos beneuolus, ac liberalis ma-
 ximæ pietatis famam sibi parauit, quum Cu-
 seone Solis templum muris, tectisque auro e-
 gregiè incrustatis, ac laquearibus bracteis o-
 perosis ornatis mirificè decorarit. Sediti sel-
 la erat latissima, lamina solido ex auro con-
 stans, cuius delectatione vsque adeo teneba-
 tur, vt nō aureis modo emblematis palatia,
 ac tem-

Gynacaue
 Regis obser-
 uantia.

ac templa portentoso sumptu instrueret, ve-
rum sibi, cum filius nasceretur, aureum ru-
dentem eius ponderis faceret, ut vix homi-
nes ducenti sublatum humeris sustinere pos-
sent: quamobrem ad tanti cimelij perpetuam
memoriam filium Guascarem ab eo rudente
denominavit. Hic autem, ubi Quitonicum
regnum suae ditioni adiunxisset, multum
diuque ob loci amoenitatem ibi permansit, re-
lictis Cuscone liberis tribus Guascare, Man-
gone, ac Paulo, qui omnes regiam Ingæ no-
menclaturam gerebant, quæ vox eodem mo-
do isthic regū est titulo peculiaris, quo Cæ-
sarum nostrorum Augusti. Gynacaua cum
multo hic tempore hæreret, alteram sibi v-
xorē asciuit, unde Atabalibam suscepit: po-
stea Cusconem reuersum, cum isthic aliquan-
diu egisset, iterum Quitonis ac filij Ataba-
libæ, quem præ cæteris charissimū habebat,
inuisendi incescit cupido, profectusque mari-
tima, de qua diximus, via, ubi hic, alterius
filij conspectu sese oblectās, satis longo tempo-
re permāsisset, legato Atabalibæ regno Qui-
tonico vita excessit. Ille cōfestim, patre de-
functo, missis ad Guascarem legatis literis-
que

Guascar
Gynacaua
regis filius
ab aureo
rudente
dictus.

Atabalibæ
Gynacauæ
filius.

Gynacauæ
mors, &
Atabali-
bæ postu-
lata ab fra-
tre Guas-
care.

LEVI. APOL. GAND. DE

Guascaris
ad postula-
ta Ataba-
libæ respon-
sum.

que rem omnem aperit, & de patris casu cer-
tiores facit, rogat itaque ut eius pace atq;
consensu sibi ligatum paterno testamento re-
gnum Quitonicum, & extra Cusconici impe-
rij limites situm, longæq; successionis iure si-
bi quodammodo debitum, liceat obtinere, ita om-
ne studium & perpetuæ obsequentia singu-
lare officium deferens atq; promittens. At Guas-
car fraternam petitionem abominatus, qua
paterni laboris ac gloriæ fructu astuta simu-
latione se extrudi intelligebat, negat id fieri
sine suo ingenti incommodo posse, verum si
concepta cupidine liberaliter discedere vel-
let, in eius detrimento compensationem alia
loca se daturum, cum infinitis diuitiarum the-
sauris pollicetur, quibus in alta securæ vi-
tæ tranquillitate regij splendoris amplitu-
dinem tueri possit, sin quo auara spes trabe-
ret, contumacius aspirare pergeret, tum se
infesto confestim exercitu aduenturum, ut
dira populatione atque cæde de ipso veluti
hoste supplicium sumat, feroci denunciatio-
ne minatur. Cum Atabalibas tam importu-
no responso suam humilitatem pensari vi-
deret, de re tota cum Cilicuchima ac Quisqui,
quos

quos intimos habebat consultores, deliberat. Hi concitato sponte flammās addentes persuadent, quū talis denunciatio, quid Guascar mente agitare, satis præ se ferret, temporibus non ultra orando altercandū aut verbis extrahendum esse, sed inopinata celeritate præoccupandum hostilem conatum, ferum qui strinxerit primus, ei victoriam fore, maiusque ad cogendum pro arbitrio alterum habiturum momentum, nihil autem ad victoriam esse expeditius, quā hostem in suo velut conatu opprimere, dum illum adhuc obiectæ difficultates, et iactata suorū consilia, distineant. His instigationibus ferrox adolescens inductus, statim cum expeditis copiis egreditur, reductisque in potestatem locis ultra centum leucas ad Tumibambam processit, Guascar qui iam dudum præcepta exercitum contra duxerat, castra adversa habebat, & re demum ad prælium redacta, tribus continenter diebus atrocissimè dimicatum est, sed quū multitudine Guascar superior esset, Atabalibas magna parte militū Principumque amissa, qui circa illum memorabili morte dimicando ceciderāt, viuis in

Atabalibæ
in fratrem
Guascarem
bellum.

Atabalibas
capitur, sed
è carcere e-
rumpit.

pote-

potestatem venit, certumque erat non eius modo in praelij gloria, sed ad belli summam, & perpetuam Atabalibæ seruitutem profectum fuisse, ni & insolentia vulgaris in fortunam proterua, pulcherrimam rei conficiendæ occasionem corrupisset. Atabalibas enim dum Guascariani cantu frequente, & multa potatione perceptam victoriam prosequuntur, ipse muro effracto effugit, & eadē felicitate saluus Quitonem redit, totusque iterum ad vires instaurandas versus, ut acceptæ cladis consternationem eleuaret, et melioris fortunæ spem faceret, se à patre Gynacaua effectum serpentem per rimulam è carceribus erepsisse ementiebatur, ac promittebat idcirco certam victoriam, si non deiectis omnino animis ad praelium eluendamque acceptæ turpitudinis labem, industria fortunam correcturi iterum festinarent: quibus vel vanis ludibrijs, leuibusque promissis apud gentē credendo facile valentibus quum partim ex veteribus, partim ex recentibus militibus copias restituisset, incredili celeritate aggressus primum Guascaris exercitum commisso praelio fudit, ac fortunam sequens

Atabalibæ
astus.

quens in Cusconicum tendit, ac primum atrocissima crudelitate Canares populos vindicans, fertur ad sexaginta hominum millia interfecisse, & eorum vrbi Tumibambæ illi cladis prioris tristi abominabiliq; memoria infami miserabili vastatione celebre testimonium odij concepti, iracundiæq; reliquit, deinde Tumbæum progressus, obiectâ huic insulam Punam aggredi cogitabat, sed quum innumerabilibus copijs instare Guascarẽ constante fama, & certioribus explorationibus didicisset, cepto institit itineri, audiensq; hostem ad Cassamalcam sedere, quinque millia hominum cum strenuis Ducibus ad loca exploranda, & certius quiddâ de hostium numero, sede, ac castrorũ ordine cognoscendum emittit. Hi vbi prope hostilem exercitum venissent, quo latentiores accederent, in alterius vie diuerticulum secedunt, & fortè accidit vt Guascar, quo se è castrensi strepitu amœna expiatione reficeret, isthuc progressus cum octingentis occurreret: nec mora, illi conspectum circumstunt hostem, & nihil audientem Guascarem capiunt: forte huius rei tumultus verius, quam nuncius

Guascar
Atalibia-
ni capiunt

pau-

LEVI. APOL. GAND. DE

paucorum fuga, qui emerfisse potuerant, defertur in castra, statimq; ad eam capti regis famam hinc stupore perculsi, inde Principis deserendi pudore accēsi clamore sublato cense omnes Ingæ, ac commilitonibus à paucis hostibus circumuentis subueniundum esse prius quàm in miserrimam seruitutem abducantur. Ita agmine circumducto, ne quacunq; hostis iret via, falleret, profecti Atabalibanos cingunt, iamq; in omnium necem ferra micabant, & ingens repositum regem cum infesta denunciatione clamor tantum terrorem incusserat, vt vix illi contra ordines ac coronam moliri auderent, quum in eo suorum pauore, & media iam in morte anxij Duces Atabalibam præsenteo consilio inito Guascarem circumfistunt, & horum vnus stricto inuadens ferro, terribili voce increpat, testatusq; Solem Lunamq; ac Terram matrem se mucronem per pectus ita traiecturum minatur, si amoliri suos vel momento cunctaretur. Ibi Guascarem inter recipiendæ libertatis spem, & præsents necis metum exæstantem, atque hinc si faceffere suos iuberet, tristissimæ captiuitatis miserrimas

Atabali-
banorū præ
sens ani-
mus & cō
fidentia.

rias reputantem, inde, si non iuberet, certissi-
 mum exitium pertimescentem, tantus repen-
 te stupor cœpit, ut vix verbum proloqui pos-
 set, sed quum vrgerent illi, & horribili spe-
 ctaculo mucronibus fulminarent, vitam om-
 nibus potiozem rebus habens per iudicem ve-
 hementi obsecratione suos obtestatur, ut cœ-
 pto desistant, facessantque declaratis in se a-
 nimis æquè periniquam fortunam ferentes,
 ne gravius tumultuando, quem servare con-
 tēderent, irritatis hostibus omnino perderēt:
 atque ita miser abeuntibus suis abstractus
 est in certa victoria victus & captus: qua
 Ducum suorum cognita fortuna Atabali-
 bas Cassamalcam in suum aduentum depor-
 tari iussit, ubi se expectari volebat: quod id-
 ipsum non ignorantes Guascariani, ut peri-
 culum maturo discessu vitarent, postquam
 omnem suam operam regis liberationi inu-
 tilem atque præclusam viderent, dissolutis
 copijs vagi dispersique in varias par-
 tes pro se quisq, omnes domum
 ante hostis aduentum
 discessere.

FINIS.

ΔΕΟΣ ΤΟ ΔΕΟΣ.

F

Ar-

Argumentum Lib. I I.

Pizarrus in Punam insulam trajicit, & præliola ibi aliquot cum Barbaris facit, quibus victis fufisque Tumbæum redit, vicinos regulos ad pacem sollicitat, sed cum nihil verbis proficeret, in eorum castra irrupit: deinde ab Guascare per legatos sollicitatus in Atabalibam pergit, & commisso ad Cassamalcam prælio Equitum maximè virtute eum vincit & capit, dehinc maxima auri atque argenti vi contracta ex Atabalibæ redemptione Ferdinandum ad Cæsarem cum grandi summa mittit: dehinc exorta militum turba Atabaliba interfecto, Cusconem procedit, & fugato Quisqui, & Paulo Inga deuictis, eam capit: postremo Benalcazarē ad Tangaranam Prouinciam mittit, qui suscepto in Ruminaxem bello eum fugere cogit, & Quitone potitur.

LEVI-

LEVINI APOLLONII
GANDOBTVGANI DE
REBVS IN PERVVIA
GESTIS.

LIBER II.



Hic fraterni dissidij casus Hispanorum aduentum excepit, qui sicuti multis terris ad suā perniciem fatalis fuit, ita destinato Superiorum fato ad nouum imperium, & ab longa ethnicae cecitatis caligine ad Christiani Euanglij lucē hanc Prouinciā atque incolas deuocante, Pizarro in ipso paratissimae occasionis articulo appellenti promptissima opportunitate ad occupandum imperium facilem viam subiecit. Is ab Coaccijs ad Portum Veterem (sicuti dictū est) progressus, cōstitutis ibi rebus, quum celerrimē eo ex loco peculiari verrucarum humana ora dira serpigine incessentium contagio abigeretur, Tumbaum processit, atque in obiectam huic insulam Punam traiecit. Ea ^{Puna insula} ducis aquae, et piscium ferarumq; copia adue-

F 2

nis

LEVI. APOL. GAND. DE

Nauigia
Punenſiū.

Fraus &
astus Pu-
nenſium
ad oppri-
mēdos
Hiſp.

nis hospitalis, incolas habet eruditis ingenijs
artificiosos, & natiua virtute, qua Tum-
baum quondam expugnatum euastarunt,
obiectis sibi littorum accolis formidabiles, ma-
ximeq; nauigandi arte præstātes. Nauigant
enim lignis duobus tignis supertabulatis, quæ
numero imparia, & sibi non æqua longitudi-
ne, mediumq; habentia cæteris prominentius
palmae explicatae diductæque, in qua digito-
rum longitudo non sibi responderet, formā ex-
primunt. Huic contignatorum lignorum ba-
si, ne elati fluctus assultu sedentes perstrin-
gant, asserum tabulatio superstruitur, tantæ
interdum firmitudinis atque capacitatis,
vt ea vel solo funium connexu iuncta com-
pages equos perferat, & amplius quinquagin-
ta vectores traducendos accipiat: acciditque
nonnunquam, vt cum in ea nauigia Hispani
essent admissi, Barbari his semper ex occul-
to infesti atque insidiosi, quo, in suas velati
casses redactos, tuto & quodammodo per io-
cum voluptatemq; perderent, tigna compa-
cta clam dissolutis funium vinculis disiun-
gerent, eaq; ratione nostri repente fluctibus
hausti miserabili morte periret, illi verò vel
natandi

natādi sciētia, vel in ipsa tigna agili trās-
uolatu euaderent magno spectandi gaudio,
& cachinnorum etiam strepitu miserandam
nostrorum in medijs fluctibus laborantium
ac morientium fortunam prosequentes. Eo-
dem quo Peruuini genere armorum vtun-
tur, & vnde ingeniorum elationem agnosce-
re licet, Dynastiam habent, vel in tātulæ in-
sulæ terra regia stemmata nominaque fa-
stuofo titulo præferentem, cunctisque magno
cum metu obseruantiaque omnium imperan-
tem, quem eo tempore, quo aduenere primum
Hispani, tanta suspiciosi animi zelotypia, Zelotypia
incredibilis
deflagrasse prodūt, vt spadones, seminare-
que eunuchos, quos ad muliebria officia serui-
tiaq; concubinis gynecæorū septis semper in-
clusis adiunxerat, ad omnem penitus vim al-
licienti formæ, libidiniq; subtrahendā de-
formiter naso atque virilibus spoliaret, qui-
bus non multum ferè oris deformitate ce-
dunt obiecti huic insulæ littoris accolæ, qui
offenso Peruuia rege supplicij nomine supe-
rioribus gelasinis dentibus priuati, manante
ad liberorum posteritatem pœna, turpem, de-
crepitorum senum instar, edentularum gin-
giuarum

giuarum aspectum alloquentibus obijciunt.
 In insulam prius quam Pizarrus traiceret, Barbari externā aduenarum colluuiem perlibēter quidem, prius quam audacius insuesceret, & maiore appellentium numero augetur, procul expulsam euersā mē cupientes, vbi nihil se vero marte posse viderent, grauissimēque non iam pyraticis myoparonibus infestari ab hac littus, sed valida manu Prouinciam subigi atque occupari tristitia grauioris seruitutis præsagia ominantes dolerent, Hispanos in sua nauigia receptos, dissolutis subitō tignis, nota fraude demergendi consilium proposuerant, facinusq; vti cōceptum erat, haud dubiē perfecissent, ni cognito forte dolo Pizarrus oēs districtis gladijs intentissimē remiges obseruare iubens singulari ea industria deterritos instituto abstinere compulisset. Tum quoq; in insulam vt peruentum fuit, fallacissimæ gentis insidijs est propē circumuentus. Copijs proximo in loco abditis, irruptioneq; in sequentem noctem destinata oratores ad Pizarrū veniūt Insulani, laudata eius virtute benignitateq; in omnes & clementia, memorātes amicitia malle

Insidie
 Barbaro-
 rum ab Pi-
 zarro in-
 dustria vi-
 tale.

malle quàm vim experiri Hispanorū, itaq³,
 quæ vellet, vel hospitio exhibendo, vel com-
 meatu impartitūdo, vel alia quavis re, perli-
 benter imperata facturos. Pizarro sincerè
 secum agi ratus, maximeque ab ea opinione
 disiunctus, qua tantū fraudis in rudibus No-
 ui orbis ingenijs augurari posset, gratijs a-
 Etis collaudatos benigno responso dimittit:
 verū haud multo post, ubi explorando rem
 certius cognovit, educto agmine incautis in-
 opinato aduolans magna cæde in sua fraude
 concidit, quibus deletis fuscisque insulam lon-
 gè lateque populabundus percurrit: interea
 Barbari ratibus suis adnauigantes lembos
 nostros, nautasque ac milites his præsidio cū
 Consaluo Pizarro relictos adoriri vndiq³, &
 premere, nec vlla suorum magno numero ca-
 dentium cæde, aut sclopettorum boatu deter-
 reri nullum vel modum vel finem vexando
 imponentes, eoque Hispani iam perducti e-
 rant, vt, vulnerato in scemore grauitè ipso
 Consaluo, & quotidianarum contentionum
 assiduitate plerisque fatigatis sauciatisque,
 non dubiam cladem accepturi essent, quum
 missus à Pizarro subsidiariorum manipu-

Consaluo
 Pizarri fra-
 ter vulne-
 ratus.

LEVI. APOL. GAND. DE

lus in tempore superuenit, cuius aduentu plurimis interfectis Barbarorum oppugnationes sunt repressæ, & nostri metu periculoque exempti. Nec multò post Pizarrus, quum leue ad totius belli momentum esse duceret, diutius vnius insulæ incolis perdomandis inhaerere, & suam existimationem ea mora minuere, atque ipsam super hac insulam infecto aëre perniciosam tædio atque grauedine militum corpora onerare videret, Tumbæum reuersus est. Prius quam in continentem reuerberetur ad inescandos incolarum animos, & noui beneficij gratiam colligendam, Peruuinos sexcentos in vinculo ab Insulanis coniectos carceribus liberatos vnà cum tribus Hispanis præmiserat, qui simulac in continentem peruenire beneficij et humanitatis nescij Barbara superstitione veluti receptæ libertatis hostias damnatis Dijs suis immolarunt, idem Ferdinando Soto facturi, qui nauigio cum captiuis aliquot in aduersum iam amnem Tumbæo vicinum longè fuerat prouectus, ni maturrimè ab Didaco Aquerio, ac Rodorico Lo sannio edoctus reflexo cursu celeriter receptui consulisset. Cæteri omnes incolæ, Regulis aduocan-

Reguli
Tumbæi
in Pizar-
rum.

aduocantibus, inter eas Pizarri in insula
 permanentis moras tempus nacti, cum armis
 amilijsque ad montes magno concursu pro-
 ugerant, quum vel nulla benignitatis ac mu-
 nificentiae ostentatae humanitate exorabiles
 Reguli ad libertatem fortunasque tuendas,
 & externae gentis vi sese insinuantis iugum
 procul armis dextrisque amoliundum ani-
 mos cōtumaci iudicio adiecissent. Ea res plu-
 rimum Pizarri celeritatem demorata est, cui
 sine Barbarorum ope ex nauigijs illis mani-
 bulbos suos exponere perdifficile erat, quod na-
 uigia spondis forisque proterentium homi-
 num, æquorumque pōdere fatiscentibus per-
 sæpe laterorsum præcipitarent. Per summas
 has difficultates tandē copijs expositis Tum-
 bæum processit, statimque in varias partes
 nuncios ac Legatos ad Barbarorum Princi-
 pes misit, qui larga omnis clementiae ac bo-
 nitatis pollicitatione ad deponendū metum,
 colloquia conferenda, & armis omiſſis fidem
 amicitiamque sociandam timentes diffidentes-
 que prouocarēt. Sed vel summa pacificarum
 denunciationum ac promissorū vis apud ex-
 terorum perosos, & inuolandae libertatis ma-

F 3 ximè

LEVI. APOL. GAND. DE

ximè tenaces nihil valere potuit, quòd præter hæc (quibusdam editis in victos exemplis crudelitati proximis) incussam, & altè magno metu insidentem de Hispanorum fide dubitationem timidi ac suspicaces, sibi que qui contingere possent, casus alieno euentu non insulsè pensantes gererent: qua de caussa nuncijs ac Legatis vnà cū promissis omnino reiectis nihil ad aures metu ac cæca suspicione conclusas admittebant, verum ex insidijs perpetuo noxij commeatum quærentes, ab cæterisque incautijs progressos repentina incursione circūuentos, opprimebant: cuius pertinaciæ contumeliæque iusto Pizarrus dolore concitatus clam Chiram amnem quinquaginta equites sub vespertinum crepusculum traduxit, propè quem Barbari in aduersa ripa magno numero consederant, celeriterque inde per asperas montium ac dumetorū angustias noctu profectus, sub auroram hostium castra irrupit, Barbarosque tumultuariè ac meticolosè (vti in inexpectato malo accidit) pugna excipientes disiecit, nec vlla belli inferenda clade temperauit, tantisper, dum tanta calamitatis incursum fessi Dynastæ Legatos

Pizarrus
Tumbai re-
gulos de-
uincit.

gatos de pace cum aureis argenteisque mune-
ribus ad Pizarum mitterent. Is virtutis
successus vicinos Tāgarana Prouinciæ Re-
gulos ad amicitiam societatemque ineundam
adduxit, quorum missos ad se Legatos Pi-
zarus ea tractandi affandique humanitate
comprehendit, vt Barbaros rudes & faciles
ab sua inscitia alienarum virtutum admi-
ratores voluptuarijs accōmodissimī ingenij
philtris in suam admirationem penitus tra-
ductos non difficulter firmissimis veræ pacis
fœderisque vinculis sibi astringeret. Ex eo
loco triginta mille passus progressum Guas-
caris (qui tum in Atabalibianorum potesta-
tem nondum deuenerat) Legati adiere, qui
splēdida oratione appellato fœlicem in Pro-
uinciam aduentum gratulati postulabāt, vt
Atabalibam infræni cupiditate fratri rebel-
lē, et per omne confidentiæ perfidiæque nefas
nullo aut humanæ rationis, aut vinculi
naturalis iure expenso, sceleratè digrassan-
tem prohiberet, & Guascarem genuinum pa-
rentis secūdum leges hæredem, publico etiam
in consilio virtutis commendatione regē ap-
pellatum coronatumque, & commisso præ-
lio

Guascaris
Legati ad
Pizarum.

LEVI. APOL. GAND. DE

lio fortunæ iudicio imperium obtinentē defendendum susciperet. Quod si ipse eadē virtute, qua nunc extremos ferē terminos Peruvia suo rumore transgressa primum in Prouinciam adit. ū sibi peperisset, vindicata immanis perfidiæ iniuria, deuictoque hoste, quem violatæ naturæ ac rationis leges in pœnas iamdudum vocarent, Guascari imperium iure ac Marte assignatum foelici sua opera conseruaret ac stabiliret, illum tanti beneficij memoriā, & eius tutelæ nomen perpetuo cultu ac fide religiosissimè veneraturum, nec omnino enerui similis beneficij talione remensurum. Id vero non tam ipsi Pizarro priuatim honorificum, & ad beneficentiæ famam splendidissimum fore, quam publice cunctis Hispanis ad occupata obtinenda, totiusque Prouinciæ vsum vtile atq; tutum, quando Atabalibas, si Guascarem deuicisset, ab furiosi ingenij vesana vsurpandi imperij cecitate superbiaque minimè Hispanos externam gentem atque inauditā Prouinciæ limitibus intricari atque inueterascere, & potētia opibusque sensim augeri passurus rerum & humanorum ingeniorum peritis

ritis, haud iniuria videri queat. Hæc discretissimè dicta Pizarrum fortunam ad vniuersum imperium inuitantem, & si modo eidem Duci deprompta vegeti spiritus alacritate audaciaq; egregium facinus committere non dubitaret, ad illud optima occasione patentissimam viam ante pedes sternentem nō illibenter agnoscentem nullo negotio eo perpulere, vt Guascaris preces ad animum admitteret, ac Legatis polliceretur festino suo aduentu intellecturum breui Regem non frigidam ipsius causse rationem ac curam esse susceptam. His eo responso dimissis Ferdinandum fratrem Tumbæum remisit, vt milites, qui isthic adhuc hærebant, properè adduceret, ipse iuxta Chiram amnem in Tanageranæ agro ad Michaëliam urbem excolendam se conuertit, quo venientibus Panamaide nauibus fidelis portus tuti commodique receptus esset, ac paucis diebus hac occupatione consumptis, & auri argentiq; copia dissipata, postquā milites præscriptos Tumbæo, Ferdinādus adduxisset, veteres tantum incolas in noua vrbe relinquēs Cassamalcam aduersus Atabalibam, quem iam eo peruenisse

Pizarrius
in Ataba-
libam iter
Cassamal-
cam inten-
dit.

Orator A-
tabalibæ
ad Pizar-
rum.

nisse capto Guascare audierat, per Motupia-
nam solitudinem (cuius proximo libro memi-
nimus) iter intendit. In ea profectione quid
per deserta incultaque eunti loca, ubi præter
motos campos, nihil siti famique perferendæ
utile occurrebat, fuerit patiundum dici non
potest, certè par ei labor æstimari potest, quæ
Alexandrum Macedonem in solitudine ad
Ammonis oraculum contendentem cum ex-
ercitu subiisse in sua historia meminit Cur-
tius. Sed ubi ad ipsam urbem Motupiam in
frugifera & optimè habitata valle sitam
peruentum fuit, magna repente copia avidis
omnibus famis sitisque saturandæ desyderia
explendi fuit oblata. Vbi hic paucos dies mi-
litibus reficiendis Pizarrius transegisset, hinc
ad montanæ regionis limen progressus orato-
rem Atabalibæ obuiam habuit, qui calceos
duos picturatos, aureasque armillas deferens,
adijciebat hæc opere & nouitate quam pre-
cio spectatiora non regij muneris loco, sed ea
ratione ab Atabalibæ donari, ut, quum in
ipsius conspectum his indutus veniret, per ea
signa ipsius personæ maiestas noscitari posset.
Regem enim usque adeo solida æquitatis ac
rationis

rationis conceptæ fiducia fretū esse, ut cum ipso in colloquium deuenire, & disertè suis iuris caussas, quibus hæreditatem paternam postulandam, & ipso deniq; Marte repetendam sibi putasset, explicare non abnuat ipsum dijudicandæ litis arbitrum minimè recusaturus, nisi redactō in prius victi & capti potestatē Guascare belli sors certo Deorum immortalium beneficio directā non obscuro adiudicatæ æquitatis iudicio rem diremisset. Pizarrius hilari sereni oris aspectu oblatum munus accepit, & laudatā Atabalibæ voluntate oratorem blandissimis verbis permulsi, regiūque hæc suo referre iussit: nullam esse causam, cur metum aliquem infida dubitatione concitatum ex suo aduentu sibi concipiendum putaret, amicum se, non hostem atro in ipsum liuore atque ira percitum aduentare, nec sibi quicquam ab omni cogitatione alienius atque remotius esse, quam sæuo voluntarij furoris aculeo concitante, hos iniuria ac clade affligere, quorum in se voluntates, nullis adhuc sollicitationibus pertentatas, fuisset expertus. Quidenim immanius & Christianæ religionis cognitione

ambu-

Pizarri ad
Atabalibæ
oratorē re-
sponsum.

LEVI. APOL. GAND. DE

imbuto indignius quam ob præmatura maleuoli iudicij iniquitate petita sæuitiæ explorata incertaque suspensorum hominum studia vltro sibi prærupta spe de industria præuerrere? Non sibi modo certum esse, quantum liceret, gladio & sanguini humano parcere, omniq̃ue malorum calamitate infligenda abstinere, modò ipse præcipiti auaritiæ gradu ruens, eius nullam occasionem excitaret, verum ipsum Carolum supremum Europæ Cæsarem, & Hispaniarum regem (cuius ipse auspicijs rem administraret) id vnum suæ maiestate dignum atque laudabile iudicare, neminem aliqua prioris iniuriæ prouocatione lacessere, eosq̃ue imprimis intemeratos relinquare ac tueri, qui deposito vanarum mentium tumore moderati sub protecturas eius fidiissimæ clientelæ alas se recipere atque recondere non grauarentur. Ita dimissum Legatum, nec temerè credendo, nec aspernando, agmine semper instructo, & in omnes casus cōposito incedens celeriter est sequutus. Nam boni Ducis officium esse prudenter iudicabat, non præsentem modò hostem aperta acie propulsare, sed nec effusè populando, nec in-

explora-

exploratis in locis castra ponendo diligenter
cauere, ne per promissorum simulationem, ob-
orta suorum securitate incuriaque, fallenti
hosti bonæ fortunæ occasio pateret. Ad Cas-
samalcā ubi peruenit, regius facialis ad eum
accessit Regis illi nomine mandans, ne abs-
que Atabalibæ consensu eo in loco sibi hospi-
tium desumeret, sed Pizarrus non dato ad
id responso, castrisque accuratè per dispositas
militum stationes munitis, Sotum ad hostes
cum viginti equitibus misit, ut indicato suo
aduentu, colloquioque collato, Regis mille
passus inde confidentis voluntatem, an pa-
cem, an bellum mallet, certius intelligeret.
Huc enim solerti ratione destinatum animi
consilium intenderat, ut vel pacifica condi-
tionum compositione Caesaris clientelæ Re-
gem beneficiario iure affectum subiungeret,
vel, si virium fastu tumidus & Hispano-
rum paucitate proteruus reiecta salutarium
pactionum quiete supremum Martis euen-
tum experiri constituisset, tunc (quando vel
innumerabili multitudine Barbaros prorū-
pentes equitum conspectum, & insuetū Sclo-
pettorum boatum minimè toleraturos iam

Aliter ad
Pizarrum
legatus.

G

ex

Barbari e-
quorū con-
spectum
fugiant.

ex frequentibus præliolis egregiè perspexisset) unico & breui pugna discrimine vniuersam sibi regionem victorem haud dubiè pari ruina sequuturam astrueret. Sotus equitesq; cum ad hostiū castra prouecti paulò concitatiore cursu procurrerent, tantum inter Barbaros quidā ruituros modò in sua corpora equos rati, terrorem hausere, vt fuga ex currentium conspectu se proriperent, quos Rex, vt eo exēplo alijs aut ipsum metū, aut metus ostentationem demeret, è vestigio interfici iussit. At Sotum venientem Atabalbas regia Maiestatis haud ignarus, & eandem apprimè temperata seueri vultus grauitate repræsentans, vti tantum inferioris nominis Ducem, & sua comparatione indignum alloquio minimè dignatus est, sed Pizarri postulatis graui aure exceptis per Purpuratum, atque hic per interpretem sententiam explicabat. Vbi vero post Sotū missus Ferdinādus Pizarri frater aduenit, tūc interprete mutua verba explicante ad sermonem remissiore fronte se dedit. Ferdinandus paucis verbis mandata explicuit: Cæsaris atque Hispaniarum Regis auspicijs huc

Fran-

Ferdinandi
Pizarri &
Atabal-
ba collo-
quium.

Franciscum Pizarrum aduenisse, cupere eque
cum ipso colloquium atque amicitiam socia-
re. Quod si regiae benignitatis humanitate,
& amico complexu venientem excipere, &
syncero colloquio honestae pacis ac quietis co-
ditiones pertractare mallet, tum ipsi impri-
mis salutare, tum cunctis Peruuini nominis
ad fortunarum conseruationem & mirificam
vtilitatem, egregia Hispanae gentis coniun-
ctione, maxime expeditum fore: sin inani vi-
rium fiducia, & fauentis fortunae spe infla-
tus, praeferoeci contumacia uti, & rem om-
nem belli euentu definire vellet, utique Pi-
zarrum necessitati vel inuitè parentem mi-
ferum quidem, sed non inane posteris exem-
plum facturum, ut sibi Reges sapere potius
discant, nec vana tumidi pectoris ferocia du-
ci ac praecipitari, quam decora & salutaria
tranquillitatis consilia amplecti malint. Ad
haec Barbarus, eam esse supremam concor-
diae ineunda conditionem respondit, si quod-
cunque Pizarrus intra Peruuinos terminos
incolis auri atque argenti abstulisset, inte-
grè restitueret, nullaq; mora ijs locis excede-
ret, ac tum licere ut latius de rebus caeteris

G 2 secum

LEVI. APOL. GAND. DE

Hispanorū
alacritas.

secum disceptaturus Cassamalcanam in re-
giam ad colloquium veniat. Ita Ferdinan-
dus (qui diutius excusando monendoq; collo-
quium extraxerat, vt commodius interea
exercitum ordinemq; Barbarorum contem-
plaretur) infecta re dimissus certamen re-
nunciat, plurimaq; de hostium castris, ordi-
nibus, ac multitudine commemorans, haud
obscura indubij metus signa dedit. Verū mi-
lites, vti interritos et inuictos animos rerum
abs se gestarum magnitudine confirmati ge-
rebant, ita totam spem in diuinam opē, suas-
que dextras conferre, sese mutuo cohortari,
intrepide arma ad diurnam pugnam in-
struere, & satius meliusq; ducere digna pri-
stinis factis morte inter arma perire, quā
veterem existimationem, partamq; bellicae
laudis gloriam turpiter cedendo amittere.
Ipse Pizarrus vix ad necessitatem quietis
sumpto, & alijs dato tempore insomnem fe-
rē noctem egit, mente omni in instans praeli-
um, in aciemq; intenta cogitando, in quā pri-
mum partem equitem peditēque obuerteret.
Sollicitam noctem grauiore cura ac tumultu
lux excepit, nam tum & corpora curanda,
& ar-

& arma rapienda erant, Ducibus instruenda acies, adhortandi milites. Equites erant numero sexaginta, in quibus haud dubiè omnis terrendi spes erat, hos Pizarrus abdito in loco fratribus ducibus confidere iubet, ut cum opus sit procellam equestrem inopinatò immittant. Ipse ducendum peditem suscipiens in altera parte constitit, & inter obeundū exhortandumq̃, Viri, inquit, quos nulla rerum aduersitas fregit, tot votis exoptatus inuocatusq̃ aduenit dies, qui fortuna Duce victoriam forti dextera appetentibus Peruvini regni imperium intra paucas horas assignabit. Quapropter tantò plus vehementiæ constantiæq̃ animo ac corpori quisq̃ adiungat, quantò propiorem laborum finem, et paratiores virtutis ostentatæ fructus ex v-nica hac pugna expectat, aut sibi præfagit. Audacia enim humano ingenio ausuq̃ excelsior, calcatae deuiçtæq̃ incogniti Oceani semitæ, superata rerum natura, iam nulla nobis profecto sunt, imò collecta earum propè incredibilium rerum fama non modo cum suprema promeritæ laudis iactura in tenues auras evanescet, sed, quod nemini miserum at-

Pizarri o-
ratio ad
milites.

LEVI. APOL. GAND. DE
que pudendum esse non potest, modò inaudi-
tæ virtutis, & tantum non deuictæ morta-
litis summa claritudine atque admiratio-
ne celebratis, nunc diro peruersi vulgi iudicio
stultæ temeritatis, adeoq; insanie abomina-
bilem cum perpetua nostræ posteritatis labe,
cunctis nostri nominis notam inuret, nisi pri-
stinè pectora corporaq; vi inde genere virtu-
te respondeant. Pessimè enim, quibus inusita-
ta tentandi audax natura confidentiam sug-
gessit, virorum fortium ratio ab ancipitis for-
tunæ successu dependet, quorum tum demum
virtus laudem offendit, quum fortuitæ fœ-
licitatis prosper casus adiuerit, qui vero si
fallat, indigna agrestis vulgi censura in te-
meritatis infamiam incurrit. Ergò qua vir-
tute superioribus annis tot aduersi maris tē-
pestates, eas famis sitisq; angustias, quæ vel co-
gitatione expendentibus intolerandæ videri
queāt, fortissimè obdurati deuicimus, eadem
nunc incumbendum est, vt præsentem hunc
hostem ad certissimam vniuersæ regionis bre-
ui prælio subigendæ spem sustineamus, ac pro-
pulsemus. Si cum tempestatibus amplius ob-
luctandum, aut simile quiddam subeundum
esset,

esset, expertus certè timerem, quia eiusmodi
 difficultates humana remedia respuunt, solis
 animis toleranda patienter, nunc cū rem mul-
 to leuissimam, & pro fluctibus ac locis incul-
 tis, quæ nauigantes & prætereuntes sua as-
 peritate premebant, nostræ conditionis mor-
 tales humanamq; vim pro ineuitabili rerum
 mutarum tempestate pari vi retundendam
 adepti simus, haud modo nihil timendi, sed
 ne dubitandi quidem caussam tempus adimit.
 Adhuc ille meis auribus fremitus vester ob-
 strepit, inter eas aliquando procellas iacta-
 tus negocium & certamen humanum poscen-
 tium, & istiusmodi insuperabiles cum mutis
 locis pelagiq; vndis concertationes deprecan-
 tium, cuius vos imprimis memores esse oportet,
 ne ex subita quadam magis imbelliū men-
 tium leuitate, quam ex vera virtutis decla-
 randæ cupiditate profectum appareat. Hu-
 ius memoria egregiè imbutos, & ob eam præ-
 stantissimè dimicantes fortuna non incon-
 stans sæpe virtuti propitiatrix minimè de-
 seret, nec verò quenquam vsq; adeo imbellis
 fidei esse duco, quin supremi numinis Diuo-
 rumq; Christiani nominis tutelarium for ti-

ter pugnaturus in summæ pietatis studio aliquam opem sibi destinet. Quod si tenerioris animi quosdam hostium multitudo afficiat, eos ego usu Martem perdiscere, aut peritioribus belli iudicia relinquere iubeo. Illi solum multitudine tegant, & ut lubet in pugna cælum clamoribus terreant, vos mihi his dextris corporibusq̃, non ore, rem agite. Ista quidem tyrones, & mollibus delicatarum ædium tectis assuetos moueant, quibus natura timidus, & vel ad gladij vmbra horrentibus in fuga salus est, vos, qui iã propè tertium annum sub dio viuitis, inter tot tempestatũ crepitus obdurati, terricula ista mouere poterũt? Clamor inanis turbatio est, multitudo virorum robore carens noxiũ sibi ipsi impedimentum. Quod si narrandis historiarum exemplis vacare magis liberet, quam modò re ipsa ostendere, innumera cogitanti succurrerent, tamen minimè id vos fugere debet, quæ paucitate Hispani per cæteras noui orbis partes semper innumerabiles Barbarorum copias fuderint, prostrauerint atque deuicerint, & fracta omnium regum potentia sibi imperium compararint. Non in copijs

vijs Mars, aut bellum multitudine pendet,
 Sed hoc momentum habet, vertere agmē, mu-
 tare in cornu pugnam, laborantibus expedi-
 re succurrere, & sine turba in promptu sese
 re postulante recipere. Horum omnium quid
 excita suis sedibus callet turba? in qua pluri-
 mi vix ferrum dirigere norunt, ne dicam ar-
 morum gerendorum multos esse impotentes.
 Hanc egōne vobis comparem, qui inter ar-
 ma ferē senes facti nunc, quicquid à tergo ha-
 betis, virtute occupastis? parūne vero hoc
 hostium genus experti sumus, qui tot populos
 ad Chiram amnem iampridem fusos, tot Re-
 gulos in fidem acceptos, cuncta subacta, pedi-
 busq; subiecta tutō à tergo respicimus? Sed
 isthic prærupis petris incultisq; solitudini-
 bus satis sterilia laborū prēmia accepimus,
 nunc longē melioribus dexteras adiiciamus,
 hostium aciem auro argentoq; fulgentē prae-
 dam nō arma gestantem intueamur, eamus,
 & imbellibus fœminis aurū viri eripiamus.
 Quid? quod propē Dij cum mortalibus (vos
 Diui Diuæq; cœlestes pace dicam vestra) pu-
 gnaturi sumus? Nam cum ex auditis tor-
 mentorum nostrorum bombis tonare fulmi-
 nareq;

LEVI. APOL. GAND. DE
nareq; nos credant, quid aliud ita dicendo o-
pinandoq; existimare ac fateri possint, quā to-
nitruantes fulminantesq; Deos aduersum se
pugnatu-ros? Iam vero nescio quod monstri
genus de equite somnient, quum autem heri-
ne primum quidem equorum conspectum au-
fugientes pertulerint, an non ruituram pri-
mo incurſu suo pauore aciem ipsa re ominan-
tur. Nam si pacatos equos timent, quomodo
furentes grassantesq; per strues ac cateruas
hominum, quum armatum etiam equitem su-
prā micantem videbunt, ferent? Certè ni cæ-
sorum aliquot nostrum equorumq; interi-
tus mortalitatis indicium fecisset communis,
iam nullum hostem haberemus, quia ne ca-
stra quidem aduersus ponere cōfidissent. Me
profectò alta cogitatione nos hostesq; pensan-
tem summa horum miserorum hominum mi-
seratio subit, qui minimè nobis pares, & tor-
mentorum equorumq; fluctuantes metu mo-
dò lōgè miserabili terribilæ cædis ruina con-
cident: sed agè sua calamitate discat sanè hic
Barbarus imperio nouo, & scelere in fratrem
crudeliter exercito tumidus Hispanorum
vim, quando gratiam societatemq; experiri
noluit.

noluit. Id tū illius intolerabilis fastus, tum
 Hispanicæ indolis magnitudo superborum
 prorsus impatiens, & egregia ultrix, tum ca-
 ptivi Guascaris æquitas iubet, qui indignis-
 simè auito imperio per nefas deiectus, nullam
 præterquam in vobis spem habet, vestram o-
 pem, misericordiam, ac fidem exposcit, vt ser-
 uitutem, vt compedibus, vt imminente mor-
 te liberetis. Egregium me hercule opus, &
 inter præmia vestræ victoriæ numerandum
 facinus, posteritaritati famæq; tradetis, par-
 ricidam impotente insania ad imperium con-
 tendentem, & impia rebellionē fratri insur-
 gentē vos esse ultos, nec tamen antè ad iram
 vindicandiq; cupidinem descendisse, quam ad
 hanc vestra pace reiecta necessitas adigeret:
 qua re conspecta quanto creditis incolas ob-
 sequentiores fore, cū intellexerint scelera-
 tos vos persequi, & nemini nisi sua culpa fa-
 cto hosti irasci. Non igitur vt metum ponā-
 tis hortor, quem omnia detracta discrimina
 viros fortibus sponte iamdiu exemisse debēt,
 sed hoc iubeo, quando amicitiam respuerint,
 vim virtutemq; vestram experiantur. Hūc
 Barbarū ferro sternentes per armatos viam
 ante

LEVI. APOL. GAND. DE

ante omnes mihi inuadite, ita non ipsum
modo superbientem Tyrannū ad arbitrium
adepturi, sed quodcunque ceteris adhuc ani-
mi ac virium supererit, breui & facili nego-
tio deiecturi. Quod si cū paribus ac viris fo-
tibus res gerenda esset, vbi in dubium vocat
fortuna possit, adderem, nullam fugam no-
bis victis patēre, & fortiter hīc contra insid-
les dimicando pro Christiana religione mor-
rientes aeterna in cœlis perpetuæ vitæ præ-
mia excipere. Interea Atabalibas, qui et ip-
se in primā lucē certamen edixerat, cum su-
innumerabilium copiarum mole in aciem de-
scendit, planeq; designandis ordinibus inten-
tus Ruminaxim spectatæ virtutis Ducem
cum quinque millibus tectā vallem clā occu-
pare iussit, vt simulac pugna incepta esset
auersos hostes adoriretur, & si in fugā se da-
rēt, eo agmine exciperet. Ipsum præcipuæ no-
bilitatis Satrapæ humeris aurea in lectica
ferebant, quā trecenti delectæ iuuentutis re-
gijs insignibus conspicui præcedebāt, quibu-
vias æquandi mundandiq; cura erat. A ter-
go omnis Purpuratorū turba sequebatur si-
militer baiulorum humeris aureis in gesta-
mini-

Atabalibe
insidia.

ninibus præaltè vecti, tantaq; Barbaros vi-
 toriæ fiducia incesſerat, vt nostros ſolis ma-
 nibus debellare rapereq; ſperarent. Priſtinus
 nim terror equorum, quum nullum equitem
 viderent, paulò reſederat, & inter Barbaros
 Duces quidam euulgarat hoſtium ſummam
 ſſe paucitatē, atq; eoſ dē continentibus proſi-
 tiſcendi laboribus uſq; adeo deſatigata corpo-
 ra trahere, vt victis laſſitudine pedibus ſe
 ſuſtinere nō poſſent, ideoq; ouibus aliquot grā-
 dioris ſtaturæ ad vecturam vterentur, quos
 equos nominarent. Eius rei credulitate im-
 pulſus ipſe Atabalibas, quū in ſubiectā Caſ-
 ſamalca planiciem progreſſus Hiſpanorum
 peditum, ſine equite aliquo oculis ſubiectam
 contemplaretur, ne prodire quidem auſuros
 credebat, ad ſuosq; conuerſus, Iā, inquit, mo-
 do hos noſtra in manu habemus: ad quæ cun-
 ctis leui ſubriſu annucentibus venit illuc ad
 regem Vincentius Valauertus Antiſtes ſa-
 crarum literarum codicem manu tenens, qui
 de creatione humani generis, lapſu, reſtitu-
 tione, baptiſmate, plurimisq; alijs, quæ indu-
 bitata fide perſuaſa omnes Chriſtiani nomi-
 nis habent, ſatis longa oratione habita oſten-
 dit,

Atabalibæ
fiducia.

dit, summo Magni Dei beneficio ad intimā
 eius opinionis fidē capessendam Carolum V.
 supremum Europæ Cæsarem, Castiliæq; ac to-
 tius Hispaniæ regē huc Pratorē suū Fran-
 ciscum Pizarrū legasse, ut vera sanctaq; re-
 ligione infectus, et sacrosancti baptismatis la-
 uacro ablutus, in cœlestis hereditatis ius at-
 que partē cooptari posset. Quod si tã suæ sa-
 lutis, quã publicæ utilitatis provida mente
 memor morigerari, & beneficiario nomine in
 illius Cæsaris clientelam imperiumq; se dare,
 et ea ratione ipsius Maiestati venerari vel-
 let, qua pleraq; Christianæ terræ pars vene-
 raretur, illum conseruata ipsius, incolarumq;
 libertate pacificè alto in ocio legitima aqua
 iurisdictionis potestate Prouinciam modera-
 turum, & ipsum imprimis immortalī singu-
 laris fidei ac tutelæ beneficio in regia Ma-
 iestate potentiaq; viuentem, sicuti alios Re-
 ges Principesq; dicto audientes consuesset,
 perpetuo exculturum: sin omnino vim ami-
 citiæ, bellum paci, & veræ religioni idolo-
 latricam cecitatem præponere, ac prælij iu-
 dicio priuatæ publicæq; salutis causam subij-
 cere mallet, Pizarrum ferro atque igne, &
 quibus-

quibuscunq; posset bellicarū ærumnarū mo-
 dis, ipsum Prouinciāq; vniuersam secundum
 ipsius superbiæ merita persequuturū. Quā-
 obrem in isthoc tantæ occasionis momēto pro
 regiae prudētiæ singulari officio cōsideraret,
 an cum gente inuicta, quæ perpetuo honori,
 tutelæ, atq; ornamento esse tum ipsi tum cū
 etæ regioni posset, copulato firmissimè societa-
 tis vinculo, in omne posteritatis atq; æui tem-
 pus æternæ trāquillitatis initiū hodierno die
 auspiciari, an suā salutem impræsentiarū sub
 incertā dubij discriminis aleā conijcere mal-
 let. Atabalibas hæc & quæ imprimis de no-
 stra religiōe dicebātur, satis attēta aure per-
 cipiēs, aduersus ea respōdit, patrē Gynacauā
 omnē hanc Prouinciā occupatā hæreditariæ
 succeßionis iure filio Guascari reliquisse, nūc
 ille vbi bello in se cōmoto non iniquas illibe-
 ralis auaritiæ pœnas damnante fortuna ca-
 ptiuus dedisset, in suā belli iure potestatē ces-
 sisse, idcirco earum rerū, quas Carolū ac Hi-
 spaniarum Regē sibi vel ipso nomine inco-
 gnitum misso Pizarro velle diceret, nullā si-
 bi curā esse, eadē ratione nihil quicquam eorū
 intelligere, quæ de Christiana religione, quæ
 de Chri-

LEVI. APOL. GAND. DE

de Christo loqueretur, sed iuxta parentū consuetudinem atq; institutionē neminem præterquā Solem ac Pagacamam Deum agnoscere: simulq; Antistitem rogabat, vnde ista, quæ predicaret, adferret, & qua ratione noua religione imbui volentē doceret, qui cum in eo, quem gereret, codice omnia cōtineri assereret, petit eundem, & donatum vbi in manus accepit, versatis diu vltro citroq; folijs cum risu in solū abiecit, ne verbum, inquiens, sibi librum fari. Tum ad suos recurrens Antistes. Quid vltra moramini, inquit, iam tempus, iam contumacia hostiū in iustas vos pœnas irasq; vocat. Te Deus Christe, vosq; cœlestes precor, quorū tutela hæc religio semper inuicta stetit, vt ita nobis volentes propitij adsitis, si sanctæ religionis vindicandæ, non aliena rapiundi caussa ad hoc certamen descendimus. Intelligens Pizarrus non vltra cunctandum esse, significat fratribus, vt consurgentes cum equitibus irrumpant, ipse cum peditibus primum cornu, in quo Atabalibas versabatur, aggressus est, simulq; eodem momento distinctis turmis coorti equites tripartitō inuadunt, & tormenta eodem tempore

Atabalibas
sacrum co-
dicem ab-
iecit.

Pugna ad
Cassamal-
cam.

bore in confertas Barbarorum cateruas di-
 spoduntur. Ibi vero non praelium, sed mise-
 rorum hominum longè miserior cædes coorta
 est: nam ferreis globis momento integras co-
 hortēs sterni, & feroces insuper equos instare
 conspicantes nulli obnixè steterunt, sed cun-
 cti ferè præ metu præcipites in suos conuersi,
 pro se quisq; obtritu equorum eripere, se con-
 tendebant. Ingens tamen certamen circa re-
 gis lecticam cōtractum est, quod, quicquid in-
 ter Barbaros roboris fuerat, ibi ad supremā
 opem intentum paratumq; staret, & gestan-
 tes baiuli incredibili celeritate succederent,
 & omnes seruandi magis Regis, quā sui stu-
 dio incitati circā prōptissimè dimicaret. Igi-
 tur Pizarrus metuens ne suis eiusmodi per-
 seuerantia defatigatis Barbari etiam, qui fu-
 ga palatierant animos resumere, atque præ-
 lium instaurare ad Regem conseruandū au-
 derent, increpans, & vbiq; ferè fusos osten-
 dens hostes incumbi atque vrgeri acrius iu-
 bet. Ibi propè nouū certamen recrudit, quū
 Hispani lecticam feruidè circūsiscentes Bar-
 baros pari constantia se obiectantes, pecorum

Barbarorū
 constantia
 & cædes.

H rō suo-

rò suorum cæde magis ignescentes consisteret pertinaciter, adesse Regi, & mori constanter minimè formidarent. Ergo plurimis in locis, sed diuerso habitu ac facie pugna versabatur, cunctaq; plena erant horrendo armorum sonitu, pugnantium clamore, cadentium gemitu, miserandoq; variantis fortunæ spectaculo, quum alibi videre liceret furentium equorum fugientes conspectum, alibi eorundem metu totis campis sese rapientes agētesq; alibi, præsertim vbi cum peditibus res erat, confidentissimè stātes, & multo vultu pugnantes. At demum vbi eo modo diu atque acerrimè pugnatum fuit, perrupit obiectos cuneos Hispanorum cruenta vis, viaq; per Barbarorum cadauera vel stolidam in vltimam necem contumacia gradum præmētium facta, ad Atabalibam peruenit: est:

Atabalibas
deijcitur et
capitur.

Illum in lectica trepidantē, & iam tristi circumspectu tum cædem, tum fugam suorum conspicientem ante alios primus inuasit Pizarrus, statimq; promissa cesarie validè apprehensum deturbare conatur, aliorum tantus incumbentium ac lecticam impetentium ardor fuit, vt protrusis certatim mucronibus

Pizar-

Pizarrū in palma vulnerarent. Ita demum
 capti, & in solum deiectionis regis rumor fausto
 nostrorum clamore vulgatus, velut omni a-
 missa spe, Barbaros omnes in fugam dedit,
 fuitq; tanta ruentium vis, ut, dum quisque
 primum certatim effugiendi locum sibi quæ-
 rit, miserabili sese mutuo turba, impredientiū
 contentione murum Cassamalcanæ aræ la-
 tus claudentem, metu vires addente perurum
 perent. Multo autē ante Ruminaxis (quem <sup>Ruminax-
xis.</sup>
 ad hostiū terga inuadenda in insidijs ab Ata-
 baliba collocatū fuisse diximus) auditis tor-
 mentorum bombis, quum insuper eos, qui sibi
 adoriūdi signum darent, ab Hispanis deie-
 ctos videret, vixdū pugna incalescente Qui-
 tonem iter intendens profugerat. Eques ad
 noctem usque tergis fugientium institit, cæ-
 demq; dispersorum ingentem patrauit. Po-
 stridie ubi prima lux tantæ lætitiæ faciem
 aperuit, tunc ad spolia discursum fuit, præ-
 damq; auaris incredibilem vel solæ exuvie <sup>Ingens
præda.</sup>
 fecerunt: sed quis auri argetiq; copiam etiam
 operosis artificijs elaboratam oratione com-
 plecti possit? sola Atabalibæ supellex sexa-
 ginta aureorum nummū millia superavit:

H 2 præter

LEVI. APOL. GAND. DE

Atabalibæ
promissum

præter hæc amplius quinque millia fœmina-
rum in castris reperta sunt, quæ haud inui-
tè victoribus se veterum maritorum oblitæ
coniunxerunt. Facta præda, & rebus compo-
sitis Atabalibas spondit, si pristina fortu-
na dignè se Pizarrus acciperet, in redemptio-
nem, præter alia infinita, quadratâ suæ lon-
gitudini simili altitudine vestibuli aream
cœlati operis auro complere, quam cum con-
ditionem amplexatus esset tãti promissi ad-
miratione stupefiscens Pizarrus, ille conse-
stim in omnes partes Cusconemq; imprimis ad
totius Prouinciæ thesauros Cassamalcam
comportandos literas nunciosq; misit, &
quanquam incredibilis auri copia indies in
castra deferretur, res tamen perficiundi pro-
missi absurda Hispanis visa est. Iam enim
persoluendæ redemptionis tempus effluxerat,
& vel in opulētissima auri regione nemo ta-
men eam animo copiam concipere poterat,
ita vt omnes promissa expleri posse diffide-
rent non obscura etiam inuidia in Ataba-
libam ob contumacem fastum, tentatiq; præ-
lij euentum male animati, & ab ea promissi
soluendi cunctatione suspicacibus ingenijs
sub-

subdolum, & minimè rudem, regijsq; planè
 artibus instructum hominem metuentes. Id-
 circo ad obmussitationes cōuersi queruntur,
 quod præscriptum destinatumq; redēptionis
 soluendæ tempus Rex fefellisset, & alias a-
 liasq; moras inferret, tantumq; inanibus ver-
 borum promissis in dies expectantes se ludifi-
 caretur. Vel procul dubio definitam auri
 vim, promissorum vires superare, & confer-
 ri non posse, vel si posset, quorsum istam dila-
 tionem spectare, quam eò, vt se consulta pro-
 rogatione deceptos clam interim copijs para-
 tis opprimere, & carceres effringere posset?
 Hæc omnia Atabalibas expiscatus, magno-
 que salutem suam periculo agitari sat sciens,
 vehementer apud Pizarrũ conqueritur vsq;
 adeo leuem & dubiam in re tutissima fidem
 haberi, & veluti nodum in scirpo de indu-
 stria ab virulentis obtrectatorum quorun-
 dam calumnijs conquiri, nempe eum insulse
 ridiculeq; timendo, qui in ipsorum potestate
 atque arbitrio vinculis constrictus ageret.
 Quod ad tempus lytri precium persolutum
 nō esset, certè æquis & rationis capacibus vi-
 ris non posse iustam causam videri, cur com-

Murmura
 in Ataba-
 libam.

Atabalibe
 querela &
 purgatio.

LEVI. APOL. GAND. DE

portandi auri moram iniqua interpretatio-
ne in subdolas frustrationes detorquerent, il-
lam verò nondum vsque adeo longam fuis-
se, vt præproperæ suspicionis dubitationem
imbecillis argumentis concipere deberent,
quando moderatam in partē omnia accipere
volentibus, satis constare posset moram non
aliqua in auro conuehendo, diligentia inter-
missione, sed vrbum, & Cusconis imprimis
longissimo interuallo fieri, quid verò inter-
esse queat, paucorum mēsum spacium indul-
geri in conditionibus non ita angustè defini-
tum seruari tempus, & earum parum refer-
re, si paulò post, quam terminatæ fuerint, ex-
pleantur, sed paciscentium voluntatem ani-
mūq; aduerti, qui si suæ fidei constet, & pa-
tis celerrimè præstādis pro virili incumbat,
quem adeo immanē fore, qui vel pusillo tem-
pore, præter id quod destinatum fuerit, ab-
soluendæ fidei desiderium ferre non possit?
At si omnino diffiderent, negotio non lon-
giore opus fore, quam vt duos ex suis Cusco-
nem Legatos ad inspiciendum, & omnia sua
præsentia rectius curanda emitterent. Hoc
probato consilio, quanquam periculosum vi-
debatur

debat in fide Barbarorum genti suam salutem credere, mittuntur Ferdinandus Sotus, et Petrus Barus, ut Cusconem proficiscantur. Hi usitatis in gestaminibus expeditis Barbarorum sexaginta, humeris ferebantur, qui citato semper cursu iter capebant alij atq; alij eodem ferè numero per distincta viarum spacia, sicuti apud nostros Vederariorum equi solent, succedentibus. Hoc modo itinere dierum aliquot Cassamalca progressis ab Atabalibianis Ducibus Guascar captivus in occursum fortè adductus est, cuius ut fortunam, bellicæq; litis initium certius intelligerent, cum eo sermones contulere. Ibi Guascari auditis Pizarri postulatis facile annuente tristi oratione fratris iniuriā deplorare licuit, narrantisq; primæ controversiæ exordijs, ostendit illum non regnum modò, quod legitimo ac naturali paternæ hereditatis iure obuenisset, sed ipsam quoq; vitam, & lucem eripere sibi velle. Ea re ipsos se vehementer precari, ut interrupta profectio ad Pizarrum redeant, & illatam sibi iniuriam illi significant, ac suis verbis etiam atque etiam obtestentur, ut, postquam am-

Legati Cusconem missi

Legatorum & Guascarum colloquium.

LEVI. APOL. GAND. DE

Guaſcaris
poſtulata
et promiſ-
ſa.

bobus in ipſius poteſtatem redactis totius
Prouinciæ imperium fortuna ipſi ſubiecif-
ſet, habita quæſtione litem dirimere, et æquo
iure imperium adiudicare vellet: quod ſi Pi-
Zarrus facere non grauaretur, non modo ſe
promiſſis Atabalibæ pleniffimè ſatisfacturū,
ſed regiam Caſſamalcanam ad ſupremū vſq;
tectorum faſtigium ſolido auro cōpleturum,
quod quam ſibi in prōptu ſit exequi, ne ipſos
forte ignorare, quū ineffabilem paternorum
theſaurorum gazam in manu habeat, quam
vero difficile & graue fratri Atabalibæ, vel
iſthinc conijci poſſe, quòd ad redemptionē præ-
ſtandam Solis delubrum Cuſcone ornamen-
mentis omnibus ſpoliare inſtitueret. Erant
hæc minimè à veritate aliena, ſed omnē eam
aureorum theſaurorum vim Guaſcar in ip-
ſis belli orti initijs, ne in fortuito infortunio
fratri victori in prædam cederent, magno
foſſorum numero occultiffimè defoderat, ſta-
timq; ne quis id vnquam euulgaret, omnes
qui eius rei conſcij fuerant interemerat, ita
vt vel maximo fodiendi labore Hiſpani ſcru-
tantes eoſdem nunquam inuenire potuerint.
Verū Sotus Barusq; vel quòd his vti ferè
incre-

incredilibus infirmam fidem haberent, vel
 quòd institutum iter omittere, te suæ Lega-
 tionis cōmissum munus interrumpere haud
 auderent, negant sibi extemplò redeundi fas
 esse, sed expeditis Cuscone negotijs simulac
 reuer si essent, ipsius caussam non vulgari stu-
 dio cōmendaturos esse pollicentur. Ita quum
 hi cœptum iter reiecto in reditum Guascarè
 continuarent, hæc procul dubio caussa fuit,
 quòd Guascar in extremum immaturæ ne-
 cis casum incurrerit, & Hispani tantis the-
 saurorum diuitijs exciderint. Festinè enim
 Atabalibas eo de colloquio per suos clā cer-
 tior factus cū esset, facilè periculum suum
 reputans, si Guascaris postulata ad Pizar-
 rum perferrentur, quòd fratrem non modo fir-
 mis rationibus inniti sciret, sed Hispanos
 paulò alieniores à se sentiret, & auri cupidi-
 tate deflagrantes in quamcunque partē au-
 ri potiundi caussa adduci posse sagaci inge-
 nio satis videret, propera fratris morte, pri-
 us quam redirent Legati, ei periculo occur-
 rere decreuit: sed vbi tanti facinoris reputa-
 tione æstuantem non parum etiam terreret
 accepta relatu fama, qua Christiana in lege

Atabalibæ
 versutia
 & intelli-
 gentia.

LEVI. APOL. GAND. DE

mirabilis
Atabaliba
astus.

homicidam inenitabili certissimæ necis supplicio teneri intellexerat, constituit ea de re animum Pizarri, quo id affectu laturus esset, pertentare. Vultu itaq; ad mœrorē composito, quum sæpe lachrymando, & cibo, potu, colloquioq; omni abstinendo, luctum simultantem percunctaretur doloris causam Pizarrus, respondit: Ex præfectis suis quendā intellectu suæ captiuitatis infortunio fratrem Guascarem captiuum è medio præcipiti vindictæ studio sustulisse, cuius mortem tanto hercule luctu animum suum perfudisse, quantum fraternæ charitatis ac necessitudinis ius postularet. Sūmo enim perpetuæ venerationis cultu atque obseruantia vti fratrem ætate cæteris superiorem, adeoque parentem vnicum se coluisse, & quamquam bello excitato captiuum in potestatem redegerit, non ea mente fecisse, vt vel morte, vel iniqua totius regni priuatione exitiosam fatalis iræ ipsius personæ vibicem infligeret, sed vti ab eo tali fortuna mulctato, commodius Quitonica Prouinciæ imperium sibi paterno testamento legatum, & extra eius regni limites situm exprimeret.

ret. Pizarrus quum communis sortis necessi-
tatem demonstrando, pollicēdoq, tum de in-
iusto interfectore quæstionē exerceri, & sup-
pliciū sumi posse, postquā præsentis belli tu-
multus deferbuisset, his atq, alijs dictis sola-
retur, Atabalibas conceptū facinus sua opi-
nionē leuius duci audies, maturare institutū
scelus cōstituit, subitoq, clā Ducibus Guascā ^{Guascaris}
ris interimendi negociū imponit, quod ab his ^{mers.}
tāta celeritate præstitū fuit, vt nō satis con-
stet, utrū ante cādē, an post, eā cōficti luctus
simulationē prætulerit. Ferunt Guascarē iā
neci suæ propinquū fatali proloquio dixisse:
se rē exiguo tēpore obtinuisse, & vt nō lōgio-
re proditor frater obtineat certē futurum:
quamobrē cū nō multò post Atabalibam ad
necē trahi viderēt Barbari, Guascarem vt
verū fraternæ necis vatē Sole natum crede-
bant. Hūc propē in ipso imperij et virilis æ-
tatis limite Guascar vitæ exitū adeptus est,
qui inqua dolētiū militū obrectatione, sum-
ma Sotū Barūq, inuidia oneravit, ac tū ipsi-
us Guascaris miseratiōe, tū ferēdi auri mora
seditiōe sopitorū militū resuscitata ipsius de-
mū Atabalibæ, secus ac sperarat, mortē, ac-
celera-

LEVI. APOL. GAND. DE

celeravit. Non obscuris enim studiis omnes
in Guascarem propendebant, non eò tantum
quòd pro illo causse equitas facere videretur,
sed quòd antecaptiuitatem, amicitiam
ac coniunctionem Hispanorum missa legatione
quasiuisset, quam pertinaciter contem-
ptam nihili fecerat irriseratq; semper Atabalibas,
cui contumeliæ meritas adhuc pœnas destinabant.
Inter has expectandi auri moras Pizarrus
Ferdinandum fratrem misit ad Pagacamiã
occupandam (de qua libro superiore dictum est)
cui in itinere occurrit Ilescas Atabalibæ
frater cum trecentis aureorum millibus
præter ceteram auri argenti-
que copiam infecti. Vbi in Pagacamiã peruenisset,
cõperit in Sausanis quadraginta inde
passuum millibus Cilicuchimam (cuius antè
mentionem fecimus) consedissee. Hunc hor-
tatus est Ferdinandus, vt ad se veniret, pol-
licitus omne amicitie beneuolentieque officium,
sed cum Barbarus vel metu vel superbia
grauaretur, ipse ad illum profectus est,
ac deinde humaniter colloquutus, exemplum
Atabalibæ proponendo, quem reiecta
Hispanorum amicitia contumaciam perdissee

Ilescas Atabalibæ
frater.

disse sciret, Barbarum perpulit, vt dimisso exercitu secum ad Atabalibam proficisceretur. Breuiore itaque itinere vbi redierunt per montes, Cilicuchima ex more gentis discalciatus, & indumenta ante regem deferens, ad Atabalibam ingressus est, regioq; nominue Ingam appellitans. Nō te, inquit, in hac fortuna exciperem, si mihi pugnae interesse licuisset, sed quando ita iniquae sortis casus tulit, reliquum est Imperator, vt quodcunque accidit moderatè perferas, & id optimū validissimūq; ad praesentis miseriae tedium eleuandum fore consolationis genus arbitrare, quod tibi ipse ab fortis animi tolerantia constantiaq; adhibes. Ad quae nihil aliud dixisse Atabalibam ferunt, ita forte Deos immortales non iniquos humanae superbiae vindices immodico fastu Christianos contemnentes voluisse punire: sed suprā cætera vnicè de Ruminaxi esse conquestum, quod ille, in quo praecipuam victoriae consequenda spem posuisset, praecipiti fuga omnem destinati sui consilij ordinē peruertisset, & ferè prodidisset. Sub idem tempus instructa naui ad Portum Veterem appulsus in Peruuiam traiecit

Cerimonia
Cilicuchi-
ma ad A-
tabalibam
ingredien-
tis.

Dida-

Didaci Al
magri in
Peruuiam
appulsus.

Didacus Almagrus, qui clandestina emula-
tione ac similitate in Pizarrū stimulatus,
constituerat & ipse aliquā gentem scrutari,
sed certior factus maximam post Atabali-
bam captum in Pizarri castra ad Cassamal-
cam auri vim conferri, eius opulentiae pro-
pter veterem familiaritatē, & fortunarum
communione (quā illi cum Pizarro fuisse
diximus) aliquam partem sperans, cōmutata
voluntate Cassamalcā profectus est. Iam
enim non exigua portio ad promissae redem-
ptioni satisfaciendum aduecta fuerat tanto
cum Hispanorum stupore, ut nulla in parte
Europae aequalem auri vim esse crederent.
Eius enim summa iam trigesies centies mil-
lia, & myriades octo Carolinorum supera-
bat. Eadem ratione argenti aestimatio pro-
pè fidē excedebat: sed in hac admirabili af-
fluentia, & Peruuinae opulentiae ostenta-
tione, quae nostris miranda stupenda-
que iure videri poterat, ne tamen quin-
ta promissi precij pars regiae redemptionis
aequabatur. Itaque venienti in castra Di-
daco, quanquam ipse appendices quae ex-
tra laboris ac periculi aleam in capiundo
Rege

Pizarri in
Almagrū
liberalitas.

Rege fuissent, tamen ut animi sui gratitudinem, incolumemque adhuc pristina familiaritatis memoriam declararet, & impensarum, quas in milites, nauimque instruendam Didacus erogarat, detrimentum sarciret, Pizarrus minimè humanitatem suam præcluserat, deditque ad centum aureorum millia. Sed in tanta diuitiarum copia tempus erat præstantissimæ victoriæ nuncium in Europam perferri, & Cæsare, iuxta conuenta, definita summa donari. Ea res tria cōmoda proponebat, quòd plures allici, quòd aduersariorum calumnias refringi, qui antè Peruuinam profectionem, uti inutilem, irriserant, quòd Cæsarem deuinciri, & ab eo liberaliora latioris iuris priuilegia impetrari posse sperandum esset. Non enim iniqua ratione Pizarrus ad id postremum consequendum maturè sibi viam muniendā providebat, quòd ab primo eo iurgio æstuantem semper Almagrum, vel aliquando ad tempus pacatum nunquam ad veteris amicitiae candorem rediturum, sed rediuiua perpetuo ad magna anhelantis animi contentione implacabile suæ fortunæ æmulatorē metueret.

Sed

Sed cum penitus nondum promissæ redem-
 ptionis precio persoluto adhuc discerni haud
 posset, quid ad Cæsarem iuxta pactiones redi-
 ret, ex massa desumit centum aureorum mil-
 lia, argenti talenta supra triginta, quibus di-
 uersa elaboratorum operum ex auro argen-
 tõe oblectamenta adiunxit, vti crateres, to-
 reumata, carrucas, tympana, tubas, cœlata
 virorum mulierumq; simulachra, idq; genus
 alia, quæ vel inter epulas Regum ministerijs
 accommodantur, vel ad oculorũ voluptatem
 admirationemq; pretiosis in abacis ostentan-
 tur. Cum his Ferdinandum fratrem in Hi-
 spaniam amandauit, quod quidem Atabali-
 bam ingenti stupore ac luctu perculit, quod
 Ferdinandum non modo impensè charum ha-
 beret, sed in eo omnem suam salutem recum-
 bere sciret. Is enim ingenio maximè ad omnẽ
 clementiam, ac moderationem natus, quoti-
 dianis ferè colloquijs captiuũ inuiserat, sem-
 perq; in maximam consequendæ liberationis
 spem atque expectationem erectum tenuerat,
 & militum seditiosis occlamationibus sæpe
 compressis ac refutatis, perpetuum fidißimi
 patrocinijs officiũ exhibuerat. Proinde quum
 ad iter

Atabalibæ
 luctus ob
 Ferdinan-
 di disces-
 sum.

ad iter paratus valedicendi caussa Atabalibam adisset, ferunt illum minimè luctū dissimulantem nō sine lachrymis dixisse. Eūne iam abire, & in ista fortuna derelinquere miserum, cui hactenus spes omnis sua acquieuerit? Hei quam se scire, digresso ipso, præpinguē illum & monoculū (Almagrum innuens) confestim de se tollendo seditiones consiliaq; iactaturum. Nec tam imminetia metuētē, quam vera ominantem ea opinio fefellit: nam profecto Ferdinando eū demum de nece Atabalibæ agitari cœptum. Erat in castris quidam nomine Philippillus, qui Barbaricæ callens linguæ interpretis munere fungebatur, is Atabalibam accusabat, quod secretas ad opprimendos Hispanos insidias machinaretur, & per istam precij dissoluen- di dilationem earum occasionem captaret. Philippillum ad accusandum Atabalibam adductum nonnulli volunt; ut è medio sublato liberius vna pellicum eius frueretur, cuius amore deperibat, quod ne quidem ignorans Atabalibas, haud semel ea de re cum Pizarro expostularat, illū haud obscure incusans, quod eiusmodi iniuria ac violatione

Philippilli
intenta in
Atabalibā
accusatio.

I se af-

se affici pateretur, quum ex patriæ legis sanctione æquum esset, non procul modo cum proca tolli, sed domum, & solum inperso sale ad penitus eruendam tanti sceleris memoriam euerti: Alij hunc ab Almagro impulsu volunt, qui cum ex Pizarrianis nihil sibi in præda commune fore didicisset, quoad lytrum persolutum esset, intentissimè omnium Atabalibæ neci inhiare putabatur. Sed utcunque se res habet, subornata accusatione morti adiudicatus est. Tum ille certior factus ad Pizarrum aliosq; Principes, nunquam, inquit, existimassem futurum, ut eius rei, cuius penitus perficiundæ via capto & in aliena potestate constituto sit præclusa, vnquam à vobis postularer. Nam quod de dilatione obijcitur friuolum ac puerile est, quum nullo adhuc tempore, à quo vestris me manibus fortuna intulit, cōportandi auri industriam refrixisse cuilibet satis cōstet, sed & si, ut suspicio accusatioq; impingitur, destinatæ fraudis cogitatione tardius omnia fierent, certè expectandum fuisset, dum tumultus alibi obortus rē approbasset, ac tum non sera hercule in meam necem nunc prætermeri-

meritum intētata actio fieri potuisset. Iam
 prodor insons honesto scilicet consultæ pro-
 rogationis prætextu, quia quid mihi ulte-
 rius moliundi hîc capto abditoq, sit potesta-
 tis, omnium coniecturæ facile relinquitur,
 sed tamen metus si fuerit, ostendite errorem
 solum metum habere, non cæca in meam ne-
 cem consilia esse. Agite igitur, duplicate cu-
 studias, neminem ad me aditum habere, aut
 verba serere, nisi præsentē audienteq, satel-
 litio vestro, patiamini, ut eos vos esse Chri-
 stianos intelligam, quos dicitis gentes omnes
 æquitate, ac clementia superare. Hæc oran-
 tē turbidis clamoribus vrgēt, nec obiecta mo-
 do repetunt, sed iā Guascaris cædē iactabāt:
 ita miser ad necem trahitur, & frustra Fer-
 dinandū inclamans iugulatur. Corpus Qui-
 tonem delatum Ruminaxi, qui ex prælio
 fugiens liberos Atabalibæ in tutelā accepe-
 rat, regio funere extulit, sed pietati crudeli-
 tatē addens, ut solus imperio potiretur, Du-
 ces, qui corpus detulerāt, portione sopitos ob-
 truncavit, inter quos fuit Ilescas Atabalibæ
 frater, quē ille viuens non multò antè necem
 Quitonem ad liberos sibi adducendos ablega-
 rat.

Atabalibæ
 interitus.

LEVI. APOL. GAND. DE

Pizarrus
ad occupan-
dam Cus-
conem ten-
dit.

rat. Compositis autem rebus ad Cassamal-
cam Pizarrus, quum plurimum ad totius
belli, Prouinciæq; occupandæ momentū per-
tinere videret, si Cuscone regia vrbe potire-
tur, eò iter intendit. Iam enim illuc quoque
vocabat fama perlata Quisquim Atabali-
bianum Satrapam, de quo ante dictum est,
in Sausanis consedissee, & alteras adhuc co-
pias in Vilcacinis versari, præesseq; his Pau-
lum Guascaris fratrem Ingam patria cæri-
monia declaratum, & hunc vires quotidie
adaugere, magno etiam incolas odio Hispa-
nos externam gentem prosequi, ac non inui-
tè coeuntes bello instaurando diligentissimè
inniti. His de causis Pizarrus paulo cele-
rius Cassamalca discessit, venientemq; in se
Quisquis ut nunciante fama sensit, nullam
fugiendi illinc morā fecit. Vbi latè agris va-
statis in Vilcacinos peruētum est, præmitti-
tur Sotus, qui itinera exploraret, & sequen-
ti agmini viam faceret. Hic vbi plano in lo-
co sub vesperam cōsedisset, Barbari, qui te-
ctis se locis occultarant, repente fero vlula-
tu è montibus prouolantes, saxaq; & tela
præcipitantes, tanto impetu in fessos disper-
sosq;

Quisquis
Pizarri ad-
uentum fu-
git.

sosq̃ decurrere Hispanos, ut sex subito in-
 terfectis nihil propius abesset, quin Sotum
 cum suis in fugam verterent, sed agrè dimi-
 cantes, agrius sustinētes, nox ad montes ho-
 stem reuocans, eo periculo liberauit. Per no-
 tem Pizarro cum equite Almagrum sub-
 sibio misit, ipse de tertia vigilia subsequu-
 tus est. Postridie, cum summo mane hostes
 praelio laceessere inciperent, equitum, qui au-
 xilio aduenerant, propter spissae nebulae cali-
 ginem ignari, nostri ad lapidum vitandos ia-
 ctus, Barbarosq̃ ad æquiores sibi pugnam
 in planum eliciendos, consultò pedes retule-
 runt, sed illi intellecta fraude loco permanen-
 tes de præcipiti cum vrgere pergerent, Hispani
 sibi indignantes, seseq̃ mutuo increpātes,
 quòd paucos & inermes inconditosq̃ Barba-
 ros coërcere atque infringere non possent, re-
 dintegrato clamore in aduersos hostes mon-
 tesq̃ strictis ferris ruunt, factaq̃ impressione
 non loco modo potiti sunt, sed omnes procul
 in interiores montes refugere coëgerunt. Ea
 clades fractum animo Paulum Ingam addu-
 xit, ut cum veniente Pizarro pacem iniret,

Pugna in
 Vilcacini.

Paulus In-
 ga cum Pi-
 zarro pacē
 inii.

LEVI. APOL. GAND. DE

vi sperare disceret. Postquā ergo Pizarrus cum cætero agmine aduenisset, Inga veniam suppliciter deprecatus est, paceq; legitimo sacramento cōfirmata; indicauit ad Cusconem magnas copias cōspiratione facta ipsius aduentum ad pugnam conserendam præstolari. Pizarrus dierū aliquot itinere progressus, vbi Cusconi propinquare cæpit, fumum latè tolli vidit, ratusq; Barbaros urbem succendere, cōfestim certos Duces cum expeditis ad inhibendum incendium misit. In hos iuxta urbem progressos magna Barbarorum multitudo sese effudit, telisq; fundis, et saxis adorta cedere nostros compulit, sed vbi repente subsidio missi cum equitibus Consalius atq; Ioannes Pizarri fratres aduenēre, tunc magno incurso fusi fugatiq; Barbari, & in fuga magno numero per compita callesq; ab equitibus acerrimè insequentibus cæsi. Postridiē Pizarrus ratus haud dubium certamen subeundum fore, ad urbem instructa acie processit, sed quod domiti hesternā clade Barbari spiritus remisissent, & magna eorū pars metu per noctem dilapsa esset, omnia pacata quietaq; præter expectationē inueniens,
nulla

Barbarorū
fuga &
sedes.

nulla cum grauiore molestia Cusconē introi- Pizarrus
Cuscone
pouur.
 uit, tam faciliq; modo regia vrbe potitus est,
 vbi tantam aurigazam repperit, quantam
 Cassamalcae vnquam acceperat. Posthac vt
 fama allatum fuit haud procul abesse Quis-
 quim, venisseq; in vicinam Condufiorum gen-
 tem, ad illum insequendū cū equitibus quin-
 quaginta missus est Sotus, quem Quisquis
 expectare haud ausus, relictis passim popula-
 tionum incendiorumq; vestigijs, in Sausanos
 recessit, vt Hispanos, quos ea in regione ad
 impedimenta relictos sciebat, de improviso op-
 primeret. Sed cū rem antè explorassent, ca-
 pto edito loco molestanti Quisqui fortiter re-
 pugnarunt, ita ille nulla re memorabili acta
 in Quitonicum agrum se recepit: quare So-
 tus fratresq; Pizarri post illum missi, cētum
 amplius passuum millibus cū insequuti ne-
 quicquam fuissent, Cusconem sunt reuersi.
 In ea vrbe constituenda Pizarrus dies vi-
 ginti consumpsit, militibusq; inuenta ibi prae-
 da donatiui nomine diuisa: quum discessum
 inde pararet, veteribus incolis, quibus ma-
 nendi voluntas erat, urbem incolendam re-
 liquit, quum pleraque Hispanorum pars in

LEVI. APOL. GAND. DE

Benalca-
zar Tanga-
ræ Pro-
uincie præ-
ficitur.

Benalca-
zar in Ru-
minaxim.

Insidie Ru-
minaxis.

patriam reuerti properaret, vt isthic iam re-
bus partis locupletes reliquum vitæ curricu-
lum beato in otio ac tranquillitate traduce-
re possent. Posthæc Pizarrus Benalcazarẽ
Michaëliam misit, vt Tangaræ præesset,
qui, postquã intra Præfecturæ terminos per-
uenit Canarum, Legatos obuiam habuit, o-
pem ipsius postulantes, quod Ruminaxis, fra-
tribus Atabalibæ sublati, Quitonico impe-
rio crudeliter potitus copias ingentes contra-
xisset, & Canarum agrum continente bello
premeret. Hi enim ob exercitã in ipsos A-
tabalibæ, vti dictum est, crudelitatem ma-
ximè ipsius Præfectis infensi erant, & cum
nostris idcirco quamprimum amicitiam iun-
xerant. Hac de caussa Benalcazar, quia
quam plurimi Panamaide iam aduenerant,
cum peditibus ducentis, atq; octoginta equi-
tibus aduersus Ruminaxim profectus est,
qui licet ad duodecim hominum millia sub
signis haberet, nunquam tamen in aciem da-
re se ausus fuit, sed crebras insidiando mole-
stias potius, quam pericula aut damna infere-
bat: quippe abditioribus in locis, aut in mon-
tans vallibus vel vias obsepserat, vel in vi-
renti

*reti gramine cacas scrobes effoderat, in quas
 equi pedibus haustis inciderent, quas omnes
 difficultates Benalcazaris industria vias no-
 ste primū explorando, nec recta in hostes, sed
 per circuitus proficiscendo, facile deuabat.
 Ita quum per montes cāposq; nauiter ac con-
 sideratē procedens iam Quitoni instaret, Ru-
 minaxis nullum potius consilium inuenit,
 quā si inde in interiora loca inuictis asperi-
 tatibus tuta profugeret, quo minimē Hispa-
 nos esse peruenturos credibile videretur. Hoc
 igitur destinato consilio ad Pellices suas con-
 uersus: Ecquid, inquit, meæ quondam deli-
 tiæ, nunc se animi habent vestri, quando iam
 Christianis aduentantibus, diu exoptata li-
 bidine mei pertæsis, perfrui licebit? quibus
 cum verbis veluti salso dicterio dictis arri-
 derent, iratus Ruminaxis plærasque crude-
 liter interfecit. Nam vti omnis ferè mulie-
 bris nouo in orbe sexus inuāsato nostrorum
 hominum appetitu atque libidine exardescit,
 ita hæ non incerta ob Hispanorum ad-
 uentum lætitiæ signa dederant. Hoc facino-
 re perpetrato, & incensis præterea insignis
 magnificentia ædibus Ruminaxis profugit,*

LEVI. APOL. GAND. DE
& Quitonem occupandam non difficili ne-
gocio Benalcazari atque Didaco Alma-
gro reliquit. Priusquam enim cederet Ru-
minaxis Almagrus ad Benalcazarem per-
uenit à Pizarro missus, quòd fama per-
crebuisse Petrum Aluaradum ad
Peruuiam inuadendam magno
cum militum numero
& classe ad-
uentare.

FINIS.

Deòs ròd Nòs.

Argumentum Lib. III.

Petrus Aluaradus, Prouinciæ Vati-
 malianæ Prætor, de Peruuiaæ fœli-
 citate ac Francisci Pizarri successu
 certior factus, dum ille ad Cassamal-
 cam detinetur, in spem Quitonis po-
 tiūdæ venit, appulsusque ad portum
 Veterem inde per Arcabuxios mon-
 tes difficili & graui labore in Quito-
 nicum agrum peruenit, perceptoque
 Almagri discessu in illum tendit, sed
 quum in mutuū conspectum ven-
 tum esset, res pactione cōposita fuit,
 & fugato in itinere Quisqui, quū am-
 bo ad Pizarrum peruenissent, soluit
 Aluarado pecuniæ summā Pizarrus,
 & illum in suam Prouinciam remisit.
 Almagrus verò Cusconē digressus,
 ob perceptam de Cæsareo diploma-
 te famam, isthic tumultuari cœpit,
 sed aduentum Pizarri turba sedata
 fœderēque renouato Almagrus iter
 in Chiliacos cœpit. Pizarrus Regiū
 est reuersus, interim quum Ferdinan-
 dus in Peruuiam Cusconem rediis-
 set,

set, Cæsareum diploma Ioannes Errada attulit, quo ille accepto, conditionum factorum pœnitens, contra iurandum Cusconē redit, & ea vi positur, Ferdinando atq; Consaluo Pizarri fratribus captis. Verū his liberatis paulò post bellū inter Pizarrum atq; Almagrū erupit, prælioq; demū ad Cusconē cōmisso captus ac cæsus ab Ferdinando est Almagrus, dehinc ad rerū gestarū rationē dandā Ferdinadus in Hispaniā profectus est, sed quū ibi ad causam dicendā detineretur, ac Vacianus Caster ad cognitionē rei habendā in Prouinciā mitteretur, Almagrus senioris Almagri filius cū Ioanne Errada ac sui nominis studiosis coniurationē in Pizarrū instituit, vi in ipsius ædes irrūpit, & illū trucidat, Prouinciæq; Præturā occupat, ortoq; propterea inter hūc ac Vacianū Castrū bello, præliū ad Vamātiacum commissum est, quo victus Almagrus & Cusconem fugiens demum cæsus est.

L E V I-

LEVINI APOLLONII
GANDOBVRGANI DE
REBUS IN PERVVIA
GESTIS.

LIBER III.



*Hoc modo, nec grauiore labo-
re Cuscone, Quitoneq³ regijs
vrbibus in potestatem reda-
ctis, quum ferè, quicquid Pe-
ruuini nominis erat, Hispanorum ditioni
subiectum esset, Barbarorumq³ Ducibus vel
ferro vel fuga absumptis hostes deessent, non
diu inter Hispanos Duces æmulatio mutuo
liuore agitata ferre potuit, quin incredibile
illam virtutem, qua tantulo tempore Pro-
uinciam subiugarāt, in suum sanguinem vi-
sceraq³ scelerato ferro cōuersam nefariè ex-
erceret, adeò vt nihil verius rectiusq³ eo Sci-
pionis Nasicæ apud Romanos quondam iu-
dicio fuisse constet, qui Carthaginensi exci-
dio parcendum ideò tantum putauit, vt ad
impias damnatasq³ ciuilis belli contentiones
declinandas nunquam externi hostes dees-
sent,*

sent, qui assiduis territantes armis perpetuā
honesti exercitij, & ciuilis concordiae mate-
riem caussamq; noui ac semper reuiuiscētis
belli metu Romanis in ciuibus Principibus-
que continerent. Ac certē, vti tum primum
inuietum antea imperium subsequuta ciui-
lium irarum bellorumq; dissidia diuulsere,
postquam domito orbe & Cimbrorum dispul-
sa mole, potentia ad inusitatam quietā pro-
uecta suorum Ducum tēdiosa atque inuida
esse cōpit: ita in hac similiter Prouincia, quā
Atabaliba deuicta, Regijs occupatis, & iugo
vniuersae Peruuiae imposito prae pinguis ocij,
ac mollis quietis delicata tranquillitas spe-
rari posset, subito Duces, resuscitatis primi
dissidij causis, ad mutuas contentiones mu-
tua inuidia prouocauit. Primam intestinae
discordiae causam dedit Petrus Aluaradus,
qui, quum multum diuq; in Mexicanis apud
Ferdinandum Cortesium militasset, eo bello
confecto ab illo digressus Vatimalianam ad
Prouinciam venit Isthmo proximam, quam
quum magno labore subactam Caesaris per-
missu gubernandam impetrasset, famam de
Peruuia hic tandem accepit, statimq; Gar-
ziam

ziam Holgunum ad littus explorandū cum
 nauigio misit. Hic quum plurima de Pro-
 uincia statu, Pizarri successu, & Cassamal-
 cano imprimis praelio, copiaq; auri parta re-
 tulisset, in spem venit Aluaradus Quitonis
 potiunda, dum diuersa in parte rebus consti-
 tuendis Pizarrus ad Cassamalcam occupa-
 retur. Itaque instructis aliquot nauibus, &
 aliquot etiam Nicaraguae captis liburnicis
 ad Portum Veterem appulsus viam per Ar-
 cabuxios montes secundum Aequinoctialem
 in Quitonicum agrum affectabat. Iter erat,
 vt in montibus fit, per aspera & inculta, v-
 binisi aut supra verticem saxæ rupes, aut
 desuper confragosæ atque infrugiferæ valles
 spectantur: montes, quod mirum est, propter
 loci inclementiam nullos aut fontes, aut ri-
 uorum amniūue scaturigines euergunt, tor-
 rida perustaq; omnia occurrunt, & in ea e-
 tiam parte quidam cæteris montibus insupe-
 rabili cacumine excelsior, Aetnæ Siculæ in-
 star, eo turbine atque vi flammæ atris &
 cauernosis faucibus eructat, vt vel ab multo
 spacio prætereuntes bituminosis glebis descē-
 det. Ibant igitur per loca non inculta atque
 inco-

Petri Alua-
 radi ad
 Quitonem
 occupan-
 dam ince-
 ptum.

Montes Ar-
 cabuxij.

Mons Aet-
 næ instar
 flammæ
 eructans.

LEVI. APOL. GAND. DE

incognita modò, sed ne trita antè vnquam,
errabundis similes, & sibi viam, qua transi-
rent, moliunt, labore, siti, fame cōfecti. His
difficultatibus vna commoditas succurre-
bat, quod magna arundinum in ijs aspretis
copia esset, quæ matutino rore tinctæ medio-
crem aquæ abundantiam sitientibus præbe-
bant. Hanc montium plagam vltimo æstu
pressam longè frigida madidaq; excepit, vbi
non minora negocia molestiaq; niuib; amo-
uendis fuere, quæ montium vertices, lateraq;
& valles ipsas altè contexerant. Rigebant
dextræ, vixq; vnica armorum præsidia su-
stinere corpora poterant: interdū vias quæ-
rentes niuosæ voragines absorbebant, tan-
taq; in summa mordacissimi frigoris ac gelu
vis erat, vt propè vadentium pedes in ipsis
vestigijs stringerentur, & eo mortis genere
(quod longè fuit miserrimum) obrigentibus
membris velut sopiti sexaginta milites in-
terierint, inter quos vnus vxorem filiasq;
duas, quas adduxerat, conspicatus partim
eundi labore, partim frigore exhaustas, vt
pedem amplius promouere non possent, & ip-
se in earū cōspectu obrigescere maluit, quan-
quam

Sexaginta
gelu con-
ficti.

quam sui conseruandi facultas non deesset. His tandem superatis in viciniora Quitoni loca temperie aëris, & vallium salubritate lætiora Aluaradus propè tertiam suorum partem desiderans peruenit, & reliquum iter ad Almagrum ac Benalcazarē opprimendos instituit. Hi postquam Ruminaxi digresso Quitone (vbi dictum est) potiti fuissent, Almagrus non tanta auri gaza inuenta, quantam fuerat spe cōplexus, ad Pizarrum Cusconem reuerti, Benalcazare sua in Pro- uincia cum suis relicto, destinarat, sed eo Mi chaëliana via profectum & regredi conan- tem tantis laboribus implicitū Barbari te- nuere, qui passim montanas obsidentes vias, iniuriæ atque impedimento festinanti erant, vt ea hostes arcendi disijciendiq; interposita mora spacium Aluarado propinquandi, & Almagri occupandi percommodum offer- retur. Magnum etiam & difficilè cum Lu- xibambis certamen ad latissimum amnem in itinere fuit, qui ponte interrupto ripas ma- gno numero circumfidentes Almagrum mi- nimè flumen transire patiebantur. Verum,

Aluaradus
in Alma-
grum &
Benalcaza
rem.

Feminarū
viri.

K midante,

midante, hunc ea contentio exitum habuit,
 vt, quum etiam foeminae militibus adiunctae
 fundis saxisq; iaciendis virili affectu fortis-
 simè rem gererent, magna nostrorum virtu-
 te, & Barbarorū cede per vim amnis tran-
 situs pararetur, & ipse hostium Dux cape-
 retur. Ex illo demum Almagrus de Alua-
 radi aduentu cognouit, & iam vix ipsum
 quindecim passuum millibus abesse intelle-
 xit rupem obsidentem, quam ad transitum
 prohibendum Sosopaxis regulus munierat:
 quibus rebus perceptis septem equites specu-
 landum emisit, qui simul omnes ab Alua-
 radianis circumuenti, & capti sunt. Quapro-
 pter Almagrus, maiore militum parte Be-
 nalcazari ad praesidium relictā, cum vigin-
 ti & quinque equitibus duntaxat, quanta
 celeritate posset, Cusconem properare cogita-
 bat: verum id cōsiliū alius casus inhibuit.

Philippil-
 li trans-
 fugium.

Philippillus interpres post Atabalibae cæ-
 dem (cuius authorem fuisse creditum hunc di-
 ximus) in grauem suspicionem illapsus, cum
 poenam etiam metueret, ad propinquum Al-
 uaradū cū Barbaro quodam Regulo trans-
 fugit, cui fidem dabat, vniuersae regionis ip-
 sius

sius potestati tradendæ: illud etiam adiun-
 gens, Almagrum cogitantem proficisci Cus-
 conem anteuerti & capi posse, quod militum
 eius numerus non pedites ducentos, equites
 vix quinquaginta excederent. Aluaradus
 transfugæ consilium sequutus nullam inde
 procedendi moram facit, celeriterq; conten-
 dens breui ad Luxibambam peruenit: vbi,
 quum Almagrum consedissee exploratum ha-
 buit, instructa acie in eum procedit. Tum ve-
 ro Didacus in eum coniectus locum, vnde se
 sine ignominia eripere non posset, eos sequi-
 tur, qui ex necessitate ancipitem nutantis
 ingenij habitum ad fortitudinem reuocant,
 existimansq; omnino è sua esse dignitate nul-
 lo trepidæ mentis argumento facto suam mi-
 licumq; virtutē constanter tueri, quanquam
 hostium numero nōnihil terreretur, pedita-
 tu intra locum vtrunque muro munitum or-
 dinato Aluaradum expectare constituit. Ve ^{Hispani}
 rū ebullientem iā in arma ac pugnas iram ^{in se.}
 mutuus conspectus leniuit, & primum sub-
 orta in animis rei indignitatis reputatione
 murmura tolli cœpta sunt, ecquid instituere
 ac moliri se? memoriāmne quo sanguine,

LEVI. APOL. GAND. DE

qua patria orti sint, abijsse? iam fratres in
viscera sua sanguinemq; grassari? ecquid ca-
pturos exēpli inde socios? ecquid hostes Bar-
baros spei concepturos, postquam Hispanos,
gentem aliās inter se vsque adeo charam &
amicā, nunc auri libidine cognationis ac pa-
triae necessitudinis oblitos semetipsos consu-
mere viderint? Vbi deinde fundendi sangui-
nis omnes clam miseratio subiret, quo etiam
ad Magellanicum fretum regionem subigi
non dubium esset posse, hæc imprimis comme-
morante ac deprecante Caldera, dextræ in-
teriunctæ sunt, et pax his legibus composita,
vt Didacus pro insumptis in classiculam ac
milites impensis centum aureorum numūm
millia dependeret Aluarado, & ad hos dinu-
merandos vterque ad Pizarrum proficisce-
retur. Eæ conditiones clam compositæ, et ma-
gno silentio suppressæ sunt, ne noui tumul-
tus indignantibus Aluaradianis causam
adferrent, quod nihil de ipsis remunerandis
astuta & ingrata sui nominis præteritione
constitutum, sed in solius Ducis fructum ea
pactio transacta fuisset. Inter hos enim mul-
ti authoritate & existimatione bello paceq;
spectati

Pax & pa-
cium Al-
magri cum
Aluarado

Spectati erant, qui in magnam spem Aluara-
 dum sequuti ea sibi iniqua transactione pe-
 nitus omni sperati emolumenti successu haud
 dubiè deijciebantur: propterea ne quid ea res
 novæ turbæ pareret, Aluaradus atque Al-
 magrus rumorem in vulgus edidere iter eo
 consilio Reginum in agrum secundam mari-
 timam viam adornari, ut nova superioris
 littoris regionisq; exploratio iniretur. Igi-
 tur data, quibus liberet, Quitone apud Be-
 nalcazarem manendi potestate, ad Pagaca-
 miam Reginum in agrum profecti sunt, quo-
 ram Cuscone Pizarrum descendisse accepe-
 rant. Priusquam Quitonico agro excederēt,
 Didacus regulum illum, quem cum Philip-
 pillo ad Aluaradum antea trās fugisse dixi-
 mus, igne concremauit, haud dubiè eodē sup-
 plicij genere in Philippillum animaduersu-
 rus, ni homini vitam sollicito deprecans in-
 tercessisset Aluaradus. In itinere cū essent,
 nunciarunt Canares Quisquin, cuius multa
 superiore libro est mentio facta, cum duode-
 cim hominum millibus aduentare, & eius tra-
 dendi spē faciebant, si morari vellent: verū
 diffidente Didaco cum itinere continuato in

Quisquis in
proficien-
do ordo.

Chaparros peruenissent, in primam Quisquis
aciem, cui Sotarxes præerat, ex improviso
incidere. Quisquis enim in proficiscendo hunc
ordinem seruabat, ut tria hominum millia
ad efferendos undique commeatus, præpa-
randamque sequentibus viam præirent, toti-
dem bidui itinere post sequerentur, ipse in-
ter id agmen medius cum militum robore
procederet. Hic Sotarxes cum prima acie
præmissus certos aditus obsidere iussus fue-
rat, quos transituros putaret hostes, verum
Aluaradus, via præoccupata, nihil tale me-
tuentem Barbarorum turbam fudit, & hæc
etiam securiorem Sotarxem viuum cœpit.
Eadem celeritate in spem Quisquis oppri-
mendi erectus, ubi certiora de illo ex capti-
uis cognouisset, nulla equitibus quiete data
ad hostem contendere perrexit. Vbi tamen ad
alicuius amnis descensum peruentum fuit, maio-
re noctis parte hæsitatum est. Nam quò isthic
arrectius montis iugum surgebat, eò deie-
ctiore cursu via præcipitabat miris angu-
stijs conclusa, in quam insuper deuolutus am-
nis arenis proiectis ita extantia lubricabat
saxa, ut ægrè miles tentabundus & mani-
bus

bus retinens virgulta ac circa eminentes stirpes, cum equum insuper fræno deducere cogeretur, & se à lapsu, & equum à ruina sustinere posset. His tandem difficultatibus superatis, quanquam extrema propè fatigatione tã viri quàm equi enecti essent, nulla respiratione capta Quisquis assequendi consilio institerunt: sed vel summa celeritate aduentus sui famam præuenire non potuere: qua edoctus Quisquis, vt se maturè imminenti periculo eriperet, relicto cum maxima ex-
 Quisquis fuga.
 ercitus parte Gipalcone, cuius virtuti plurimum tribuebat, per auersos montium trames Quitonem versus fugam intendit. Gipalco breui oratione cohortatus suos, ne animos turpi metu remitterent, & in pugna virili potius nece defungi, quàm in fuga fædo & miserabili exitu perire, aut in longè miserabiliorem seruitutem venire mallent, mortem capit, quem Aluaradus Almagrusq; adorti pugnam frustra ad noctem extraxere, qua interueniente, cum suos reciperet Aluaradus, Gipalco ad quærendum Quisquin deserto loco excessit. Ita præter spem Hispani monte potiti in tertiam Quisquis aciem

incidere, quæ præaltam & asperam, ac præ-
 fluenti etiam fluuio impeditam rupem occu-
 parat. Eam aggressus Almagrus simili &
 contentione & pertinacia fatigandi loco
 quidem deicere non potuit, sed ita cōterruit,
 vt, inaccessa alioqui rupe sponte deserta, per
 noctem ad interiores montes altioresq; sui fir-
 mius muniendi causa profugeret. Id (quan-
 quā Ducibus, hostes insequendo, diutius cum
 inuictis locorum asperitatibus moliundi bel-
 lum nulla ratio videretur) tamen ad non in-
 ane tanti itineris insumpti, laborumq; deuo-
 ratorum solatium milites ingenti præda di-
 tauit: nam præter magnam captiuorum ho-
 minum turbam amplius quindecim ouium
 millibus potiti sunt. Per has præliolorū mo-
 lestias vt tandem Michaëliam vêtum fuit,
 ad Portum Veterem Almagrus Didacū Mo-
 ram misit, vt in ipsius auspiciis Aluaradi
 classiculam reciperet: qua re facta, & omni-
 bus mediocri iam quiete resectis, cœptum iter
 instituit, in itinereq; Martinum Astetium,
 sicuti Pixarrus iusserat, ad Trugillanam
 urbem colendā reliquit, quum interea Qui-
 tonicum in agrum Quisquis fuga dilapsus
 acces-

Ingens præ-
 da.

accessisset. Ibi etiam illum incertis vijs tre-
pidè oberrantem excipientes Benalcazaris
milites strage damnoq, omni eò desperationis
redegêre, vt consilij inops Ducum sententias
exquireret, qui cōmuni saluticonsulēdum, et
amicitiam pacemq, Hispanorum, quàm vim
amplius experiundam rati suadebant, vt so-
cietatem gratiamq, cum Benalcazare ini-
ret: ad quæ cū animi indignationem Quis-
quis non dissimularet, Barbaræq, adhuc ar-
rogantiæ plenus diceret eādē potius, qua
venissent, redeundum via, & extremas hu-
manitatis æumnas fortibus animis corpo-
ribusq, subeundas, quàm dedecorosa fractæ
spei abiectæq, mentis confessione ignominio-
sas noxiæ pacis leges emercari, & ab innata
Peruvinis aduersus hostes patriæ ac genti-
lis dignitatis tuendæ generositate turpissimè
resilire, cæteris ferocior vnus nomine Gipâ-
las, Ergo, inquit, Imperator, si vsq, adeo ti-
bi patrium decus cordi est, & fortia consilia
tantopere approbas, cur, postquam ad extre-
mam iam ferè alimentorum inopiam sit de-
uentum, redeundo magis lubet inter vastas
incultorum locorum solitudines miseranda

K 5 planeq,

LEVI. APOL. GAND. DE

planeq; virilibus ingenijs dispudenda mortis
genera famis sitisq; querere, quàm hic (quan-
do probrosa, ut infis, pacis cogitationes abo-
minaris) cruentam potius dimicando cum glo-
ria, atq; honore necem oppetere? vixque hæc
ut fatus fuit, indigna responsa reddentem
Quisquin furore accensus, & in pectus ip-
sius violento incursu delatus medium hasta
transfixit, atque ita reliqui, quo vellent, in
quascunque abiere partes. Almagrus interea
& Aluaradus, cum in Reginum agrum ad
Pizarrum peruenissent, omni humanitate
& gratulatione ab eo excepti sunt, soluitq;
Franciscus statutã Aluorado pecuniæ sum-
mam, quanquam multi haud leuibus quere-
lis obstrepentes iudicarent nō modo id pactũ,
quod certo prælij metu adductus Almagrus
fecisset, non præstandum esse, sed ipsum Alua-
radum in vincula coniiciendum, ad Cæsa-
remq; in Hispaniam mittendum, ut isthic li-
te cōtestata summi tribunalis iudicium ac-
ciperet, quod alienam prouinciã inuadere,
externosq; limites pertentare, in quos nul-
lum ius haberet, non dubitasset. Verũ Pi-
zarrus, quanquam id vel citra omne pericu-
lum

Quisquin
ab suis trās
figitur.

Murmura
in Aluara-
dum.

lum præstare posset, maluit veteris amici
 existimationi consulere, fideque deuincta Al
 magrum liberare, solutaq; ob id pecuniæ de-
 stinata summa Aluaradum Vatinalianam
 ad prouinciam veterem remisit, Almagro iam
 Cusconem abeunte, ipse ad Reginam urbem
 colendam, quod portus commoditas, agrique
 fœlicitas mirificè arrideret, se totum cum suis
 dedit applicuitq;: cui negotio dum sedulo stu-
 det, allata est fama Ferdinadum Pizarrum
 diu expectatum ex Hispanijs in Isthmum tra-
 iecisse, breuiq; in Prouinciam aduenturum, et
 una Cæsareum diploma, quo aliqua imperij
 portio Almagro conferebatur, allaturum.
 Cæsar enim diligentius intellecto Peruuinæ
 inuentionis negotio, postquam ad eam rem
 summum attulisse adiumentum Didaci Al-
 magri industriam didicisset, eius virtutis o-
 peræq; fidem aliqua imperij portione remu-
 neratam cupiens, Almagri potestati ac dice-
 cesi id dicebatur addixisse, quicquid extra
 Pizarrinæ Prouinciæ limites erat: cuius rei
 famam vt in Peruuiam Ferdinandi aduen-
 tus attulit, moxq; longè lateq; dissipauit, Al-
 magrus fastu turgidus, & nimium præpro-
 pero

LEVI. APOL. GAND. DE

Almagri
tumulus.

Fœdus &
pactum in-
ter Pizar-
rum &
Almagrū.

pero gradu ad Imperium contendens, Cusco-
nē ut venit, (quod ea vrbs extra Pizarrini
imperij terminos sita esse putaretur) tumultu-
tuosè omnia aduersus Pizarros fratres age-
re, sese pro Prætoribus gerere, præhensare proce-
res, & largiendo concitandoq; studia hominū
sollicitare cœpit, adeò ut singulis ferè die-
bus inter Almagrum fratresq; Pizarros Io-
annem & Consaluum magno tumultu, & ar-
morum gladiatorumq; micantium strepitu res-
gereretur. Didaco enim se Sotus adiunxe-
rat, Pizarris verò pleraque ciuitas singu-
lari fide adhærebat. Hoc excitus tumultu
Pizarrus, mutatis ad celeritatem iumentis,
maximis itineribus Cusconem contendit, ibi-
que rem omnem ea moderatione pacificauit,
ut tantæ leuitatis admiffæ pudor Alma-
grum caperet, quod inani rumusculorum au-
ra confusus nullo adhuc accepto diplomate
vsque adeò pueriliter imperium, quod non-
dum in manu haberet, præcipiti & intem-
pestiua cupiditate deuorasset. Sed quum Pi-
zarri aduentu repente omnia pristinae quie-
tis silentio conticescerent, fœdus his condi-
tionibus est renouatū, ut Almagrus ad Me-
ridianæ

ridianæ plagæ scrutandam regionem (quò
 Chiliaci iam fama cogniti vergebant) profi-
 cisceretur, quamq̃ ea in parte occupare pos-
 set, eam Cæsaris permissu Prætura nomine
 obtineret, quod si nihil labore dignum inue-
 nire posset, tum ipse ac Pizarrus Pro-
 uinciæ fines inter se diuiderent: quo fœ-
 dere icto vterq̃ ad sacram aram proclinans
 vsitato sacramento fidem astrinxit, se nun-
 quam mutui quicquam dissidij concepturos.
 Almagrum etiã adiurasse ferunt, nunquam
 (licet ab Cæsare concederetur) suũ ius litẽm-
 ue his terris se interpositurum, quæ vel cen-
 tum milliarium interuallo extra Cusconici
 agri confinium iacerent, quam si fidem impiẽ
 frustraretur, asserunt illum adiecisse diuino
 loquentem corpori (quod sacrata manu ad a-
 ram sacrificus porrigebat) vti dignus esset,
 se corpore animaq̃ æternis ignibus damna-
 tum supremo supplicio perderet. Sed vel illa
 horribilis sacramenti magnitudo, vel id re-
 paratum labassantis amicitia vinculum ni-
 hil ad frænandas Almagri spes valere, quũ
 ille imperij cupiditatẽ ita remittere nõ pos-
 set, quin eandem postea occasione oblata re-
 suscitarer

suscitaret tanto exarsuram aestu, ut nec veteris amicitiae memoria, nec recentis sacramenti religio ulla consideratione atque respectu sit sedatura. blandè enim ac molliter insidiosa cupiditas est, quotidiano sensim incremento per imas mentium medullas scintillet, paulatimq; aliquo sine sensu ignescens in eam demum flammā exardescit, ut omnem miseris in mortalibus cogitatae rationis usum respectumq; perurat, & si quid usquam adhuc sani relictum est, demoliatur atq; conuellat. Ergo, postquam ea pace omnia rectè statuta pacataq; visa sunt, Pizarrus Regium est reuersus, Almagrus, uti in conditionibus praescriptum erat, in Meridiem iter instituit. Euere illi praestò milites ducēti, sed postea aduentu plurimorū numerus ad quingentos excreuit, quibus auxilijs cōfirmatus, quicquid ab Cuscone ad Chiliacos terrae interiectum est, magnis difficultatibus ac cruentis victorijs peragravit. Isthic enim occurrebant viri proceris corporibus ingētes, hispidisq; marinorum Luporum pellibus terribiles, qui sagittis, quarum magni artifices erant, tergis lateribusq; euntium frequentissime

Almagri
in Chilia-
cos expedi-
tio.

tiſſimè incurſabant: præter eas moleſtias cæ-
 teris omnibus ærumnis intolerabilior gelu
 ac frigoris rigor proficiſcentes perſequeba-
 tur, vſque adeò in omniũ corpora ſeuus at-
 que horridus, vt eadem via redeunte Alma-
 gro, quod poſt quinque mentiũ interuallum
 accidit, ad rupes inuenti ſint, vt in equis vi-
 ui conſederant, erecto corpore, & manibus
 adhuc fræna tenentes, vnà cum ipſis equis,
 veluti adhuc in ſuo grefſu ſtantibus, gelu con-
 ſtricti. Verùm de hac plaga, populisq; Chilia-
 cis libro primo copioſè diximus. In eo itinere
 Almagrus Philippillum interpretem è fuga
 retractum, quam è caſtris fecerat, quadripar-
 titum diſſecuit, feruntq; illum pro morte cul-
 pam interfecti Atabalibæ ſuã eſſe multo cum
 fletu confeſſum. Almagrus cum Cuſcone diſ-
 cederet, Mango Guascaris frater cum Pau-
 lo Inga ſecreta conſilia ſeruerat, qua ratio-
 ne omnibus locis iniecto tumultu Hiſpanos
 tota paſſim Peruuia repentino oppreſſu tru-
 cidarent. Illi enim paternæ potentiæ memo-
 res, iuuenilisq; animi ac roboris pleni, pati nõ
 poterant, ſe non modo auito deiectos regno, et
 ſuam hæreditatem ab exteris atque ignotis
 homini-

Philippil-
 lus quadri-
 parum.

Mangonis
 ac Pauli
 Inga mo-
 tus, & ad
 opprimen-
 dos Hiſpa-
 nos occulta
 cõſpiratio.

LEVI. APOL. GAND. DE

hominibus per vim occupatam, sed se omnes-
 que populares ad fœda seruitia, alienumque
 viuendi arbitrium miserè redactos: propterea
 celeri & maximè incauta rebellionem obruere
 Hispanos, & ipsum Almagrum, cum adhuc
 Cuscone ageret, opprimere decreuerant. Verùm
 Mango in eo conceptu comprehensus, quum
 aliquamdiu in vinculis detentus fuisset, a-
 pud Ioannem Pizarrum multis precibus tan-
 dem impetrauit, vt liberiore in custodia ha-
 beretur, posteaquē, quū ipse Franciscus Pizar-
 rus aduenisset Cusconem ob illum, de quo di-
 ctum est, Almagri motum, magna ab eo hu-
 manitate tractatus atque habitus. Id factū
 esse ab Pizarro creditum est, non vt illam
 modo conceptæ cogitationis nubem ab eius
 animo detergeret, verum vt certam sperati
 auri summā ea benignitate emungeret. Pro-
 inde Mango, vbi commodum aliquid impe-
 trandi locum dari vidit, promittens se au-
 ream statuam ad patris Gynacauæ simili-
 tudinem fabrefactam asportaturum, petijt à
 Pizarro, vt sibi ad Incæos festi (vti dictita-
 bat) celebrandi causa proficisci liceret, quod
 cum facile obtinuisset, eluso hac fraude Pi-
 zarro

Zarro emissus statim perficiendo sceleri cogi- Mangonis
conatus &
crudelitas.
 tationes adiecit, à parvisq; cædendi furtis ad
 magna facinora sensim cogitatam crudelita-
 tem acuere cœpit: mox manu aliqua medio-
 cri ex sibi fidis quempiam ad occupandam
 Hispanorum munitionem Cusconi vicinam
 misit, breuiq; ad eam spem respondente euen-
 tu, cum insuper Hispanos eam recuperare
 conatos, interfecto lapidis iactu Ioanne Pi- Ioannes Pi-
zarro in-
terfectus.
Mango Cu-
sconē ob-
sidet.
 zarro, Præfectus fortiter repulisset, ipse non
 multò post ingenti effecto exercitu Cusconem
 obsedit: certatumq; per integros decem men-
 ses magnis & sanguineis contetionibus. E-
 rant in vrbe præter Pizarros fratres Du-
 ces clarissimi Gabriel Roas, Hermannus
 Pontius, Alphonsus Henricus, & milites
 fortissimi, qui ad conceptam venturi prope-
 diem Pizarri spem pro salute ac dignitate
 promptissimè violentæ obsidionis angustias
 inter quotidianas Barbarorum oppugnatio-
 nes ferebant. Nouissimè his paulo ante ho-
 stiū accessum Ferdinandus Pizarrus adue-
 nerat, qui, sicuti vel sola aduentus sui fama
 ob concitatam aliquot rumoribus spem an-
 teà Almagrum permouit, ita, ubi in Pro-
 uinciam

LEVI. APOL. GAND. DE

Cæsaris di-
ploma pro
Almagro.

Almagrus
contra ius-
iurandum
Cusconem
redit.

uinciam appulit, eundem ad sopitæ cupidita-
tis impetus reuocauit. Inter cætera enim do-
nata Francisco fratri priuilegiarum iura,
ipsiusq; Prouinciæ fines paulo longius propa-
gatos, Cæsareæ liberalitatis diploma attu-
lit, quo Almagri imperio inducentorū mil-
liarium spacium regio ab desinentibus Pi-
zarrinæ Prouinciæ limitibus concedebatur.
Hoc ubi ab Ferdinando acceptum Ioannes
Errada Almagro apud Chiliacos versanti
attulit, tum verò Didacus ea Cæsaris libe-
ralitate factarum cum Pizarro cōditionum
lege exclusum se fremens indolēs q; in ita pa-
tionis dirum pudorem concepit, sed spe desi-
derioq; Imperij anhelus omnem dati sacra-
menti memoriam abiicit, & incitātibus Du-
cum plerisq; vel contra iurisiurandi religio-
nem armis repetendam Cusconem in ea Bar-
baricæ rebellionis occasione sibi proponit. Igi-
tur summa celeritate reflexit, Cusconicumq;
vt in agrum venit, relicto Ioanne Saiauedra
ad Hurcos (loco id nomē est) ad Mangonem
Barbarorum regem profectus est, eumq; om-
nium scelerum promissa impunitate ad se
traducere tentauit, sed ille doli plenus veni-
re ad

re ad se Almagrū societatis ineunda caus-
sa iussu propè circumuēnit: quando venien-
tem cum paucis ita repēte inuaderet, vt vix
maturè Barbarorum manibus explicare se
posset. Hæc dum peragit Didacus, perlata
de Almagri aduentu fama in urbem, Ferdi-
nandus Pizarro vbi ad Hurcos Saiaue-
drum relictum cognouit, centum septuagin-
ta armatis eductis ad illum processit, collo-
quioq; cum eodem sociato ferunt Ferdinan-
dum magno auri pondere promisso sollici-
tasse Saiauedram, vt suos milites, qui ferè
trecenti erant, suæ potestati traderet: verum
Saiauedra, vt erat constanti fide ac probita-
te insignis, noluit ijs postulatis, quæ impiæ
proditionis notā inflitura essent, aures ad-
hibere. Nec multò post Almagrus ad Hur-
cos reuersus quatuor Pizarros equites per
insidias cæpit, ex quibus omnem urbani sta-
tus seriem cognouit, auditisq; Hispanorum
miserijs, vti ad summam militum paucita-
tē redacti essent Duces, ampliusq; dimidiam
urbē igne Barbari absumpsissent, plurimū
hausisse doloris se simulabat, misitq; in vr-
bem ad Pizarros fratres, procuresq; collegas,

Filius Al-
magri do-
lor, & po-
stulata
eius.

L 2 qui

LEVI. APOL. GAND. DE

qui simul minis, simul promissis agitando
suaderent, ut se Cæsareo diplomate Præto-
rem confirmatum Cusconicæ Prouinciæ, quæ
procul extra Pizarrini imperij ius esset, gu-
bernatores pacatè in urbem reciperent. Id
minimè recusaturos se proceres profiteban-
tur, modò Pizarri limitibus exacta dimen-
sione examinatis Cusconem eius imperij fines
superare re ipsa testari posset. Ferdinandus
etiam aliquam urbis partem vacaturum
sese spondebat, in quam ipse cum suis recipi ad
hospitium posset, modò interea induciarum
constare tempus, & rem omnem ad Pizar-
rum perscribi pateretur. Verùm Didacus,
quum nec de metiendi ratione cōuenire pos-
set, & ea Ferdinandum spondere intellige-
ret, quòd, pleraque militum parte perpetuis
certaminibus, vigilijsq; cōfecta, agrè Barba-
rorum vim sustineret, suoq; accessu aliqua
quotidiani laboris parte leuari cuperet, qua-
dam nocte inter summam Pizarrorum secu-
ritatem urbem improvisò ingressus est: &
in signis aliquandiu Ferdinandi atque Con-
salui fratrum pugna fuit, qui tumultu excitati
se expedierant: sed demum his captis & custo-
dia

Almagrus
Cusconem
capit, &
Pizarros
fratres cō-
prehendit.

dia mandatis, sine aliquo maiore certamine
 vrbe potitus est, & ea victoria Mangonem
 profugere procul inde ad Andæos montes
 coëgit. Hæc omnia longo tempore latuere
 Pizarrum Regij agentem, quod, plena rebel
 lionis Prouincia, Barbari passim vias inten
 tiſſimè obſidentes & obſeruantes non modo
 omnes nuncios interciperent, sed milites, quos
 Cuſconem mittebat Pizarrus, tanta occidio
 ne opprimerent, vt ne casus eiufmodi nun
 tius elabi poſſet. Eo ferè modo ducenti Hi
 ſpanorum equites diuerſo miſſi tempore pe
 rière: primum ſeptuaginta ductante Didaco
 Pizarro, deinde octoginta duce Coſaluo Ta
 pia, tertio multo plures Morgouetio & Ca
 toductantibus. Nā Barbari, obſeſſis vnde
 quaque editarum rupium cacuminibus, & eo
 congeſtis ingentium ſaxorum aceruis, hoc inſi
 diarum genus ſeruabant, vt equites noſtros
 proficiſcentes in profundas, & montium am
 bitu ſeptas valles ſe demittere pateretur, ac
 tum verò ſaxorum ſtruem in ſubiectos pro
 uoluentes, vbi equis oppreſſis virorum etiam
 ceruices ac manus miſerabili ſpectaculo con
 tuſas fractasq; ad reliquam pugnam planè
 debiles

Ducenti
 Hiſpani
 Barbaro
 rum inſi
 dijs op
 preſſi.

LEVI. APOL. GAND. DE

Pugna ad
Regium.

debiles & inutiles reddidissent, fero vlulatu territantes vndeque decurrerent, & frustra parantes Hispanos resistere nullo periculo ad vñ omnes opprimerent. Hac fraude tot Hispanici nominis viris trucidatis, Barbari Pizarrum etiam viribus & copijs exhaustum opprimi posse rati, in Regium agrum se profudere Franciscum Godæum insequentes, quem Pizarrus, nihil de missis toties auxilijs audiens, ad suorum fortunam cognoscendam triginta cum equitibus miserat. Cum Regio propinquarent, facta eruptione ardentissime dimicatum fuit, coactiq; sunt Barbari vicinum in montē pedes referre, quē cum audaciore quam sapientiore consilio Hispani adorti essent, multa vulnera retulere, & ipsi Petro Lermæ, qui erumpentium Dux ante alios auidissime dimicabat, dentes confractis gingivis excussi sunt, & aut suo sanguine cruentius certamen fecissent, aut portentosa Barbarorum strage eo die finem bello imposuissent, ni Pizarrus receptui dedisset signum, cædisq; adhuc & sanguinis avidos reduci iussisset. Ita segregato prælio Barbari sacrificijs gratias perma-

permagnas Dijs suis habuere, quòd eo die
 maximo è periculo exempti fuissent: posthac,
 castris eo ex loco motis, in impendentem Re-
 gio montem concessere, factisq; ibi munimen-
 tis diu & acriter obsidionem, Hispanis vi-
 riliter sese tuentibus, continuarunt. At Pi-
 zarro, cum ne nuncium vnquam ab fratri-
 bus accepisset, tanta repente præter omnem
 expectationem innumerabilium hostium mul-
 titudine circumfusa, quid aut putaret, aut su-
 spicaretur, non satis constabat: modò, extin-
 ctis Cuscone fratribus, et ipso Almagro apud
 Chiliacos cum omni exercitu interfecto, ho-
 stes, tota rebellante Prouincia, ad se oppri-
 mendum venisse, credere: modò, relictis fra-
 tribus, vim omnem in se conuertisse, vereri:
 minimè verò, id quod erat, Almagri perfidi-
 à tanti motus caussam esse, suspicari pote-
 rat. His anxius curis celeriter in oēs partes
 literas ac nuntios ad ciuitatū præfectos de-
 stinat, suas etiam naues Panamaidem cum
 omni sexu imbelli, Agathoclis Siculi & Ale-
 xandri Magni exemplum sequutus, remit-
 tit, vt omni effugij spe interrupta Hispani
 præterquam ab dextris animiq; constantia

Barbari Re-
 gium obsi-
 dent.

Pizarri sol-
 licitudo.

L 4 salutem

LEVI. APOL. GAND. DE

salutem nusquam expectandam putarent:
eadem via celocem ad Trugillanum Præse-
ctum mittit, scribitq; ad Alphosum Alua-
radum (quem antea ad Cichapoiades ablege-
rat) ut quot posset militibus Trugillano se-
se coniungeret, amboq; clam tum ea, quā Tru-
gillum misisset, celoce sibi primo quoque tem-
pore, quos possent pedites equitesq;, auxilio
adducerent. Nec Alphonsus ad maturandū
Pizarro subsidium quicquam moræ fecit,
Trugillumq; ut venit, omnia ad rem diligen-
ter composuit, ac militibus deinde nauigio im-
positis breui Trugillo Regium magno exce-
ptus gaudio peruēnit eodem propè momento,
quo Barbari, incertum qua de causa, fortè
quod de auxilio aduentante audiuiſſent, Re-
gino agro excessere. Liberata graui metu vr-
be, extemplo Pizarrus, ut quis casus res fra-
ternas ageret certius cognosceret, Aluara-
dum cum trecentis Cusconem mittit. Hic du-
plicem in itinere cum Barbaris pugnam fe-
cit, priorem victor, alteram dubio Marte, in
solitudinesq; progressus quingentos ferè ser-
uos indigenas siti amisit, maximam militum
partem amissurus, ni citati equites vel ex
remo-

Alphonſi
Aluaradi
industria.

Aluaradi
cum Bar-
baris pu-
gna.

remotioribus locis aquam petitam aduexis-
sent. Inde in Sausanos tādē emersum cam-
pos consequutus est Gometius Tordous, quē
post illum cum ducentis Pizarrus miserat,
quibus acceptis auxilijs Aluaradus ad A-
uancæum amnem (de quo primo libro dictum
est) processit, ubi in vinculis esse Pizarros
fratres, omnemq; rei gestæ seriem cognouit,
sed ita Didacus Almagrus Cæsarei diplo-
matis tabulis confidebat, ut ubi Aluaradū
aduenisse accepit, mitteret legatos, qui iuris
sui rationem demonstrādo ad consensum tra-
here conarentur: verū Alphonsus id perfi-
diæ omen detestatus, non his modò aures mi-
nimè applicuit, sed in castra venientes, dicti-
tans eade re agenda nihil se in mandatis ha-
bere, detineri iussit: quamobrem iratus Al-
magrus, eductis Cuscone copijs, & leui com-
misso ad amnis pontem prælio, castra Alua-
radi inuasit, prodenteq; amnicam stationem
Petro Lerma, fusis cæteris Alphonsum cæ-
pit. Ex præfecturæ enim grauißima obtre-
tatione Lerma Aluarado obscure inimicus
erat, quod illum Pizarrus ad summi imperij
dignitatem, qua ipse antea functus fuerat,
L 5 se amo-

Alphonsus
Aluarcas
ab Alma-
gro capi-
tur.

Almagri
superbia.

se amoto iustulisset : quam contumeliam ita
altè in animū demiserat, vt eius vindictam
oportuno tempore reseruaret, ac iam demum
in ea Didaci irruptione perficeret. At Al-
magrus ea vel infami proditione victoria
potius, vbi Cusconem redijt, vsq; adeò Bar-
baricæ arrogantiae vela distendere cœpit, vt
captiuos contumeliosè exciperet, propalamq;
iactaret se propediem effecturum, vt ne no-
men quidem Pizarrorum vniuersa in Pro-
uincia nosceretur. Pizarrus interea acceptis,
quæ expectarat, auxilijs, adhuc rerum, quæ
Cusccone gererentur, ignarus, ad bellum in
Barbaros gerendum copias Regio eduxit, in
quibus septingenti Hispani erāt, profectusq;
in Nascones (qui supra Regiū viginti quinq;
passuum millibus absunt) ibi demum, quæ ab
Almagro gesta erant, cognouit, atque incre-
dibili, vt par erat, stupore perculsus Regium
(quod tantū aduersus Barbaros sese instru-
xisset) reuersus est: primumq;, antè quàm ad
belli cogitationes decurreret, veritus ne Cæ-
sar ciuili contentione iratus vtrique Pro-
uinciam abrogaret, & alienum cum magna
sui laboris contumelia ingereret, ad Alma-
grum

grum Elpinosam misit, qui noua trāsactio-
 ne rem componere experiretur, ipsumq; vete-
 ris sacramenti admonitum doceret, procul o-
 mni dubio futurum, si indecora contentione
 viris eadem patria ortis inhonestas, & ipsis
 imprimis non veteris modo familiaritatis,
 sed recentis etiam fœderis religione sibi mu-
 tuo obnoxijis indignas de imperio digladi-
 ationes serere nullo pudore verecundiaq; pri-
 stinarum necessitudinum tacti inciperet, vt
 iure concitato Cæsare (se omni principatus
 ac nominis dignitate infami repulsa deiectis)
 alieni præmia laborum suorum, factæq; tan-
 to periculo messis fructus contumeliosa suc-
 cessione prærepturi essent. Quod si his moni-
 tis nihil proficeret Elpinosa, ab Almagro
 petere iubebat, vt saltem fratres perfidiosè
 captos custodia emitteret, & se pacatum Cu-
 scone contineret tantisper, dum lis omnis Cæ-
 saris æquitate componeretur. Verum nec his
 postulatis, quæ satis moderata erant, nec
 summa Elpinosæ faciūdia Almagrus ab sen-
 tentia deduci, & ad salutaris concordie ani-
 mum flecti potuit, superboq; ore quælibet re-
 iiciens Cuscone suos educit, & ibi constituto
 Præfe-

Pizarrius
 Almagro
 ad pacem
 sollicitat.

LEVI. APOL. GAND. DE

Præfecto Gabriele Roa, eiusque tutela Con-
saluo Pizarro, & Alphonso captiuis deman-
datis secum Ferdinandum Pizarrum assu-
mens in maritimam regionem descendit, &
suprà Regium viginti millibus passuum con-
sedit, vbi Prætoriana auctoritate designa-
to in loco Coloniam cōstituit. At Pizarrus,
inexpectatam truculenti hominis perfidiam
execratus, Regium vt redijt, sibi necessario
sumendum bellum ostendit, & minime omit-
tendam sui tutelam aduersus Almagrum,
qui ex amico violatis ac ruptis fœderibus cru-
delis hostis factus omnem concordie renouan-
dæ mentem exuisset, sed postulata sua contu-
maciter aspernatus se euertere, concessaq, &
manu fortiter occupata demandatæ Prouin-
ciæ possessione priuare contenderet. Hoc ru-
more in vulgus edito dilectum quàm potest
maximum habet, milites recenset, manipu-
lisq, centuriatis Duces ac Præfectos consti-
tuit. Imprimis, quia tum magnus tormēto-
rum numerus aduectus erat, his Petrū Ver-
garam præponit, qui eadem asportanda cu-
rarat, hastatos Didaco Vrbinati viro auda-
cia virtuteq, insigni committit, Equitibus
Dida-

Pizarri bel-
licus in Al-
magrum
apparatus.

Didacum Roam, Peransurem & Alphonsum Mercadillum fide & fortibus dextris egregios præficit, sed secundum ipsum imperij summa ad Petrum Valdiuiam respectabat, qui uti autoritate, ita virtutis estimatione reliquos Duces excellibat, & narrandis adhuc prælijs inclarescet. Hæc prospicienti Pizarro læta res accidit. Consalvus et Aluaradus tumultu ex carcere emersi ipsum Gabrielem Roam, in cuius ipsi modo custodijs fuerant, ludente fortuna captiuum adduxerunt, quorum aduentus magnam inter milites lætitiā & alacritatem excitauit, statimq; Pizarrus ad Consaluum singulari fraternæ necessitudinis & exercitatissimæ virtutis prærogatiua id meritum Imperij summam amoto Valdiuia transtulit, & Aluaradum suprema equitum præfectura affecit. Tum verò Almagrus captiuos elapsos, & potentiam Pizarri cōspicatus, iamque urgente metu in summi discriminis propositi cogitationem animum consideratum recipiens Alphonsum Henricum, & Didacum Mercadum, ac Ioannem Gusmannum ad Pizarrum legatos de re componenda misit. Habita

Consalvus
& Aluaradus
è carcere erumpunt.

bita deliberatione litis dijudicandæ sedan-
 dæq; cura Francisco Bouadillæ cucullati or-
 dinis viro permissa est, atque is ita censuit,
 vt ante omnia vinculis liber restitueretur
 Ferdinandus, & Didacus omnino rem Cus-
 conicam integrā inuiolatamq; Pizarro red-
 deret, copięq; vtrunque in alias adhuc inex-
 ploratas regionis partes mitterentur, omnis-
 que negocij Cæsar certior fieret, quo ipsius iu-
 dicio, quicquid in controuersiam veniret, com-
 poneretur, deinde Imperatores in mutuū
 conspectum colloquiumq; prodirent. Eas con-
 ditiones cū ne Almagrus quidem auersare-
 tur, statutus est colloquio locus inter vtraq;
 castra medius: verum Consaluus, cui fraudu-
 lenti hominis perfidia altero exemplo mini-
 mē experiunda videbatur, profectum cū pau-
 cis ad colloquium fratrem Pizarrum clande-
 stino agmine subsequutus est, iussitq; Castrū
 virum impigrum cum delectis sclopettarijs
 clām locum insidere, quem Almagro ab col-
 loquio redeunti transeundum sciebat, vt si is
 plures, quam cōstitutum erat, adduceret, aut
 aliquam institutæ fraudis speciem daret, ex-
 tēplō ex insidijs inuaderet. Didacus etiam,
 veluti

Consalui
 in Alma-
 grum insi-
 die.

veluti iam suspicionis plenus, Rodoricū Or-
gonium instructo agmine diligenter inuigila-
re atque circumspicere iussit, ut si quo dolo
agi videret, expeditus adesset, atque eandem
Ferdinando vim inferret, quam sibi inferri
videret. Ita uti colloquium parum fideliter
initum fuit, sic minus syncerè Principes in
colloquio se mutuo cōplexi sunt, & vixdum
sermone aliquo de præcipuis rebus habito re-
nunciatum Didaco fuit, ut se reciperet, quòd
tumultu Consalviani propinquātes iam im-
minerent: quo perculsus nuncio Almagrus
infecta re in castra per medios insidiatores
quietè se continentes recessit: & quanquam
de eius doli iniuria plurimum quereretur, ta-
men Didaci Alvaradi impulsu his conditio-
nibus Ferdinandum dimisit, ut Pizarrus
portum aliquem sibi concederet, & naues ali-
quot impertiret, quibus literas nunciosq; in
Hispaniam ablegare atque recipere posset:
deinde ut neuter aliquid prius novaret, quā
res Cæsaris constitutione sedata esset. Mul-
tū diuq; id Ferdinandi dimittendi consilium
Orgonius dissuaserat, quòd illum indignius,
quā virum Principem decuisset, habitum,
simulac

Colloquium
Pizarri &
Almagri
parum care-
didum.

Ferdinan-
dus dimittitur.

*simulac dimissus esset, vindictæ non im-
 morem fore putaret, atque idcirco, uti in om-
 nem crudelitatem præceps erat, nō modo non
 dimittendi illius, sed interficiendi præcipuus
 author fuerat. Vix hæc instituta erant, cum
 repente Petrus Ansur superueniens Cæsaris
 literas attulit, quibus ijs quisq; locis domi-
 nari iubebatur, qui ea primū inuenisset atq;
 occupasset, etiam si eorum limites in alte-
 rius dioceseos fines pertinerent, idque tan-
 tisper fieret, dum rem accuratius excussam
 Cæsar planè dijudicasset. His literis fretus
 Pizarrus, & quod exemptum periculo fra-
 trem haberet, audacior factus postulauit ab
 Almagro, ut ex earum literarum manda-
 tis Cuscone cederet, & ijs omnibus locis, quæ
 à se primum occupata & Colonijs inductis
 culta constaret: imò non modo se pariturum
 dicere Didacus, nempe ea tenendo loca, quæ
 quisque obtinisset, sed ex earundem litera-
 rum authoritate cupere, ut se Pizarrus suo
 in statu, dum extremo Cæsaris iudicio fini-
 retur contentio, pacatū relinqueret, nec præ-
 cipite bello provocaret: contrà literas inter-
 pretari Pizarrus, demonstrandoq; uti Cu-
 sco*

*Li inter
 Pizarrum
 & Alma-
 grum.*

sco cum ea regione primum abs se occupata
 esset, iubere ut Cuscone agroq^{ue} vicino exce-
 deret, quem sibi vi contra pacta, ac iusiuran-
 dum proditorie atq^{ue} nefarie eripuisset: quod
 ni faceret, testari nihil iam apud se veteris
 amicitiae ius valiturum, ipsumque pro amico
 hostem, pro familiari proditorem veneficum
 habitum iri. Has minas cum adhuc parui Di-
 dacus videretur morari, in illum copias Re- Pizarrus
 gio eduxit, cuius aduentum minime Alma- in Alma-
 grus expectare ausus Cusconica via refugere grum.
 cepit, in itinereque ad iter Pizarro ventu-
 ro intercludendum ruptis atque obseptis vijs
 celsiores rupes munitas occupavit: sed Ferdi-
 nandus Pizarrus, qui cum expedita manu
 fugientis vestigia extemplo sequutus fuerat,
 secretiore calle in montes perueniens Dida-
 cianos deiecit. Tum Almagrus Cusconem Fugit Al-
 properans, ut nihil ea profectio fugae simile magrus.
 haberet, simul ut hostis insectabundus nihil
 detrimenti postremis inferret, nouissimo ag-
 mini Orgonium ad tutelam relinquit, & ma-
 xime compositis ordinibus iri iubet. Hic ut
 ex interceptis duobus equitibus instare Pi-
 zarrum cognouit, celeriter abire contende-
 M bar,

bat, quanquam plerique ferè hortarentur
 ut signa sisteret, & conuerso agmine hostes
 magna ex parte tyrones, & laboriosis mon-
 tium callibus insuetos haud dubiaq; ob id fa-
 tigatione debilitatos & valetudine etiã ma-
 le affectos fidenter adoriretur. Verùm quan-
 quam ad id audax ac forte consilium per se
 generosus esset, tamen ne præter Almagri
 præscriptum ordinem faceret, id cœptum ne-
 glexit, cùm tam vera, quàm vtilia suade-
 rentur. Nam eadem de caussa Pizarrus, ne
 insequendi pertinacia hostes ad repetendum
 certamen irritaret, omissa insequutione in
 maritimam regionem recessit, cùm interea
 Didacus continente fuga Cusconem abruptis
 omnibus pontibus peteret. Ibi verò bimestre
 naetus spaciū summa diligentia, quæ ad
 instans pertinerent bellū, viros, arma, equos
 tormentaq; cōparauit. At Pizarrus eodem
 spacio satis ab ea fatigatione exercitu refe-
 cto, postquam multum diuq; cum suis delibe-
 rasset, quid facto opus esset, tandē constituit
 ut Ferdinandus atq; Consaluus fratres Cu-
 sconem cum exercitu proficiscerentur, dicundi
 iuris prætextu ciuibz nonnullis, quos Al-
 magrum

*Almagri in
 Pizarrum
 apparatus
 bellicus.*

magnum bonis servisq^{ue} indigenis spoliass^e aiebant. Hi ergo profecti, ut in agrum Cusconicum peruenere, in edito monte castra locarunt, postridieq^{ue} summo mane collem, urbanæmunitioni proximum occupare decreuerant. Verum Rodoricus Orgonius facile urbis discrimen prospiciens, si hostes propinquius aduenire pateretur, vixdum cælo in-albescente in campū cum omni militum suorum multitudine processit, & ut atrocis odij vindictam euomeret, quoscunq^{ue} Pizarri studiosos sciebat, duobus in locis urbanæmunitionis ita includi iussit, ut multi spiritu mutuo habitu impedito, & eo intolerabiliū angustiarum compressu planè obturato veluti strangulati miserè interirent. Huic Almagrus imperij summam, supremamq^{ue} suæ salutis curam tradiderat, quod ipse à rebus gerendis vehemente morbo prohiberetur: is igitur, cum eo die fortunam publici imperij festino prælij vnus euentu periclitari decreuisset, in campo aciem instruxit. Equitibus præerant Franciscus Coauesius, Ioānes Tellus, ac Vincentius Queuara, qua parte collibus propinquior acies stabat, adiunctæ erant

Rodorici
Orgonij
crudelitas.

M 2 Hispa-

LEVI. APOL. GAND. DE

Hispanis Barbarorum aliquot cohortes, alterum latus palus & riuus decurrens tuebantur. Pizarri fratres, quibus maximè in animo erat prælium subterfugere, & Hispano sanguini parcere, vt sibi necessario dimicandum vidēre, ipsi quoque egregiè ordinato agmine ab monte descenderunt: ante omnia Ferdinandus Mercadillum cum velitibus prouolare iubet, simul ad Barbaros impediendos, si forte descendētibus molesti esse vellent, simul ad subsidium, quò ferret necessitas, adferendum: ipse cum hipposclopistis, ceteraq; equitum turba ad paludē riuumq; contēdit, quæ dum Equites, tenaci adhærentis luti voragine paulò impediti, superare laborant, celeriter Sclopettarij transcurrēre, Petroque Valdiuia maximè ei factò arridente, & cohortante, eum subito imbrem glandium ferrearū solutis Sclopettis in propinquā quandam Didacianorum equitum cateruam excussēre, vt cedere cogerent, inter quē suorum hostiumq; tumultum Ferdinandus, à palude riuoq; superatis, recta in hostilem aciem processit, solertissimè singulos Duces destinati officij præmonens, ac præscribens: militum verò

Ferdinandus indu-
stria.

verò vulgus tum vim, iniuriam, atq; perfidiam, cuius nomen omnibus gentibus execrabile sit, Almagri prædicando, simul ingratitudinem atq; auaritiam obijciendo, nō longiore oratione cohortatus est, quam vt pristinæ virtutis meminissent, et qua Peruvianam regionem occupassent, nunc eadem ab occæcati hominis libidine fratri sibiq; quorū ductu diuites ac opulenti facti essent, & tot memorabilia præstitissent, fortiter fideliterq; vindicarent: hæc se veteranis dicere, tyrones eorū virtutē gloriamq; pari strenuitate adæquare contenderent, putarētq; ipsum Pizarrum Imperatorem in oculis versari, & vniuscuiusque virtutis spectatorem adesse, modò si fortem, & quod Dij non inanes æquitatis fautores dare vellent, victtricem operam nauarent, merita omnibus præmia liberalibus stipendijs & donatiuis adiunctis daturum. Ad ea conclamantibus militibus ita se pro virili facturos, Ferdinandus hostium hastatos erectis stare hastis conspiciens, in earum syluam ab alto Sclopettarios iaculari iussit, ita factum est, vt bino vnanimi omnium dissplosu amplius quinquaginta hastæ cuspibus

Orgonijfe
rocia.

Pugna ad
Cujconem.

bus arboreptis sternerentur, multiq^{ue} vel ante
prælium inermes fierent, nō obscuroq^{ue} pau-
re fluctuare inciperent, quod conspiciatus Or-
gonius præliū Duces accelerare, & inclinatis
hastis impressionem facere iubet, quos deinde
ut etiam ad imperata segnes vidit, ipse alta
quoslibet inclamans voce, & Deos hominesq^{ue}
in prælium inuocans in eam partem, antē
quam præ cæteris tendentem Ferdinandum
videbat, equum concitatum admisit, eoq^{ue} om-
ni cornu promptissimè Ducem sequente, cum
eodem impetu suos inducerent Pizarri, præ-
feruido certamine utrinque signa inferri
sunt cœpta. Nec tam militū, quàm Ducū in-
signis pugna fuit, nec tam virium quàm ira-
rum contentio exitit. Pizarrinos violatæ fi-
dei indignitas, publica iniuria, & minæ per-
fidæ, priuata etiam contumelia toleratæ in
vinculis acerbitatis fratres urebant, Dida-
cianos superbia Pizarrorū, insolens contem-
ptus, adhuc nisi in victoria salutis posita spes
veluti altera stimulorum æmulatione accen-
debāt: & quo simultatū ardore magis, quam
decoris studio certabatur, ita, maior crudeli-
tas erat. Hæc mens admirabili obstinatione
corrobo-

corroborata cū plerisq; esset, diu pugna neutro inclinata stetit à primisq; ad medios æquo sanguine vtrinq; cruenta peruasit. Cōsaluus enim atq; Aluaradus præsentē diē suæ vindi-
 Et idoneū rati Orgonio irrumpente pari vi & ipsi in hostes prorupere, omnemq; eam audacissimorū iuuenum frontē amplius quinquaginta interfectis fortissimè diffrigere ac lacerarunt, ipse autē Orgonius quanquā primo statim prælio glande læthaliter in fronte ictus fuerat, & ante prælium multorum languore iam propè desereretur, tamen & vulnere, & suapte iracundia furibundus primæ cateruæ nodum audacissimè perrupit, duosq; hæc hasta transfixit, & tertio habitu insignior (ipsum esse Ferdinandum suspicatus) gladium aduersum per os adegit. Verū cum frustra effluentis sanguinis defectu labassans corpus, & irrepentem iam mortem ferocia superare connisus omnino viribus destitueretur, et nihil amplius ne quicquam fremens posset, seseque ob id duobus militibus dedere compelleretur, alius, qui ab eo iniuria fuerat aliquando affectus, inuisam noscitans faciē, increpando optādoq; vt ne vllus hostis

Orgonij
 cædes.

M 4 eua-

euaderet, sed simili casu perirent omnes, in-
 genti verberare cervicem discidit. Nec vel in
 pugna vel in fuga feliciorem Didacianorum
 quisquam sortem adeptus est, quanquam Fer-
 dinandus multas in partes discurreret, & pre-
 cabundus inexorabilem militum furorem re-
 primere ac mitigare cōtenderet. Alphonsi e-
 nim Aluaradi milites, ad vindicandam ad
 Auancæū acceptam ignominiam, vt diu col-
 lectam hostilis hauriēdi sanguinis sitim abun-
 diſſimè satiarent, vsque adeo implacabili &
 immoderata insequendi cædendiq; Didacia-
 nos auiditate conſectabantur, vt omnibus no-
 bili ignobilive immaniſſimas manus infer-
 rent, & in ipsos, qui ab aliquo accepti in fidē
 erant, trucidetiſſima occidione ſæuirent, eaq;
 ratione magnæ virtutis præſectus Rudias
 deditus, dum fræno equi tenetur, ab altero ha-
 ſta miſerandum in modum ſit trāſfixus. Al-
 magrus ab edito loco prælium conſpicatus,
 vbi rem ſuorum fuga deploratam agnouit,
 in urbanam muniſionē refugit, ibiq; ab Al-
 phonſo Aluarado atque Pizarro captus eſt.
 Pugnatum eſt anno triceſimo octauo quar-
 to calend. Maias: præda ferè omnis in Bar-
 baro-

Aluaradia
 norum in
 Almagria
 nos ira &
 crudelitas.

Capiuntur Al-
 magrus.

barorum manus deuenit, qui Hispanis fugientes conſectantibus ad ſemineces conuolantes exuias detraxerant: nec triſtius miſeræ exemplum accidit inter varia crudelitatis genera eo die immitiſſimè per iram perpetrata, quam in eorum vitæ exitu, qui ſubita morte non penitus interempti, ſed in campo, vti vulnerati erant, relictæ fuerāt, quum illi ſemiexanimes, ægroq̃ halitu penè eneclū Res miſerabilis. trahentes ſpiritum, inter cruciatus pœnasq̃ innumerabiles ſenſim pigram et vitæ pertinacem animam miſerandi exhalarent. Ab ea pugna, quæ cæterorum ciuiliū bellorum ſeminarium fuit, victor Ferdinandus omnibeneſignitatis beneuolentiæq̃ genere Didacianos delinire, & vniuerſis pacatæ humanitatis lenocinijs permulcere, & talibus artiſcijs alleclōs ab omnisq̃ diſſidijs ac belli memoria Ferdinandi in Almagrianos humanitas alienatos, in ſuam gratiam priſtinamq̃ concordiam ac ſocietatem irretire ſtudebat. Affirmabat enim omne iniuriarum initium ab Almagro proſectum, ab eoq̃, quum inuſitatæ audaciæ ſuperbiæq̃ veſtigijs, omnem tranſgendi modum reſpuens, inhæreret, fratrem propè inuita Minerua ad id bellum in-

M 5 familiæ

LEVI. APOL. GAND. DE
famiae ac damni utriusque plenum esse
pertractum : idcirco postquam primi per-
turbatores, & ipsa seditionum capita
dignas impia confidentia accepissent pœ-
nas, suam fratrisque iram in ipsos, quos
fortuna pietati amicitiaeque reconcilian-
de superstites conseruasset, non longius
processuram, si tam piè Christianeque, quam
ipsis vniuersaeque Prouinciæ utiliter odio-
rum obliuisci, & quod veteranos amicos, pa-
tria cognatione affines, Christiana pietate
fratres maximè deceret, interiunctis syncerè
dextris in veterem gratiam, pacē, familia-
ritatem et omnium rerum coniunctionem cum
fratre, ac se, cunctisque Pizarrini nomi-
nis vltro inuitati atque recepti redire vel-
lent. Verum Didaciani, uti ex ipsius Ducis
ingenio desperatae contumaciae atque acerb-
tatis homines erant, postquam inflicta
ignominia accessisset, tantum odium in Pi-
zarrinum nomen conceperant, ut non modo
ad vllas pacis cogitationes, vel in tanto vi-
ctorum metu se flecterent, aut aliquam
societatem percuperent, verum cum Pizar-
rino nomine interneciuam nouercalis odij
flam-

flammam sibi perpetuò fore, donec ad al-
 terutrius gentis nominisq̃ue excidium exar-
 fisset, metuendo pallore luridi, & insidiosa
 hypocrisi taciturni, maximeq̃ue ab omni Pi-
 zarrinorum familiaritate & commercio re-
 fugi, certissimis argumentis declararent. E-
 nimvero vti venusta delicati vultus forma
 carcinomate læsa, aut longiore febris la-
 besacta, turpiore præ cæteris commutatione
 fœdatur, nec vnquã vel vllis curationum re-
 medijs ad veterem gracilitatis decorem per-
 ducitur, ita alta necessitudo quibusdam ir-
 repentium odiorum causis concussa graviore
 quam in reliquis solet, mole simulta-
 tis exurgit, nullaq̃ue vel intimæ recon-
 ciliationis gratia ad pristinum candoris
 affectum post odia applicatur. Nec ve-
 rò Didaciani ab omni pacis animo auer-
 sos modo se præbebant, sed noua in
 dies clandestinarum insidiarum commenta
 apparebant, quibus inopinatò Almagrum
 ab Pizarrorum manibus eriperent. Qua-
 propter Ferdinandus nullum quietis lo-
 cum, nullam concordie viam fore conspica-
 tus, dum Almagri vita spes adhuc eorum
 tene-

teneret incolumes, indomitæq; ferociæ animos conseruaret, optimum iudicauit è medio Didacum tollere, tunc facile insanabiles omnium spiritus concisuros, publicamque ortæ contentionis turbationem remedij capacem fore ratus, postquam ipsum caput tanti mali principium non inani conturbatæ Prouinciæ piaculo, veluti hostia, concidisset. In illū itaque accusatione ex more præstructa, quod contra fidem è Chiliacis reuersus armata uis Cusconem irrupisset, eamq; pro crudeli arbitrio occupasset in omnes sæuitiem exercens, qui vel hiscere cōtra ausi fuissent, quod Reginum in agrum armato exercitu peruenisset (quem absque vlla dubitatione fraterni imperij limites esse constaret) Didacum, vti perduellij reum, dānat, frustra q; excusationes moliuntem, & ingrata commemoratione pristinos amores, necessitudines, Peruuina in exploratione adiumenta Pizarro exhibita, & in ipsum denique, quum suæ potestatis fuisset, alijq; ad interficiendum se incitarent, præstitam benignitatē, multa q; id genus similia in memoriam redigentem, iugulandum ministris commisit, indigno certè consilio, si ad ip-

Accusatio
in Alma-
grum.

Didacus
Almagrus
iugulatur.

ad ipsius Ferdinandi naturam fiat res-
 pectus, quod in omni vitæ actione quum omnis
 moderationis clementiæq; famam quæsiuis-
 set, illiberali nunc & prope ingrata veteris
 amicitiae obliuione summæ virtutis virum,
 & cunctis Hispanis charissimum, à quo ipsi
 etiam summa ornamenta accepissent, in tan-
 ta venerabundæ senectutis canicie sexage-
 narium morte afficeret, indigno, inquam, con-
 silio, sed, vti ipsi videbatur, ad parandam
 quietem necessario: & si ad extremi casus e-
 uentum referatur aspectus, maximè fatali,
 quando in hac Almagricæde Ferdinandus
 Græci versus patrem interficientem etiam
 liberos obtruncare ad ultionem euitandam
 iubentis (modo id viro Christiano dicere ac
 facere fas sit) parum se memorem aut gna-
 rû, iuniori Almagro parcens, demonstrarit,
 quod ipsi imprimis Pizarro funestum fuit.
 Post Didaci necem Ferdinandus vt tanta
 hominum turba liberaretur, Didacianosque
 imprimis, à quibus sibi suisq; grauissimè ti-
 mebat, separaret, & procul extra Prouin-
 ciam contruderet, diuersis sub Ducibus va-
 rias in partes ad occupandas vicinias, popu-
 losq;

Νήπιος
 ὁς πατέ-
 ρα κτείνας
 παῖδας
 καταλεί-
 πει.

LEVI. APOL. GAND. DE
losq, adhuc incognitos explorandos misit. Ipse
in Collaones, proximaq, Titicacæ paludi lo-
ca, de quibus primo libro est dictum, cōcessit,
suppliciumq, de Didaciano Duce Mesa sum-
psit, qui improuida iactatiōe turbas isthic mi-
scere fuerat conatus. Hæc dum agit Ferdi-
nandus, fama literisq, excitus Cusconem ad-
uenit ipse Pizarrus, ad eumq, idcirco celeri-
ter redijt Ferdināus relicto in Collaonibus
Consaluo, vt terram eam vltius explora-
ret: verū quum hic ad Charcantes perue-
niens repente ab Barbaris circumuentus in
magnum periculum incidisset, breui Cusco-
ne retractus est, compulsusque fratri su-
bito auxilio succurrere. Postquam copias
coniunxere, depulsis & victis Barbaris,
longè lateque terrā omnem depopulati sunt,
frequentibus etiam prælijs cū Barbaris per
insidias insultantibus dimicarunt, quoad de-
mum Tixim eius terræ regulum cœpere, quo
capto Cusconem reuersi sunt, lætissimeque ab
Pizarro accepti. Hunc in modum Pro-
uincia latè quieta, sicuti antea fuerat
constitutum, ad dirimendam dissoluendam-
que tantæ multitudinis turbam, Duces qui
præci-

præcipui nominis ac maximè fidei habebantur, varias in expeditiones misere. Procellus ac Vergara ad veteres suas sedes, quæ apud Braccamoros erant, redire iussi, Mercado alia plaga designatur, Petro Valdivia, quod ea terra insignem virum postularet, Chiliaci, cum omni tractu, quem iam Almagrus aperuerat, attribuuntur. His rebus curatis Pizarrus Regium est reuersus, et Ferdinandus alteram nauigationem ad Cæsarem in Hispaniam suscepit, ut eundem rerum gestarum certiolem faceret, & primas belli ciuilibis causas aperiret, quanquam multi ab eo consilio plurimum alieni viderentur, quod quo animo Almagri cædes acciperetur, incertum esset. Verum Ferdinandus instituto innixus, quum discederet, fratrem Pizarrum admonuit, ut accuratissimo prospectu sibi ab Didacianis cauere, eisq; nullam conuenticulorum potestatem, aut fidei locum relinqueret, persuasumq; haberet certissimè tum de ipso tollendo machinas excuti, postquam vel sex tantum numero in cætum subiisse videret. Nō multò post Ferdinandi discessum fama in

Pro-

Ferdinandus
di secunda
in Hispaniam
profectio.

Terracina
momi.

Consalui
Pizarri ex-
peditio in
cinamomi
terram.

Terribilis
terre mo-
tus.

Prouinciā perlata est, esse ad Quitonice
plagæ orientem terram auri, & cinamomi
imprimis prædiuitem: quam ad famam Pi-
zarrus excitatus eò Consaluum fratrem mit-
tere constituit, quodq; ab Quitone inchoari
iter, & eodem reditum fieri oporteret, eius
Prouinciæ curam, modo Cæsar cōsentiretur,
fratri attribuit. Ergo ubi Consaluus Cus-
cone Quitonem peruenit, quæcunque ad com-
missam expeditionem vsui essent, singulari
diligentia comparare cœpit, rebusq; demum
omnibus præparatis cum ducentis delectissi-
mæ armaturæ militibus, & quatuor Peru-
uinorum millibus, magnoq; armentorum o-
uiū ac porcorū grege Quitone discessit, & sa-
tis lōginquo itinere ubi ad Quissonū terram
accessit, leue cū Barbaris certamē fecit: sed his
fuga per noctem euanescentibus, dū isthic dies
aliquot quiescēdo consumit, magnum in me-
tum periculumq; deuenit. Etenim fulminum
tonitruūque tempestate concussa ventorum
procella vsque adeo horribili fremitu & tur-
bine ipsa intimæ terræ viscera, cacasque ca-
uernas perscudit atque permouit, vt eo in lo-
co tellus horrendo motu tremiscens, atrisque
hiati-

hiatibus concidens amplius quingentas Barbarorum mapalium domos absorberet, & ipse Consalius cum suis non in dissimili discrimine versaretur, in quo Antiochiæ ex eiusdem tempestatis casu Traianum fuisse meminit Cassius Niceus. Quapropter subito Consalius diras relinquens sedes, asperius per montium iuga iter cepit, longoque labore ac via ad Sumaxidem regionem peruenit. Hæc erat terra, in qua cinamomum esse fama docuerat: id in arboribus crescit frondes lauro persimiles habentibus, fructus baccae sunt in folliculis tenui corticum circuitu conclusæ, eæ cum folijs ac radice arboris, cinamoni odorem, saporem, substantiamque habent, sed his longè præstantius Cinamomum præbent eorum folliculorum cortices circumductæ. Harum arborum permagna hic copia passim crescit sylvestribus ac desertis in locis, solo terræ aërisque adiumento sustentata, eæ verò, quas in hortis enutritas incolæ peculiari opera fouent, multò præstantioris sunt naturæ, & ab ipsis Barbaris incomparabilis precij habentur, ita ut non raro fundos, ædes, vestimenta ceteraque, quibus egent, harum permutatione

Cinamomum ubi
& quo pa
to crescat.

LEVI. APOL. GAND. DE
tatione acquirant. In hac terra relictis te-
nerioribus, cum saniore ac valentiore mili-
tum parte Consalius ad vias quæredas per
montana contendit, variosque post errores,
& diuersas famis sitisque toleratas arum-
nas, quod Barbari viarum Duces consultò
nostros sæpenumero in contrarios calles sedu-
cerent, ad Cocam egregiam inter Barbaricas
urbem peruenit, atq; isthic propè bimestri spa-
cio moratus dum eos, quos in Sumaxide re-
liquerat, expectaret, demum hi postquam in-
columes accessissent, Coca abcessit, & graui
multorum dierum itinere ad ingentem am-
nem progressus, eundē, deiectis per Sclopetta
rios Barbaris, qui altera in ripa sedebant,
transiuit, indeq; per varias montani tra-
ctus terras, ac populos digressus ad alterum
amnem omnibus, quos ea in profectione vi-
derat transferatq;, altitudine ac rapiditate
superiorem inter summas inopiæ angustias
peruenit. Ibi, quò vtraque ripa pro arbitrio
vteretur, & impedimenta commodius corpo-
ribusq; agri veherentur, ipsique rectius cu-
rari possent commeatus, nauigium maiore,
quàm dici ac credi queat, labore construxit.

Nam

Nam, quum ignota in regione procul à do-
mo versans nullam ferè præter lignum ex ar-
borum caudicibus fabrefactum materiem a-
dipisci posset, necesse habuit mortuorum
equorum ungulas sumptas ad ferri vsum cu-
dere, & pro pice ratem resina ac visco arbo-
ribus defluente illinere, ad ignesq; excitan-
dos pro stupa ac lino indusiorum assiduo plu-
uiarum madefactu putrescentiũ scrutis vti.
Ipse non modo nulla in re sibi parcebat, sed Consalui
industria.
ante gregarios quosque ad cudendum ac fa-
bricandum promptiorem prioremq; sese præ-
stabat. Hoc tandem modo nauigio constru-
cto, magna aliquandiu ad itinera superada,
parandosque commeatus facultas Hispanis
fuit, modò ab flumine per montana, modò per
varia arundineta amni proxima ibāt, vias
sibi gladijs securibusq; moliuntes, modò, vbi
aruarivis atq; fluvio inundante contexta e-
rāt, nauigio persulcabant: qua ratione quũ
ducentis amplius millibus progressi fuissent,
Consalius nihil adhuc præter radices, fru-
gesque sylvestres delicatioris cibi inuentum
conspicatus, ad alios commeatus inuestigan-
dos cum nauigio Franciscum Aurellanum

N 2 præcur-

Aurella-
nus Con-
saluum
prodit.

Flumē Ma-
ranium.

præcurrere, & ratem, si quid inueniret, onerare, & ubicunque amnes per arua media delabi sentiret, ibi minores lembos relinquere iubet, locum etiam designat, ad quem sese expectaret. Aurellanus ab Consaluo digressus ad constitutum locum breui secundi amnis vehementissimo impetu rapidissimè nauigio deuecto peruenit, sed nullo commeatu inuento, ubi plus se tridui spacio amnis secundo fluxu prouectum vidit, quam per aduersum toto anno per helciarios conficere posset, quo fors fortunaq; deferret, itinere cōtinuato proficisci, & suismet auspicijs audere aliquid constituit, atque ita Consaluo prodito nusquā lembos, sicuti iussus erat, relinquens, decurrere cœpit, ac tandem Occidentalem in Oceanum per eiusdem amnis ostia incredibili celeritate, immensissimo itinere confecto, deuectus est. Id vastissimæ longitudinis, ac rapidissimi cursus flumen Maranium vocant, ab Maranio viro, qui in illo primum nauigauit, in extremis Peruuia finibus infra Quitonicos montes oritur, cursuq; deiecto amplius citra meandros septingentas leucas conficere creditur. Aurellanus ad Cæsarem
inde

inde profectus est, narratoq; euentu suo, & multis rebus de terris populisq; nouis iactatis, vt eam regionem ipse occuparet, & sub Præturae nomine possideret, impetrauit: sed eius imperij cōmodo, perfidiaq; patratae fructu diu letari non potuit, quum reuersus ab suis omnibus laborum magnitudine deterritis repente sit destitutus, & ipse eam ob rem dolore atq; desperatione in ipso præclari conatus limite deformiter interierit. At Con-
Aurellani
interitus.
 saluus, vbi ad constitutum locum accessit, videretq; Aurellani fraudem ac perfidiam, Hispani omnes excelsos adhuc animos in pedes demisere, cunctisq; mox visum fuit Quitonem, vnde iam quadringentis amplius passuum millibus aberant, vel per extremas difficultates reuerti. Id ergo consilium postquam omnes ardentissimè approbarent, rediere citato agmine per diuersas errantes vias, tandemq; quum equina caninaq; ac fœlina carne se constantissimè diu sustinuissent, in Quitonicum agrum peruenerunt. Urbani ciues seu Hispani seu Barbarici nominis, quia id multo antè Consaluus nuncijs præmissis iusserat, cum larga ciborum ac reliqui cominea-

Mirabilis
Hispanorū
redeuntū
forma &
habitus.

tus copia sese comiter venientibus obuiam
effudere, licuitq; tum cuiq; non cognitos ante
vultus intueri, quales antea viderāt, sed syl-
uestres propè feras ac monstra: hirsuta ora,
hirti crines erant, viri seminudi, aut ferinis
pellibus induti, caligæ laceræ, capita vilissi-
mis cariosorum linorum scrutis tecta, gla-
dij rubiginosi sine vaginis, crura brachiaque
dumetorum ac spinetorum, quæ transierant,
vulneribus saucia. Vbi oblato cibo milites la-
trantibus stomachis satisfacissent, Consalius
pro se modò Principibusq; aliquot vestes al-
latas conspicatus, easdem, ne cæteris dissimi-
lis esset, induere noluit, pristinoque habitu cū
cæteris Quitonem lætissimè processit, & vr-
bem ingressus recta ad sacras ædes cōtendit,
ibiq; omnes vnanimis Magno Deo egere gra-
tias, quod ipsius maximè beneficio incolumē
saluumq; propè in ipsa salutis desperatione
reditum fuissent consequuti. Iam Ferdinan-
dus in Hispaniam peruenerat, vt rerum ge-
starum euentum aperiret, atque ibi, cum lite
intentata ab Didaco Aluarado, qui & ipse
eam ob caussam Didacianorū nomine in Hi-
spaniam properarat, grauissimè rerum perfi-
diosè

diosè gestarū argueretur, quod minimè expectarat ad causam dicendam, in custodias redactus est, missusq; ut de omnibus rebus exactissimè cognosceret, Vacianus Caster, homo non fide ac rara industria modo spectatus, sed summa iuris civilis intelligentia imbutus, & Licentiati ordinis gradu prouectus. Hæc res celeri nuncio fama q; apud Didacianos vulgata ut fuit, omnis eorum modica quiete soporata, sed repentino nouæ speciei calefacta æstu crudelitas maiore animorum motu conceptuq; rebullit. Agebat Regij Almagri filius ex Barbara muliere susceptus, parentis nomen Didaci gerens, omni disciplina ac literatura iuuenis egregiè ad summam spem informatus, quem Ferdināus, patrem cum interficeret, cum Ioanne Errada, cuius antè mentionem fecimus, Regium ablegarat. Is Errada diu in custodia habitus cū tandem ab Francisco Pizarro libertatem intrasset, arma ac munitiones intra priuatarū ædium parietes clam ac sensim parans, atroci facinore ad Didaci vindicandam necem, ipsius Francisci Pizarri trucidandi consilium cœpit, incitatoq; ad id Iuene, & eidem spe

Ferdinandus Pizarrus in custodias coniectus.

Didacus Almagrus senioris Almagri filius annos natus 20.

Ioannis Errade ad Pizarri necem cœptum.

N 4 paterni

LEVI. APOL. GAND. DE

paterni imperij adiecta, postquam de Aluaradi ac Ferdinandi lite, Vacianiq; in Provinciam accessu perlatum fuit, veluti iā optimo iure ad inferendas homini reo, ac propè (vt sibi suisq; persuadebat) condemnato manus carnifices accerseretur, conceptum maturare constituit. Erant illi præstò vel ad longè immanissimū scelus promptissimè, quicunque Didaciani nominis erāt, ex quorum memoria licet & ipse Franciscus Pizarrus omni lenitatis ac beneuolētiae studio infixam illatæ cōtumeliæ iram sensim carpere, & obliuione conterere, quātum posset, eniteretur, tamen vsque alta vindicandi rabies spumeis insanabili furore animis insidebat, vt iā non leuibus signis præferrent, minimè se prius conquieturos, quàm simili ipsius capitis talione cædi Didaci parentassent. Idcirco frequentia inter se conciliabula conciliaq; serebant, ac turba in dies augescente, quum varijs ex partibus literis exciti clam in vrbem aduenirent, Pizarrusq; vel de his non semel admonitus nullum timoris indicium præferre veller, eorumq; conatus, vti imbellium & profugorum, despiceret, eò fiducia licentiaque succre-

Almagria
norum in
Pizarrum
cōspiratio.

Pizarrus in
Almagria
nos contem
ptus.

succreuit, vt propè aperta interficiendi Pizarri consilia sererent, & illum etiam conui-
tius propalam, aut alicuius irreuerentiæ, ac
salsæ illusionis contumelia appetere non ti-
merent. Erant inter hos quidam non infimæ
sortis, nec prauæ existimationis viri, qui pro
sua in Almagrum charitate ac fide licet pa-
rum quietos ac benignos animos in Pizar-
rum concepissent, omnem tamē odij impetum
moderata habendæ quæstionis expectatione
temperarant, ac ob id postea, Almagri caus-
sa damnata, ab hoc impiorum numero defece-
runt. Quapropter vbi iam certius cognitum
esset, Vacianū Castrum, ab Cesare missum in
Prouinciā, appulsum esse, ad illū excipiendū
(quod ad captādā in ipso aduētus limite gra-
tiā, auresq; querelis præoccupādas plurimum
pertinebat) misere Alphōsum Montemaiore,
qui grauitate ciuili, & prudētia opinione re-
liquos antecellebat. Verū Almagrus iuue-
nis, & huius cōcicator Errada, abeūte Mon-
temaiore, minimē tantisper æstuantis furo-
ris stimulos reprimere potuerunt, dum iudi-
cio res componeretur, sed sanguinem atq; v-
num ipsius Pizarri caput spirantes, tū qui-

Vacianus
Caster in
Prouincia
ab Cesare
missus.

LEVI. APOL. GAND. DE

Ioannis
Errada
duplex
perfidia.

dem scelerati conceptus exitum festinare statuerunt. Verum huius rei quum manifestior in dies fama per urbem increbresceret, multiq; viri graues & boni Pizarro suaderet, ut maturae cautione sibi prospiceret, firmumq; militum satellitum assumeret, tamen ille, iam facto turpissimae cædi destinatus, id se facturum pernegaret, ipse Errada, ut perfidiae geminaret scelus, ad Pizarrum accessit, vulgataque in se de suspitione plurimum & grauius se expurgat, maximeque molestum affirmat, quod arma parans, & magnum hastarum numerum emens (concepta in se innoxium & ipsi syncerè peramicum suspitione) aduersus proditorias insidias sese instruere ac munire videretur. Tum verò Pizarrus, qui dubium metum ei hominis excusationi facile remittebat, testatus hastas non eum in usum aut cogitationem à se coemptas, humanissime complexus est deprecantem, donatisque aliquot malis arantijs, quæ (quod tum recenter primum in Prouinciam fuissent aduecta) in magno precio erant, manum ipsius perfidiosissime exosculantem peramicè dimisit. Tum Errada, qualem optarat, in Pizarro negli-

negligentiam conspicatus domum apud suos recessit, cædique dies est isthic inter coniuratos destinatus dominicus proximus, qui erat Iunij mensis vicesimus septimus anni quadragesimi primi ab millesimo quingentesimo. Id pridie inter confessionem summi tēpli parrocho detectum fuit, qui idipsum Antonio Picado secretorum magistro aperuit, ac deinde, cœnatum ad Pizarri ædes ductus, ipsi Francisco indicavit: ad quæ verba eius paululum expallescens vultus mutari visus est, sed resumpto animo fabulam esse Picado dicebat, quod recenter adhuc Errada per amicè & humanissimè se adiisset. Verū, quum præter id alia atq; alia novis semper nuncijs ab viris probatæ fidei adijcerentur, tanta formidine pauescere cœpit, vt noctu cum paucis Ioannis Velasci Regini Prætoris domū adiret, in eiusq; sinum animi trepidantis ægri- tudinem, his, quæ audierat, eidem narratis, effunderet, & domū reuersus postridie, qui dies erat ipsius cædi destinatus, publico sacro non interesset, sed domi priuatum audiret, eoq; absoluto ad visendum solandumq; illum cum pluribus accessere Ioannes Velascus, & Fran-

Dies Pi-
zarri cæ-
di desti-
natus.

Pizarri
metum.

Coniura-
torum au-
dacia.

Franciscus Chauesius. In meridie, cum satel-
lites pransum dimissi, alijq; præter hos duos
domum abiissent, & ipsa vrbs, dilapsis in æ-
des quibusq;, silentio meridionali conticesce-
ret, ecce Errada alijq; duodecim numero ex
ædibus districtos manibus gladios. vibran-
tes prosultant, clamoremq; tollentes, vt nunc
pro se quisq; ad mactandum tyrannum ad-
iungeret socium, qui regium Prætorem mori
iussisset, per forum rectà ad Pizarri domum
vadunt, arcæq; portam celeriter occupant,
& illam vnū relinquunt, qui, occiso agno ad
sanguinolentum ferrum ostentans, cæsum
Tyrannum clamitaret, vt si qui ex ciuibus
auxilio properare contenderent, cruentū con-
spicati ensē actum de Pizarro exstimarēt,
eaque desperatione domum reuerterentur.

Coniurati
in Pizarri
ædes irrū-
punt.

Iā, percepto tumultu, Pizarrus properè Cha-
uesium procestrij atq; atrij ianuas obserare
iubet, dum se armet: sed ille, metu ac trepi-
datione vix sui compos, vsque adeo pauita-
bat, vt nullum ostium clauderet, sed rectà ad
podij gradus decurreret, ibi rogantem, Ec-
quid isthic tumultus esset, Errada & coniu-
rati reliqui celeri cursu ad procestrium eue-

Et mu-

Et mucrone vulnerant, restare deinde stri-
 cto ense parantem inuadentes Parricidae tru-
 cidarunt. Ita, occupato atrio, ad Pizarri
 cubiculum properant: profugiunt vndiq; sa-
 tellites Hispani: ipse Velascus se è fenestra
 præcipitat: Ergo, imminentibus tantopere
 hostibus, Pizarrus cum fratre Francisco
 Martino, nobilibusq; duobus Ioanne Varga ^{Pugna in}
 Gometij Tordoi filio, & Ascandonio, ac to- ^{edibus Pi}
 tidem seruis vix bene armatus scuto gla-
 dioq; ad ostium aduolat. Ibi hercule ardētior
 quam pro hominum numero aliquamdiu pu-
 gna fuit, egregiè profecto locum defendente
 Pizarro, & lingua etiam exhortante vociferanteq;, vt aduersus perfidos, aduersus la-
 trones proditoresq; nulla nisi in dextris spe
 depugnarent. Multum diuque cū certatum
 esset, demum Franciscus Martinus lassitu-
 dine & vulneribus obruitur, in eiusq; caden-
 tis locum insiliente seruorum altero cū non
 minus cieretur certamen, metusq; circumsta-
 ret parricidas, ne subsidium alicunde veni-
 ret, Errada socij q; pugna defungi festinant,
 vnumq; optimis protectū armis vi in ostium
 incidere iubent, ita, dum irruentem illū pro-
 pellere

LEVI. APOL. GAND. DE

pellere annituntur Pizarrini, valido impetu irrumpentes Parricidae ostium occupant: & tum scelere antè concepto, tum pugnae sustentatae contumacia accensi tanto ardore undique sunt adorti, ut Pizarrus, viribus exhaustus & spiritu anhelus, vix gladium palpitante præ fatigatione dextra regere amplius posset: ita humi ruentem, & miserabili voce frustra supremæ exomologeseos copiam inclamantem, iugulo perfosso, obruerunt, pleraque etiam vulnera feritate & sæuitia trunco iam corpori adiecerunt. Tū verò, trepidam interfecti Prætoris rumore urbem peruadente, ducenti amplius repente emicūere, qui ad facinoris euentum conspiciendum ad id tempus quieuerant: tum deserti hominum fuga vici, destituta aduersus dubitantes tela, ipsi parricidae sanguineis per cōpita ferris discurrebant, & ante alios in equum proiectus Didacus Almagri filius, urbemque perequitans, magnoque passim suorum clamore exceptus, omnium in se oculos conuerterat. Quocunque enim iret, iusserat proclamari Errada, eum esse genuinum Prætoris, cuius rei consensum ab Patribus

Pizarrum miserabilis cædes.

Regij tumultus & coniuratorum vis.

Almagrus iunior Prætoris provincie Prætoriam occupat.

tribus Collegis postea etiā expressit, pater-
 næ successione iure adducto. Pizarri cada-
 uer in templum serui aliquot, uti cruentum
 erat, extulere, vixque vni Ioanni Barbara-
 no ad exhibendum veteri hero sepultura ho-
 norem spacium fuit, quum Didaciani ad præ-
 cidendum caput, paloque ignominiosissimè
 imponendum, aduolarent, id haud dubiè per-
 fecturi, ni raptim humo iniecto condidisset
 Barbaranus, postea exequiarum & funera-
 lium cærimoniarum suo impendio appara-
 tum curans. Hunc vitæ exitū habuit Fran-
 ciscus Pizarrus, magnū hercule funesto ex-
 emplo documentum præbens, quid sibi vel in
 summo arridentis fortunæ fastigio, firmissi-
 moque opum ac stemmatum præsidio stulti et
 ad omnia temporū momenta mutabiles mor-
 tales spondere debeant, quum ille, tanti mo-
 do nominis Dux, in eo luculentissimi imperij
 fulgore ac luce breuissimi temporis spacio ab
 orni satellitum militumque, qui tanto nu-
 mero familiam modò onerabant, tutela atq;
 ope desertus, intra ipsa priuatarum ædium
 munimenta, quod vix vlli tyrannorum acci-
 dit, à paucis latronibus incredibili & stupen-
 do im-

Miserandū
 fortuna lu-
 dibrium.

LEVI. APOL. GAND. DE

do imprimis ausu sit immanissimè trucidatus, tātæque miseriæ finem acceperit, vt, qui non inexhaustis modò gazarū thesauris abundabat, sed suo propè auro Cæsarem pascebat, nunc vix adornandis exequijs, liberisque prouehendis vel tenue opū subsidium relinquendi facultatem haberet. Nec illud fortè minorem æstimantibus admirationem adferet, quod inter duos hos summæ potentia, virtutis, atque audaciæ Principes, Almagrum atque Pizarrum, familiaritas, ab arctissima coniunctione & opum societate inchoata, in tantam mutua æmulationis ac repentini odij flammam præter omnium opinionem exardesceret, vt vterque sibi inuicē funestissimi excidij caussa fieret, quemadmodum in C. Cæsare atque Pompeio accidisse constat. Fuere profectò naturæ dotibus, quæ in ipsis insigni ornamēto eluxerūt, laborum tolerantia, liberalitate, & suorum amore plurimum sibi per similes, quemadmodum etiam ætate fermè æquales erāt: vterque iam senex Peruuinam explorationē aggressus est, ad imperiūque prouectus, pristinae fortunæ habitū egregia memoria seruabat, & quod

Pizarri &
Almagri
senioris cō
paratio.

quod maximè mirandum fuit, in tanta literarum & ipsius scribendi artis ignorantia tantarum rerum administrationibus par & expeditus: digni ambo certè vel summorum Ducum laudibus, diuturnioreq; occupati imperij fructu, nisi illud Almagrus, quod tempore ac spacio parandum erat, intempestiva præferenda cupiditatis prævaricatione affectasset, & Pizarrus sibi paris impatiens inconsultius ad vindicandum, veteris amicitiae parum memor, se demisisset. Vtrunque intestata & pudenda egestatis plena mors sustulit, sed par certè successionis casus utriusque posteritati ab inopinato accidit, quum Almagri filius, trucidato Pizarro & Regio occupato, Prouinciæ Præturam inuadere atque vsurpare non dubitarit, sed infustum inconsulti imperij cæsus finem sit nactus: postea verò Cōsaluus Pizarri frater, pulso Vela Prorege, sicuti dicetur, imperium occupare nouumque dominatum protendere confiderit, atque ipse etiam tandem debitas præcipitis confidentiæ Tyrannidisq; pœnas turpi supplicio affectus inuenerit. Ergo hūc in modum Pizarro sublato, cūm Didacus Almagri fi-

Pizarrus
& Almagrus non
omnis modo sciētiæ,
sed scribendi ignari.

*Almagri
iunioris
crudelitas.*

LEVI. APOL. GAND. DE

gri filius per vim Regium occupasset, versa est iracundia in eos, quorum fidei suspicionem mouebat aut intercedens cum Pizarro familiaritas, aut vitæ consuetudo: quibus eiectis, cum libera extincto metu vrbs pateret, multa fuere perfugia exulum & proscrip-
torum, raptoq; viuere assuetorum, nec ulli parentium imperio, nisi vbi pessundato iure vis præceps libertatem agendi perdundique omnia, pro effræni latrocinantium ingenio-
rum arbitrio, communi permissione atq; v-
surpatione concederet. Idcirco affluente pas-
sim turba, vbi spoliatis Pizarrinorum ædi-
bus Didacus tumida & fatali iudicij præoc-
cupatione se Prouinciæ Prætorem pronun-
ciando, ius vindicandi, & incertam quæstio-
nem, quæ patri cum Pizarro intercesserat,
in vim manifestam trahit, improuise belli
tempestati spem fortunasq; iniecit, & earum
fructus omnino peruertit. Nam cum Regij
turbidis suorum vocibus Princeps acclama-
tus, literis ad diuersos præfectos missis ab ijs
etiam haberi & accipi plena nominis vsurpa-
tione & iuris potestate vellet, primum Al-
phonfus Aluaradus apud Cichapoiades in
veteri

veteri sede agens, & praesidio fortissimorum militum centum sat fretus, egregie denegavit. Is enim uti egregia in Pizarrum fide fuerat, ita omne Almagrianum nomen summa capitalis odij acerbitate prosequabatur, & ad Cusconem in praelio, uti diximus, ante alios maxime cum suis saevus atque immitis fuerat: idcirco varijs minarum promissorumque illecebris sollicitanti Didaco unum id responsum dabat, nunquam se prius ad illum accipiendum agnoscendumque Praetorem adductum iri, quam manifestum Caesarei consensus diploma vidisset, sperareque se Magni Dei beneficio, & singulari fidelium bonorumque hominum adiumento, quae vel pater vel ipse in Maiestatem atque Pizarrum perfidiosisè atque immaniter perpetrasset, ipsius latronumque eius sanguine propediè vindicaturum. Quapropter cum mediocri equitum peditumque manu in Alphonsum ab Didaco missus est Garzias Aluaradus, eodemque itinere Michaëliam occupare, armaque & equos inde abducere iubetur. Is profectus ubi Santā, quindecim millibus passuum Trugillo distātem, peruenit, in Alphonsum Cabrerium incidit,

Alphonfi
Aluaradi
in Alma-
grum con-
stantia.

O 2 qui

LEVI. APOL. GAND. DE

Cusconica
ciuitas au-
thore Fran-
cisco Car-
uaiale Al-
magro se
opponit.

Egregium
Gometij
Tordoi fa-
ctum.

qui Vanucone profugus Trugillū cum pau-
cis accelerabat, vt eam urbem aduersus Di-
dacianos tueretur, quem ob id captum, vbi
Michaëliam processit, vna cum Voo Medio-
lano capite plexit. Eodem tempore, cum Cu-
sconē postulata Didaci perlata essent, Prin-
cipes Patresq; Collegæ, Francisco Caruaiale,
qui plurimum adhuc sequentibus bellis inno-
tescet, ad id maxime annitente, constanter
se opposuerunt, quanquam, vt inani eiusmo-
di spei lactatione retardato Didaco aliquod
parandi milites spacium haberent, tum se il-
lum Prætorem accepturum per literas pol-
licerentur, quum luculentiore legatione vo-
luntatis suæ sensus clarius apertiusq; expli-
cisset. Fortè tum animi caussa abierant in
venationem Gometius Tordous Senatorum
princeps, cuius filium cum Pizarro ad ostium
aduersus Pizarricidas pugnasse memini-
mus. Is reuertens, cum ex nuncijs obuijs re-
rum gestarum atque Didaci postulatorū cer-
tior factus fuisset, falconi, quem manu gesta-
bat aucupum more, iugulum diuellens, Pu-
gnandi, inquit, hoc tempus est, non aucupan-
di. Nec mora, in urbem vt venit, belli consi-
lia

lia cum Principibus clam inire cœpit, Petrum Ansurem è charcantibus ad urbē aduocat, ipse ad Petrum Holuinum profectus est, qui tum aduersus Barbaros diuerso in loco res gerebat. Hunc grauib^{us} incitamentis vrget, vt summam imperi se confessore acciperet, bellumq^{ue} Maieſtatis nomine aduersus Didacum administraret. Holuinus, quam multum diuq^{ue} recusans tanto oneri se parem agnoscere nollet, tandem Tordoi precibus accedit, vocatisq^{ue} Arecupia militibus vnà Cusconem profecti sunt, & fugere inde Didacianos compulēre, qui iam nō exiguo numero sese insinuarāt. Ibi, approbato Gometij consilio, Principes Holuino dato acceptoq^{ue} sacramento tantisper imperij ac iurisdictionis summam detulēre, dum ab Cæsare alter daretur, statimq^{ue} non ciues modo, dedicatis in belli vsū omnium suarum fortunarum viribus, se ad Holuini imperium dūmq^{ue} applicarunt, sed breui è vicinis agris & Charcantibus, Petro Ansure ductore, pluri ad signa eius confluxere, ita vt armatorū numerus intra paucos dies ad trecētos succresceret. Holuinus, habito cum suis consilio,

Petrus Holuinus bellum in Alamagrum parat.

lio, ubi Didacum amplius octingētos sub signis habere cognouit, desert a Cuscone, priusquam ab hoste omnibus rebus longè superiore circumueniretur, ad Alphonsum Aluaram montana via proficisci constituit, quem iam fama nunciante perceperat egregiè postulatis hostilibus refragatū intrepide in Didacum bellum apparare. Quapropter Garcilasco Vega, Petroq, Ansure equitibus, Castro ac Martino Roblesio peditibus præfatis vrbe excessit, & agmine semper parato instructoque, ne alibi inopinatò impeteretur, magna celeritate ad Alphonsum contendit.

Holuius
ad Aluara
dum ten-
dit.

His rebus perceptis Didacus facile de Holuini consilio suspicatus, adoriri properantem viamque intercludere statuit, tamen voluntate sua tardius proficisci potuit, quod Garziam Aluaradū expectare cogeretur, quem ab illo ad Michaëliam occupandam missum fuisse ostendimus: ubi verò is reuersus est, iugulato Antonio Picado & liberis Pizarri eiectis, in viam se dedit, vixque cū vnius diei itinere abscessisset, perlatæ Regium sunt literæ Vaciani Castri Quitone datæ ad Frāciscum Barrionouium Thomamque Martinianum

Vaciani ad
Reginos
literæ.

tinianum Prædicatorum Pontificem, quibus monebat hos Vacianus, ut tantisper rebus præessent, dum ipse adueniret, quibus illi literis impulsus, & cum his Senatores, diuersæque aliquot sortis Principes clam Vacianum Diacetem & ipsius Vicarium Hieronymum Aliagum delegerunt: qua re confecta, magna eorum pars, ad Didaci crudelitatem matura fuga evitanda, Regio Trugillum profugit, nec tam id fieri clam potuit, quin subodoraretur Didacus, qui de retrahendis profugis aliquandiu cogitavit, sed veritus, ne id & Holuinum sibi eriperet, & vulgata de nouo Præfecto res suis tumultum inferret, eam cogitationem omisit. Ita quanquam periculosus Ioannis Erradæ morbus nonnihil moraretur, cuius omnibus consilijs innitebatur, tamen, ut Holuinum Sausanos iam excessisse audiuit, maxima celeritate ad eum insequendum contendit. At Holuinus, ubi ea propinquitate imminentem sibi Didacum vidit, ut nullaratione euadere posset, stratagemate tali hostem elusit. Viginti equites nocte quadam in stationes hostium incur-
re, & quot possent, captiuos adducere iubet,

Almagrus
Holuinum
insequitur.

Holuinus
stratage-
mate Al-
magrus
eludit.

O 4 atque

LEVI. APOL. GAND. DE

atque illi postquam, imperatis nauiter fa-
Etis, tres adduxere, duos necat, tertio vitam
indulgens aliorum etiam premiorum polli-
citatione impulsus sacramento astringit, ut
ad Didacum eat, renuntietque castra eius
proxima nocte se aggressurum: atque is ut
eam rem Didaco persuasit, totam ille noctem
in acie suos continuit, qua hostium mora &
expectatione Holuinus tuto elapsus procul
anteceffit, nihilo tamen secius cognita frau-
de insequi Didacus haud destitit, forte conse-
quuturus etiam, ni celerem nuncium cum li-
teris, quæ accelerare iuberet, ad Aluaradum
misisset, cuius rei moram quanta posset dili-
gentia diuturniorem Alphonsus non fecit,
breuiq; copijs coniunctis Didacum insequen-
do abstinere compulerunt: nam hunc sponte
etiam mortuus apud Sausanos Errada nõ-
nihil impediēbat, & noua spes ad Cusconis
intercipiendæ conatum verterat. Dum hæc
geruntur, interea Vacianus Caster Pana-
maidem Bonauenturanum in portum appul-
sus, atq; inde difficili itinere in Quitonicum
agrum progressus, ubi de Pizarri cæde co-
gnouit, sibi Prouinciæ Præturam assumit,
& di-

Holuini et
Aluaradi
coniunctio.
Ioannis
Errade
mors.

Vacianus
Prouinciæ
Præturam
assumit.

& diuersos Duces ad vrbes Principesq; va-
 rias in partes mittit, qui se accipere agnosce-
 req; iuberent. Is enim, quanquā ad habendam
 tantum de Almagri cade quæstionē in Pro-
 uinciā missus esset, secretò tamē donato ad id
 Cæsaris diplomate in mandatis hæbebat, vt
 si eo tempore, quo ipse in Prouincia versare-
 tur, è viuīs Pizarrus excederet, tū ipse tan-
 tisper Prætoriam administrationem obiret,
 dum alter ab Cæsare summitteretur. Idcirco
 ad præparanda arma militesq; conscribēdos
 Petro Pulletio præmisso, quum è Quitonico
 maritimam in regionem descendens in Brac-
 camoros peruenisset, accessit illi eius loci Præ-
 fectus Vergara, quem Cusconico in prælio
 Sclopettarijs præfuisse meminimus, pari fœ-
 licitate cum illo Trugilli Gometius Tor-
 dous, qui iurgij caussa cum Garcilasco Vega
 plurimisq; alijs ab Holuino discesserat, se
 coniunxit. Hac omnium in se inclinatione
 vehementer gaudens Vacianus Trugillo ad
 Holuinum atque Aluaradum profectus est,
 statimq; omnium assensu prōptissimè & ma-
 gna letitia ab Ducibus receptus est, iussoque
 Holuino cū omni agmine proficisci, in Sau-
 0 5 sanos,

LEVI. APOL. GAND. DE

Vacianus
Regium
tendit &
accuratam
bello appa-
rando dili-
gentiam
isthic ad-
ijci.

sanos, atque ibi se expectare, cum paucis Re-
gium iter deflexit, ut isthic armorum tormen-
torumq; imprimis accuratorem curam age-
ret: Trugillum verò ad præfecturam Dida-
cum Mocram, virum genere factisq; illustrem,
misit, in cæterisq; porro tanto diligentissi-
mæ constitutionis prospectu instantibus bel-
li curis occurrebat, ut plerique tantæ cau-
tionis diligentiam in viro togato, qui vix
vnumquam bellicis rebus interfuisset, bono omi-
ne mirarentur. Didacus interim Almagrus
Cusconem præsidio nudam per Christopho-
rum Sotellium, quem præmiserat, in potesta-
tem accipiens, ijs magistratu deiectis, qui Va-
ciani nomini addicti erant, maximum belli
apparatum instituere cœpit, & quod regio
metalli ac nitri permultum est ferax, magnæ
tormentorum, ac pulveris tormentarij copię
parandæ summam diligentiam adhibuit, in-
gentem etiam armorum multitudinem com-
paravit, ea passim per officinas cudi curan-
do, ita ut quisq; miles lorica & armis indu-
tus cerneretur, et plerique galearum coni au-
ro vel argento immisto interniteret. Sed Dida-
cum, his rebus diligentissime intentum, ma-
lum

lum intestinum propè oppressit : Orto dissidio simultas Præfectos inceserat, Sotellium & Garziam Aluaradum, interfectoq; incru descende iurgio per iram Sotellio hoc tumultu excrevit contentio, ut propè militum acies inter se infestis signis concurrerent, ni in medium se ingerens Didacus ferociam insurgentium mitigasset, unde Garzias sentiens Sotellij necem, quòd percharum haberet, esse Didaco permolestam, veritusq; ob id ne crescente odio in vitæ discrimen aliquando veniret, interficiendi eius cogitationes agitare cœpit, & conceptum scelus demum in cœna perpetrare putabat. Inuitatus Didacus, quòd consilium & insidias expiscatus fuisset, agrum se simulat, armisq; sub vestibus indutus infirmum, ut videbatur, corpus lecto componit, cum antè armatos aliquot ad cubiculi latus abdidisset. Garzias interim, qui ad cædem omnia domi diligenter instruxerat, cum ad ædes Didaci velut morantem acciturus accederet, occurrens Martinus Carrillus, ne ingrederetur, monebat, adiungens de ipso trucidando cogitari, verum quum id pro somnio habens introire non dubitaret,

Didac-

Garzias
Aluaradus
Almagrū
tollere intendit.
Almagri
astuta simulatione.

LEVI. APOL. GAND. DE

Didacumq; Dominum Hispanico more compellendo decumbentem læto ore rogaret, ut familiari colloquio valetudinem refecturus ad cœnam veniret, contraq; Didacus chlamydem poscendo, & se gladio succingendo ex-euntibus reliquis velut ipse etiam egressum moliretur, subito Ioannes Errada defuncti Errada filius ostium clausit, Garziamq; apprehendens, Te, inquit, captiuum siste, stupenteq; illo, & propè fraudem suam detectā iam suspicante, Didacus stricto ferro pauentem feriens, Non captiuus, inquit, sed mortuus esto, simulq; cum dicto irrumpentes armati Garziam innumeris vulneribus lacerarunt. Ea cædes vulgata ingētem hercule turbam, Garzianis tumultuantibus, vrbi intulisset, ni Didacus properè tectis in forum euolans, fugientibus Garziæ familiaribus, principia maturo occurſu sedasset. Hac re perpetrata, quod iam antè cognouisset Vacianum se cum Holuino coniunxisse, in Sausanos iter intendit, singulari toto hoc bello Pauli Ingæ fide atque auxilio adiutus, qui cum Barbarorum manu agmen semper præcedens itinera explorabat, & ut commeatus vndeque affer-

ὄϊον
αἰσέται.
Garziæ
cædes.

afferrentur, egregiè, quod notitia atque au-
 thoritate apud incolas maximè valeret,
 providebat. At Vacianus, ubi interea Re-
 gium peruenisset, sumptis mutuo septuagin-
 ta aureorum millibus, quod Didacus publi-
 cas fortunas, ærarijque incredibiles thesauros
 spoliasset, haud dispari cura bellum interea
 instruebat, paratoque mediocri tormētorum
 & virorum numero, vrbi Franciscum Bar-
 rionouium præfecit, eiq; præcipiens, vt si Di-
 dacus, postquam ipse abiisset, Regium, sicuti
 fama tenebat, veniret, ciues maturo persugio
 in naues se reciperent tantisper, dum ipse
 conuerso agmine Didacum persequeretur, in
 Sausanos ad Holuinum discessit, eoq; vt ve-
 nit, quod magnus equitum peditumq; ac tor-
 mentorū numerus confluxisset, exercitum in
 Præfecturas disparties Holuinū, Ansurē, &
 Garcilascū Vegā equitibus præfecit, pedites
 Petro Vergaræ & Nonnio Castro ducendos
 dedit, quibus veluti subsidiariam equitum
 peditumq; aciem duplici ordine, Gometio Al-
 uarado duce, & Sclopettariorum turbā adie-
 cit, cui Ioannes Vellæus præerat iuris lau-
 rea eruditionis caussa donatus, qui cum rei
 militaris

Ioannes
 Vellæus
 miles io-
 gatus.

LEVI. APOL. GAND. DE

Franciscus
Caruatal
in exerci-
tu gene-
ralis.

militaris non vulgari peritia summam do-
ctrinam coniunxerat, atque ante meridiem
ius dicebat, interq^{ue} Senatores togato habitu
incedens versabatur, tempore autem pome-
ridiano chlamydatus caligisq^{ue} segmentatis
militarem habitum præferebat. Suprema ta-
men ordinū potestas, acierūq^{ue} cura Francisco
Caruatali incumberebat, quē iam propē octoge-
narium ob id Vacianus ad hoc munus sustu-
lerat, quòd mirificam virtutem, animumq^{ue},
nulla ingrauescētis ætatis sarcina eneruatū,
præferret, & quum in Italia quadraginta
amplius annos ordines duxisset, longissimè
cæteros omnes bellicæ scientiæ existimatione
superaret. Eodem tempore ad Vacianū Con-
salui Pizarri, qui tum ab ea expeditione, de
qua dictum est, Quitonem recēter erat reuer-
sus, nunciij venire, per quos ille cum auxilio
adfuturū se breui spondebat, verū, gratijs
ei beneuolentiæ habitis, respondit Vacianus,
vt quietū sua sese in sede Quitone contine-
ret. Minimè enim ei bello Consaluum inter-
esse volebat, quòd vel timeret, ne is præsens
omnes occasiones ac spes cōponendæ per quie-
tem rei cædis fraternæ vindicandæ studio
peruer-

berueret, vel quod vereretur, ne, postquā
in castra venisset, amore ac memoria Pizar-
ri fratris abrogatum sibi imperium ad illum
deferretur. Ita remissis nuncijs, audiens Cu-
scone Didacū mouisse, & ad Vamantiacum
præoccupandum, aut certe ingentis amnis
transitum intercipiendum contendere, eò e-
tiam è Sausanis properauit, præmisitque ad
loca exploranda Didacū Roam, qui proxi-
mè Vamantiacum progressus, ut Didacum
haud procul abesse didicit, perpulit Vacia-
num sequentem, ut ad hostem anteuerten-
dum festinus adueniret. Idcirco summa ce-
leritate properans, quū duobus ab vrbe pas-
suum millibus sub vesperam consedisset, fa-
ma allata Didacum proxima nocte in vr-
bem venturum, nonnihil sibi incanduit, quod
suorum, qui tardius sequebantur, pigritia
adhibitæ celeritatis suæ industria retarda-
retur, quoad remissus Alphonsus Aluara-
dus eos omnes grauitè increpitos & festina-
re iussos adduxit. Tum verò nulla mi-
litibus data quiete Vacianus iter continu-
ans, quod obuiorū passim montiū asperitati-
bus perdifficile occurrebat, præterita vrbe
vlie-

Vacianus
in Alma-
grum Va-
mantiacū
tendit.

LEVI. APOL. GAND. DE

Vaciani ad
Almagrū
mandata.

Almagri
ad Vaciani
mandata
responsum.

ulteriore parte per totam noctem in armis
constitit, sed ubi altero nuncio postridiē Di-
dacum amplius adhuc nouem passuum mil-
lia abesse cognouit, ad eum Franciscum Dia-
quesium cum his mandatis misit, vt fidei ac
potestati Caesaris, quam impiē in omne nefas
præceps excussisset, iusta pœnitudine sese red-
deret, copiasq; dimitteret, quod si facere non
grauaretur, rerum omnium iniquē, et ad cru-
delitatem proximē gestarum veniam habi-
tutum, sin minus, cum eo se iure acturum eo,
quod ad impios rebellesq; puniendos naturale
iudicium legesq; præscripserint. Diaquesium
cū mitteret, simul militē alterum locorum
apprimē gnarū Barbarico habitu indutum
cum literis clam ad pertentandos Didaci Du-
ces misit, sed, illo capto & suspenso, Didacus
grauiter Vacianum redarguit, quod, cū pa-
cis ineundæ remedia quærere videretur, indi-
gnæ proditiōni suorum aut certē turbis atq;
dissidijs Duces suos per secreta literarum mo-
limina concitare conando sese inuoluere atq;
implicare contenderet. Sciret itaque, dum ipsi
cum Holuino atque Aluarado suis odij in-
terneciui hostibus res esset, non sui esse animi
ipsius

ipsius mandatis parere, nec exercitum prius
 dimittere, quam Cesareo sigillo obsignatum
 veniæ donatæ diploma in manu haberet.
 Porro, quod istiusmodi secretis literarum
 machinis impugnare se contenderet, eam spe-
 rare militum suorum esse fidem, ut non mo-
 dō dati sacramenti ius constanti fiducia con-
 servare possint, sed ipsi propediem virilem
 pro sua salute, dignitate, atque in Prouin-
 ciam iure defendēdo pugnā fidelibus dextris
 animisq; sint præstituri. Audito Didaci re-
 sponso Vacianus rem prælio committere sta-
 tuit, motisq; inde castris in æquiore planicie,
 quam Chupam indigenæ vocabant, conse-
 dit, intelligensq; dubitationis nonnihil mul-
 tis iniectum, an Didaci ab Cesare damnata
 caussa esset, quod ab Cusconico prælio Ferdi-
 nandus Pizarrus in Hispaniam profectus
 in custodia habitus, ad iudiciūq; reiectus
 fuisset, Caesaris nomine sententiā in Didacū
 pronunciauit, eundē, bonis fisco adiudicatis,
 appendicesq; eius proscriptionis & necis de-
 nique damnans. Postridiē, cum propē hostes
 aduenissent, propiusq; sensim secundū æquio-
 res quosdam montes ab latere sinistro, mili-
 tari

Vaciani in
 Almagrū
 sententia.

LEVI. APOL. GAND. DE

tari via deserta ad vitandas paludes, subirent, Vacianus Nonnium Castrum cum quinquaginta Sclopettarijs ad laceffendum praelium emisit, hostesque distinendos, dum sui, qui transeundi montes erant, transcenderent, nec ascendendo occupatis Didaciani transversis tormentoriarum pyllarum ictibus vehementissimè nocerent. Ita, cum iam suos summa occupasse nauiter vidit, Vacianus Caruaialē acies instruere iussit, ipse, in quacunque partem venerat, seduli & Ducis & hortatoris munereungebatur, tantumque iubebat animis cogitare, ipsi qui essent, unde orti, ac nati, pro quo, & aduersus quos pugnaturi essent, Casareum decus ab ipsorum virtute pendere, victis fugæ receptusque locum superesse nullum, vincentibus diuitias perpetuas opimasque exuiuas, & certè præclaram defensatæ suis dextris Casareæ dignitatis famam gloriamque non inani præmio fore. Ad quæ cum vno ore omnes fortem fidelemque virtutem summa constantia se præstituros sponderent, omnibusque in rem bene compositis haud ita multum diei superesset, perlibenter Vacianus in sequentem diem praelium distu-

Vaciani ad milites exhortatio.

distulisset, verum, dehortante Alphonso Aluarado, qui militum ardore nulla mora refrigerandum dicebat, optasse tum sibi dicitur Vacianus Iosue potestatem, ut, sicuti illum fecisse sacrae literae prodiderunt, ad diem lucemque prolongandam Soli in occasum vergenti quietem imponeret. Plurimus etiam non ipsum modo, sed ceteros quoque Duces, metus tenebat, ne descendens gradatim agmen ab aduersis hostium tormētis laceraretur, sed commodum altera via auersior sinistrorsum ab Aluarado demonstrata est, quæ in vallem ducebat, secundum quam minore periculo ad hostes perueniri poterat. Iam pariter suos instruxerat Didacus: equitatus duas in partes diuisus, in suas veluti alas peditatum receptum habebat, Ioanne Balsa, Tello, ac Didaco Mendesio, qui Rodorici Orgonij frater erat, Præfectis, tormenta valli instar ita frontem protegebant, ut, simulac in conspectum hostes venissent, magno pylarum imbre prodeuntes ad summam perniciem stragemque exceptura viderentur. Igitur, quum hostiles iam bombi personarent, via comonstrata Vacianiani descendere, sicuti instructi

P 2 erant,

Vacianus
Iosue potestatem sibi
precatur.

erant, ceperunt. In dextro cornu Aluara-
 dus ibat, ubi regium signum ab Christopho-
 ro Barrientio gestabatur, sinistrum Holui-
 nus, Gometius Aluaradus, Garcilascus Ve-
 ga, & Petrus Ansur tuebantur, inter pri-
 mos ipsi versantes. Inter hæc equitum cor-
 nua peditum agmen ducebant Petrus Ver-
 gara, Ioannes Vellæus, & Nonnius Caster,
 & supra hos ipse aderat Caruaial, in cuius
 audacia virtuteq; omnem plerique sp̃e repo-
 suerant. Hinc veluti quartam aciem obti-
 nebat Vacianus à cæteris paulisper separa-
 tus (triginta equites erant) ut quò res aduo-
 caret, opem ferret, spectatorq; fieret ignomi-
 niæ cuiusq; fortitudinisq;, magnum animo-
 rum incitamentum. Dum hoc ordine milita-
 ri processu descenderent Vacianiani, hostes
 nunquam iaculando cessabāt, exiguo tamen
 descendentium damno, quum glandes altius
 elibratæ militū capita præteruolarent, quod
 conspiciatus Didacus, ratusq; corruptum ab
 hoste tormentorum Magistrum Candiam,
 velut ex composito sublimius iaculari, pro-
 perè defricto gladio aduolat, è vestigioque
 Candiam obtruncat, & tormenta acrius di-
 spodi

splodi iubet, quæ ad imperata quum acerrime
 vehementissimeq; glandes contorqueren-
 tur, nonnulliq; iam caderent ex Vacinianis,
 & reliqui vix depressioris loci beneficio py-
 las euitarent, agmen Caruaial resistere ius-
 sit, ne magis propinquando summæ stragis
 discrimen milites subirent. Tum verò Di- ^{Caussa ere}
 dacus his veluti non dubiæ victoriæ initijs, ^{ptæ Alma}
 & suopte etiam ingenio concitatus, rarusq; ^{gro victo-}
 viris fortibus indignum, si tanta quiete se lo- ^{rie.}
 co tenerent, & expectabūdis similes ipsi quo-
 que certamen non lacefferēt, prouectus aciem
 cum tormentis applicare cæpit. Id sicuti pri-
 mum multa alacritate accidit, ita postremo
 haud dubiam victoriam Didaci manibus e-
 ripuit, primumq; ante omnes Petrus Suna-
 retius excubiarum Præfectus obstitit, clami-
 tans exercitum vnico nudari munimento,
 quum tormentis propinquantium hostium
 ordines vel ante pugnam & acies applicatas
 diffringi possent, nunc verò ea occasio cor-
 rumperetur, postquam ipsi prius appropin-
 quantes id spaciū interciperēt, in quod con-
 sistendi mora intra patientiores tormentorū
 ictus hostes prolificiendi essent. Sed vbi fru-

stra clamantē se vidit, deteriore semper vincente sententia, equo concitato indignabundus ad Vacianum transiit: tum ad tympani pulsum suo incedentes passu in mutuum quoque conspectum acies venerunt, ac Vacianiani, vbi ex deiectione loco infra attollentis se planiciei supercilium peruenissent, ne glandibus in ipso accessu obruerentur, dum tormenta hostium displosa essent, substitere. At Didacus, si forte primos lacerare ordines posset, nullam tormentorum procellam intermitteri iubebat, & quanquam ex innumeris glandibus plaræque ferè inanes, Vacianianos planiciei insurgentis supercilio adhuc protegente, emitterentur, ingens tamen pediribus, qui erectiores ad summitatem stabant, non sine terribili stratorum hominum aspectu damnum incidebat, ita vt tetracædes non dubiam turbationem, ac metum fluctuantibus ordinibus incuteret, & Ducibus destitutis gladijs in quascunque partes discursando, & mortem comminando fugæ inhibendæ, & pauentes animando comprimendæque plurimum isthic laboris esset. Equites etiam cum superata accliuitate conspicui fierent,

Vacianianorum cedens ac trepidatio.

rent, non minore propè strage excepti sunt,
 & ipsi etiam inter laceratorum turbam Pe-
 trus Holuinus ac Gometius Tordous ab in-
 tercurrentibus hostium Sclopettarijs singu-
 lis glandibus interfecti cecidere. In hac om-
 nium consternatione Petrus Vergara & ip-
 se ictus ad equites clamat, vt properè irrum-
 perent, prius quam pedites, qui propè ante
 tormentorum fauces stabant, obruerentur. *Holuinus
ac Tordous
interfecti.*
 Omnes igitur & aliena increpatione accēsi,
 & se mutuo alius alium increpantes incitant
 equos, raptōq; agmine in hostes effusis habe-
 nis ruunt, simul pedites, carentibus vndique
 signis, eodem momento gradum inferre cœ-
 perunt. Neque verò Didaciani segnes erant,
 equitesq; non minus alacriter pugnam exce-
 pēre. Ibi tum, vt initium hastis interdirigen-
 dis factum fuit, vtrinq; impigrè ad gladios
 peruentum est, ac tum vir virum amplexus
 maiore animo & sanguine memorandū quis-
 que facinus patrare satagebat. Diuersa par-
 te peditum sensim propinquabat certamen,
 quos omni adhortationis genere Caruaial tor-
 menta contemnere iubebat, plurima, quàm
 vanus glandium sit impetus, viris fortibus
 P 4 ostendens,

*Pugna ad
Vamantia
cum.*

LEVI. APOL. GAND. DE

Stupenda
Caruialis
audacia.

ostendens, & ne se, quod firmo armorum munimento protectus esset, hæc dicere existimarent, admirabile & stupendum facinus ausus ruptis vinculis arma ac lorica abijcit, atque uti tum nudus erat, & goßypini thoracis fulgore conspicuus ferrum modo manu tenens concitato cursu in tormenta procurrit: qua Ducis vesania pedites ferè obstupefacti, tum suo quoque furore ac strage vecordes per glandes, tormenta, viros, armaq; inuasunt, & ut eo impetu percussos videre hostes, ne perturbatis aut resumendi animos aut impetum instaurandi facultatē darent, annitentes, cum iam propè nox interlabens prælium dirimeret victoriam haud dubiam interceptura, instare vndeque pergunt, eodemque tempore, quum equites etiam oblanguescens certamē renouarent, Vacianus, ut equestrem tumultum percussis hostibus ageret, triginta equites, quos hætenus ad vltimum subsidium reseruarat, intulit, cohortesque duas in sinistro cornu ferocius victoriam conclamantes aggressus cruento certamine concisis fere ad vnum omnibus deuicit, quum ex suis Ximenen atq; Montalphum
& mi-

Et milites aliquot fortissimos amisisset. Eo
 peditum equitumque intolerabili impetu Di
 daciiani iam se amplius sustinere vndiq; per-
 culsi ac caesi nequieverunt, quin reliquam salu-
 tis spem in fuga peterent, ipse Didacus, vt
 præter omnem expectationem tanta vi ho-
 stes contendere, & demum suam aciem incli-
 nare vidit, & ipse tenebris protectus fugæ se
 dedit. Tū verò Martinus Bilbonus & Chri-
 stophorus Sosanus, vt ab Duce fortunaque
 deserri se sensere, summo furore ac rabie in
 medios feruntur hostes, seque nomine compel-
 lantes, & se Pizarri interfectores alto cla-
 more memorantes cadendo sauciandoque va-
 dunt ira truces, furore præcipites, lymphati,
 amentes, desperatione cæci, quoad tandem ra-
 bidarum instar ferarum vulneribus dissecti
 in eo fremitu occubuerunt. Cū vndiq; iam à Va-
 cianianis victoria conclamaretur, Didacia-
 ni pars in montes vicinos, pars Vamantia-
 cum fugam intendit. Didacus vt Cusconem
 venit, vna cum Didaco Mendefio ab suis
 Prætoribus Rodorico Salasarte, & Anto-
 nio Ruitio Queuara comprehensus est. Ceci-
 dere hoc prælio (quod in decimum septimum

Almagria
 norum &
 ipsius Al-
 magri fugæ

LEVI. APOL. GAND. DE
Septembris anni quadragesimi secundi inci-
dit) ferè vtrunque trecenti, atque inter hos
Petrus Ansur, & ut dictum est, Holuinus
atque Tordous, qui candidis auro intertexto
thoracibus induti quod essent, agniti ob id ab
hostibus, & contortis in eos certatim globis
confecti fuerant. Omnium verò iudicio eius
victoriæ laudem promeruit Caruaial, qui
vsque adeo intrepidè morte contempta cor-
pus tormentis obiecerat, & fortissima irru-
ptione primum hostes perculosos in fugam ver-
terat. Secundum hunc proximam virtutis
ac diligentiae laudem tulit Alphonsus At-
uaradus, fuereq; adhuc plurimi alij, quorum
virtus hoc prælio ab insigni confidentia con-
stantiaq; innotuit, inter quos primum obti-
nent locum Benitus Caruaial, cuius sequen-
tes libri multam adhuc mentionem facient,
Didacus Aquilera, Hieronymus Aliagus,
Ioannes Barbaranus, quem Pizarro exe-
quias celebrasse meminimus, Lupus Mendo-
cius, Didacus Cetenus, Petrus Hinosa, Mel-
chior Verdugus, & Petrus Purtocarrerius,
adhuc pluribus factis memorabiliores poste-
rioribus libris futuri. Multa nox fuit, prius
quam

quam milites in castra reuocari possent, quos
 oēs Vacianus accommoda oratiōe collaudauit,
 & gratias egit. Postridiē summo mane curan-
 dis saucijs, quorū numerus quadringētos ex-
 cedebat, et mortuis humādis operā dedit, atq;
 Holuini & Tordoi cadauera Vamātiaci ho-
 norifico funere sepeliēda curauit, sumpsitq; de
 nōnullis suppliciū, inter quos fuit Ioānes Tel-
 lus prācipui inter Didacianos nominis, pau-
 cisq; pōst diebus Cusconē profectus Didacū in *Almagrus*
 gulauit, idē Mēdesio factur⁹, ni is fālici irru- *ingulatur.*
 ptione carceres effugisset: quibus rebus pera-
 ctis, Duces quosq; cū militibus, vt eorum one-
 re Prouincia atq; ipse liberaretur, varias in
 partes scrutandi atq; occupandi misit, Petrū
 Vergaram in veteres sedes ad Braccamoros,
 Ioannem Perin in Mullobambos, Didacum
 Roam ad nouas terras perquirendas versus
 Occidentalis Oceani littora & Argyreum
 amnem cum Philippo Guterio ablegauit, ip-
 se vitam aliquandiu Cuscone in tranquilli-
 tate atque ocio egit, venitque paulo pōst
 eò Quitone Consalius Pizarrus, vnde in
 Charcātes ad veteres possessiōes reuersus est.

F I N I S.

Deos τὸ δέος.

Argumentum Lib. I I I I.

Hispani quum in indigenas summam inusitatæ seruitutis insolentiam exercerent, ad eam corrigendam decreta in Prouinciã missa sunt, in quibus inter cætera cõtinebatur, vt, quicumque se vel Pizarri vel Almagri factioni immicuisset, seruis indigenis spoliaretur. Ad hæc decreta exequenda, cum Proregio nomine in Prouinciam Blasus Nonnius Vela missus esset vnà cū Ephoris quatuor, verū, quum natura seuerus atque immitis ille nullam Ciuitatum postulationem admitteret, sed inexorabili austeritate decreta exequi vellet, ei se Cusconica ciuitas opposuit, Ducemque Consaluum Pizarrum delegit, qui in ea tum occasione facilem viam ad imperium strata sibi conspicatus publicæ causæ simulatione suam rem cum Francisco Caruaiale agere cœpit, quod vbi ab nonnullis sentiri cœptum est, Principes quiq; profugere ad Proregem statuunt, verum seueritatem hominis veriti

veriti ad veniæ impetrâda diplomata
 Balthasarem Lausanum ad Velâ mit-
 tunt, qui celeriter diplomatibus impe-
 tratis reuerti contendebat, sed re euul-
 gata ab his retractus ac captus est, qui
 Consalui studiosi Regio ad illum in-
 sequendum se effuderant. Tunc Re-
 gij tumultu per eâ noctem suborto,
 ædibusq; inquisitis, quum Velæ Pro-
 regi nunciatum esset, inter eos profu-
 gos Ilani Suuaretij cognatos esse, id il-
 lius impulsu factum ratus ad Suuare-
 tium adducendum fratrem misit, qui
 vbi hominem lecto exire iussu ad-
 duxisset, Suuaretius isthic per iurgiū
 coram Vela cæsus est, vnde graui &
 Ephororū & totius ciuitatis odio in
 illum orto, decreuit Vela fugere Tru-
 gillum, & Regium euastare, sed rem
 reciscunt Ephori, augetur tumultus
 & propè ad manus venit, ac tādē
 Vela ab Ephoris capitur, & in Hispa-
 niam destinatur, verum Aluarus, cu-
 ius custodiæ tutelæq; mandatus erat,
 in itinere gratiam cum capto init,
 atque

atq; ita restitutus, quū Tumbæū ap-
pulisset, bellū instaurare cœpit. Cōsal-
uus autē, percepta Ephororū ac Velā
discordia, Regiū cū armato exercitu
venit, ac tū palā Imperium ac Prætu-
rā Prouinciæ postulat, tandēque vi &
metu ad eū cōsensum Ephoros per-
trahit, dehinc in Velā conuersus eum
Popæanā confugere cogit, atq; ipse in
summa turpitudine ac voluptate mul-
tis mensibus Quitone hæsit, vbi dum
tēpus terit, authore Didaco Centeno
apud Argyropolitānos occiso ipsius
præfecto Almēdra nouū bellū exortū
est, sed illuc misso Caruaiale id teme-
rè concitatū celerē finē habuit, quum
ille Centenū in antrū fugere cōpelle-
ret: pari fœlicitate per Alphōsum Hi-
nosam Panamaitis pactione inani e-
lusis, & Melchiore Verdugo deuicto
Isthmū occupauit atq; obtinuit: ipse
demū acri ad Quitonē prælio cōmis-
so Proregē Velā Popæana callidè ele-
ctū deuicit atq; interfecit, Regiūq;
triumphabundè reuersus est.

LEVI-

LEVINI APOLLONII
GANDOBVRGANI MIT-
TELVRGENSIS DE REBVS
IN PERVVIA GESTIS.

LIBER IIII.

BEllo ingenti confecto, & Pi-
zarri morte Almagrorumq;
interitu factione sublata, o-
tiosæ pacis & securæ quietis
florem tandem aliquando res Peruuina spe-
rabat, perpetua diuturnorum bellorū quas-
satione fatiscens, cū inexpectatō omnem
Prouinciam maximi & longissimi belli tur-
bis alius casus inuoluit, quanquam honestis-
simo instituto ad deprauatissimæ consuetudi-
nis emendationem sit illatus atq; inductus.
Ægerrimè enim nouis homines legibus de-
uinciri volunt, si indurata iniquarum con-
suetudinum vsurpatione valescentes fræ-
nos inoletæ licentiæ ab ijsdem imponi intelli-
gant. Hispani longa quadam maiorum vsi-
tatione durum & immite in deuictos subiu-
gatosq; Barbarici nominis hostes hominum
genas,

LEVI. APOL. GAND. DE

Ius ac li-
centia Hi-
spanorum
in noui or-
bis indi-
genas.

genus, qua Mauros Numidasq; tractare
solent, ad Occidentem rerum potiti, eandem
duritiem atque inhumanitatem vbiq; in no-
ui Orbis indigenas exercebant, atque idem
licentiæ ac potestatis ius sibi in captiuos su-
mebant, quod priscis seculis Domini Ethni-
ca insolentia audaciaq; in seruos atque ver-
pas vsurparunt. Miseros enim non vilium
modo mancipiorum munijs defungi coge-
bant, sed pecorum instar clitellis ac sarcinis
onerabant, noctes diebus fodiundo auro con-
tinuare, mensis seruire, fœminarum obsequijs
veteris spadonum cōsuetudine adesse, agrum
colere patiebantur. Id impudicæ atque illicitæ
potestatis malum Cæsar, piorum quorun-
dam hominum sacrati ordinis instinctu addu-
ctus, noua salutaris decreti constitutione con-
stringendum corrigendumq; haud inuitè su-
scepit, & quanquam ferè omnibus damnum
insigne ex eo accessurum non ignoraret, plus
tamen ea in re, ad Christiani nominis digni-
tatem pertinēte, pietatis ac modestiæ ratio-
ni, quam hominum fructui compendioq; dan-
dum putauit. Idcirco proposita statuta ac
promulgata sunt, & in Prouinciam breui
missa.

missa. Cauebatur ne quis incolam (vtri haec ^{Decreta in}
 nus omnes consuessent) aut domi seruū præ- ^{licentiam}
 ter voluntatem teneret, aut sine laborandi ^{lata.}
 mercede seruilibus operibus astringeret, aut
 ad portandas sarcinas similiaq; eiusdem fœ-
 ditatis onera subeūda inuitum compelleret:
 deinde penitus ijs, qui vel cum Pizarro vel
 cum Almagro factionum sustinuissent no-
 men, serui indigenæ adimerentur. Quum hoc
 decreto incolis succurreretur, eodem negotio
 ei quoque difficultati mederi placuit, quæ in
 forensium caussarum actionibus insidebat.
 Lites enim & id genus actiones intentatas
 persequentes longè Panamaidem confuge-
 re, & interdum longissimo amplius mille
 laucarum spacio ab domo patriaq; ad immen-
 sos impendiorum sumptus disiungi, & lon-
 gissimo sæpe tempore iudicia ac definitiones
 iudicum expectare oportebat. Nam quan-
 quam unicuiq; vrbi ac populo magistratus,
 iusq; legitimum ad caussarum discrimen di-
 reptionemq; non deerat, tamen summæ iu-
 risdictionis, & extremæ prouocationis autho-
 ritas ad Panamaidos Iudices pertinebat.
 Proinde hinc summi Iudicij sedes inter Va-
 Q tima-

Regij archi
senatus Pe
ruuinis sta
tuitur.

Ob decreta
hominum
in Peruvia
tumultus.

timaliā & Nicaragnam translata est,
ad quam vniuersa regio, quæ Terræ Firmæ
nomen habet, respectaret, Peruuinis autem
causis archisenatus Regio destinari pla-
cuit, cui Consiliarij quatuor, totidemq; E-
phori, & supra hos Præses vnus adessent,
qui (quod Peruuinæ Prouinciæ magnificen-
tia, & negociorum incidentium grauitas ita
benè ferrent) Proregis appellationē ac Ma-
iestatem gestaret. At, diuulgato per Prouin-
ciā edicto, quod anno fuit quadragesimo se-
cundo, grauiſſimus indignantium hominum
motus erupit. Nam suis impensis, sanguine
atque sudore explorata inuentaq; regione,
cū inter pacta ab Cæsare obtinuissent, in-
colas, quos cœpissent, suæ potestatis fore dū
viuant, mortuorum etiam filium natu ma-
ximum, aut, si liberos haberent nullos, vxo-
rem, eoq; modo connubijs impliciti innexique
vetustis altis cognationum stirpes egissent,
indecentis atque iniquum esse clamitabant, se
nunc senes, & cicatricibus laceros contra fi-
dem & gratiæ referendæ æquitatem vsita-
ta diu iustorum bonorū possessione spoliari.
Propterea vndequaque ad Vacianum lite-
ræ com-

*ra commeabant querentium, atque ille ita
 differebat, si luculentius res ad Cæsarem re-
 ferretur, diuersaratione huic negotio pro-
 spectum iri: idcirco conuentum Principū ha-
 bendum, ac de communi consilio legationem
 ad Cæsarem mittendam suadebat, & quod
 Regium conueniendo ob loci æquitatem Cu-
 scone videretur commodius, cæteros quoque
 per literas inuitans eò suo cū comitatu profe-
 ctus est. Interea, ad exequenda edicti statu-
 ta, Peruuia Prorex à Cæsare declaratur ce-
 leberrimæ seueritatis Blascus Nonnius Ve-
 la Abilanus, qui antè summa cum iustitiæ
 laude Malacæ ius dixerat, atque illi Epho-
 ri sunt contributi, Licentiatus Cepeda Tor-
 desilanus, Lisontius Tiada senator Valliso-
 letanus, Aluarus eadē in vrbe causidicus,
 & Petrus Hortitius Sarates, itemq; Augu-
 stinus Sarates Regio senatui secretorum ac
 rationum magister. Hi calend. Nouemb. an-
 ni quadragesimi tertij naue conscensa fœli-
 citer omnes Theonymā appulere. Hic dum
 aliquot dies cunctatione transiguntur, Vela
 Prorex, (ita enim deinceps appellabimus)
 quod inter illum atque Ephoros leuiusculis*

Prorex ad
 exequenda
 decreta in
 Peruuianis
 mittitur.

Ephori Pe-
 ruuini Con-
 cilij.

Vela Pro-
rex Tum-
bæū venit.

Legatorū
Peruui-
norum apud
Velampo-
stulata.

Vela seue-
ritas, &
ad Legatos
amarulen-
ta respōsio.

ex rebus dissidium ignesceret in grauissimæ
simultatis flammam erupturum, non ex-
pectatis Ephoris, quanquam plurimi rogan-
do obsisterent, naue preparata ex Isthmo
meridionali pelago prouectus, foelici nauiga-
tione Tumbæum appulit. Inde Regiū ter-
restre iter apparans, quocunque venisset, in-
credibili austeritate præscriptas leges exequi
cœpit, licetq; Michaëliæ ac Regij Ciuitatum
Legati accedenti obuiam missi scripto tradi-
to postularent precarenturq; vt, cum ad E-
phoros eius negotij pars authoritasq; perti-
neat, nec ipsi soli fas sit quicquam illis incon-
sultis nesciisue, aut dissidentibus machinari,
rem omnem ad ipsorum aduentum legiti-
mumq; Concilij Regina in vrbe habendi con-
uentum differret, tamen nihil omnino absti-
nere incepto volebat, iniquam esse postula-
tionem affirmans, cum decreta infractarum
instar legum ad tollendas deprauatarum li-
centiarum consuetudines, omneq; Tyranni-
dis euertendum nomen desticta solido Cæ-
sareæ cōstitutionis fundamento incumbant,
quæ tenacissima fide ob id præstari sit æquū,
quibusq; nullæ inanum appellationum nu-
ga inter-

ga intercedere & aduersari aut debeant aut possint. Erat enim Vela non ingenita modo seueritatis mirè tenax, sed per se ingenio durus, amarus & contumax, nec quicquam per si ducens, modo, eo æquitatis iustitiæq; tenore inuidia obstinatione confirmato, vel leuissimæ existimationis apud vulgus umbras consectaretur, et nomen suum terribili indomitæ seueritatis morositate in terrorem induceret, & vel inuisa fidelitate, maximoq; plebis insanientis odio veterem opinionem gratiamq; ingratus auceps apud Cæsarem tueretur. Ita, reiectis Legatorum postulatis, confestim horrido rumore fama omnem Prouinciam est peruagata, venire Proregem intolerabili truculentia decreta exequentem, nec vlla appellationum, postulatorum, aut refractionum nomina quicquam morantem, atque hinc multa aliorum commentis addebantur, qui maxime concitatam hominum inuidiam Proregi volebant: ob id Vacianianorum varij pullulabāt tumultus, alij respuendam inuisi Iudicis audaciam, & authoritatem nihili faciundā tantisper censebant, dum Ephori præscripti adessent, plurimi omnino

Vela ingenium.

Vacianianorum in Proregem murmur.

LEVI. APOL. GAND. DE

non recipiendum clamabant, quòd acerbissi-
ma seueritatis trucitate non ferendus con-
tra omnem rationem consuetudinemq; Cæsa-
ris clientibus atq; subiectis, legitimum ius au-
diendi derogando, indignum commissò mune-
re sese fecisset. Hos compescuit Vacianus, be-
neq; sperare nec dubitare iussit, quin simulac
Ephori aduenissent, in legitimo Concilio be-
nignè ipsorum postulata audirentur, atque
ita (vti Vela missis ad ipsum literis fieri ius-
serat) solenni renunciatione Prouinciæ Dice-
cesi se abdicauit, Regiumq; peruenit. Ibi non
minore dissidio disputatum fuit, venientē m-
ne Proregem, & ipsa decreta acceptare par-
esset, quum ex ijs quiq; qui seruorum nume-
ro diuites sibi consultum volebant, immen-
sissimè occlamarent, dicerentq; urbem ama-
ro homini, & vel ipso Rhadamanto horri-
diori præcludendam, & tota Prouincia in-
terdicendum: sed post longas variasq; con-
sultationes tandem Ilani Suuaretij Procon-
sulis æquitate est factum, vt venientē Pro-
regem digno honore exciperent, atque idcirco
iam viginti tantum passuum millibus ab-
senti Gauram viros, nomine ac probitate
illustres

Vacianus
generali
Præfectura
se abdicat.

Ilanus Su-
uaretius re-
cipiendi ve-
læ author.

illustres, obuiā officij caussa mitterent. Pro-
inde ab his ad urbem adductum lata & hi-
lari pompa ciuitas excepit, introeuntem sub
vmbella inaurato parapetasmate contecta
Proconsules in urbem, inde Senatores cocci-
neis togis spectabiles ad templum, & ex eo in
regiam deduxere. Paulo antè Vacianiani,
vel quod seueritatem hominis timerent, vel
quod eidem omnino parere nollent, Vadaci-
liam, direptis Vamantiaci tormentis, profu-
gerant, quod cum antè percepisset Vela, abso-
luto inductionis triumpho Vacianum capi, in
publicumq; carcerem abstrudi iussit, eundem
eius profugij motusq; in se concitati apprimè
conscium esse iudicans. Tum verò ea indi-
gnatione permoti optimi quiq;, & ipsi Sena-
torum Principes circumstiterè Velā omnes,
supplicesq; obsecrare, ne tantum squallidissi-
mi ignominiosissimiq; carceris probrum ei vi-
ro inferret, qui inter Consiliarios Maiestat.
excelleret, quenq; fortem ac pium Prouinciæ
gubernatorem sensissent. Nam licet postri-
diè etiam capitis damnaretur, honestiore ta-
men custodia dignum posse videri eum, cuius
virtutem tot honesti ciues præsentes spectas-
sent,

Vela Pra-
rex Regij re-
cipitur.

Vacianus
comprehen-
sus in pu-
blicum car-
cerem trau-
ditur.

LEVI. APOL. GAND. DE

Vacianus
precibus ci-
uitatis li-
beratur.

Ephori Re-
gium ve-
niunt.

Cerimonia
qua regiū
sigillum re-
cipitur.

sent, & tota Prouincia nō sine summo tran-
quillitatis fructu experta fuisset. His preci-
bus Vela adductus liberiorē Regiæ carcerem
Vaciano indulgit, cū se prædem centum mil-
lium aureorum ciuitas præstitisset, qua ta-
men nequaquam contentus fide, quicquid Va-
ciani erat, multauit, & iuri subiecit, ita vt
ea indigna in bonum virum amarulentia,
consternati plerique offensos ab eo animos
verterēt, multi obstreperas voces palàm at-
tollere auderent, plurimiq; furtim se Cusco-
nem ad effugiendum immitissimi Iudicis ri-
gorem cateruatim proriperent. Vix hac re-
peracta cicurataq; cū in omnes sæuire inci-
peret, tandem expectati Ephori adfuere, Ce-
peda, Aluarus, ac Tiada, agro Sarate Tru-
gilli relicto, statimq; haberi concilium, iurisq;
administrationem fieri, ac prius de more re-
gium sigillum recipi atque introduci Vela
iussit. Id solenni cerimonia in capsula recon-
ditum vehebat equus inaurata syndone con-
stratus, quem sub umbella Ioannes Leonius
Proconsul dextra inducebat. Acceptato per
hanc pompam sigillo, variarum caussarum
actiones cæptæ sunt, in ipsisq; principijs
vna

una inter cæteras incidit, quæ, excitata priorum iurgiorum musitationumq; memoria, asperimis dissidiorum ac simultatum fluctibus Velam & Ephoros implicauit. Ille Regium proficiscens, infra urbem viginti passuum millibus cum ad Gauram peruenisset, locum hominum effugio planè desertum, & duos in muro versus Hispanico rythmo sonoros offederat in se astutè cõuitiosos. Eam contumeliam quanquam ab Antonio Solar te eius loci Præfecto non dubitaret esse profectam, rem tamen impræsentiarum dissimularat, dein Regij inauguratus paulò post ad se euocarat Solartē, de eoq; conuicio haud obscure in suam contumeliam perstricto gra uiter ex postulans, quum illi excusare se, atq; auertere culpam, & respondere difficile esset, daretq; titubando manifesta conscientie signa, iratus Vela cõcludi vndique palatium iusserat, accitoq; sacrificio, cui reus damnatus supremae expiationis munia perageret, certum erat nulla longiore interposita mora ad porticus epistylum Solarti gulam frangere, sed ille restitans clamando querendoq; se contra omne ius ad necem insontissimum

Causa dissidij inter Velam & Ephoros.

Vela in Antonium Solartem ira.

2 5 trahi,

LEVI. APOL. GAND. DE

Solartes æ-
grè vita do-
nata in car-
cerem con-
ijcitur.

trahi, tantisper rem egit, dum excitus Ar-
chipræsul cum grauib^{us} aliquot viris accur-
reret, delinitoq^{ue} Vela multis precibus obtine-
ret, vt efferuescenti iræ spaciū daret, & So-
lartem ad carceres reijceret. Dum hîc am-
plius duos menses squallidus delituisset, for-
tè accidit, vt ad audiendas reorum caussas
Ephori captiuos inuiserent, atq^{ue} in hunc de-
mum prolapsi rogant, quis eū huc casus con-
iecisset. Is ne sibi quidē cōstare asserit, adeoq^{ue}
nec litem hætenus intentatam esse, nec Iu-
dicem alterius se cuiusquam rei postulare,
nisi quod ita Proregis iussu iniunctum di-
cat, vt se in compedes coniectum carceri de-
mandaret. Statim rem ad Velam deferunt
Ephori, nec sibi quicquam criminis aut alte-
rius capitalis caussæ in Solarte offensum de-
monstrant, quamobrem in probrosi carceris
fætores contrudendus videretur, sed ita vul-
gò ferri, ipsius insana iracundia eò repentè
proiectum esse, quod si cum veritate faciat,
nec plenior eius supplicij caussa in homine
coargui possit, nequaquam iuris æquitatis-
que se, nec aliud exequi posse, quā Solartem,
veluti insontem innoxiumque, indigna im-
meriti

meriti carceris turpitudine primo quoque
tempore liberare. Ad ea stomachabundo ore
respondit Vela: iussu suo cōprehensum id sce-
lus, in vinculaque coniectum, sibi etiā in op-
tatis fuisse fœdæ crucis supplicio vitam illi
finire, scilicet vt memorabili exemplo addi-
scerent cuncti, quam sibi pœnam expectan-
dam putarent, qui vanorum spiritum leui-
tate audaces violata Principum observan-
tia temeraria calumniarum licentia ad se
incessendum ludendumque abuti confiderent.
Idcirco cum illum ad suam existimationem Vela arro-
conuiciosus rythmis lædendam, aliasque ob-
gantia.
trectationes in se criminum spargendas, quæ
nemo attestari possit, nulla verecundia ab-
straxisset, se quoque seuerius iuri suo ad au-
daciam castigandam sibi indulgendum pu-
tasse: nihilo secius capiundi occidendi-
que, quem sua vlciscēdi libido vellet, liberam si-
bi potestatem ex regia Præfecturæ præroga-
tiua relictam esse, nec vlla necessitate com-
pelli se, vt ea in re ipsorum rationem consen-
sumque respiciat aut requirat. At illi nō vl-
terius eius potestatem patere demonstrantes,
quàm iuris iustitiæque septa ferrent, Solar-
tem

LEVI. APOL. GAND. DE

Solartes
inuito Ve-
la libera-
tur.
Bellum in
Velam Cu-
scone pa-
ratur.

Consalius
Pizarrus ē
Charcan-
tibus ad-
uocatus
dux in Ve-
lā creatur.

tem innocentem pronunciant, liberūque pa-
cos post dies dimitunt. Hæc veluti scintilla
ignescens dissidiū fuit. Dum hæc geruntur
Regij, totius propè Prouinciæ vnanimi con-
spiratione atrox in Proregem Cuscone bel-
lum parabatur, ab ijs, qui infensissimo odio
Velæ seueritatem insectabantur, & decretis
omni conatu intercedi maxime cupiebāt. Hæc
Consaliū Pizarrum multis precibus inci-
tatum ē Charcantibus Cusconem euocarant,
Ducemque dixerant, qui Regium proficisce-
retur, & omnium nomine in Concilio, facta
aduersus decreta appellatione atque eorum
postulata emendatione, publicā causam tue-
retur. In id & ipse consenserat Didacus Cen-
tenus, Cusconem Argyropolitanæ ciuitatis
nomine plena cū potestate missus, statimque
magna inter omnes deliberatio incidit, præ-
starétne solum inermi lingua causam agere,
an armato cum præsidio Regium venire,
pluribusque rationibus propositis, quod Ve-
la iam delectum militū habere cepisset, quod
decreta omni truitate inexorabilis nulla
appellatione admissa perageret, quod deniq;
iactitasset sibi ab Cæsare impositum esse,
ut ca-

ut capitali supplicio Consalvū tolleretur, quod
 factionibus inductis & caeso Almagro Pro-
 vinciam interturbasse diceretur, statutū est,
 ut ad se tuendum, ac Proregis omne ius re-
 spuentis atrocitatem refutandam sustinen-
 damq; armato exercitu Consalvus iret, cui
 consilio non tepidis suggillationibus frigi-
 dam suffundebant caussidici ac practicis ver-
 sutijs imbuti, qui, uti precio venales linguas
 gerunt, callidis vafrosum argumentorum
 anfractibus funesto impioq; consilio funda-
 menta rationum quærentes, vim vi retun-
 dendam, Iudicemq; audacia non iure conten-
 dentem pari ausu virtuteq; optimo iure su-
 stinendum reprimendumq; testabatur. Pro-
 inde Consalvus Dux atque Imperator om-
 niū consensu acclamatus, cui ob vetus Fran-
 cisci Pizarri imperium, veluti ad iustam fra-
 tris hæreditatem, cupidè ad summam Præfe-
 cturam anhelanti Prouinciæ inuadendæ im-
 perijq; occupandi huius occasionis opportu-
 nitas mirificè arridebat, probè diligetia suæ
 ad inflammandos homines, velutiq; oleum
 flammæ addendum, et seditionem augendam
 copijs armisque parâdis partes agere cœpit.

Ad

Cōsalui ad
bellum ge-
rendū pro
ptiudo &
diligentia.

Ad milites conscribendos commodam illi fa-
cultatem præstiterē thesauri regij, ærarium
publicum, defunctorum bona, & ciuium pri-
uatæ quorundam fortunæ, quibus cum me-
diocrem manum contraxisset, misit Francis-
cum Almendram ad itinera claudenda, ne
quicquam rerum Cuscone gestarum ad Velæ
aures perlabi posset. Scripsere tum Princi-
pes Senatoresque Cusconici ad Argyropoli-
tanos, vt Didaci Centeni consensum, quem
Consalui imperio pro sua potestate attribuis-
set, ratum habere vellent, cum omnibusque
virium suarum facultatibus, vt demum Re-
gium iter institutum suscipi posset, ad se ve-
nirent: ipse insuper Consalius per literas v-
numquemque sibi notum ac familiarem sol-
licitabat. Verum inciderat tum commodum
Respub. in diligentes ac fideles Præfectos
Aloisium Riuerium Antoniumque Al-
uarum, qui, coniecta altius cogitatione, clan-
destinas Consalui machinas prospicientes id
Centeniani consensus nomen minimè sibi cu-
ræ esse responderunt, ciuitatemque ob id ea
esse animi constantia atque exsistimatione,
vt, licet summum ex decretis detrimentum

acce-

acceptura esset, à pristina tamen fide in Ma-
iestatem sua desciscere, quam præ cæteris ha-
ctenus religiosissimè coluisset, ignominiosum
putet, potiusq; opinetur, vel cum summa for-
tunarum iactura atq; discrimine eandem in
hac etiam caussa Maiestati fiduciã constan-
tiamq; præstare, quàm abrupta obsequij fi-
de nunc noua conspiratione, quæ nihil ab re-
bellione abesset, in eius leges ac missum Pro-
regem perfidiosè eniti. Hæc non omnium qui-
dem voluntate rescripta fuerunt, quum mul-
ti, Consaluiani nominis studiosi, diuersissimè
non modo sentirent, sed ad inuadendã Rem-
pub. Præfectis persæpe insidias struerent. Ve-
rùm hi, singulari cura diligentiaque sibi præ-
cauentes, dolos faciliè deuitarunt, ac tandem,
vt post longos errores ambagesq; in urbem
diplomata sunt illata, assentiente Senatu
magna lætitia Velam Prouinciæ Proregem
acceptarunt, quare facta, sicuti iussi erant,
viginti amplius equitibus instructis per di-
uersos viarum secretarum anfractus, ad eui-
tandam Consalui vim, Regium ad Velam
sunt profecti. At ille, quanquam arctissimè
vias obsideret, ne rerum suarum quicquam
ad Pro-

Argyropo-
litani Con-
saluo impe-
rium agno-
scere noluit
& Velam
Proregem
acceptant.

Vela appa-
ratum bel-
licum insti-
tuit.

ad Proregem perferri posset, fama tamen
diu Velam celare non potuit, qua facile ex-
citatus (cū ad ea omnia credēda, quæ vel in-
certis & nullo propè authore promanatis ru-
moribus didicisset, imbecillis, suspicax, &
propè odij in se communis gnara conscientia
adduceret) bellicæ curæ apparatus instrue-
re cœpit. Ante omnia, vt validis pecuniæ
neruis prima Martis initia suffulcirentur,
centum aureorum millia sibi accipit, quæ
Vacianus Cuscone deportata mox ad Cæsa-
rem auhenda iam naui condiderat, tormen-
ta, viros, arma parat, & cohortes centuriat,
equitibus Alphonsum Montemaiorem, &
Didacum Cutum præficit, peditum curam
Martino Roblesio Pauloq, Menesæo assi-
gnat, Sclopettariorum præfecturam Consal-
uo Diæ attribuit, atque his omnibus Velam
Nonnium fratrem præponit. Erant illi præ-
ter Reginos ciues armati amplius sexcenti,
&, vt frequente exercitio militem ad rerum
gerendarum veritatē acueret, sæpè falsò vul-
gato hostium aduentu ad arma concini, fre-
quenter in foro militari testudine instructas
cohortes circumcurrere, sæpiusimè, veluti ad
pugnam,

pugnam, in aciem ire iubebat: atque his ludicrarum occupationum voluptatibus suorum animos experiens, quod parum æquam Vacianianis fidem haberet, crederetq; liberior custodia Vacianum clandestini quippiam consilij præmoliri, dato ad arma signo, dum quisq; discursando occupatur, per certos satellites Vacianum, Petrum Cabreriũ, Ferdinandum Mexiam, Laurentiũ Aldanium, Melchiorẽ Ramiretum, fratremq; eius Balthasarem diuersis vrbis partibus clam comprehendit, liberatoq; solo Aldanio, Cabrerioq; ac Mexia Panamaidem, & Ramireto Nicaraguam in exilium missis, Vacianum in naui vinctũ tenuit nemini causam intentans, quamobrem ea supplicij ratione tam præcipitanter cum quoquam ageret. Per id tempus holcades duæ, mercatorijs mercibus oneratæ, ad Arecupianum portum appulerant, quas Consalius retineri iussit, et conuectis in illas tormētis maritimas subuersiones impedire, & Reginum etiam portum oppugnare decreuerat. Ea res percepta Velam magno terrore affecit, quod nihil aduersus eius generis vim antea præparasset,

R sed

Vacianus
secundo ca
pius ab
Vela.

Holcades
Consalui
intercipi-
untur.

sed cū ingens periculum euenturum propo-
neretur, ni id malum matura arte caueret,
naui ipse etiam in portu parat validam,
tormentisq̃ue instruit, & huic Hieronymum
Surbanum cum strenuissimis fortissimisq̃ue
militum quibusq̃ue imponit: sed eum metum
per se fortuna Velæ ciuitatiq̃ue breui deie-
cit. Erant Arecupiæ Alphonsus Cazara, &
Hieronymus Sernaus, qui Proregis clā stu-
diosi, cognita Consalui voluntate, noctu ad
naues tormenta aduehenda expectantes de-
scenderunt, ac trierarchis auro obtuso vi-
ctis, è portu in altum prouecti Regium cur-
sum habebant. Nec mora, cognito nauium
aduentu, per speculatores ab alta insulæ vi-
cinæ pharo prospectantes, ignarus rei Vela
ratusq̃ venire oppugnaturas, extemplò ad
littus cum equitibus contendit, simulq̃ Sur-
banus acriter tormenta in aduentantes di-
spodere cœpit: sed vbi velis contractis Ca-
zara atq̃ Sernaus amicitiae signa dederunt,
tormentis cæssantibus lembis adnauigantes
re exposita Velæ naues tradidere, vnaq̃ in
urbem magno cū ciuitatis gaudio sunt pro-
fecti. At Cōsaluus, quicquid vlla sedulitate
ad bel-

ad bellum gerendum contrahere poterat, Cu-
scone intentus curabat. Ultra quingētos sub
signis habebat, & veterani nominis pluri-
mos, qui sub fratre eius Vacianoque stipen-
dia meruerant, & sub hoc Duce, quo nemo
per omnem Prouinciam vulgari aestimatio-
ne ob longam experientiam spectatamque
virtutem præstantior habebatur, ad ingen-
tium diuitiarum spem alacriter nomina de-
derant, postquam è diuerso seueræ Cæsaris le-
ges, & his multò seuerior exactor Vela spo-
lijs prædæque inhiātes grauioribus stimulis ir-
ritaret. Equitibus Petrus Purtocarrerius,
peditibus Ioannes Vellæus Queuara, Sclo-
pettarijs Petrus Cermenius præerāt. Acies
tribus distinguebantur signis generalibus,
prima regium præferebat, altera Cusconicæ
ciuitatis, tertia Pizarrinæ familiæ propriū,
quod postea Petro Pulletio attribuit. Tor-
menta campestria habebat magnitudine ra-
riore viginti, pulueris, & pyllarū numerum
ingentem, cæterarumque rerum, quas belli v-
sus postulet, copiam permagnam. Tum verò
Consalius hoc apparatu instructo non clan-
destinis amplius consilijs viam ad conceptum

Consali
ad bellum
industria
& appara-
tus.

R 2 auida

LEVI. APOL. GAND. DE

Consalui
Protestatio
aduersus
Velam &
decreta.

audacæ mentis explendum præmunire, sed palam in concionibus colloquijsq; propositū detegere cœpit, simulq; passim creberrimis instigationibus reliquis ferociæ audaciæq; omnis calcaria subdens, amplissimæ suæ causæ rationes differebat. Quanto ipse fratresque sui labore, quoue capitum fortunarumque periculo Peruuinam terram fuerint perscrutati, atque Cæsaris ditioni nominiq; subiecerint, quantos inde ex eadem auri argentiq; thesauros in Hispaniam transmiserint, nulli ignotum esse, tamen interfecto crudelissimè fratre Prætore, non modo aut ad natum eius, aut ad se eius imperij legitimā meritāq; hæreditatem secundum pactorū tabulas non esse delatam, sed nunc pro meritis gratiaque ad se spoliandos leges atrocissimas obiectas, & his longè atrociorē tetrica fronte & inexorabili pectore exequēdi causā missum in Prouinciā esse Blasium Nonium Velam, cui præter omnem iuris consuetudinem cunctam appellationum postulationumq; populo facultatē derogare, vniuersam Prouinciā miserrimis turbationum tragædijs concutere, se vero supra omnes contumelias omni
pro-

probrorum genere lacerare, immaniterque
 supplicium capitale minitari sit volupe,
 quando non quicquam modo vnquam ad-
 uersus Maiestatem abs se delictum ceptumque
 sed omni supremæ industriæ vigilantia hono-
 ri ac dignitati eius fortiter fideliterque esse
 desudatum constet. Idcirco sibi Cusconicæque
 ciuitati visum fuisse, vt in generali Prouin-
 cia concilio confidenter aperteque omnium caus-
 sa ac voluntas postulatioque explicetur, ad
 Cæsaremque Legati mittantur, qui certius
 illum de publico statu Ordinumque postula-
 tis edoceant, atque erudiāt, in eam nimirum
 spem, quod facile malo succursum ea ratione
 iri confiderent, sin verò mutare prorsus Cæ-
 sar statuta, aut de earum seueritate aliquid
 remittere noller, tum se mandatis morigeros
 fore, licet vel pronis pectoribus vermiū in-
 star rependo manibus pedibusque huc conten-
 dendum sibi esset, propterea, quo hæc præcla-
 ro ordine ex ipsorum Principum adeoque
 omnium hominum postulatis peragi queant,
 constituisse se Regium proficisci, & armata
 quidam manu non violandi lædendūque quem-
 piam causssa, sed vt se & tot optimos popula-

LEVI. APOL. GAND. DE

res clientesque aduersus effraenem Proregis inclementiam atque vim conseruet atque defendat, cum non modo seueritatis remittendae illi quicquam animi esse sit certum, sed ad infauitae immansuetudinis continuandum tenorem in dies adaugendis viribus copiisque comparandis vniuersam curam, studium atque operam penitus adhibere fama increbescat. His iactationibus effecit, ut multi incertae voluntatis illi adiungi, certamque victoriam sub eo Duce sperare non dubitarent, qui non omnes modo Prouinciae Duces belli scientia & Martis vilitatione longissime anteiret, sed foelicibus auspicijs ad vniuersae Prouinciae tutelam salutemque aduersus durissimum hominem signis explicatis procederet. Applicuit se magna voluntariorum etiam turba, qui pacis odio & lucri cupiditate ex vicinijs sese passim effuderant, quando praeter iactatas hortationes promissaque Consaluis etiam (vti erat annos quadraginta natus) ab excelso vegetae aetatis vigore pecuniae profusus immensa liberalitatis fama, & studio erga milites incredibili, & virtutum etiam genuinarum illustri nobilitate,

ani-

Consalui
et al.

animiq; magnanimi, & corporis proceri am-
plitudine, admirationis humanæ modum ex-
cedente, mortalium mentes accenderat. Con-
saluus nihil differendam profectiorem ratus,
Cuscone eduxit cohortes, quum paulò antè
Franciscum Caruaialem exercitui præfecis-
set. Is proculdubio erat militiæ peritissi-
mus, & recente ad Vamantiacum pugna
maximè illustratus, ordinem sub Petro Na-
uaro Duce clarissimo duxerat, & prælio
etiam Ticinensi interfuerat, in quo captus
ab Cæsarianis Ducibus fuit Franciscus Gal-
lorum rex, posteaque in Hispaniam vnà cum
Catharina Lytonia pellice commigrarat, &
istinc in Peruuia traiecerat, vbi honestè
quieteq; vita aliquādiu traducta, ab Fran-
cisco Pizarro in eo Prouinciæ tumultu ac
Barbarorum rebellione præfecturā Cusco-
nica in vrbe adeptus, & in summo honore
ab Vaciano etiam propter virtutis opinio-
nem habitus, ad auctis vehementer faculta-
tibus, & amplius sexaginta aureorum mil-
libus corrasis: sub Vela aduentum in Hispa-
niam redire statuerat: sed vbi vectoriā na-
uim nancisci non posset, patris trahentibus ab

Consaluas
Cuscone in
Velam e-
greditur.
Francisci
Caruaia-
lis vna &
mores.

LEVI. APOL. GAND. DE

Caruaial
octuogena-
rius.

Caruaialis
anmi vi-
cia.

Consaluo ascitus est, & ab eodē summa præ-
fectura donatus, homo certè supra fidem bel-
licosus, & supra humanæ naturæ vires for-
tis, ad octogesimum annū prouectus erat, ta-
men rara senectus vulgari ingrauescētis æ-
tatis torpore, nec iuuenile rugosi corporis ro-
bur, nec florentē grauis animi vigore infre-
gerat aut labefactarat: statura erat medio-
cri, sic tamen vt toroso habitu apprimè ner-
uosi ac validi corporis vigorem exprimeret,
fatigato aut humus aut sedile cubito caput
inclinans tenenti cubile erat, ac semper tem-
pora somni quam noctis arctiora transige-
bat. Sed has laude dignas corporis dotes ex
communi militarium virorū contagio, quos
omnium scelerum quotidiana tractatio in o-
mnem licentiam efferare solet, teterrima ne-
quissimi ingenij vicia conspurcabant. Nam
quantum corpore insignis, fortis toleransq;
videbatur, tantum animo erat vehemens,
ebrius & supra omnem modum crudelis, sæpe
omnis misericordiæ expers, frequenter ad vo-
luptatem nulla aut exigua de caussa, quem
liberet, ad necem raptari atque abstrahi iu-
bens, ita vt demum non sera diuinæ iræ vin-
dicta

dicta tantæ immanitatis truculentiam po-
stea fœdissimæ necis supplicio miserabiliter
extinctus perluerit. Consaluum, quanquam
antea in illo temperati ingenij moderatio mo-
rumq; honestas egregia pietate condita non
defuisset, prosperis rebus desipientem fortu-
na eadem viciorū lue infecit, ita vt ad sum-
mam miserabilis Prouinciæ cladem, et bono-
rum imprimis virorum oppressionem in hac
labassantis æquitatis opportunitate non ve
tus duntaxat commendatio atque mutua co
gnitio, sed par studiorum turpitude ac simi-
litudo hos coniunxerit, & quod maximè ad-
mirandum videtur, demum etiam fortuna
vtrunque ad amplissimum omnis fœlicitatis
culmen euectum exitiali reflatu aduersa su-
bito ex tanti splendoris ac spei fastigio ad tur-
pe supplicium præcipitatum depresserit. Per
eos dies fortuna inopinato casu Peirū Pul-
letium Consaluo adiunxit. Is, Vanuconi ab
Vaciano præfectus, ad Velam salutandi gra-
tulandiq; caussa peruenerat, impetraratq; ab
eodem præfecturam veterem ea conditione,
vt Proregi beneuolam ciuitatem teneret, ci-
uesq; ad omne ferendum auxilium, si res fer-
ret,

Caruacialis
& Consal
ui similitu-
do studiorū

ret, paratos & promptos. Pulletius domum reuersus non id modo industriè faciebat, sed ad Proregis fauorem aduenas quosdam principes pertraxerat, Gometium Solisiū, & Bonifacium, iamq; Proregis decreta expectabat. Is, vbi opportunum videretur, cum publicis schedulis priuatisq; literis ad Pulletium Hieronymum Villegam Vanuconem misit, quibus, vt ad se iuuādum veniret actutum, mandabat. Recitatis in Ciuitatis cōcilio decretorū schedulis, et ipsius Vela spectata voluntate, metus oēs præoccuparat, ne, si Proregi se applicarent, tristi euentu sibi id cederet, quando Consaluanorum postulatio, & ipsius Vela seueritatis offensio non paruam suspicionem inferret, ne, Consaluo debellato cæterisq; ad officium obsequiumq; reductis, Vela seueri imperij iugum ciuitati repente inijceret, & ab inuicta seueritate inexorabilis horridas exitialesq; decretorum leges cunctis imponeret. Proin concordi murmure succlamatum est, vt relicto Vela ad Consaluum transirent, apud quem signa pro libertate, vita, fortunisq; defendendis explicantē vberiores spei, opis exitusq; facultates proponebantur.

Vanuco ad
Consaluū
deficit.

bantur. Vela celeriter per Ilatopam indigenam Principem rem expiscatus, ad claudendum iter Pulletio Vanuconitisque fratrem Nonnium & Consaluum Diam misit. Hi, quantum poterant, accelerantes properè Vadaciliam, viginti passuum millibus Regio distantem, peruenerunt, ubi clam cum hostibus facta cōspiratione Cōsaluus Dias Nonnium Vela fratrē è medio tollere, & ad Consaluum transire decreuerat. Antecursores, dum ad Pariaxacam vicinum vicum præcurrunt, occurrentem habuere Thomā Martinianum Predicatorij ordinis virū, quem ad rem componendā Vela Cusconem ad Consaluum miserat. Is seorsim cum milite quodam colloquutus aperit, quid in omnes ipsumque imprimis Nonnium cōspirationis sit conceptum, locoque is ni celere fuga raptim excederet, postremum eum diem victurum ostendebat. Ille externatus, reuocatis suis, cum Thoma Vadaciliam reuolat, vulgoque ad discutiendam explorati conceptus suspicionem spargebant, irritum persequendi laborē esse, quando Pulletium iam in Sausanos penetrasse constaret, at remotis arbitris secretò instans

Consalui
Diam Ven-
le fratrem
Nonnium
tacita pro-
ditio.

LEVI. APOL. GAND. DE

Nonnius inf
dias fugit.

instans discrimen Nonnio exponunt, & ni
ante noctem facessat, certissimam necem im-
minere confirmant. Attonitus Nonnius nul-
la mora clam equis subtractis se subducit, ra-
ptimq; sub tenebras proficiscens, deducente
Thoma, effugit, Regiumq; perlatus Velam,
nusquam fidam opem sentientem, seseq; om-
nium manifestissimis odijs ardere experiun-
tem, incredibili luctu oneravit. Vix euaserat

Pulletiani
Vadaciliā
irumpunt

Nonnius, quum Pulletiani Duces Vadaci-
liam irrupere, statimq; Sclopettis omnium pe-
toribus admotis, & ipsi etiā Consaluo Dia
manibus colligatis astuta simulatione osten-
tabant, quasi fortuito non destinato consilio
id factum fuisset. Sed nemini dubia esse pote-
rat callida conspiratio, quum, nulla interce-
dente ira aut simultate, satis abs re alienum
appareret, Pulletianos eam vinciendi duri-
tiem Consaluo Pulletij genero inferre. Ex

Rodorigi
Nini in Ve
lam con-
stans &
laudabi-
lis fides.

his, qui cum Dia missi fuerant, cum tribus
duntaxat Rodoricus Ninus euasit, quem,
cum hostes nulla re, vt ad Pizarrum transi-
ret, permouere possent, equis vestibisque ab-
reptis omni contumelia affecerāt, ita vt vir
genere & dignitate clarissimus pedes, vixq;
subli-

subligaculis vilissimis pudenda contegens,
 & sparteis calceamentis pedum plantas de-
 fendens asperrimo itinere Regium perueni-
 ret. Ea autem Pulletij defectio vsque adeo
 percommoda Consaluo accidit, vt, n̄ is casus
 rem inclinantem ac iam ruentem instauras-
 set, non dubium foret, quin in ipso limite bel-
 lum confidenter inchoatum, dissoluto exer-
 citu & quibusq; profugientibus, ferè pessun-
 datum concideret, ipsiq; infelix vitæ exitus
 subeundus proponeretur. Vix enim Cusconi-
 co agro quum excessum fuisset, repente (quod
 Consalus imperij fasciumq; supercilio ela-
 tus, sibiq; quidlibet licere existimans, cristas
 fastuoso spiritu attollere, & imperare atque
 exequi, quod colluberet, occiperet) plerosque
 maximi nominis atque authoritatis Princi-
 pes palam Maiestati iniuriam fieri, atque in
 eandem tumida seditione insurgi, omniaque
 nō ad optatam catastrophē relapsura præ-
 sentientes pœnitudo incesit. Fuere inter hos
 Principes Gabriel, Gaspar, ac Gometius Ro-
 as, Garcilascus Vega, Petrus Barcus, Ioan-
 nes Saiauedra, Martinus Florentius, Go-
 metius ac Aloysius Leonij, & Petrus Man-
 giarus,

Turba in
 Consalui
 exercitum

Principes
 qui primū
 ab Consal-
 uo secessere

Consalui
trepidatio.

giarus, viri toga paceq; spectati, & Perui-
narum rerum diuturno exercitio maximè
clari. Inter hos nonnulli assumptis secū sche-
dulis, quas exhibere in Concilio statutum fue-
rat, furtim secretis viarum ambagibus ausu
gêre, quorum defectione tantus perturbato-
rum militum, vnde quaque se iam ab Duci-
bus ac Præfectis suis deserui ac prodi creden-
tium, motus Consaluianos perculit, vt ferè
omnes ad fugiendi cogitationes decurrerent,
& ipse Consaluis, hac cunctorum fluctua-
tione trepidus, in Charcantes ad veteres se-
des cum amicissimis fidiſſimisq; quibusq; se-
cedere, ac se aduersus omnem vim præmu-
nire isthic cogitaret. Verùm coucitata Pro-
uincia & manifesta seditionis initio facto,
quum nullum vsquam satius tutiusq; con-
siliū inueniret, quā cœptis insistere, eorum-
q; fortunam, quam suo capiti rebusq; suis
Deus daturus esset, experiri, quo cœpisset iti-
nere, Regium perrexerit, cohortationes, quas
posset, in vulgus spargens, & famam diuul-
gans, sibi multorum ciuium Reginorum li-
teris significatum esse, tanta in spe atque ho-
minum cupiditate suum institutum versari,
vt,

ut, quanquam ipse cum quinquaginta dun-
taxat equitibus Regium perueniret, commo-
dissime optata consequi posset. His atq, alijs
incitamentis aliquamdiu spem atque ani-
mos suorum sustentauit, sed ubi plurimum sen-
sim relaxari fidem & voluntates flaccescere
viderentur, tanta cum pauitatione, metus
ac dubitatio apud omnes renata est, ut vel
intra triduum quosuis dilapsuros periculum
certissimum appareret, ni in tanti discriminis
momento Pulletius adfuisset, cuius aduentu
omnis cum tumultu timor, fluctuantiumque
æstus resedit, quum Pulletius, adductis am-
plius quadraginta equitibus, non militum mo-
do augmento dubios in deuinctæ fidei officio
contineret, sed valido mitissimorum verbo-
rum solamine tristes atque abiectos, resusci-
tata spe atque alacritate, confirmaret, su-
praq, id in vulgus editum esset, si minus Con-
saluus cœptam caussam persequi vellet, id per
se Pulletium cum suis facturum. At Gas-
par Roas, cæteri q, omnes, quos iam Consal-
uiani imperij pertædebat, tacite inter aures
musitantes perlibenter ad petendam Velæ
gratiam, fugiendumq, perduellionis crimen
conuer-

Pulletij ad-
uentus Consal-
uianis
animum
reddidit.

Gaspar Ro-
as cum su-
is ad Velā
transfuge-
re cogit.

LEVI. APOL. GAND. DE

conuersos animos inclinarāt, sed, quod primū
seditiosa temeritatis authores fuissent, poenā
veriti, neque seueritatis Vela ignari, vix ra-
tionem dispicere poterant, qua pacem, liben-
tibus ac propensis quidem votis petitam, con-
sequerentur. Tandem id constitutum fuit,
vt ad Velam Regium Balthasar Lausa-
nus vnā cum Ferdinando Caballio sacra-
ordinis cum literis mitteretur, atque is suis
verbis proponeret, si certa rerum perpetra-
tarum venia tabulisq; confirmata daretur,
ipso quamprimū, relicto Consaluo, ad illum
transituros, nominisq; autoritate cum reli-
quos antecedant, vix esse dubium, quin ad-
uersa tantorum virorum defectione reliqui
aut idem desciscendi consiliū sequuturi sint,
aut, Consaluo deserto, dissoluti vagique di-
uersas in partes profugiuri. Lausanus, la-
bori industriaeque nulli parcens, summa fe-
stinatione vnā cum Caballio Regium perue-
nit, postulatisque declaratis, celeriter ab Ve-
la impetrat optatū veniæ donatæ diploma,
ac, re diligenter curata, secreto iterū ad Con-
salui exercitū viā habebat. Hoc negotium,
quanquam summo silentio confectum erat,
diu

Balthasar
Lausanus
& Ferdi-
nandus Ca-
ballius ad
Velam ve-
nie que-
rēde caus-
sa mittun-
tur.

diu tamen clam esse, & hos imprimis fugere non potuit, qui Consaluo ex occulto fauebāt, vniceq; indomitam Velæ atrocitatem, vt in securitate decretorum immunes viuere possent, exterminatam prostratamq; volentes, etiam ijs cæptis, quæ ab manifesta rebellione non abhorrebant, studiosè cupiebant atq; patrocinabantur. Quocirca, vbi cum tabulis ac diplomatis discessisse Lausanum didicerunt, certoq; prospicerent, si ea virorum capita, qui inueterata prudentiæ authoritate valebant, studijs repenti mutatis deficerent; gregarijsq; ab primatum ferè consilijs pendentibus, suasq; in ipsorum factis spes repositas continentibus, fidei instabilis exemplum præberent, de Consaluo, cæterisq; actum esse, qui insolentissimè acerbissimeq; dominanti Velæ, atque nocentissimis Casareorum decretorum statutis opponere atque obiectare se intrepidè ausi fuissent, ad Lausanum Cabeliumq; retrahendos circiter viginti celerissimis equis sub vesperam se effuderunt. Inter hos Principes erant Balthasar Caster, Laureniius Mexia, Rodoricus Solasartes, Didacus Caruaial, Franciscus Ascouetus, Petrusq;

Lausanus
ab Consal-
uianus ca-
piunt.

LEVI. APOL. GAND. DE
trusq; Martinus natione Siculus. Non fe-
fellit volantes rapida celeritas, Lausanum
Caballiumq; vico in quodam hospitantes de-
prehendunt, diplomataq; abripiunt, & ea ad
Consaluum mittunt, & ad eius castra cum ca-
ptiuis Petrus Martinus profectus est. Con-
saluus primum nonnihil attonitus, deinde
de tanto fortunæ beneficio plurimū sibi gra-
tulatus schedulas delatas secretissimè vnā
cum Francisco Caruaiale perlēgit, deinde
easdem cum præcipui nominis Ducibus, quo-
rum fidei maximè confidebat, communica-
uit. Horum omnium, prò vt quisq; grauio-
rem supplicij pœnam ex ea proditiōe sibi fu-
turam ominabatur, aut seueræ sententiæ lu-
culentiora præmia ab Consaluo captabat, con-
cors censura erat, vt insignis supplicij inusi-
tata atrocitate cæteris tanti facinoris conci-
piendi metus incuteretur. Nec mora ea sen-
tentia pronuntiata, ipso Pizarro ab hac cru-
deli concitatione inflammata mentem in
omnem immanitatis cogitationem demitten-
te, damnati sunt Gaspar Roas, Arias Mal-
donatus, Philippusq; Gutirius, atque hi duo
Vamantiaci, cum serius fugam distulissent,
missa

misso Petro Pulletio sunt interfecti. Roam
 autem tollendi difficilior facultas suberat,
 quum virum præpotentem, magnisq; clien-
 tibus subnixum, & omnium ferè militum fa-
 miliarem, aperta cæde sternere metus probi-
 beret. Tandem Consalvus tormentis dire-
 ctis, acieq; instructa, quum ad arma concini
 iussisset, Ducum concilium aduocari iubet,
 veniensq; inter cæteros Roas, vbi insidias
 sensit, aliò simulabundus deflexit, & reliquos
 castra ingressos dum consultis fabulis disti-
 net Consalvus, Caruaial à tergo Roæ assi-
 stens, manu in eius ensis capulum statim in-
 iecta, ensem destringit, & nequicquam se
 excusantem, ac ius implorantem trucidari
 iussit. Hæc cædes, quæ Consalvi Tyrannidis
 truculentiq; dominatus principia funesto con-
 ceptu inchoavit, cunctos factæ conspiratio-
 nis socios, urgente conscientia summo pau-
 re externatos, maxime permouit, quum præ-
 sens in summis Ducibus sui quoque exitus
 exemplum tristi aspectu conspicati, parè sup-
 plici casum suis capitibus augurarètur. Post
 hæc, vt cognitum fuit, captiuos Lausantum
 atque Caballium in castra adduci, Cōsalvus

Initium ty-
 rannidis
 Consalvi.

Gaspar Ro-
 as, Arias
 Maldona-
 tus, Philip-
 pus Guti-
 rius ab Cō-
 saluo in-
 terfecti.

Lausani
 periculum.

Caruaialem eo itinere, quo aduentare reba-
tur, obuiā proficisci, in crucemq; agere iussit,
sed hoc miseris in extremis angustijs fortu-
na felicitatis indulsit, vt altera via ducti
in castra peruenirent, vbi innumeris aliorū
deprecationibus vita donata, ad seruire e-
ruendi auri opus damnati sunt, & Caballi-
us demum, laqueo suffocatus, vitæ finem na-
ctus est. At Regij vbi cognitum fuit, quos-
dam ad persequendum Lausanum citatissi-
mè effusos Vela per Didacum Vrbina vi-
giliarum Præfectum, qui inter commeandum
in ipsorum ædibus solitudine reperta totam
Vrbem ad Consaluum effusam renunciarat,
certior factus, & haud secus, quam par erat,
motus, signum concurrendi ad arma dari,
ædesq; tantisper inquire iussit, dum de ijs, qui
profugerant, certius cognitum esset. Igitur,
cū inter reliquos ædium solitudine indi-
cante Didacus Hieronymusq; Caruaiales,
& Franciscus Ascouetus deprehensi essent,
Vela fatalis suspicionis zelotypia obrep-
sit erga Ilanum Suuaretium, quē authore fuis-
se ostendimus, quod Regij Prorex recipere-
tur. Nam quod hunc profugi cognatione
attin-

Vele Prore-
gis sollici-
tudo.

attingerent, & communes aedes haberent, I-
 lani instinctu ad Consaluum secessisse, aut her-
 cule saltem eius propositi rite conscium par-
 ticipemq; fuisse, Vela certissimè suspicacissi-
 mo animo persuadebat: quare extemplò cum
 magna Sclopettariorum parte Nonniū fra-
 trem ad Ilani aedes mittit, vt eū sibi capti-
 uum adducat. Is, quia profunda tum eius ve-
 spera nox erat, qua profugos ad Lausanum
 persequendū euolasse diximus, ignarus, secu-
 rus, & supremæ imprimis horæ nescius, quie-
 ti nocturnæ indulgebat, excitatum proinde
 vestitumq; vbi Nōnius adduxit, Vela pro-
 ditorem appellat, perduellionisq; postulat, e-
 iusq; scelere factum dicit, quod ipsius necessa-
 rij ad Consaluum profugissent. Varia hīc rei
 gestæ est opinio, alij, cum impavidè respon-
 disse Ilanus, immeritamq; accusationem le-
 niter respueret, furore inflammatum Velam
 gladio arrepto transadegisse loquenti pectus,
 alij, & ipse ita factum postea testatus est, con-
 fidentius & veluti altercabundè sibi patro-
 cinantē ab proximis satellitibus hastis trās-
 fixum fuisse putant. Certè, si vel non absur-
 dis ab signis iusta in hominem suspicio cade-
 re po-

Omne cre-
 de diem ti-
 bi diluxisse
 supremam

Ilani suua
 reiij aedes.

Centū mi-
lites in Ve-
la adibus
excubant.

Hierony-
mus Car-
uacal ab
Velanis ca-
pitur.

re potuisset, ea tamen vel ob id Ilanus cade-
indignus censerī poterat, quod, quum ille
acceptando inducendoq; Vela quondam fuis-
set annisus, beneficij accepti memoria nō im-
pia modo ingratitudine non contaminanda,
sed minimē detestabili scelere accumulato vio-
lāda videretur. Interfectum tolli iussit, sed,
ne cognita gratissimi viri cades cruentissi-
mum in se militum tumultum excitaret, qui
numero ferē centum singulis noctibus in area
ad regiæ portam excubabant, si in ipsorum
conspēctū aueheretur, postico porticu, qui ad
forum pertinebat, demissum cadauer est, per
certosq; seruos exceptum, & in templum de-
portatum, vti erat quisquiliatæ togæ inuo-
lutum, terræ mandatum est. Postridiē, anni
quadragesimi quarti ipsis Idibus Septemb.
cum magna equitum parte Vela ad retrahen-
dos profugos Alphonsū Montemaiorem
misit, qui vel summa celeritate nihil efficere
potuit, quum illi iamdiu longeq; præuecti es-
sent, in reditu tamen Hieronymum Carua-
ialem cæpit, qui sodales non eadem festina-
tione sequutus, & ab via aberrans, in arun-
dinetō ad persequentes eludendos se occultā-
rat,

rat, verum diligenti Montemaioris sagacitate quaesitus, & captus, non dubium erat, quin in supremo vitae periculo versaretur, nisi tum ipse Vela ab Ephoris captus, uti dicetur, fuisset. Illi enim, postquam cognitum fuit Ilanum, ea nocte ad Proregis aedes educunt, nusquam interea amplius comparuisse, ex-templò Velæ atrocissimam litem intentarunt, quaestioneque decreta ad ipsius veritatis cognitionem exactissimè habendam sepultum corpus effodi iussere. Tum verò ut, vulneribus deprehensis, planè perspecta cædes fuit, quum omnium mentibus pietas, studium, fauorq; Ilani in Velam perpetuus facile adhuc altè inhereret, iamq; supra horridæ seueritatis Tyrannidem usque adeo seui facinoris turpitudine veteris hulceris cruciatum dira vngue scalperet, vniuersa incolarum ira odioq; nunc veluti iusta de causa in inuisum antea incallescens ciuitas inusitato tumultu stridoreq; contremuit: adhuc iratis astutæ Consaluijanorum suggillationes accedebant, qui rectissimæ occasionis tempore ad augendam odiorum flammam subditis omnium calumniarum fomentis strenuè utebantur. Addu-

Ephori Vela ob Ilani cædem intendunt litem.

Omnium in Velam ira ob Ilani cædem.

LEVI. APOL. GAND. DE
cebat Vela caussas, cur Ilanum tollendū pu-
tasset, non veritatis quidem absimiles, sed ta-
men nequaquam firmas, & dubijs tantum
signis conceptas, nempe quod haud dubiè eius
fugæ ab cognatis initæ apprimè conscium il-
lum fuisse oportuerit, quum cum ijsdem com-
munes ædes haberet, præsensq; eorum consi-
lijs conuentibusq; intra vnos parietes quoti-
diè adesset. Porro in cæteris etiam rebus om-
nibus semper austero ore ingratoq; aspectu er-
ga se minimè propitij animi iniquitatem ac
morositatem prætulisse, quondam etiam de-
disse se ei literas ad Licentiatum Caruaia-
lè Cuscone agentē, dandas ad ipsius fratrem,
vt ille ad se omnia perscriberet, quæcunque
Cuscone ab seditiosis in dies gererentur, nihil
tamen vnquam accepisse se responsi, quum
vtrinque tutò ac faciliè nuncij vltro citroq;
commeare possent. Verum, quum satis Ilanī
probitas cunctis spectata esset, Vela implaca-
bili inuidia deflagrare se, et excusatiōes suas
nihil proficere sentiens, inter irā patratiq;
sceleris pœnitentiam vsque adeo attonita
& suspensa mente stetit, vt dignitatis suæ
oblitus, imminentemq; ante omnia Consal-
uum

uum timens, in vnam salutis suae curam totus incumberet. Propterea, ab cruenti ingenij sauitie dirum animum induens, statuit Trugillum profugere, urbemque Reginam, ^{vela profugere statuit} deportatis mulieribus plerisque & terra omni late euastata, miserabili populatione fœdare. Summa consilij eius erat, vt crederet sibi que persuaderet, quum Consalius, tantum iter emensus, vna cum tormentis cæterisque carrorum ac sarcinarum grauissimis impedimentis Regium perueniret, si expilatam semiuersamque urbem et omni comœatu exinanitam milites offenderent, vbi itinere fatigati omnium rerum adiumenta se adepturos sperassent, ac deinde in restantis itineris, quod Regio ad Trugillum vsque pertinebat, eadem vastatione exhaustis passim hospitij & prauerso comœatu horrendi reputationem examinationemque venirent, cunctis repente animos in pedes collapsuros, nec vsque adeo inepti ardoris odioso Duci studia praestituros, vt eò contēdere vellent, quo assilientis sabuli intertrigine fatigatos, & fame ac siti, æstuque perituros nemo sani indicij peruenire posse speraret. Hoc consilio con-

S 5 stituto,

Ephorum
ac vele a-
trox dissi-
dium.

stituto, Didacum Cutum parare naues, libe-
rosque Francisci Pizarri imponere, & eos
cum Vaciano conseruare iubet, ne eosdē, vti
ab Consaluo iniunctū secretò metuebat, An-
tonius Riuerius vxorque eiusdem latebris
reconderent. Id factum rumore vulgatum
non popularium modo iram exauxit, sed E-
phoros etiam impulit, vt manifestum dissi-
diorum certamē aduersus Velam susciperēt,
ac primo Sarates, qui iam dudum aduenerat,
domi hominem aggressus illum ab humani-
tate verecundiaque alienē facere ostendebat,
quod Franciscam Pizarri filiolarum, forma
liberali pubescentem, inter inciuilem, lasci-
uamque & impudicam rudium nautarū tur-
bam redigeret, id verò præter Cæsaris volun-
tatem ac mandatum fieri, quòd vrbe excede-
re & aliò commigrare destinaasset, cui palam
ab Cæsare iurisdictionis sedem assignatam
sciret, se verò minimè prius discessuros, quā
diuersæ cōstitutionis diplomata accepissent.
His Vela perceptis Ephorum voluntatem
agnoscens, decreuit regium sigillum interci-
pere atque secum auertere, vt sic sublata res
confectas signandi facultate, Ephori, si mi-

nus

nus sesequi vellent, quicquam agendi potestate orbat velut privatae personae absque causis tractandis permanerent. Verum id quum illi expiscati essent, acciungere ad se Cancellarium, penes quem regium sigillum erat, & hoc illi ereptum apud Cepedam aetate ceteris honorabiliorem deponunt, deinde sub vesperam in eiusdem Cepedae aedibus convenientes statuunt secundo rem ad Velam referre, ut Pizarri liberos navibus exponeret, quod si ex veteris consuetudinis morositate id recusaret, placuit enarratis populo, militibus Ducibusque regij diplomatis aliquot schedulis interdicto edici, ne qui ea in re Proregi, ad classem quempiam abstrahere volenti, parerent, & liberos a suo complexu auelli paterentur, sed omnes constanter armis desumptis ad iniquam vim repulsandam sibi assisterent, paribusque fidelium voluntatum studijs ad defendendam charorum pignorum salutem, libertatemque sese Ducibus concursarent. Hac re curata schedulas ac codicillos aperiunt, et cum Martino Roblesio, quem peditibus ab Vela praepositum diximus, secreto conferunt, & eundem rogant, ne tantam pra-

Ephori in
Velam con-
spirant.

præfractissimi hominis licentiam ferret, ad
 eamq̃ reprimendam ipsius consilium, opem
 ac vires sibi aggregare vellet. Id se factu-
 rû prolixè sponndit Roblesius, qui hoc tum
 libentius ab Vela se alienari patiebatur,
 quod id temporis nonnihil iurgij ac simulta-
 tis cum illo gereret: idem multi ex ciuibus
 polliciti sunt, quibus rē similiter Ephori cō-
 municarant. Hæc agitantes quanquam ta-
 cito & maximè silente conuentu negotium
 inter se facerent, emanabat tamen ad Velam
 vel tenuis harum rerum fama, sic vt multa
 intentè discursando quælibet subodoranti-
 um, auditaque narrantium, quanquã obscu-
 ra & incerta delatione, tamen ad incutien-
 dam suspicionem curamq̃ sufficiente, prode-
 rentur. Id quoq̃ vsq̃ adeo clam fieri nō pote-
 rat, quin idem Roblesius persentisceret: is,
 priusquam plenè suspicio Vela ignesceret, tre-
 pidus ad Cepedæ aedes accurrit, renunciatq̃,
 quicquid in manu haberent, maturandum
 velociter esse, si ipsi periculum euadere, &
 constitutorum euentû optatum adipisci vel-
 lent. Extemplò vocantur Aluarus ac Tia-
 da: Roblesiani aliquot milites cum ciuibus

non-

Regij tu-
 multus in-
 ter Velam
 & Epho-
 ros.

nonnullis coëūt, fit per urbem discursus, sed
 tacito adhuc murmure pastus. Didacus Vr-
 binas, vigiliarum Præfectus, aliquot ex his
 militibus factus obuius, vbi facile rem suspi-
 caretur, ad dormientem Velam accurrit, sed
 ille subridens, ridiculumq̃ duntaxat aliquot
 tunicatorum ludibrium fieri iocās, securum
 esse iussit. Urbinas reuersus, vbi equites ali-
 quot Cepedæ ad ædes properare vidit, secun-
 do ad Velam reuolat, & visa exponit, tumul-
 tumq̃ grauiore sensim strepitu patescere atq̃
 augeri indicat, & serio exhortatur, vt festi-
 no occurſu insurgens periculum malumq̃ue
 præſens occupet. Tum nonnihil perculſus Ve-
 la vestibus armisq̃ sese induit, in forum cum
 militibus prodit, ipsumq̃ stimulabat animus
 è vestigio Cepedæ domum aggredi, Ephoris-
 que in vincula coniectis, sedare tumultum, ci-
 uitatem pacare, seditiosos iustis supplicijs af-
 ficere: sed, vbi armatorum militum in ipsius
 conspectu ruentium ad ædes Cepedæ multi-
 tudo coërceri non posset, insuperq̃ Alpho-
 nus Palominius asſereret vniuersam ferè ci-
 uitatem ad Cepedæ ædes confluxisse, à pro-
 posito deterretur, iamq̃ propriæ salutis cura
 solli-

Vela Ephe-
 ros contem-
 nit & iri-
 ridet.

LEVI. APOL. GAND. DE

sollicitus intra tecta se recipit, armatosque ad portæ valuas, atque intus per certos Duces disponit, & ibi rei euentum opperiri statuit. Ephori interea certiores facti, in foro stare Velam, in animoq; habere ipsos adoriri, satius iudicabant ex ædibus in apertiore aream prodire, ne, circumueniunte Vela, alijs subsidio aduolare volentibus, accessus præcluderetur. Ita & ipsi ad forum contenderunt, plurimaque ex itinere turba se vadentibus adiungente, recitantur schedulæ regij diplomatis, quæ tamē præ strepitu, vociferatu, clamoreq; gannientium hominum nihil aut certè exiguum intelligi ac percipi obturatis auribus posset. Vix forum ingressi cum essent, Velani Sclopetta aliquot ab ædium procestrio elibrare cœperunt, quibus aliquot ictis usque adeo graui reliqua multitudo ira exarsit, vt, quin quamprimum in portam irrumperent, Ephori vix compescere possent.

Legati Ephorum
ad Velam
& postu-
lata.

Illi potius quietè rem componi conantes Gasparem Caruaialem inter Prædicatorios hypocœnobiarcham, & Antonium Ferdinandūq; Roblesios ad Velā mittunt, qui suis verbis denunciarent, se ab eo nihil & velle & postu-

postulare aliud, quam ut cōmigrandi, ciuesq;
ad classem abstrahendi conatu abstineret, id
satis aperte cōtra Maieſt. ſtatuta eſſe callens,
veniretq; inermis ad colloquium in ſacrā æ- *Vela ab*
dē, ubi ipſum expectaturi eſſent, alioqui ipſi- *ſuis deſe-*
us periculo maloq; fore, ſi cūctaretur. Legati *ruur.*
vix ad portā peruenerant, cū repente valuis
apertis præſidiarij deſerta ſtatione fugiunt,
& ſe hoſtibus *Vela* adiungunt, quod Epho-
rorum milites conſpicati ædibus ſe infudere,
inferioraque cubicula direpere cœperunt. *Ve Vela in E-*
la tumultum percipiens, ſentiensque ſe *phororum*
ſuis deſertum, & ædes hoſtibus iā propè com *potestatem*
pletas eſſe, quum ſibi mandatis neceſſario pa *venit.*
rendum videret, in ſacram ædem deſcendit,
ſeſeq; Ephororum poteſtati fecit, quem hi, ſi-
cut armatus erat, inde in Cepedæ domū abdu-
xere. At demum cum res ad altiorē futuro-
rum cogitationem, & quid captiuo fieri præ-
ſtaret, in deliberationem vocaretur, tum cer-
tè id à ſe perpetratum ſerò agnoſcere cœpe-
runt, quod ipſos in valdè periculoſam ſalu-
tis, dignitatis, exiſtimationisq; aleam eſſet
perducturū. Suberat enim ipſis in arcano in-
gēs metus, ſi vel aduentātis Conſalui, vi vel
clande-

LEVI. APOL. GAND. DE

Ephoro-
rum trepi-
datio &
solicitude
ob Velam
captum.

clandestinis malignorum hominum ad Ilani
vindicandam cædem insidijs oppressus tolle-
retur, atque inde aliquid turbarum, crescen-
te hominum audacia, proueniret, ne omnis e-
ius ignominia culpaq; labes in se deflueret:
sin verò custodia carcerēq; exemptum in libe-
rum pristinae potestatis seueritatisq; cursum
emitterent, aut aliò solum ablegarent, alte-
ra occurrebat cura, ne quælibet in longè de-
teriora grauius miseriùsq; degenerarent, &
ille aliquando, viribus resumptis reuersus, se
iam irritata seuitie miserandum in modum
obrueret. Nihilò secius, vti in facinore au-
dendo inceptatis principijs reliquum conti-
nuare fidenter solemus, oportebat hæc patien-
tibus animis deuorare, & euentum, quẽ fors
daret, consequi: quocirca, Imperatore Cepeda
declarato, captiuum, vt inde in Hispaniam
naui aueheretur, ad littus deduxêre. Erat
classis in potestate Didaci Cuti, quem ad ab-
ducendos Pizarri liberos ab Vela ad naues
missum diximus: is, cognito Velæ casu, tur-
bam venientē ad littus conspicatus, cū gran-
diore lembo, in quem tormenta aliquot cum
Sclopettarijs demiserat, Hieronymum Sur-
banum

Didacus
Cuti Vela
classe clas-
sis prese-
tus.

banum ad nauigia intercipienda misit, atq;
inde ad Ephoros proficisci, & vt Proregem
dimittant, petere iubet. Illi postulata se fa-
cturos promittunt, si vicissim is Pizarri li-
beros redderet, & in continentem exponeret.
Cutus nihil in tam necessarij temporis mo-
mento ad Proregem liberandum ratus re-
cusandum, lembo Pizarri liberos cum Anto-
nio Riuerio atque eius vxore remittit, at
non eadem integritate promissorum fidem
Ephori exoluere, quum Velam haud tantum
secus, atque promiserant, non dimitterent,
sed eidem truncaturos se caput Cato mina-
rentur, si classem tradere recusaret: verum
cū nec Cutum minis, nec Surbanum precibus
præmijsq; permouere possent, Regium Velam
arctè atque prouidè custoditum reducere.
Habebat hæc classis naues decem, Cutusque
intelligens ab Ephoris ad illam expugnan-
dam omnia preparari, maturè Regino sinu
excedere optimum statuit, & quum præ ho-
minum paucitate lembos tueri non posset,
eosdem incendit, fugiensq; Gauranum in si-
num vela intulit. Hoc enim consilium pro-
posuerat, quum classi de com meatu ritè vel

Ephori pro-
missa non
seruant.

T in lon-

LEVI. APOL. GAND. DE

in longum tempus prospectum esset, errabun-
dè circa littus tantisper vagari, dum res Pe-
ruuinæ certiorum ad statum tumultibus ci-
curatis conualescerent, aut, quid sibi faciun-
dum incumberet, nouo Cæsaris misso decreto
doceretur. At Ephori, qui strenuè ad nauig-
antibus hominibus lembos, licet semiustos,
summa tamen aquam infundentium conten-
tione seruandos curarant, vbi Gaurano in
portu versari Cutum acceperunt, ratiq; pro-
pter Velæ periculum nō vltius prouectum
iri, bona rem benè gerendi spe terra marique
milites ad classē capiendam emittunt. Da-
tur negocium maritimæ rei Didaco Garziæ,
qui vna cum instauratis lembis ad portum
profectus se latitabūdus post prominentioris
extantiæ locum cōtinebat, quū circa eundem
Ioannes Mendocius, & Ventura Bertranus
terrestri itinere profecti secretò intenti iace-
rēt. Cutus, strepitu Sclopettorum audito, vti
frequenter euenerat, adesse existimans Velæ
studiosos, qui descendere cuperent, ad nauiga-
re Nonnum iussit. Huic littori appropin-
quanti è latebris erumpens Garzias ab la-
tere inuectus est, simulq; tormentis vndique
emissis

Ephororū
conatus ad
classē ca-
piendam.

emissis sese dedere Nonnium compulit. Is casus, & minæ insuper iactatæ, quibus Nonnium se trucidaturos Duces profitebantur, Cuti ad classem tradendā cōegerunt, quum Ephorianē classem a-
 pridie commodum, quā in Gauranum si-
 num Garzias veniret, Hieronymus Surba-
 nus vno cum nauigio Cuti iussu discessisset. stu & mi-
nus Cuto
exorquet.
 Hac re cognita, Ephori Velā in Hispaniam
 ad Casarem causā indicta amandare consti-
 tuunt, & qui abducatur, octo aureorū millium
 salario ad projectionem designato, Aluarum Aluarus
ad Velam
euehendū
in Hispa-
niam de-
lectus.
 decernunt, schedularumque explicationes ad
 Casarem dandas dum parāt, Alvarus Gau-
 ram terrestri itinere profectus est, Velā tum,
 metu Ilanianorū in insulā contrusum, Gar-
 zianus nauiculator aduexit. Dum in insula
 versaretur, quæ non duobus passuum milli-
 bus ab Regino sinu aberat, Alphōsus Mon-
 tem maior, quem ab Vela ad profugos retrahen-
 dos missum diximus, quum in urbem reuer-
 sus esset, ab Ephoris cum alijs quibusdam ca-
 ptus, & in Roblesij ædibus in custodia posi-
 tus est. Ibi inter se captiui Proregis casum
 lugubri questu deplorantes, quum satis vi-
 derent, si Vela liber esset, egregiè Consaluo
 T 2 resisti,

LEVI. APOL. GAND. DE

resisti, rebellium contundi atque infringi conatus, insurgentem Maiest. seditionem compesci, & deniq; malis in isthoc dissidio expe-
Conspiratio ad Velam liberandū.
Conspirati proscribuntur.

 Elandis occurri posse, statuere, facta conspiratione, armata vi Velam ex insula carceribus eripere, ac libertati dignitatiq; pristinae restituere, & si ita ad quietem parandam opus videretur, Ephoris manus inferre, atq; Urbem Maiestatis nomine capere ac conservare: iamq; tanta exquisitarum machinarum arte rem conceptam instruxerant, ut nō magno negotio destinata perfecturi videretur, ni per militem incontinentis linguæ quendam idipsum Cepedæ detectum fuisset. Quapropter, cum nulla tormentorum adhibita atrocitate ab aliquo constituti sceleris confessio exprimi posset, proscripti sunt Montemaior, Paulus Menesæus, & Alphonsus Cazara, qui initæ coniurationis Principes erant, & post longos errores varijs periculorum ac miseriarū iactatus procellis Montemaior Tumbæum, sicuti dicetur, ad Velam reuersus est. Is tum Garziano nauigio Gauram vectus ad nauigationem Hispanicam in Aluari potestate agebat. Hic, inter ceteros

teros longè princeps, author huius tragicæ
conturbationis fuerat, primusque omnium
Proregis Maieſt. contumelioſo contemptu
inceſſere auſus, miſerrimi Velæ calamitatis
veluti fundamenta recerat, ſolertiſſimeque
ante omnes ſeditioſis incitamentiſ conſilijs-
que frigidam, ad inferendas Velæ manus,
ſuffuderat, iam, ubi omnia ſua opinione de-
teriora acciderent, deceptus ſuique diſpudens,
quod in ſummæ impietatis perfidiaque crimen
deueniſſet, & voluntaria etiam miſeratione
tanti viri contactus, pœnamque inſuper non
occulto pauore extimeſcens, ſi vir atrox, &
natura in omnem vindicandæ contumeliæ
acerbitatem abiecta humanitate pronus ali-
quando præſentis miſeriæ anguſtijs extrica-
retur, vel ipſe Cæſar Ephororum cauſſam
audaciamque damnaret, id deteſtandæ prodi-
tionis facinus ingentis beneficij nomine ex-
piare, inſlictamque Velæ calamitatem aqua
gratia permulcere arcano conceptu ſtatue-
rat. Erat enim ab verſatili ingenio cœptis
inconſtans, & in varias nutantis animi com-
mutationes volubilis, quo opportunè tempo-
rum rationi, & hominum voluntatibus cal-

Aluarius
cum Vela
reconcilia-
ri ſtudet.

LEVI. APOL. GAND. DE

lidiè quidem, sed parum honestè, deseruire
nouerat, iāq, ne in ambiguo casu omnis cul-
pæ pœna in se fortè recideret, sed vt suppli-
cij metum culpāq, conturbationis ac seditio-
nis iniectæ sibi eleuaret, cum Vela conciliari
volebat, facile ab homine veniæ locū sibi spō-
dens, quum communi studio mortales in an-
gustijs quascunq, euadēdi rationes quærant,
& vel ab infensissimis hostibus oblatas iræ
odijq, veteris obliti perlibenter arripiāt. Id-
circo, quam schedulæ perferrentur, prius con-
scendit, proculq, iam in altum prouectus cum
esset, ad Velam ingressus, Si magnificè, in-
quit, heros stabiles, & vnico pietatis tenore
constantes, nec tot incertis vacillationum
ruinarumq, minis obnoxias mortalibus men-
tes Dij fecissent, nō etiam vsq, adeo infinitis
casibus procax fortuna res humanas versa-
ret. At, quum hæc communis natura sit no-
stra, vt omni tempore semper æquè pij perpe-
tua ingenij constantia nostri similitudinem
conseruare non valeamus, sed pro vario
instabilis cupiditatis æstu, nunc hæc nunc il-
la expetentes, facientesque, miris incertitu-
dinum rotis in horas circumagitemur, lau-
danda

Aluari ad
Velam ora-
tio deprec-
atoria.

danda beneficentium virtus est, peccantium error boni consulendus. Is certè communi mortalium opinione ad Deos quam proximè accedit, qui talè æquabilis animi habitum præstare potest, vt beneficentibus iustæ gratitudinis officium exhibeat, offendentes placida mente, ratione Duce, perferat, & vel immeritæ gratiæ pietatem pœnitentibus non deroget. Illud tibi familiares obstringit, hoc odium atque invidiam in te æstuantem extinguit, atque ex hostibus amicos facit. Sed vti antea cogitasse hæc expedisset, priusquam mutua culpa valuisset fortunæ impotentia, ita nunc admonere non inane erit, scilicet, vt animis vtrique ad se redeuntibus non serum dissensionum furori remedium adferatur, & prius, si quæ adhuc fidei, charitatis aut amicitiae partes restant, memoria iusti muneris reuiuifcente sustineantur. Vide, qui te in manu habeo, arbitrioque subiectum quodammodo teneo, sponte tibi supplex a sto, qui huic fortunæ insultare possum precor humilis, imò hoc corpus tibi dedo tradoque. Nimirum ea pœnitentiæ veræ vis ac

T 4. vehe-

LEVI. APOL. GAND. DE

vehementia est, ut in sui authoris respectum
penitus cecutiat, famamq; aut hominum cu-
ras posthabeat, atque vno tantum nisu per
laudem, per probrum, admissæ noxæ turpitu-
dinem vero piaculo eluere contendat. Ego
neque diffiteor, neque te coram silebo, à me
suprema malignitate atque vâcordia impie-
mentis adducto omne iniuriarum contume-
liarumq; genus in te esse congestum, quod ab
iratisimo hoste subuerso omni humanitatis
ac rationis iure vix possit infligi, sed hoc nûc
tibi moderato pōdere pensitandū est, vtrum
aliquod tam grande scelus committi potuit,
quod tanta pœnitentiæ signa euincere atque
diluere nequeant. Quicquid tibi euēnit, hoc
certè beneficio multò minus est, quo tibi om-
nia restituuntur, quæ præcipui secessione ac
tumultu tibi vel acerbissimè erepta conque-
ri queas. In hoc momento Prouinciæ, meaq;
caussæ & tuæ fortunæ cardo vertitur, nec
in posterum ea copia fortassis fiet, quæ nunc
vtrò offertur. Itaq; quæ vel iniquius vel
inhumanius errore quodā admissa sunt, per-
libens candore Christiano obliuione delebis,
mihiq; amissæ gratiæ locū reddes, fortunæq;
benigni-

benignitatem auidè ante omnia apprehēdes,
 quæ hanc ipsam ad veterem veniendi sta-
 tum, mihi tecum in gratiam redeundi, publi-
 cæq; dissensionis tollendæ occasionem, nō tam
 honestam, quàm necessariam nomini nostro
 expeditè demonstrat, nunquam in posterum,
 si iam cuncteris & negligas, habiturus ean-
 dem. Quod si facis, hanc ego cum cura præse-
 cturam mihi abrogo antiquoque, tibi hanc
 classem trado, & in tuam potestatem fide-
 liter redeo. Vela, quāquam tristitia oppressum
 animum paululum ad ea attolleret, tamen
 veteris seueritatis non immemor contracta
 sedebat fonte, gratijsq; Alvaro actis in sua
 auspicia classem militesque recipit, atque ita
 Trugillum peruenit. At Ephori, quanquam
 plurimi de Alvaro non feliciter existima-
 rent, ad Consaluum scribunt, qui tū ad Sau-
 sanos peruenerat, vt exercitum dimitteret,
 aut si omnino Regium venire destinasset,
 non illi aditu interdici, modo hostilis iræ spe-
 ciem deponeret, & vt amicum atque hospi-
 tem deceat, cum honesto quidem equitum co-
 mitatu veniret, non cum isthac militari tur-
 ba, quæ haud dubiè ipsius Ducis animū præ-
 ferat,

Vela liber-
 tati & im-
 perio resti-
 tuitur ab
 Alvaro.

LEVI. APOL. GAND. DE

ferat, quando super hæc, licet is pacatâ etiam
mentē gestaret, militaris insolentiae audacia,
sæpe vel ad Ducū minas effrænis, Rempub.
plebe atrocissimis dissidijs exagitata, inter-
turbare cōsuescat. Nā id omne irarū armo-
rumq; fomentū, quod illi vel non iniquā belli
faciundi causam dedisset, esse extinctum, di-
latam decretorum exequutionē, seueritatem
immutissimi Proregis, inexorabili rigore in-
horrescentem, explosam, ipsum quibusque
metuendum, & illius imprimis nomini odio-
sum, quo vix maius quippiā votis optare pos-
set, captū & procul ad summi iudicij tribu-
nal in Hispaniam amandatū. His literis ad
Consaluū proficiscebantur Augustinus Sara-
tes, Antoniusq; Riuierius, ore, quæ superes-
sent, peracturi, & publicæ etiam fidei schedu-
las, vt certissima credulitate timidum ac
diffidentem obstringerent, exhibituri: At
milites Ducesque Consaluiani, qui perce-
ptis his rumoribus triumphantes alacriter
spes mentesq; ad opulentissimam urbem de-
prædandam intenderant, vbi de literis Le-
gatisq; Ephororum cognouerunt, omnino id
impediendum putabant, ne tantæ rei facul-
tas

Augusti-
nus Sara-
tes & An-
tonius Ri-
uerius le-
gati ad Co-
saluum
mittuntur.

Consaluia-
ni Legatos
auertere
ab castris
studēt.

tas deperiret, et importuna sibi pactionis intercessionem belli suscepti, sumptus impensi, & continuatae hactenus profectionis veluti iusto salario ac mercede exciderent. Propterea ad intercipiendos Legatos cum triginta equitibus Hieronymus Villega in id iter extruditur, quo venire credebantur: nec is opinionem frustratus, deprehendit utrumque, & Riverium transire passus Saratē captū Pariaxa cam duxit, spoliatisque & abreptis, quas afferebat, schedulis omni terroris genere territatum sacramento adegit, ne eorum, quae in mandatis haberet, coram Consaluo Ducibusque verbum inferret. Decem post dies cum eodem advenisset Consalius, in cubiculum ab illo accitus secreto Sarates vera illi mandata exposuit, postea in caeterum Ducum admissus, iussusque ab Pizarro eadem exponere, quae sibi remotis arbitris aperuisset, Sarates intelligens consilium alias causas adduxit, nempe, quum cessisset Vela, valuissentque differendorum decretorum postulata Ephoros petere, ut insumpta Vela impedire Maestati persolveret, deinde ut, quicumque non inanibus ad Proregem iuvandum causis permoti Cuscone Regium profu-

Sarates Legatus capitur.

Consalua-
norum po-
stulata &
mens.

profugissent, liberaliter ignoscere, & cum ijs
Reipub. caussa in gratiam redire peccato cono-
donato non grauarentur. Ad ea nihil aliud
respondere, quam ad Ephoros ipsum re-
ferre iuberent, honestè & communi vni-
uersæ Reipub. summo bono facturos, si ad
Consaluum, insigni hominum favore omni-
busque heroicarum virtutum ornamentis
præditum, & tantæ nobilitatis bellicæque
scientiæ splendore eximium, egregia etiã mo-
deratissimi peritissimiq; Ducis fama floren-
tem, & publico etiam consensu imperio di-
gnum, summæ Præfecturæ dignitatem libe-
rali suffragiorum concordia referrent, ac tum
cuncta & ad noxiorum gratiam, & ad to-
tius Prouinciæ tranquillitatem prolixissi-
mæ pietatis gratitudinisq; omnibus benefi-
cia, ipsis verò priuata æternorum honorum
obsequiisq; & amoris commoda esse expectan-
da, quod si autem contumaciter & superbe
suo ad moderandam Rempub. & componen-
dum Prouinciæ statum arbitrati vti, & po-
testate frui vellent, pro tantis bonis commo-
disq; incendiorum, cædium & ipsius Urbis
direptionis cladē breui habituros. Hæc vbi
in vr-

in urbem Sarates retulit, quanquam id se
 facturum multum diuq̃ recusasset, tum, ve-
 luti æquum erat, manifestata Consalui im-
 perio peruersissima cogitatione anhelantis
 nequitia, qui nihil se quicquã aliud flagita-
 re ad id vsq̃ tempus fuerat per Legatos li-
 terasq̃ professus, quàm vt Vela facesseret,
 decretorumq̃ executio prorogaretur, Epho- ^{Ephorum}
 ros ingens terror corripuit, quum eo iam se ^{metus.}
 coniectos viderent, vnde, quodcunque insti-
 tuerent, sine magno vitæ & existimationis
 discrimine explicare se non possent. Nam si
 demandatæ authoritatis ius vsurpare, nec
 quicquam præter concessam potestatem au-
 dere vellent, è vestigio eius consilij pœniten-
 dum apparebat tam propinquo hoste, & om-
 nibus metu magis & secundæ fortunæ adu-
 latione quadam, quàm vero & sincero fa-
 uore in ipsius postulata supinè proclinatis,
 qui celerrimè ad id, quod sponte nollent, se
 per vim inuitos cogere possent. Proinde,
 vti in summi momenti re fit, habetur om-
 nium senatus, qui honorabilis personæ ima-
 ginè præferrent, dicuntur & audiuntur di-
 ferentes sententiæ, ipse etiã Legatos ad con-
 cilium

LEVI. APOL. GAND. DE

cilium Consaluus præmiserat, vt nutantes
 partium animos spe, promissis, ac metu con-
 cuterent. Hi multis rationibus adductis po-
 stulationis Consalui disertè causas expone-
 bant, aiebantq; nō ad iniuriā aut periculum
 cōstitutæ iurisdictionis hoc fieri, sed eò dun-
 taxat, vt clarum æquitatis Pizarri iniu-
 riæq; Velæ testimonium exhiberetur. Dū sen-
 tentiarum dissidio, & Ephorum impri-
 mis dubitatione cōsultatio trahitur, ad vr-
 bem Cōsaluus peruenit, castrisq; & tormētis
 dispositis ipsius iussu sequēte nocte Caruaial
 triginta cōprehendit, qui partim antea Cu-
 scone effugerant, partim in suspitione accu-
 sationeq; adiuti Velæ versabātur, inter quos
 erant, qui primum secessione sua Consalua-
 nis tumultum iniecerant, Garcilascus Ve-
 ga, Gabriel Roas, Petrus Barcus, Ioannes
 Saiauedra, Martinus Florentius, Petrusq;
 Mangiarus, & præter hos Melchior Ver-
 dugius, Licentiatus Caruaial Ilani Suuare-
 tij ab Vela interfecti frater, Alphonsus Ca-
 cresius, & Antonius Ruitius Queuara.
 Hos Caruaial in publicum carcerem contru-
 sit, depositoq; Prætorē sibi custodiarum cla-
 ues

Consaluus
 ad Reginā
 urbem ve-
 nit.
 Triginta
 præcipui
 nominis
 viri ab Car-
 uaiale ca-
 pti.

REB. PERUVIN. LI. II. 152

ues assumpsit, frustra dolentibus Ephoris, &
 ne verbum quidē mutire audentibus, quan-
 quam in ipsis oculis id perpetrātū viderent.
 Postridiē, quum sententias aliquanto magis
 lentescere videret Consalius, quā suā cu-
 piditatis æstus ferret, & ipsa fauentium stu-
 dia postularent, ad urbem ex Ducibus quos-
 dam mittit, qui Ephoros admonerēt, ut de-
 mandatæ Præfecturæ tabulas illicò matu-
 rarent, alioqui intra horas duas fatalis pi-
 gritiæ ac cunctationis moram publico priua-
 toque supplicio egregiè luituros. Ipse autem *Caruaialis*
 Caruaial, planè abominabili crudelitate in- *absurda*
 satiabilis, Barbaraque impietate trucu- *immani-*
 lentus, ad augendum terribili exemplo pa-
 uorem confestim ex captiuis Petro Barco,
 Martino Florentio, & Ioāni Saiauedra ad
 arborē propè urbē gulam frangi iussit, mo-
 rientibus etiā indignissima insultatione con-
 uicia impingens, & supra alios Barco etiam *Nescia mēs*
 conuitiosissimo scommate illudens, quod is *hominū fa-*
 primæ regionis explorationi non minimi no- *ti sortis q̃;*
 minis Dux interfuisset, atque idcirco eò *futura. Et*
 opulentia ac dignitatis euectus esset, ut ei *seruare mo-*
 altitudine parem vniuersa regio mox non *dum rebus*
 cundis, *sublata se-*
 habitu-

LEVI. A POL. GAND. DE

habitura esset, se quoque hanc ipsi nunc honoris causa praerogatiuam concedere, ut sibi optionem rami desumat, cui affigi mallet. Tum hercule, quum simili ratione extemplo, nulla interposita mora, cum reliquis captiuis acturum se, militemque praeterea ad cadem ac praedam omnium se immisurum Caruaial minaretur, si diuturniores deliberationum moras neckerent, ea res Ephoros, supremo stupore ictos, ad ineunda suffragia compulit, certatimque, cum iam nemo contra hiscere auderet, confectae sunt tabulae conditionesque perscriptae. Pixarrus, quod bonum faustumque esset, Prouinciae Praefecturam obiret tantisper, dum secus ab Caesare constitueretur, Ephororum auctoritatem, si cui impraesentiarum esset, imminutam intermeratamque relinqueret, & perenni ipsorum consilio vteretur atque auctoritati pareret, tantopere etiam, ut si quando illi iure adducti magistratum abrogarent, vel ab Caesare alter in Praefecturam mitteretur, haud inuitè sua dignitate abiret. Tabulis in castra perlatis, confestim Consaluis instructis ordinibus regio more in urbem progressus est. Primam aciem pra-

Consaluis
per vim
metumque
summam
praefectu-
ram expri-
mit.

Magnifi-
cus Con-
salui in
urbem in-
troitus.

praebant sex indigenarum, tormenta hume-
ris succollatis baiulantium, millia, quibus
triginta Sclopettarij praesidij causa adun-
ti erant. Hos ducentis peditibus Didacus
Gomiellus, illum centum quinquaginta
numero Queuarani, hos ducentis Sclopetta-
rijs Cermeniani sequebantur. Post eam tur-
bam ipse equitabat Consalius equum, veluti
seruis praecedentibus harum acierum praefe-
ctis, Baxico, Queuara, atque Cermenio, ip-
se lorica indutus aurea in trabea egregie &
procero corpore, & habitu conspicuus erat.
Totidem equitum Duces, vexillis ventilan-
tibus spectabiles, sequebantur. Inter hos me-
dius erat Petrus Purtocarrerius regium si-
gnum gestans, superior equitabat signo Cu-
sconico Antonius Altamirano, inferior si-
gno Pizarrinae familiae Petrus Pulletius.
Hinc omnis equitum cataphracta multitu-
do, agmen clauderat. Eo ordine ac pompa
urbem inuectus ad aedes Saratis quampri-
mum se contulit, atque inde, accepto Epho-
rorum sacramento, in curiam, ubi Senato-
rum honoratorumque virorum catus venien-
tem admirabili humanitate excepit: sta-
timque

timq; inde in regiam facessens, ac milites ci-
uium sumptu ali iubens, paucos post dies di-
uersas in vrbes, Cusconem Alphonsum To-
rum: Arecupiam Petrum Fauentium: Ar-
gyropolim Franciscum Almendram: dimisit,
ipse Regij rem bellicam, iurisdictione omni
penes Ephoros relictā, aduersus imminentes
casus sedulò curabat, quod iam non incer-
ta fama allatum esset, aliquid clandestini fœ-
deris amicitiaq; Aluaram cum Prorege con-
traxisse. Hæc sub Calend. Nouemb. gesta
sunt anno nostri seculi quadragesimo quar-
to: quadraginta post dies, à quibus Vela ab
Ephoris captus fuerat. Is tum Aluaro (vbi
dictum est) conciliatus, & summo inexpecta-
ti casus beneficio suæ potestati restitutus,
Trugillo Tumbæum peruenerat, quò ad il-
lum breui confluxere illi, quos coniurationis
ad captum Velam insula eripiendum factæ
caussa ab Ephoris fuisse proscriptos dixi-
mus. Vela tum, cunctis perceptis rebus, quæ
Regij gestæ erant, Tumbæo literas ad vrbes
Præfectosq; mittere, iniuriaq; Consalui expli-
cata & suæ captiuitatis euentu exposito,
Quitoni, Michaëlia vicinisq; vrbibus & lo-
corum

Vela Tum-
bæum ve-
nit.

corum Praesidibus pecuniam, viros armaque
imperare coepit. Neque usquam ferè piorum ho-
minum voluntates illi defuere, qui Proregem
Caesareum Ducem contra proditores Tyrannos
omni virium suarum adiumento defendere,
imperijque amissi fortunae incolumem &
conseruatum reddere, honestum & praeclarum
sibi ducebant. Pizarrus, cui haec diu secreta
esse non poterant, Consaluo Dia, (quem cal-
lidè ab Vela descivisse ostendimus) Hierony-
moque Villegae (quem Legatum Saratensem co-
episse dictum est) perscripsit, ut cohortes, quas
possent ex vicinis locis corraderent, ne qui
ad Velam effugere possent, & ipsi, si quid il-
le moliri attentaret, ad prohibendum expe-
ditas vires haberent. At Regij Consaluum lon-
gè altera in imis medullis cura angebat, quàm
profunda sollicitudine ea, quae facta essent, ^{Consalui}
grauissimis cogitationum ponderibus exami- ^{metus clā-}
nans plurimum vereretur, ne, publicis the- ^{destinus.}
sauris Cuscone spoliatis, expulso Prorege,
inuasum imperio, apud Caesarem in capitalis
periculi culpam vocaretur. Plurimi autho-
res erant, ut Consalui Provinciaeque nomine
legatio ad Caesarem institueretur, quae rei ge-
V 2 sta se-

Tiada in
Hispaniā
destinatur

stæ seriem enarraret, ipsiusq; voluntatem re-
ferret. At Caruaiali Baxiocouoq; potius vi-
debatur per literas causam perscribi, cur
thesauri ad eum ex iure redeuntē trans-
missi nō essent, ac tum vnā explicandū Pro-
uinciæ statum, de quo constaret plurima Ve-
lam perscripsisse, cuius potiore fidem apud
Cæsarem fore nulli dubium erat. Ab longa
consultatione statutum est tandem, vt Tia-
da Ephorum nomine vnā cum Francisco
Maldonato Pizarri causam acturo, ad Cæ-
sarem Velæ fortunam, cæteramq; rem gestam
expositurus ablegaretur. Nā hoc modo duo
consequeretur Consalius, quum & Cæsarem
per Legatum missum pertentandi faculta-
tem haberet, & abeunte Tiada Ephorum
iurisdictionem, quam occulto conatu perdere
cupiebat, interrumpi necesse esset. Tiada
sex millibus aureorum contentus, profectio-
nem cum adornaret, iubetur Ferdināus Ba-
xicouus tormenta aliquot, militesq; sexagin-
ta ei naui imponere, in qua captiuus adhuc
Vacianus detinebatur. Parata ad rem dili-
genter cum essent omnia, & ipse Tiada ad-
uenire putaret, infinitis precibus pollicatio-
nibusq;

nibusq̃ Vacianus per Garziā Montalphum,
 sibi cognatione propinquum, ad voluntatem
 nautas pertraxerat, effeceratq̃, vt sibi na-
 uem permitterent, atque ita protinus illuso
 Baxico in altum se abripuit. Ea res noui ^{Vacianus}
 tumultus, & noui discriminis caussam plac- ^{fugit.}
 risque præbuit, quum Consalius, ad omnem
 vel tenuissimæ rei auram erga omnes suspi-
 cax & maleuolus, indignissimè ferret eo ca-
 su profectiōem impeditam esse, & certissi-
 mē opinaretur Vacianum clandestina quo-
 rundam ope ad eam rem adiutum fuisse. Id-
 circo non in eos modo, qui Cuscōne profugi
 merito suspicioni ex vetere similitudine obno-
 xij esse poterant; sed in hos insuper, qui se
 manifestè Consaluo non applicarant, deriua-
 ta suspiciōe quamplurimi comprehēsi, in car-
 ceresq̃ abrepti sunt. Ipsi Benito Caruaiali, ^{Benitus}
 qui inter captiuos facilè princeps erat, Carua ^{Caruaial}
 ial statim renunciat, quamprimum conde- ^{in ipso mor-}
 ret testamentum, & solenni more ad extre- ^{tis articu-}
 mam sese horam præpararet: quod cum ille ^{lo.}
 haud grauatè fecisset, eo tandem adductus
 est, vt præsentē carnifice, & laqueum paran-
 te, omnes stupore iēti, hominis desperatam sa-
 lutem

lutem putarent, quum incredibile omnino, et
 nulla opinione præcipiendum videretur fo-
 re, ut tantæ maiestatis homo, postquam ad
 supremum subeundæ mortis articulum reda-
 ctus, & ad scalas perductus esset, ad lōgè ma-
 ximum totius vitæ probrum infamiamque,
 nulla factorum præstantia expiabilem, con-
 seruaretur. Alij, si tantæ dignitatis autho-
 ritatisq; splendor eum virum ab crudelitate
 non vindicaret, idem mortis suppliciū, quod
 miserabile foret, ad cæteros cuiuscunque no-
 minis rationisue captiuos delapsurum iudi-
 cantes, incerta expectatione suspēsi tacitè rei
 exitum præstolabantur. Dum loquitur, dum
 circumspicit, Benitus, dū carnifex laqueum
 instruit, inter eā morā viri spectata probi-
 tate Consalvū adeunt, rogantq; ut veterem
 hominis dignitatem ob oculos ponat, secumq;
 accuratius, qua apud populum auctoritate
 polleret, ratiocinetur, & fidem insuper dili-
 genter expendat, constantissimè inde ab eo
 tempore ipsi semper ab illo exhibitam, ex quo
 Vela fratrem eius Ilanum hac de caussa cru-
 deliter trucidatum sustulisset. Proinde ab o-
 mni ratione auersum videri, & ipsius impi-
 mis

mis existimationi maximæ fraudi procul du-
bio futurum, si vsq; adeo inclyti nominis, &
tanta virtutis opinione apud quemlibet com-
mendatum virum, immanis atque Prin-
cipibus abominabilis supplicij genere tol-
leret, cuius præsertim integram synceram-
que adhuc fidem, nec ullius fuci labe in-
quinatâ, hætenus esset expertus, & in quo
talem verisimile appareret perpetuò reman-
suram, quem acerbissima charissimi fratris
cedes sumendæ vindictæ in Velam iratissi-
ma cupiditate inflammaret. Satis verò liqui-
dū esse, quod Vacianus surrepta naue profu-
gisset: nullam aut Beniti aut reliquorum cul-
pam interesse, sed diffidentis suspicionis inui-
dia fidem conuelli, & in dubium arcessi, atq;
hoc sycophanta traductos præter meritum
ad cruciatus, aut ad caput discrimina de-
uocari. His verbis incandescens Consalvus
tanta animi ac vultus amaritudine in om-
nes exarsit, vt neminē aut ipse affari, aut lo-
quentē pati vellet. Tandē, qui sanguine Be-
nito proximi erāt, in manus bractea aureā,
quæ mille aureorum precium superabat, &
magna insuper auri summa promissa, Carua
V 4 ial

Carnuial
auro vin-
ciur.

vela qui-
tonem fu-
git.

iali intrusere, quo munere promissoq³ facile
victus, ad Consaluum accessit, & ferocientis
iram detergens, vitam Benito ac reliquis im-
petrauit. Nec multo post, quod in portum
Arecupia nauigiū appulisset, omnia ad de-
cretam nauigationem iterum parari coepta
sunt, duobusque adiectis, & per has tor-
mentis dispositis, quae Cuscone Consal-
uus adduxerat, Baxiconus cum Tiada
& Francisco Maldonato discessit, legens-
que placida nauigatione littus, cum Tum-
baei Velam agere percepisset, in portum inue-
ctus est, statimq³ clamore ad arma circumfu-
so, Vela ratus subsequi secundum oram Con-
saluum, rapidissime sese cum suis vrbe eiecit,
Quitonemq³ profugit. Ita Baxiconus, tuto
commeatum, militesq³ aliquot exportans, ad
Veterem portū diuertit, vnde Panamaidem
nauigauit. Dum in itinere ad Parolenias
insulas haerēs modica quiete se reficit, Pana-
maitæ aduentum eius sentientes misere ad
eum ciues duos, qui voluntatem eius, aduen-
tusq³ causam exquirerent, & ne intra suae
ditionis terminos cum armatis veniret, de-
nunciaret: quibus respondit Baxiconus, quod
milita-

militarem secum turbam adduceret, nō dam-
 ni ipsorum cuiquam inferendi, at suæ confir-
 mationis defensionisq; aduersus Velanos gra-
 tia fieri, & se ad exponēdos duntaxat Pro-
 uincia Legatos, in Hispaniam ad Cæsarem
 profecturos, venire, è vestigiò abscissurum,
 vbi de necessariarum rerū copia classi pro-
 spexisset. His verbis Panamaitæ fidem ha-
 bentes, portus vrbis & rerum suarū copiam
 liberaliter fecēre: at Baxicouus, vti vel ipso Baxicouū
crudelitas
in Pani-
maitas.
 Caruaiale & inhumanior erat, subdolæ men-
 tis fraudem statim euomuit. Nam, quum in
 vrano sinu nauigia duo erectis iā velis na-
 uigationem pararent, insequutus vtramque
 vbi alteram cœpit, magistrū ad Antenniam
 laqueo suffixit, & in urbem mox metu ad-
 missus, quum paulò antè Ioannes Gusman-
 nus, Velæ Præfectus milites per Isthmū con-
 scribens, fuga cessisset, in insones ciues quē-
 cunque pro votis & appetitu possessionibus
 ac fortunis deiiciens, & easdē sibi vendicans,
 omnia miserandæ calamitatis, teterrimæque
 nequitiae exempla edidit, suis etiam trux &
 formidabilis, quum duos Principes, consilij
 de ipso interficiendo agitati conuictos, inter-
 V 5 fecisset.

LEVI. APOL. GAND. DE

fecisset. Super hæc tormenta nauemq; sibi assumpsit, qua paulò antè fuerat aduectus Vacianus, qui, intellecto Baxiconi aduentu Theonymam profugit, atque inde naue concessa, ut in Hispaniam traiceret, se in Oceanum dedit. Theonymam sub idem ferè tēpore venēre Didacus Cutus, quem similiter ad suam causam agendam ad Cæsarem Vela legarat, & Consaluiani oratores Tiada atq; Franciscus Maldonatus, mortuoq; in itinere Tiada, reliqui fœliciter omnes in Hispaniam salui traiecerunt, statimq; nulla mora Cutus & Maldonatus veredarijs equis, ut suas quisq; partes ageret, ad Cæsarem in Germaniam celerrimè contenderunt. Vacianus autem, cū dudum circa vnam Azoream insulam hæsisset, tandem Vlisiponem Lusitaniæ urbem peruenit, vbi, cum Hispalim metu propinquorum & familiarium Ioannis Telli (quem ab illo, victoria aduersus iuniorum Almagrum parta, fuisse iugulatum diximus) se non auderet conferre, indicta lite comprehensus amplius quinquennium in variarum urbium custodijs miser, & ea sorte indignus, obtorpuit, & vix demum iudicio absol-

Vacianus
in Hispaniam nauigat.

Tiada Hispanico in itinere moritur.

Vacianus Vlisiponē appellat, & malo casu excipitur.

absoluta lite libertatem impetrauit. Dum
 hæc geruntur, Vela Tūbæo fugiens ut Qui-
 tonem venit, propensissimas in se hominū vo-
 luntates offendit, summaq; promptitudine
 & humanitate exceptus, permagnam in tan-
 to incolarum favore vires parandi copiam
 nactus est, contractisq; iam circiter viris du-
 centis, quum regionem rerum abundantia
 & fertilitate armatis sustinendis egregie pa-
 rem animaduverteret, cum parato præsidio
 isthic permanere, & se aduersus Consaluum
 præmunire ac tueri cōstituit tantisper, dum
 certius per Cutum de Cæsaris voluntate co-
 gnosceret. Idcirco, vijs passim obsessis, intētē
 affluentes de Consaluo rumores obseruabat,
 & quicquid Regij gereretur, sedulò explo-
 rabat, qua in cura duo milites illi superuenē-
 re Regio profugi, qui, declarata Consalui ty-
 rannide, quam varijs modis diuersoque op-
 pressu vnicuiq; ut lubitum esset, grauissi-
 morum onerum, & propè abiectissimæ serui-
 tutis intolerabiles sarcinas imponens in in-
 noxium Reginæ vrbis populum truculenter
 in dies exerceret, confirmabant omnes tanto
 inexpectatæ insuetæq; calamitatis pondere
 fathis-

LEVI. APOL. GAND. DE

fathiscentes ad euitandam crudelissimi homi-
nis seuitiem auidis animis ad ipsum conti-
nuo defecturos, simul atq; in conspectum om-
nium hominum, votis ac spe diu exoptatum
imploratumq; venisset, aut illum quemcunq;
procul dubio sequuturos, qui Maiestatis no-
mine bellum intendere, & ad Tyrannorum
insolentiam castigandam, populumq; terribi-
li dominatu liberandum, sese audaci indole
efferre atque eleuare non dubitaret. His ra-
tionibus Vela repente in nouam coniectus
spem, destinati consilij decretum commutat,
& Michaëliam, centum quinquaginta pas-
suum millibus ab Quitone distantem, profe-
ctus est, eo consilio, vt ea in vrbe, quæ ad bel-
lum trahendum commodissima videbatur,
quod Quitone prius facere decreuerat, Cu-
tum cum Caesaris mandatis expectaret, &
quicunq; in Peruiam venirent sibi inter-
ceptos adiungeret, magnisq; tum viribus in-
gens in Pizarrum bellum pararet. Venien-
tem pleraque ciuium pars honorificè in vr-
bem recepit, nec ferè quisquam fuit, qui non
liberaliter omnem suam opem auxiliumque
viris, tormentis, equis pecunijsq; parandis
expe-

Vela Qui-
tone Micha-
ëliam ve-
nit.

expetenti conferret, singulari autem fide
 adiutus est Didaci Ocampi ab eo tempore,
 quo primum Tumbæum peruenit, quod vt
 beneficium pari gratia compēsaret, illi sum-
 mæ militaris præfecturæ dignitatem attri-
 buit. Neque verò Aluarus Ephorus ab eo
 conciliationis initio degenerem vnquam si-
 dem Vela præstitit, qui peculiaris vnius si-
 gilli vi ac potestate, quod eū in casum Pro-
 regi antea donatum fuerat, vt si ipse cum
 vno atque altero Ephorum duntaxat
 prius in Prouinciam perueniret, aut Ep-
 horum aliquis morte intercideret, eo ad fa-
 ciunda mandata, caussasq; expediundas v-
 teretur, suæ iurisdictionis vsurpationē cum
 Vela continuabat, isthoc Caesaris titulo no-
 mineq; mandatorum caussarumq; schedulas
 obsignans, ita vt admirabili confusione, &
 budendo exemplo duobus in Prouinciæ lo-
 cis Regij senatus authoritas, & apud Ve-
 lam, & Regij apud Consaluum tabulis con-
 ficiendis signandisq; vsurparetur, & in eadē
 aussa, quod omnium erat deterrimum, fre-
 uenter diuersum iudicium mandatumque
 & sibi mutuo aduersum constitueretur.
 Prius-

LEVI. APOL. GAND. DE

Ioannes Peririus per
invidias
oppressus.

Consalvia
mori fuga.

Priusquam Vela Michaëliam perueniret,
audito eius aduētū Consaluus Dias, & Hieronymus Villega Consaluiari Duces, qui circa ea loca Michaëliaq; imprimis Cōsalui iussu milites conscribebant, vrbe profugiētes ad Colliquios, quadraginta passuū millibus ab Michaëlia sitos, peruenerunt. Hi audientes non procul versari Ioannē Peririum, quem paulò antè ad milites adducendos Vela in Chapiroades miserat, rati non multum hominem de suo aduentu cogitare, improuiso adorti sunt, Peririoq; truncato, milites metu mortis deterritos suas ad partes traduxēre, sed parum memores, quid sibi itidem accidere fortuitò posset, in Colliquios vt sunt regressi, ab ea victoria securi, & eadem Peririj oscitatione imbuti, nihil ab hoste verentes sedebant. Vela, hac re percepta ratus eadem Peririj vindicandi occasione vtendum, & amissorum militum detrimentum sarcire cupiens cum centum quinquaginta equitibus, quam potuit, occultissimè Michaëlia egressus est, celerrimeq; profectum spes non fellit. Nam quum famam sui aduentus anticipasset, vbi in conspectum venit, omnia repente

repetè tumultus, timoris, ac fugæ plena fuerunt, ita vt, ipsis Ducibus pauidè in diuersas partes ruentibus, Dias à Barbaris alibi fuerit trucidatus, Villega vix per longos errores Trugillum redierit. At Consalvus, qui celeriter ea de re edoctus fuerat, partim eius ignominia dolore nonnihil permotus, partim maturo remedio anteuertendum existimans, ne quotidiana militum auctione, qui vel è Terra firma, vel è mediterraneo veniebant, copiarum & armorum vires vigilantissimo hosti magis magisq; in dies accrescerent, occulto etiam metu stimulatus, ne, quum tantus in Velam implacabili seueritate omnibus antea ferè inuisum fauor hominum studiumq; resurgeret, literæ ab Cæsare pro ipso aduersus se perlatae essent, bellum resuscitare, obuiam proficisci, reflorescēti cursum infringere, & si aduersum prodire auderet, prælio rem vniuersam committere decreuit. Quapropter, stipendijs persolutis, maximam militum equorumq; partem cū impedimentis duobus nauigijs Trugillum præmittit, quorum vnum Arecupia centum milia aureorum Consaluo aduexerat, alterum ab Ter-

Consalvus
Dias in-
terfectus.

ab Terra firma, Martelio Puntio nauiculatore, uxorem Pizarri Regium deportarat. His amplius centum quinquaginta milites cum tormentis & magno hastarum armorumq; numero, & pleraq; nobilitatis parte, atque ipso Cepeda Ephoro Trugillū aduecti sunt, ut isthic sequuturum Consaluum expectarent: eaq; ratione callido consilio Pizarrus Ephorum iurisdictionem sustulit, quum Tiada, Aluaro, atq; Cepeda absentibus, Regij solus Sarates relinqueretur, quem, quū quotidiana prope febris tentaretur, non multi faciebat Pizarrus, & ad eum deuinciendum filia fratri ipsius Blasio Soto collocata (quanquam id matrimonium contra Saratis voluntatem fuit contractum) affinitatem cum eo coniunxit, quibus tamen omnibus rebus non multum ad perpetuam Saratis fidem sibi astringendam aestimatis, ut omnia certiora essent, regiū sigillum quorundam suasu abstulit, Laurētiumq; Aldanum Reginae vrbi cum octoginta militum praesidio, interea dum ipse abesset, praefecit, quibus constitutis mēse Martio quadragesimi quinti anni naue conscensa Trugillum abnauigauit,

Consalui
ad iurisdic-
tionē sub-
uertendum
conatus.

Consalui
cum Sara-
te affini-

Laurētius
Aldanus
Regio pre-
ficitur.

gavit, festoq; palmarum isthic celebrato, in
 Colliquios profectus est; ubi paucos intra
 dies varijs accessibus omnes copi illum sub-
 sistentem sunt consequuta, acieq; recensita Con-
 saluus amplius sexcentos comperit, quo nu-
 mero minime inferior erat Vela, sed longè
 bellico apparatu, armorum instructione, mi-
 litumq; veteranorum præstantia excelebat
 Consalvus, quum Velæ præter tyrones plæ-
 rique inermes & laceris vestimentis defor-
 mes adessent. Consalvus, antè quàm ad hostem
 aggrediundum se accingeret, accuratissimam
 rationem cōmeatus imprimis instituit, quod
 Michaëliam in Velam eunti Motupiana, ^{Motupiana}
 (de qua libro primo dictum est) solitudo am- ^{solitudo.}
 plius viginti passuum millibus dilatata ob-
 iiceretur, ingrediunda itinere expeditis quo-
 que intolerabili. Idcirco, qua copias ductu-
 rus esset, præmissi, qui ex vicinis urbibus vi-
 cisq; commeatus ad vespendum in viam de-
 ferrent, equi vtribus aut cadis aquarijs one-
 rati, & pro se quisque miles, quod comnea-
 tus ferre posset, sibi curare iussus. Hac re cu-
 rata, equites viginti quinque vulgari solitu-
 dinis itinere præmittit, ad suspicionem explo- ^{Consalvus}
 rato- ^{in Velam.}

X

rato-

ratoribus *Vela* iniiciendam eadem via se
 subsequi, ipse dehinc altero itinere ad *Velam*
 subito contendit. *Blascus*, percepto hostium
 aduentu, quū minimè tyrones suos *Consal-*
uianis veterani nominis ferè omnibus teme-
 rariæ ad pugnae subeundum discrimen cōmit-
 tendos saniore iudicio putaret, militibus vr-
 be eductis aduersus *Consaluum* proficisci se
 simulabat, verū, cuncti cū essent egressi,
 via *Quitonica* fugam intendere cœpit: quod
 ubi *Pizarrus* cognouit, abiecto adeundæ *Mi-*
chaëliæ consilio, nullam sibi moram attulit,
 quin paribus vestigijs fugientem insequere-
 tur, sed iam quatuor horis prægressum, &
 celerrima profectione maius semper spacium
 antecapiens, quanquam cum totis copijs
 consequi non posset, plurimos tamen nō ea-
 dem celeritate primis instantes ex *Velanis*
 cœpit, & hac insequēdi cōtinuatione id pro-
 fecit, vt quum molestiores magis magisque
 montium valliūq; fugientes viæ exciperent,
 nauseabundi plerique aut incederēt, aut *Ve-*
lam vel transfugio vel aberratione desere-
 rēt. Non pauci etiā inter præcipui nominis
 viros *Ducesq;* promissis et veniæ impetrādæ
 spe ab

Vela Con-
saluum fu-
git.

Consalvus
Velam in-
sequitur.

spe ab Consaluo incitati, secretis literis Velæ
interficiendi fidem Pizarro dederant: qui-
bus rebus confusus Consalvus, desperansque
se fugientem assequi posse, & suis etiam par-
cere nonnihil fatigatione exhaustis volens,
omisso Vela Quitonem ad quietem se rece-
pit, atque ita ducta primū ratione ab eo iti-
nere, quo primum ē Charcantibus euocatus
Cusconem bellum inchoaturus peruenit, am-
plius mille leucarum spacium ad Velam inse-
quendum proficiscendo absumpsit. Hic ubi
aliquot dierum quiete milites refecisset, ad
Pastum Quitonici agri oppidum ire perre-
xit, ubi Velam resedisse perceperat, sed is ad Vela Popæ
primum Consalvi venientis nuncium prope-
rè discedens, atque inde per desertā procul fu-
giens, nobilem ad urbem Popæanam perue-
nit. Tum demum Consalvus non tam sua
cupiditate, quàm immensi itineris tædio, mi-
litumq; suorum miseratione fatigatus, quod
vastæ passim montium sylvarumq; solitudi-
nes occurrerent insequentibus peruadendæ, Consalvus
Quitonem reuersus est, ac se suosque meritæ
quieti dedit. Sed uti ferè bellicis curis oc-
cupatis ex communi contagio accidere solet,

LEVI. APOL. GAND. DE

Consul
ex fortu-
na inso-
lencia.

ut, postquam his inopinata quies ab diuturno variorum laborum exercitio repente contigerit, animos ad ocium deflexos, & desidia mollescentes omnium repente voluptatum, scelerumque confinium lenocinijs atque dulcedini adaperiant, magna certe commutatio Consuluum inuertit. Nam quum ante imperium priuata in vita satis commodos mores amabili ingenio praestitisset, nunc imperio, potestate, & fortuna imprimis ad voluptatem fluente, factus insolens superbiaque proteruus, vix se capere poterat, iamque palam insurgere, Ephorum authoritati illudere, munia ipsorum, senatus, Legum in se trahere, & eodem pectoris effrenati tumore raptari, ut neminem moraretur, hostibusque longe semotis & ferocissimis quibusque metu ad tempus domitis, nullum vniuersa in regione putaret, qui obmutire sibi, aduersari atque in se efferrī auderet, apertaque iam futurae rebellionis signa praeferreret, si abs Caesare pro Vella pronunciaretur: sed o facilem hominum spem (ut ille dixit) fragilemque fortunam, & inanes nostras contentiones, quae in medio spatio saepe franguntur & corruunt, & ante in ipso

ipso portu obruuntur, quàm portum conspi-
cere potuerint. Nec in ea insania deerant
subdolæ aliorum incitationes, maioribus flam-
mis sponte ardentem accendentes, qui, velut
seruitio ac voluntate promptiores, callida
assentatione affluentiorum opum, honorum
ac gratiæ copiam aucupabantur. Hæc ani-
mi viciorum labes facile ad externa etiam
scelera contagiosa herpète proserpsit, & ut
mens fastidij, arrogantia, crudelitatis ac iræ
plena erat, ita subito corpus in voluptua-
rias oblectationes profusum stupris, luxuria,
ebrietate turpissime diffusebat: tum epulæ
sumptuosissimis tragematum apparatibus
agitari cœptæ, tū sambucina & id psaltia-
rum ludionumq; genus mensis admotæ, tum
ad libidines efficacissimo conspectus irrita-
mento acuendas cerussatæ calamistratæque
meretriculæ conuiujs adhibitæ, & quod ma-
ximè infami probro Pizarri nomen onera-
uit, ipse tanto impietatis ausu fœdis amori-
bus deseruijt, ut gratioris formæ ex suis v-
nius ancillæ, quò illa honestius frui posset,
præmijs ad id patrandum facinus Vincentio
Paulo viro Hungaro (qui postea Vallisoleti

Consalui
pudendum
facinus.

Argyropo-
litani se
Consaluo
opponunt.

in crucem actus fuit) turpiter incitato mari-
tum trucidaret. Huic turpitudini immer-
sum subito nouum bellum Consaluum disten-
dit. Principio huius motus, quum ad publi-
cam causam in Concilio agendam Pizarrus
Cuscone Imperator dictus esset, Argyropo-
litani, quanquam concessisset Legatus ipso-
rum Didacus Centenus, in id tamen vt con-
sentirentur vel summa Cusconica ciuitatis
obsecratione, & maximo in decretis diuul-
gandis exequendisq; detrimento omnium propo-
sito adduci non potuerant, Consaluoq; explo-
so, Proregem, sicuti dictum est, acceptarant,
& armati ad iuuandum illum Regium iter
intenderant: verum in itinere cognito Velæ
casu seram & inanem opem suam capto esse
conspicati, domum reuersi erāt. Ob id factum
Consaliuus iamdiu ira in illos altè concepta,
vbi Regium peruenisset, donata Præfectu-
ra ad urbem occupandam, sicuti meminimus,
Franciscum Almēdras miserat, virum non
tam militia quam simili tyrannide acrem, et
ad puniendos, quos vellet, crudelitate vehe-
mentem, atque huic inter cetera vnam vl-
ciscendæ imprimis eius confidentiæ curam
com-

Franciscus
Almēdras
Argyropoli
ab Consal-
uo præfici-
tur.

commendarat. Is vel summa inhumanita-
tis mandata non perlibenter modo expleuit,
sed præter alia iniuriarum genera miseris ci-
uibus accumulata, Gometium insuper Lu-
nam virum vniuersæ ciuitati charissimum,
quod dixisset fieri hercule nō posse, quin ad-
huc aliquando Tyrannis expulsis suum im-
perium Cæsar obtineret, abstractum carceri
publico inclusit. Nec tantæ vilitatis contu-
melia affecto ciui optimorum quorumq; de-
precationes apud Almendram deerant, ro-
gantium, vt matura contumelia virum op-
timum liberaret, aut honestiori custodiæ im-
poneret: verū Almendras præfractissimo o-
re obtestationes respuit, quumq; ex turba fe-
rocior vnus minaretur, si dimittere recusa-
ret, per se vel ipso inuito exemptum iri, indi-
gnatus Almendras in carcere hominem con-
cubia nocte strangulauit, mediaq; demum lu-
ce in forum aduecto cunctis spectantibus ca-
put præcidit. Eo spectaculo Argyropolitani
(id enim supra omnium iniuriarum damno-
rumq; inflictorum acerbitem longè miser-
rimam iudicabant) in merā id ciuitatis con-
tumeliam factum videntes, tantò furore

Gometius
Luna ob di-
ctum ab Al-
mendra ca-
pius.

Almendra
inhumani-
tas sibi fa-
nesta.

LEVI. APOL. GAND. DE

Coniuratio
in Almen-
dram.

atq; vindicandi animo sunt stimulati, ut ni-
si ipsius pari cade infontissimi viri manibus
parentare, suæq; cupiditati satisfacere desti-
narent. Nec mora, concitante ante alios ipso
Didaco Centeno, principemq; se omnium ac
Ducem præbente, secreta cōspiratione in Al-
mendræ eadem fœdus ac societatem ineunt
Lupus Mēdocius, Alphonsus Peresius Es-
quiuellus, Alphonsus Camargus, Ferdinan-
dus Nonnius Segura, Lupus Mandietius ac
Ioannes Hortitius Saratis Ephori frater.
Is Didacus Centenus belli initio Consalua-
næ caussæ sese acclinarat, quòd decretis impe-
ditis ea pro Reipub. salute facere videre-
tur, ob idq; Argyropolitane civitatis nomi-
ne Cusconem Legatus missus, Consalui impe-
rio assenserat, sed ubi, aperiente se votis Pi-
zarri fortuna, paululum intimi eius conatus
atq; sensus patuere, venia impetrata sece-
dens Argyropolim domum remigrarat. Hic
quū aduersus insidias Almendras militum
præsidio corpus munisset, veluti aliqua de
re singulari colloquuturus accessit, statimq;
inopinātem pugione dstricto, inflictis rapi-
dè aliquot vulneribus, sauciat, attonitis ip-
sis mi-

sis militibus & non multum indolentibus, quod ferè cuncti Consaluanorum (vti in ipso Pizarro clarius postea apparebit) fortunam necessario quodam fauore, non amicitiam amorè mæ Consalui sequerentur, deserturi quando per occasionem liceret. Tyrannis enim, & insolentia, ab immodico superbiæ potestatis fœlicitatisq; fastu petita, nisi fortunæ amicos habet, qua prolapsa nō modo iacturam eorum facit, sed iisdem repenti atrocissimis hostibus circumuenitur, quibus necessaria vafra amicitia ac callidi fauoris simulatione fucatis modò ignara stultaque confidebat. Ergo, desertentibus Almendram vel sponte vel metu suis, cæteri semianimem circumstant, in forūq; præcipites rapiunt, ac licet iam sensu ferè expertem eodem capitalis supplicij genere truncatū manibus Luæ quodammodo litant. Ita Argyropolitani truculentissimi hominis dominatu liberati Consaluanum nomen penitus explodunt, seseq; & in libertatē, & in Cæsaris seruitium vindicant, ac confidenter de bello cōsilia ineunt. Rati enim longinquo in Velam apud Quitonē bello impediri Consaluum, non om-

Didaci cē-
teni audax
facinus.
Non sic ex-
cubie, non
circumstan-
tia pila
quam tu-
tator amor

Caditur
Almen-
dra.

Argyro-
politani pri-
mi omnium
in Consal-
uum in-
surgunt,
& Maieſt.
nomen tu-
entur.

nino incommodum tempus esse putabant, iugum excutere, Charcantiam impotenti Pizarri crudelitate atque iniuria extortam Maiest. restituere potestati, sese ulcisci, & praeclarum cæteris urbibus egregij facinoris audaciaeque ad Tyrannicam vim propulsandam exterminandamque exemplum proponere. Quid enim vel ad gratiam Maiest. deuinciendam utilius, vel ad tuendum fidei nomen fidissimis ciuibus speciosius esse, omnibus crudeli metu oppressis atque silentibus, se salos capita ac ceruices aduersus superbiam dominatūque inhumani hominis attollere fuisse ausos, Cæsareaque Maiest. Imperium pedibus immanissimè obtritum calcatumque, & communem libertatem tyrānide obrutam tutatos esse ac sustētassee quod si temerè inceptatum confisumque, prae potentibus fortunatissimæ belluæ armis prouocatis, in supremi excidij calamitatem cederet, vti minimè arbitrandum, Dijs caussæ æquæ non defuturis, videretur, certè mori in acie dimicando præstare, quā diu isthoc vnius furore se miseros excruciarī. Dant ergo fidem eandem omnes promptissimè subituros fortunam, & coniu-

rationis

tionis Principem Centenum creant, statimq; ^{Centenus}
 pro facultatibus à singulis ærario aucto de- ^{Argyropo-}
 lectus habetur. Centenus, vti ab solerte inge- ^{litanorum}
 no & mediocri rerum bellicarum exercitio ^{Dux.}
 plurimum industriæ scientiæq; generosæ &
 expeditæ indoli adiunxerat, quicquid ad bo-
 ni Ducis officium pertineret, exequi festina-
 uit, copias in ordinem præfecturasq; redigit,
 militibus stipendium persoluit, & vni im-
 primis curæ inuigilat, vt vijs interclusis ex-
 tra Charcātum fines nihil aliò rerum acta-
 rum efferretur: quibus sedulò prospectis ad
 Arecupiam occupandam Lupum Mendo- ^{Lupus Men-}
 cium misit. Sed inde satis edoctum fuit nul- ^{docius ad}
 lis industriæ, aut intentissimarum curarum ^{Arecupiā}
 vinculis septisue famam coërceri posse, quæ, ^{occupandā}
 prius quā hæc satis firmiter Argyropoli in- ^{mittitur.}
 stituerentur, totam repente Prouinciā per-
 cursans nouo rumore omnium aures impleue-
 rat. Hac adductus Arecupiæ Præfectus Pe-
 trus Fauentius antea profugiens facile occu-
 pandam urbem Mendocio, & ad arbitrium
 constituendam reliquit. Is milites, equos, pe-
 cuniam ad se quā posset trahens, vbi Argy-
 ropolim reuersus est, excreuit virorum nu-
 merus

LEVI. APOL. GAND. DE

Centeni ad
Argyropo-
litanos o-
ratio.

merus ad ducentos, sed erant honesti nomi-
nis ciues plærique, & nobilitate insignes, ar-
misq; & cætero omni necessario apparatu e-
gregiè instructi. Stipendio persoluto, Cente-
nus omnes in concionem vocauit, datoq; per
præconem silentio in hanc sententiam fatus
est. Quæ precatus sum à Dijs immortalibus,
ciues & commilitones optimi, eo die, quo vi-
rilis animi memores, cæso egregiè Almēdra;
ex illo Cōsaluiani dominatus pistrino ad ve-
terem libertatem confidenter ac generosè e-
rupimus, vt ea res auspicato profligādæ Ty-
rannidis exemplo nobis cunctisque bene atq;
fœliciter eueniret, eadem precor ab iisdē Dijs
immortalibus ob partam libertatē vna cum
salute obtinendam, nomenq; ac ius Maiesta-
tis tuendum: & postquam ad memorabile
iam facinus præclari Tyrannorum vindi-
ces accingimur, ac Prouinciæ incolisq; & ip-
si Maieitati pacem, tranquillitatem atque
otium afferre paramus, vt optatum in hoc
pro conatu successum indulgeant, & stabiles
vobis mentes ad propositum conceptum con-
seruent. Iam enim vnumquemq; se in opti-
ma caussa versari, cur vltici manu arma
desum-

desumpserit, atq; id omne dubitationis ex-
cutere oportet, quicquid antea ex stulta, aut
simplice iuris, publicæ causæ tuendæ nomi-
ne, Consaluo asscripti opinione in animo re-
sedet. Nihil certè inter multa infœlicius mo-
tales decipit, quàm crimini prælata adum-
brati iuris species, quæ non impietatem mo-
do ostendat æquitatis prætextu obuelat, sed
etiam, ut haud iniqua mortalium admissio-
ne tolerantiaq; perferatur, efficit: verùm hu-
ius quondam ad salutem publicam institutæ
actionis eum nunc præclara scilicet sorte exi-
tum videtis, ut qui ruentem Rempub. velu-
ti humeris suis sustinere modo videri vole-
bat, eum prima omnium miseriarum funda-
menta iecisse sentiatis. Neminem enim opi-
nor vestrum fugit, iam penè per omnem se-
xum, et atem Prouinciamq; Consalui Pizar-
ri peruagata crudelitas atque tyrannis: qui
primum Regijs decretis per Velam Prore-
gem allatis Cusconem progressus astuto com-
muni causæ patrociniandi lenocinio, aliarumq;
id genus iactationum illecebris, ut in se si-
mul omnes pellexit, & in hac demum re im-
petranda, nempe ut Cuscone Regiū ad Con-
cilium

LEVI. APOL. GAND. DE
cilium publicam aduersus decreta caussam
acturus iret, callidus victor euasit, atque
isthoc speciosi tituli nomine omnium volun-
tates sibi procliuēs fecit, armata manu Cus-
cone egressus est, statimq; in itinere prima sce-
lerati conceptus initia detegere cepit, tot lau-
data probitate spectatoq; genere viros illu-
stres eam tantum ob caussam immanissimè
obtruncans, quòd propositum insidiosæ calli-
ditatis institutum subodorantes studia sua
ab ipso ad Proregis caussam fideliter abstra-
xissent: deinde tam probè cum ipsis Epho-
ris egit, vt friuolorum iurgiorum ludibrio
implicitus Prorex contra fidem caperetur,
nauigioq; auectus, vt Pizarrus tuto expe-
diteq; fraudem inchoatā persequi posset, pro-
cul deportaretur: quod noster hic præclarus
publicæ causæ patronus fœliciter consequu-
tus, vbi æquatam proposito perficiūdo viam
vidit, non secretis amplius machinis aut tar-
do gradu, sicuti prius, arrepsit, sed vi mani-
festa per fas nefasq; profanus diuini humani-
que iuris contemptor ad libidinem perficiun-
dam grassatus est. Armatus Regium venit,
summæ Præfecturæ inaugurationem impe-
rauit,

rauit, Ephoris ius suum atque authorita-
 tem extorsit, quem modum quem finem sce-
 lerum fecit? Illi quia ad gravissimam impe-
 rationem paululum suspensi cunctarentur,
 nec modò iuris obliti quidlibet è vestigio in-
 fræni ipsius libidini propinarent, per Carua-
 ialem tot viros honestos in carceres abri-
 puit, tot infami suspendio contumeliosissimè,
 veluti latrones furesq³, sustulit. Hinc minis,
 metuq³, & vi armata Ephoris codicillos sche-
 dulâsq³ demãdata Præfecturæ expressit, non
 receptus urbē intrauit. Quid nunc post mis-
 sas huc atque illuc literas, impositamq³ cun-
 ctis approbãdæ agnoscẽdæq³ gubernationis
 eius necessitatem ex his, qui vel obsistere au-
 si essent, vel Casareo Proregi eius Præfectu-
 ræ usurpationem tantum relinqui volebãt,
 tot viros mactatos, tot vel ad supremam le-
 beridem fortunis spoliatos referam? Nulla
 dies sanguinis expers, nulla hora furti immu-
 nis, quoque momento noua ira furorq³ ad
 nouam cãdẽ rapinãmue struitur. Super hæc,
 recenter adhuc paratis Regi viribus quàm
 maximis, nouam insequendo profligandoq³
 Proregi expeditionem intendit, & vt sine
 amulo

LEVI. APOL. GAND. DE
amulo dominari pro lubito queat, vniuer-
sam Prouinciam bellis, cæde, rapinis discor-
dijsque permiscet, ius omne subuertit, & di-
reptis distractisque diuersa in loca callide
Ephoris, legitimam iurisdictionem eraden-
in suo ingenio, arbitrato ac lubito vniuer-
sum legum mundum, si Dijs placet, reposuit
Equidem propè fabulam & fictam rem esse
credebam, quod de Siculis Romanisque Ty-
rannis veterum monumēta tradidēre, nunc
aut eundem hunc, aut certè eorundem dira
admiratione zeloque imbutum nostro cū ma-
lo probè sentimus. Ergò si hoc illi libuit, vt
Francisci Pizarri fratris, suæque omnino
vniuersæ stirpis oblitus, honore postposito o-
mnem Prouinciam quolibet malorum gene-
re laceggeret, nec publica salus, rei ipsius ra-
tio, honestas, Christiana pietas ab tanto sce-
lere deterritum permoueret, stultum est nūc
vobis deesse, aut diutius pati, quod ne oculis
quidem atq; auribus sustinere potuistis. Sum-
ma nunc salutis, & vestræ erga Maiesta-
tem fidei occasio, quæ se præbet, in præcipiti
vertitur, quæ si prætermissa effluat, certè &
vestris quoque ceruicibus longè maior Ty-
rannis

rannis increscet, & proditæ erga Maieſt. ſi-
dei infamiam euadere non licebit. Agè confi-
denter arma cum vindices manus deſumpſe-
runt, quod ad bellum gerendum, finesque poſt-
hac tutiſſimè conſeruandos ſuper eſt, mature-
mus, egregiè oſtenſuri impotenti inſoleſcen-
tium ſuperbiæ nec hoſtes vel in ſumma poten-
tia deeſſe, nec vlllo vnquam tempore deſutu-
ros: mature factò opus eſt, quod ſi paululum
rem anxijſ deliberationibus differimus, modò
conſilia noſtra detegente fama, in capitibus
habebimus hoſtes, & circundatis tunc longè
grauior truculentia moles incumbet. Nam
tum præter exploratas & omnium iam ferè
(quod dolet) communes uſitata tyrannidis
arumnas, quarum exempla vel in alios edita
accepisti, vel ipſi propè perpeſſi eſtiſ, earum
etiam acerbitarum cumuli preſſis accedent,
quas iræ in rebellantes conceptæ exaſtuans
vis, irritatiq; furoris calor adiſciet. Agè
exeamus properè omnes, meq; Ducem ve-
ſtris etiam ſuffragijs nominatum, nec ina-
nem (ſpero) Maieſtatis vindicẽ rectà ad vir-
tutis ſolicandos Tyrannos tendentem alacres ſe-
quimini, modò aut fœlici aut inſœlici exem-

Y plo

LEVI. APOL. GAND. DE

plo declaraturi nunquam impotentē sui hominem, imperioq; ad popularium detrimentum abutentem impunē victurum: neque deerūt, si simul signa extulerimus, pro aequitate fideq; pugnaturis eorum auxilia, qui iamdudum iniquissimi dominatus pertaesi, & initium vsque adeo laudatae rebellionis secum tacitē expectantes, nostram propensissimis animis mox voluntatem complectentur, & in eadem haud grauātē se auspiciā dabunt, quibus libertas ac in suum Principem fides aduersus Proditores ac sceleratos propugnanda non infustum sperati exitus omen auguriumq; portendunt. Illi, sublata voce, responderunt, vt fortia consilia ipsoq; digna exequi non dubitaret, se namq; quod postulasset, quocunque (quando vellent) sequuturos ducentem, ac pro libertate ac fide, sicuti incepissent, periculosi belli aleam vel ad vltimos spiritus impavidē subituros. Centenus inde paratos educēs in Cicutis, qui Characantum agro proximi sunt, confedit, atque ibi hostem expectare constituit. Hāc fama festinē ad varios Consalui Duces perlata, vt sibi quisque prospiceret, monuit, & omnibus

Centenus
Argyro-
litanos e-
ducit.

nibus propinquiores imprimis Alphosum
 Torum impulit, ut ab montium obsessorum
 custodia (tum enim certa itinera insidebat,
 quod Pizarrus scripsisset iter Velam in supe-
 riorem montium tractum extendisse) se
 Cusconem quamprimum conferret, & malo
 orienti tempestiuo prospectu occurreret. Ad
 urbem simulac peruenit, quid de rebus apud
 Charcantes actis Didaciq; Centeni perfidia, Alphonsus
Torus cui
 ac rebellionem certissime cognitum habeat Prin- tatem Cu-
 cipibus aduocatis proponit, & quum Cusco- scon. in Cē-
 nice urbis opulentia frequentiaq; eam facile tenum in-
 virorum & equorum copiam elargiri queat,
 qua Centeni conatibus facile obsisti atque
 intercedi possit, eam ad rem exequendam ip-
 sorum consilium & opem postulat. Hoc enim
 rationum suarum fundamentis dabat, quod
 Centenus egregio regij iuris tuendi præten- Tori pro Cō-
 diculo nouarum rerum initium omnibus ex- saluo ad-
 citatis fecisset. Propterea quando Consal- uersus Cen-
 uus communi coeuntium suffragiorum con- tenum ra-
 sensu, ac delatione summam Præfecturam a- tiones.
 deptus esset, statutumq; fuisset, ut eam cuncti
 ratam indubitatamq; quiete ac pacifice tan-
 tiſper haberent coleretq; dum apud Maieſt.

LEVI. APOL. GAND. DE
certius negociū constitueretur, ecquid caus-
sarum Centeno relictum, cur bellis subtricen-
tibus ex sua auctoritate pacatam Prouin-
ciam nouæ seditionis ac cōspirationis super-
bia conturbaret. Neminem verò vsque adeo
iniqua & ingrata mente erga Pizarrinum
nomen esse affectum, qui aut nescire aut infi-
ciari queat, quanto capitis ac fortunarū di-
scrimine, qua fide atque studio Consalvus ip-
sos omnemq; Prouinciā nocentissimo decre-
torum onere subleuasset, discussaq; illorū nu-
be, quantum per solius eius industriam com-
modi, ac ad conseruanda retinendaq; ve-
tera bona securitatis ad ipsos rediisset, cū va-
lente decretorum latione tristissimā omnium
fortunis iacturam conflare atq; astrui ex om-
nium confesso certum esset. Ideo maximus pu-
blici in Prouinciā beneficij ab Consaluo col-
lati vinculis arctè obstrictis par esse Consal-
uium nomen tueri, seditiosorum conatus
disperscere, maleuolentissimos publicæ quietis
aduersarios reprimere, iustisq; belli supplicijs
appetere, & libenter omnes eius fortunā non
modo aspernari & refutare, sed complecti at-
que augere, cuius fidei exploratæ iam pridem
Reipub.

Reipub. partes, & communem eius salutem
committendā putassent. His rationibus fa-
cile omnes in sententiam adduxit, & ad iu-
uandum sese persuasit, quum præterea recu-
santibus, certo exitio imminente, nemo refra-
gari, & Centeni causam approbare auderet.

Torus enim, uti erat ab Consalvianorum re
liquorum ingenio austero & trux ad iramq;
proclivis, quosdam addubitantes capiendo &
ad supplicij locum ducendo, cæteris summum
terrorem admouerat. Hæc seueritas ma-
gnam virorum, equitum pecuniæq; copiam
extudit, & ne ipse graues impensas subiret,
effecit, statimq; constitutis ad bellum rebus
ad Hurcos profectus est (abest is locus ab Cu-
scone sex passuum millibus) & hinc ad tres heb-
domadas moratus, cum interclusis ubique vijs
(indigenæ enim ferè omnes in Centeni parti-
bus erant) plurimū vereretur, ne sibi repen-
tè inopinato Didacus incumberet, ipse certo
dimicandi proposito ad Cicutos contendit.

Ibi, quum res de compositione tentata nequic
quam esset, Centeno non erat animus suos co-
natus & omnium salutem repentinè prælij
fortuna subijcere, ne in fortuito malo & Con

Tori seui-
ties.

Torus in
Centenum.

Centenus
Toro calli-
de cedit.

LEVI. APOL. GAND. DE
saluianis, incredibili gloria inflati spiritus
accrescerent, & penitus, quibus ad suū insti-
tutum non læua mens esset, fracti animi de-
ijcerentur. Hac de caussa venienti Toro sen-
sim concessit, seq̃ ad fatigandum insequētem
in remotiora sensim durioraq̃ loca retraxit,
& circa Argyreum amnem Casabindā per-
uēnit. Torus acerrimè ad Argyropolim vs-
que cedentem insequutus est, quæ centum o-
ctoginta passuum millibus ab Cuscone ab-
est; sed incolarum fuga deserta subtractaque
omnia offendentē satietas insequendi cœpit,
atq̃ inde reuerti domum properauit intentus
& curiosus, valentissimis equitibus cum Al-
phonso Mendocio in posteriore acie relictis,
ne vlla ignominia inferendæ facultas Cen-
teno præberetur. At Didacus in eam diligen-
tissimè curam excubans, vt alicunde ex occa-
sione hostibus noceretur, vbi, quod expecta-
rat, euenisse cognouit, cohortatur suos, vt a-
lacriter adesse, secumq̃ fugientem hostem in-
trepidè adoriri vellent. Quod si, inquit, pri-
mi euaserint, certè postremi detrimentum ef-
fugere, ac se cadentibus vobis extricare non
poterunt, quando, vti planè reor, secreta
sub-

subesse caussa debeat, quæ modo insequentes
nunc ad fugiendum impellat, vti, qui modo
fugere videbamur, suis mox tergis adesse
sentirent, quam vereor, vti semper suspicio
mihi incidit, ne dissidio inter ipsos oborto, &
Duce cum militibus parum conueniente, vim
atque tyrannidem fortuna nunc deprehen-
derit. Cunctis ad ea alacriter succlamantibus,
maximis itineribus ad Torum contendit, &
diu multumq; insequutus, vbi ad Collaonum
agrum ventum esset, quanquam Torus pro-
cul iam abscessisset, tamen inter nouissimos
illato impetu quibusdam cæsis quinquaginta
cœpit, &, impositis in singula capita redem-
ptionis quingentis aureis, dimisit præter pau-
cos Tori familiares, quos Lupus Mendocius
strangulauit, quem ea re gesta Centenus ad-
uersus Alphonsum Mendocium Argyropo-
lim misit, sed ille, quæ Toro accidissent, vbi
resciuit, diuerso tramite fugiēs cladem præ-
cauit. Huius vel leuis victoriæ fama Regij
ad omnium aures repente surrepsit, urbemq;
atroci mox dissidio atque tumultu quorun-
dam leuitate discidit: nam cum magna mili-
tum multitudo adesset, audita Centeni fœli-

Centenus
Torum re-
uertentem
insequitur.

Regij ex
Centen vi-
ctoria tu-
multus.

LEVI. APOL. GAND. DE

citare (vt plerique fluxa et vœnali sunt fi-
de) rati omnem modo Prouinciam Consal-
uiani imperij nauseabundam ad Regij iuris
caussam & Centenum, aquisimæ modera-
tionis virum, expulsis Consaluianis subito
subitoq; defecturam, temporis & occasionis
ignari, studia sua detegere cœperunt, mul-
tumq; sermonis ac murmuris de hac re hinc
inde per urbem ferebatur. Consaluiani haud
dubiè perplexi quāquam essent, nihil tamen
quicquam mouebant, sed omnem rei pacandæ
spem in Laurentij Aldanij Urbis præfecti
industria collocarant. Is ab Consaluo disce-
dente Regio præpositus, vir erat integra-
tis iustitiæque plenus, & ciuitati percharus,
tantoque impræsentiarum astutæ simulatio-
nis artificio flexibilis, habilisque ingenij na-
turam condierat, vt Consaluianæ amicitia
in hac temporum necessitate deseruiens, in
neminem tamen asperum quicquam popula-
re aut dissolutum ad suspicionem mouendam
præstaret, sed ratione temperata Reipub.
constantiam præberet, priuatis verò rebus
propter infirmitatem bonorum & Consalui
potentiam singularem cautionem & diligen-
tiam

Laurentij
Aldanij
temperata
& calli-
da virtus.

tiam adhiberet. In eo urbana fluctuationis momento perlata est in urbem earum rerum fama, quas aduersus Velam Consalius gessisset. Hæc coalescentes insurgentium animos planè refrigeravit, crescentemq; imperiū compressit, Consaliuanis verò mirū in modū spiritus auxit, & ea in opportunitate ad maturandam seditiosorum pœnā erexit. Nec mora, incusatis quibusdam, qui maiore ante alios suspitione deflagrabant, ab Aldanio postulant, vt in seditiosos, & ad quamlibet vel leuium rumusculorum auram improbè tumultuantes quæstionem exerceat: ad quæ respondit Aldanius, de talibus nihil vnquā sibi constitisse, & vbi constaret, quæstioni se, sicuti par esset, minimè defuturum. Consaliuani quindecim comprehendūt, & inter hos Didacum Lupum Sunigium, captos modo ad fidiculas reijci, et lege agi ab Petro Martino forensium rerum Prætorē volebāt, certumq; erat vitæ vltima miseris instare, ni Aldanius interueniens in suam domum captiuos accepisset, isthic quasi tutius, vt dicebat, arctiusq; custodiendos, ibi verò, non uti captiuos, sed familiares hospites omni tra-

Aldanij
in captos
humani-
tas.

Etandi beneuolentia atq; humanitate com-
 prehendit, & denique naui impositos, quan-
 quam Consaluiani fremerent, et cōquereren-
 tur, liberos incolumesq; dimisit. Eam ob rem
 multis in Aldaniū tacita suspicio succreuit,
 quod ipsi clandestini aliquid fœderis cum ho-
 stibus interesset, atque idem literis Consaluo
 perscribebant, & ut illo interfecto periculo-
 sissimæ rei malo tempestiuè obuiam iret, hor-
 tabantur, verū Pixarrus non ignarus quan-
 tum rerum suarum momentum in tanti vi-
 ri spectata & sibi adhuc fida virtute recum-
 beret, nullo expostulationum calumniarum-
 que impulsu in Aldanium potuit concitari,
 fato nimirum postulante, ut per illum vi-
 rum primus Consaluianæ ruinæ lapis iacere-
 tur. Verū Consalvus iam & ipse satis de
 Charcantum tumultu, ac Centeni rebellione,
 Toriq; casu edoctus, id in animum altè demi-
 sit, nec vlllo segnescendum modo putabat ad
 eius mali initia opprimenda, quod propositæ
 æquitatis lænocinio, si longius promanare, ac
 diffundi in dies perferret, haud dubiè in ean-
 dem rebellionis ruinam vniuersam Prouin-
 ciam pertracturum videretur. Itaque ab om-
 ni alia

Aldanius
 primus Cō
 saluianæ
 ruinæ la-
 psus.

ni alia re huc omnes cogitationes curasque
 contulit, ut aliqua via Centenum tolleretur, et
 egregie Charcantum audaciam ad reliquo-
 rum terrorē vlcisceretur. Huic negotio cum
 ipse propter Vela Proregis metum ire non
 posset, Caruaial omnium maximè idoneus,
 tum ob belli scientiam, tum ob insignem ad
 noxios puniendos crudelis & vel in insontes
 inclementis ingenij acrimoniam videbatur,
 & eum proficisci omnes maximè cupiebant,
 quòd partim bono & acri Duce ad bellū ge-
 rendum, castigandosq; rebelles opus esse præ-
 dicarent, partim quòd nocentissimi hominis
 & horrida feritate belluas excedentis præ-
 sentia ac conspectu libentissimè liberari vel-
 let. Caruaial ipse id onus promptè assumpsit,
 paratam ingentem ex eo gloriam & profun-
 das diuitias sperans, schedulisq; ab Consaluo
 acceptis, quibus pecuniam virosq; quos vel-
 let, imperandi potestas fiebat, Quitone Mi-
 chaëliam descendit, vrbi insensus, quòd an-
 tea Proregem omni virium subsidio adiu-
 uisset, venientemq; ciuitas, ut nouæ benigni-
 tatis ostēratione pristinum peccatum dilue-
 ret, & iratum mitigaret, solenni inductionis
 pom-

Consalui
 in Centenū
 cura.

Caruaial
 in Centenū
 destinatur.

Caruaial
 Michaëliā
 iratus ve-
 nit.

LEVI. APOL. GAND. DE

Crudele
Caruac-
lus facinus.

pompa excepit, qua introductus Procon-
sul sex, aliosq; ex Principibus viros equis de-
scendere, & se in hospitium sequi iussit, ut
cum ipsis literas vnas Consalui communica-
ret. In conclaue ut ventū est, foribus adium
clausis, armatisq; apposis ostēdit, quantum
Consalius in omnes ipsos iræ odijq; concepe-
rit, quod præfracti in illū hostes Velam per-
petuis rerum suarum facultatibus adiui-
sent, profugo in urbē receptum perfugiumq;
præbuisent, & bellantis copijs quæcunque
commeatum ciborumq; adiumenta submini-
strassent, idcirco primò sibi statutum desti-
natumq; fuisse, vltima supremi excidij clade
in ciuitatem animaduertere, postea verò con-
sideranti innoxiam plebem vi aut saltē me-
tu ad Principum suorum peccatum addu-
ctam, satius visum esse id authorum dunta-
xat supplicio expiari: iamq; ipsos à se dele-
ctos, atq; hic in plagas irretitos, qui vsque
adeo fidos & præstantes Velæ fautores sese
gessissent: ergò, ut mori cuperent, se euestigio
compararent, nullam exeundi aut fugiendi
potestatem, clausa obseptaque esse vndequa-
que omnia, moris non esse locum, statimque

vix

vix his dictis unum raptim strangulari iubet. Tum verò ceteros ea atroci sententia attonitos, et vix sui cōpotes ipsa veluti mors inuasit. Is rumor per armatorum custodias ^{Plurima} delatus, omnem celeriter urbem peruadit, o- ^{moris ima} gō.
 mnes veluti in se eodem exemplo mox manaturo magnus terror capit, stupefcunt imprimis, quorum fides suspectior erat, & ut breuiter dicam, eadem ubique mortis facies, percussio, horror, qui morti addictos intus circumfederant, versabantur. Certè in tacito omnium silentio memorandum muliebris impotentiae, impatientiaeq; exemplum emicuit: uxores enim, aut proximæ horum, qui inclusi apud Caruaialem tenebantur, magno questu ululatuq; tectis effusæ, & sacri ordinis viros appellantes, cum his una per posticum custodia nudum in Caruaialis domum irrumpere, & ibi ad contumacissimi pedes abiectæ infinitarum precum ac lachrymarum strepitu constitutæ crudelitatis propositum expugnarunt. Sed Caruaial id concessæ miseris vitæ beneficiū suo pudori & mulierū causæ ita donauit, ut, quum in fœmineum fletum irrumpere, & iacentes eiulantesq; respuere, (quod

Memorandum muliebris impotentiae exemplū.

LEVI. APOL. GAND. DE

(quod ne Barbarus sustineat) infame sibi ac turpe indecorumq; existimaret, horumq; exemplo cæteris similem audaciam ressecandam diceret, vt, inquam, exilij, ereptorumq; seruorum pœna miserabiles elabi non possent. Post hæc, corrasis ab his quinque aureorum millibus, Trugillum petijt, passim ingētem pecuniæ vim exigens, non ærarijs modo, sed etiam templis interdum sacrilega manu spoliatis, & priuatim omnibus coactis aurum argentumq; in publicum conferre. Perlibenter huic etiam vrbi suæ crudelitatis monumentum Melchioris Verdugi cade relinqui volebat, quem ante alios maximè cupiebat vindicatum, quòd ille perpetuo Velæ studio atque obseruantia lōgè alios omnes præiret: verū nec illi tanta amentia fuit, vt infestissimi hostis aduentum ad certissimam & crudelissimam pœnam expectaret, ideoq; maturè in Cassamalcanum agrum proximum secedens, festinantē, & vno animo Centenum petentem, Caruaialem deuittauit. Trugillo Regium est peruentum, atque hinc petitum Vamantiacum. Ibi morante Caruaiale, Regij Franciscus Giro, Ioānes Velascus, Franciscus

Melchior
Verdugus
Caruaia-
lis aduen-
tam fugit.

ciscus Gusmannus; & Franciscus Rodoricus comprehensi sunt, & magno inflictorum tormentorum excruciatu inita in Laurentij Aldanij Præfeti cædem, inuehendumq; ubi tumultum conspirationis confessio est expressa, ac post exiguam aliquot dierum moram Giro suffocatus est. Velasco manu præcisa vitæ indulgentiam multorum deprecatio impetrauit, reliquis quanquam eadem clementia contingeret, ita tamen horribili tormentorum vexatione fracti contusiq; sunt artus, ut perpetua paralyti debiles, membrorumq; apoplexia enerues corporis vsum per omnem vitam miserabiles deperderent. Petrus Manzarrus, qui coniuratorum caput erat, in præsentia quidē se fuga in altos montes expedit, sed in posterū tamē post diuturnas latebras in Conjaluanorum manus deueniens, non sero destinati suspendij supplicium subiit. Petro Martino forenfi Prætori suspicio insidebat, quod ijs etiam Ducibus, qui Caruaialem sequebantur, aliquid societatis cum ea conspiratione clam subesset, ideoq; Franciscum Gusmannum inter tormenta rogabat, num cum eo instituto nihil quicquam

Conspiratio in Aldaniū detecta & conspirantium poena.

Petrus A-
quirra &
alii quin-
que inno-
center su-
spensi.

quam cōmercij ac cognitionis Peruchio A-
quirra intercederet, is cito cruciatu perfun-
gi festinans, tum id confitebatur, postea ex-
emptus, id prae pœna abs se agnitum dixit.
Sed id dictum vi expressum tantū apud Ty-
rannicā ingenia valuit, vt, simulac res a
Caruaialem fuit perscripta, nulla accurre-
tione solidioreq; habita quæstione Aquirra
& quinque alijs, frustra omnibus contrā cla-
mantibus, & reis suam innocentiam in ipsi-
scalis solenni protestatione profitentibus, la-
quei mors irrevocabili conceptu imposita ad
insigne Tyranni scandalum fuerit subeun-
da. His vixdum sopitis rebus, ad Caruaia-
lem perlatum est Didacum Centenum præ-
lium defugientem cessisse Alphonso Toro, &
Casabindam retrogressum: quamobrem non
necessariā maximi & longissimi laboris pro-
fectionem adeundam iudicans, Regium est
reuersus. Tacita enim eius animo formido
insidebat de Toro, cum quo longas simulta-
tes non obscura imperij obtrectatione gesse-
rat, quem, si in Centenum pergeret, vindican-
dæ simultati, & iræ satiandæ explendæ cu-
pidini, ad se vel insigni ignominia, vel ipsius
salutis

Carnaialis
& Tori si-
multas.

salutis inextricabili periculo onerandū minime defuturum putabat: neque verò adeo famæ suæ erat ignarus, ut inuisa Tyrannide alienatos à se suorum militum animos, inuitosq̃ sequi, & vel ad omnem leuissimam causam molestos fore nequaquam intelligeret, prospiceretq̃ sibi magni discriminis bellanti rem futuram, & cum hoste, & cum militibus proprijs, & cum Toro vndique conflictari. Ergo Regium reuersus ut in urbem venit, diuerso rumore longè rem se secus habere cognouit, rediisse Centenum, & regrediuntem Torum multis in tergo captis insigni detrimento affecisse. Ad eam famam Arecupiam accessit, inde in Charcantes profecturus, quum talia meditantem per literas Cusconica ciuitas obsecrauit, ut accedere non grauaretur, & eam urbem (quæ non sine magno amplissimæ gloriæ fructu egregium & laudatum aliquādo ciuem habuisset) illo dedignari honore non vellet, ut nobilem professionem inde susciperet, insigni cū laude proptedem & magno vulgi applausu egregius ac præstans victor excipiendus. Hæc inuicendi humanitas non diu ciuitati leta fuit

Z Tori

Cusconicæ
Caruaialē
ad se inui-
tant.

Tori caussa. Is enim inimicissimum sibi hominem aduocari, & à Pizarro sibi multa fœlicitate bellum gerenti summissum esse indignatus, perlibenter vindicando dolori occasionem dari volebat, sed interim ægrotantis animi affectum callidæ ostentationis artificio simulabat, quanquam non ita frontem & linguam contrahere poterat, quin improvisò euolante interdum iniquiore dicto ægritudinis conceptæ suspicio multis subolesceret. Igitur Caruaiale aduentante ciues armatos & veluti in pugnam euntes instructos adesse iubet, atque egressus recta in valle (quæ transeunda Caruaiali erat) consedit, in hanc expectationem intentus, vt se aggrediunte aliquo tumultu iniecto ad cogitatæ rei euentum negocium traheretur. At Caruaial his omnibus probè cognitis non dubius, quin hæc ab insidioso animo ad aliquã expediundi doli fortunam parata essent, rem tamen & ipse simulanter premens Sclopettarios onerare Sclopetta iubet, dein intentè ordinata acie pergit. In vallem vt ventum est, è latere Torus se inopinatò intulit, sed neminem moueri conspicatus eum hostilem aggressum in
repenti-

Torus Car
uaiali insi
dias struit.

repentinam salutandi carimoniam conuer-
 tit, & Caruaia satis & ipse vaser tempori
 benè seruiebat. In urbem introductus paucos
 post dies nullo verbo ad Torum habito vo-
 catos ex familiaribus ipsius Principes ali-
 quot necauit, quo facinore incredibili doloris
 insania Torum pupugit. Tum adhuc Qui-
 tone sedebat Consalius de Vela Proregis
 instituto incertus, nec quicquam de ipso co-
 gnoscere aliud poterat, quàm quod inanis fa-
 ma ferret, aut longè inaniore hominum con-
 iecturae persuadebant: quidam in Hispaniam
 reditum dicebant, alij queta in sede Po-
 pæana Cæsaris cōstitutionem præstolaturū,
 plurimi ad Terram firmam aduolaturum
 asseriebant, vt itinera intercluderet, & vi-
 res fractas instauraret. Ad hanc postremam
 opinionē facile sua suspicione inclinabat Con-
 salius, ideoq; Ducum etiam suasu optimum
 factu ducebat, occupata Terræ firmæ Pro-
 uincia, vtcunque Cæsarei iudicij euentus ca-
 deret, itinerum facultates in manu habere.
 Commodum ad hanc rem paulò ante Baxico-
 uus Panamaide cum trecentis peruenerat,
 & quia is infanda crudelitate isthic rebus

Polyphi mē-
 αλωπεχί
 (ειν πρὸς
 ἑτέραν α-
 λωπεχα
 cum vulpe
 vulpinan-
 dum.

Consalua
 norum de
 Vela Pro-
 rege opi-
 niones.

LEVI. APOL. GAND. DE

conturbatis indigenarum voluntates, sicuti
dictum est, ab Consaluiano nomine auerte-
rat, Pizarrus trecentos hos & classem om-
nem mitioris ingenij & ad alliciendos homi-
nes commodioris lenitatis viro Petro Hino-
sa attribuit, eumq; imprimis Bonauentura-
num luitus & D. Ioannis amnem incurfare,
& ipsum deniq; Isthmum cum Panamaide
atque Theonyma occupare iubet. Hinosam,
non longas varijs moliminibus moras ne-
stans, breui Veterem Portum peruenit, vnde
Rodoricum Caruaialem cum literis Consal-
ui Panamaidem ad quosdā Principes dan-
dis myoparome mittit. In his ille blandissi-
mam fallaciæ escam protrudens hortabatur,
vt fidei & beneuolentiæ constantiam in Con-
saluianum nomen reseruarent, ac rem suam
sincera fiduciæ perpetuitate pro virili proue-
herent, cuius studij gratitudinem remunera-
tionemq; perspicua declaratione intellectu-
ros: Non autem sine magno luctu audijsse
se, quæ iampridem furciferi hominis diri-
tate inflicta crudelitatis atq; furtorum dam-
na & clades pertulissent, id profectò maximè
ab sua voluntate fuisse auersum, Tiadam
dunta-

Petrus Hi-
nosam classi
Consalui-
anæ præsi-
ditur.

Fallaces ad
Panama-
tas Consal-
ui literæ.

duntaxat exponi volente, & ad eam bono
indicio declarandam, propterea, vt iniuria
affectis erepta penitus compensarentur, Hi-
nosam cum magna pecuniæ vi sese mittere,
atq; is, quanquam armatos etiam in classe
contineat, fieri tamen non violandi ipsos
caussa, quod impiè Baxicouus fecisset, sed
defensionis gratia aduersus Velam, quem
isthic per certos homines in autorare milites
fama iactetur. Cum his literis Rodoricus di-
missus Anconem vbi venit (oppidulum id est
non procul Panamaide) ex rusticanis cogno-
uit Ioannem Gusmannum & Ioannem Il-
lanesium, Velanos Duces, in vicino agro mi-
litum delectum habere, & ferro vel urbem
occupaturos, vel Popæanam ad Velam cum
militibus contractis profecturos. Rodoricus
satis periculi sui, & deploratæ ad quid impe-
trandum spei gnarus, si morando inutiliter
tempus transigeret, expeditum statim mili-
tem cum literis ad urbem clā mittit. Is adhi-
bita, qua posset, celeritate contendens, vbi li-
teras ciuibus tradidit, easdē illi ad Senatum
detulere, cuius iussu tabellio comprehenditur,
& minis metuque ab eo rei veræ narratio

Tabellio ab
Panamai-
tis compre-
henditur.

extorquetur. Per hunc cognito *Hinosæ* ad-
 uentu ad arma modò discursum est, missæq;
liburnicæ duæ ad *Rodorigi myoparonē* ex-
 pugnandam & capiendam: sed hic ea tabellio-
 nis cunctatione idipsum, quod acciderat, suspi-
 catus ad insulas *Parolenias*, littori *Bona-*
uenturano obiectas, *Hinosam* expectaturus
 sese recepit. Is cum decem delectis nauibus
 breui ad *Bonauenturam* appulit, eo consi-
 lio, vt rumusculum quempiam de *Velæ* cona-
 tibus venaretur, & repertas fortè naues ca-
 peret, omnemque ea ex regione, quæ ad *Ve-*
lam Popæanam ducebat, nauigandi facul-
 tatem tolleret. Ibi ex captiuis, quos exultan-
 tes in continentem milites adduxerant, re-
 latum est *Velam*, *Popæanæ* adhuc ver-
 santem, enixissimè viribus reparandis ela-
 borare, & in intimam *Prouinciam* bellum
 vertere meditari, ac, quum *Illanesius*, at-
 que *Gusmannus* mediocrem manum attra-
 xisse constaret, statuisse *Velam Nonnium*
 fratrem cum *Ducibus* aliquot *Panamaidem*
 ablegare, vt finis tandem conscribendi es-
 set, & maiori authoritate reliquum nego-
 cium administraretur, ac conscripti ad *Ve-*
lam

Hinosæ con-
 filij *Velæ*
 ex capti-
 uis fit cer-
 tior.

lam primo quoque tempore adducerentur:
 dedisse eam ob rem illi pecuniam omnem ex
 Cæsareo fisco alijsq; bonis contractam, & pue
 rum etiam Consalui nothum, vt eundem ma^{Consaluz}
 le mulctatū conspicatus negociator quispiam^{nothus.}
 ad promerendum parentis beneficium emer-
 caretur: cum verò Baxicouum omnia na-
 uigia abstraxisse non dubitaret, iussisse per
 indigenas seruos ad ædificandam celocem pi-
 cem, stuppam, ligna, omnemq; materiam ac-
 commodā ad portum cōportari, vt extructo
 & remulco in æquor nauigio protracto Nō-
 nius iamdudum Popæna digressus, & vni-
 us vix diei itinere adhuc absens quampri-
 mum Panamaidem adueheretur. Hinosæ
 his perceptis letus, & veluti in sinu ridens,
 ilico duplicem militum manum diuersis vijs
 emittit, & ductante illo, qui hæc enarra-
 rat, vna Nonnius, altera Rodoricus Nonnius
 Mexia & Saiauedra Pixarriperum no-^{Vel fra-}
 thum adducentes vterque magna cum saluianis^{ter ab Con}
 auri vi in potestatem deuenerūt, & ad clas-^{per insidi-}
 sem vnā cū captiuis cæteris magno Hinosæ^{as capitur.}
 gaudio sunt perducti. Hinc rectā Panamai-
 dē contendenti occurrit è Parolenijs insulis

LEVI. APOL. GAND. DE

Panamai-
ta aduer-
sus Hino-
sam arma
epiunt.

Rodoricus Caruaial, & vrbani adhuc sta-
tus ignarum monuit, vt intentiore cura &
ordine ad vim refutandam expeditus adue-
heretur, atq; ita Anconem peruentum est. In
vrbe interea iam dudum, quod ad hostē prohi-
bendum, & se defendendum opus erat, sedulo
præparabatur, erantq; armatorum amplius
quingenti, sed inter hos mercatores ac mæcha-
nici tantæ ad res bellicas ruditis ineptiæq;
homines, vt multi Sclopetta exonerare nesci-
rent, plurimi iaculaturi manibus trepida-
bundis ignescentes funiculos pulueri admo-
uerent, atq; omnes ab pugnandi voluntate
planè abhorrerent. Existimabant enim non
modo nulli futurum fraudi, sed ingenti bono-
cessurum, si Peruuinis viatoribus præbere-
tur accessus, ex quo mercatores opimiorē tū
negotiatione ingens lucrum sibi spondebant,
mæchanici suis quoque negocijs permagnum
incrementum ab eo frequente hominum com-
mercio ac comæatione accessurum sperabāt:
eosque imprimis, qui exercitatione argenta-
ria egregiè locupletes, passim per Peruuinas
vrbes eius exercitij societates & (vti vo-
cant) musæa habebant, summus metus in-
cesserat,

cesserat, ne Consalius, quando suis aditum
denegatum accepisset, ea ad contumeliā vin-
dicādam cum supremo suarum fortunarum
detrimento spoliaret atq; euerteret. His Pe-
trus Casofius Isthmi Præfectus, quos Theo-
nymæ & vicinis in agris rapere poterat, Pa-
namaidem adductos iunxerat, sub quo præ-
ter Velanos Duces Gusmannum atque Illa-
nesium, insignes aliquot & illustres viri mi-
litabāt, singularibus sub vexillis milites abs
se conductos ducentes. Hi sociati omnes, au-
dito Hinosæ aduentu, ad prohibendos exitu
descendere è nauib; volentes vrbe sunt e-
gressi. Hinosæ probè urbani status ab Ro-
dorico Caruaiale edoctus, Ancone duobus ab
Panamaide passuum millibus exposuerat mi-
lites, & eosdem instructos secundū littus du-
cebat, actuarijs nauigijs sequi iussis, vt in
inuadentes hostes tormenta statim displode-
rent, relictisq; apud naues maiores militibus
quingenta mādarat, vt ad prælij inchoa-
ti sensum Nonnium cum suis strangularēt.
Casofius, & ipse numero magis, quam virtu-
te suorum, confisus, ad præliandum eodē gra-
du propinquabat: iamq; intra oculos & te-

Panamai-
te in Hino-
sam egre-
diuntur.

Hinosæ in
Panamai-
tas acie pro-
greditur.

L 5 lorum

Pugnam
imminen-
tem inter-
currentes
sacraei im-
pediunt.

lorum iactum penè peruentum erat, quū sa-
crati sacris indumentis signisq^{ue} venerabiles
inter vtrosque ab vrbe concurrunt (quod ab
muliebri sexu factum aliquando Romanæ
historiæ meminerunt) & verbera spirantes
molliendo impetrāt, vt pugna dilata ratio-
ni ac colloquio locus antè daretur. Tum, in-
ducijs constitutis & fide accepta, ad collo-
quium in medium Balthasar Castilianus ab
Hinosā missus, & Petrus Cabrerius (quem
ab Vela intra Panamaidē fuisse proscriptum
diximus) vrbis nomine prodierūt. Ibi Casti-
lianus prolixè cōmemorat planè nescire, &
planè nulla cōiectura assequi Hinosam pos-
se, qua ratione inducti se oēs veniētes oppu-
gnare & eicere vellēt, quādo ex missis literis
sat ipsis iam pridē confirmatū scirent, nō præ-
dandi, aut aliqua belli inhonestæque licen-
tiæ iniuria quenquam violandi causā se
venisse, sed missum ab Consaluo Hinosam
ad faciendā rerum ereptarum detrimēta, &
diluendam liberali remuneratione impoten-
tis Baxiconi noxā adesse, quē prius non la-
cessiti ad irā prouocare ecquid æquitatis esse?
Præter dictā causā non aliā subesse aduen-
tus

tus sui, quā vt Velā inquirerent, & turban-
tē omnia inquietūq; hominē in Hispaniā, eò
ab Ephoris iampridē destinatū, abire cōpelle-
rēt: quē si isthic nusquā inuenirēt, non aliud
constitutū habere, quā vt, naubus refectis,
necessarijsq; cibis comparatis, abirent: igitur,
si quid adhuc in ipsis prudentiæ superesset,
temerario ausu non cādes, nō verbera quæ-
rerent, alioqui eò necessitatis adacto Hino-
sa illa tūc pro sui ac Imperatoris nomine fa-
ciunda relinqui, quæ ad se defendendū & pu-
niendum rebelles honestas, et Consalvi impe-
rium exprimeret. Ad ea respondens Cabre-
rius Pizarri iniquitatē ostendit, quantum-
uis enim legitimo iure Peruvina Prouinciæ
administrationem atq; imperium obtineret
(veluti ipsi iactarent) periniquē tamen Hi-
nosam hunc cū armatis in Isthmū misisse in
quē nullū vel quæsi iuris colorē obtendere
posset: præterea admissi iāpridem Baxicoui
atrocissimā immanitatē fecisse, cur ipsorum
scriptis pollicitisq; nullā fidē haberent. Hæc
interfati quū esset, res demū his cōditionibus
ad transactionē perducta est, vt continente, Panamai-
tæ cum Hi
& vrbe frui Hinosā dies triginta, et milites nosā paci-
scimur.
quin-

LEVI. APOL. GAND. DE

Hinosfa Pa
namaidem
inrat &
Velanos ad
se trahens
callidè Isth
mum occu
pat.

quingenta ad sui præsidium assumere
posset, reliqui ad Parolenias insulas retroce
derent, & materiam isthuc ad naues reficien
das conferrent: dein Hinosfa, absoluto trigin
ta dierum spacio, quamprimum Isthmo exce
dens in Peruuiam nauigaret. Hac pace con
fecta, urbem cum designato præsidio Hino
sa intrauit, & paucos post dies admirabili
versutia omnes Velanos milites in suas par
tes traduxit. Nam cibaria ac potum qui
busq; præbens, & omnes, qui vellent, lussibus
commercijsq; suorum indulgere patiens, cun
ctis cum se ex æquo affabilem, comem, ac be
neuolum præstaret, hac benignitate permoti
milites, qui in aciem aduersus ipsum prodie
rant, ad illum transferunt: quamobrem ho
minis potentiam inualescere & confirmari
in dies Velani Duces conspicati, nec eā igna
ri ad solidi imperij iacienda fundamenta a
strui, seq; ob id nudos inimico cōmittere non
audentes, vbi sensim cōditiones velli & in
fringi seq; deferi sensere, Theonymam profu
gerunt: sed inter hos retractus ex fuga Io
annes Illanesius Consaluiano nomini sese
addixit. Ita nullo impediēte, Hinosfa in Isth
mo

mo permansit, viribus augendis inuigilans: sed nulli molestus aut iniuriosus, hostium etiam Duces, si se modestos præberent, haud il liberaliter aut morosè complectens: pauloq; post Petrū Cabrerium & Ferdinandū Mexiam misit Theonymam, vt isthic perlatorum scriptorum nunciorumque rumores, ex Hispania affluentes aucuparetur. Hæc molientem diuersa sollicitudo cæpit. Melchior Verdugus, cuius suprâ mentionem fecimus, vbi de Caruaialis discessu certò percepisset, Trugillum reuerterat, vnde ad fugiendam illius venientis immanitatem, in Cassamalcanum agrum secessisse suprâ demonstraui-
mus, & isthic appositum pari dolore Consaluo gratiæ remetiendæ tempus quærens, occultè in ædibus suis (habebat autē nobilium ritu magnificas) milites ad se trahere, pecuniam comparare, Sclopetta, compedes, catenas & ferrea id genus vincula per certos fabros clam cudere cæpit. Tum forte Regio nauigium deuectum in portum appulerat, cuius magistrum ad se vocatum horrido et caliginoso conclauis includit, quod eum in euentum edificandum curarat: inde pedibus obuinctis, veluti

Admira-
bilis Mel-
chioris Ver-
dugi astus.

veluti podagra laborabundus, (vti frequen-
ter tenebatur eadem) ad prominentem in pla-
teas fenestellam se componēs, Prætores Iu-
dicesq̃, qui circiter indies commeare solebāt,
rogabat, vt cū ipse per morbū descēdere non
posset, ad se ascendere colloquij caussa non
grauarētur; eaq̃ ratione intra limina pelle-
ctos apud nauiculatorem compedibus stri-
ctos iubebat condi. Hac arte amplius vi-
ginti in vincula pertractis, qui Consalua-
ni nominis præcipui erant, extra domum re-
pentinus procurrat, & magno clamore re-
gium nomen ingeminans ad forum conten-
dit, & ad nouanda studia excutiendumq̃ue
Pizarrina iniquitatis iugum, omnes percel-
lere nititur, attractisque quibusdam ad ca-
ptiuos intus accedens his animi sui institu-
tum detegit, grauissimè de ipsorum perfidia
expostulat, quòd priuato homini adiurati,
qui per vim & nefas omnē Prouinciam in-
uasisset, regij iuris ac nominis rationem
proderent: idcirco minis terrefactos ingen-
tem pecuniæ summam sibi Maiestatem tuen-
ti expendere iubet; quandoquidem Consaluo
permagnas sæpe iterumq̃ue persoluissent.
Cum

Cum metu nemo recusaret, imperata cum
 nauiculatore transigens, apparatu omni &
 ipsis captiuis omnibus carpentis ad littus
 aduectis, in nauem conscendit, propere-
 que abiens Bonauenturanum portum pete-
 bat, in itinereque holcadem præda Isth-
 miaca Baxicour onustam deprehendit: sed
 veritus ne ea via contendenti Consaluziana
 classis occurreret, de qua nihil certum ha-
 bebat, ad Nicaraguana Prouinciæ littus
 substitit, & inde in continentem egrediens,
 Gratiā, vbi iurisdictionis sedes tum e-
 rat, profectus est. Ibi multis precibus ab
 Ephoris Præsidesque impetrat, vt sibi pro
 Maiestatis iure in Tyrannos bellaturo ip-
 sorum militum, ac præfectorum opera accom-
 modaretur. Impetrato ad eam rem publici
 consensus diplomate, & misso insuper Rami-
 rio Alarcone idipsum iubendi causa, Ver-
 dugus breui ad centum viros contraxit: re-
 busque omnibus diligenter exploratis, audiens
 Hinofam cum præsidio vniuerso Panamai-
 de versari, Theonymam verò à paucis tene-
 ri, eò, quòd id maximè ab hostiū expectatio-
 ne alienum videbatur futurū, accelerat, per
 lacum-

Verdugus
 Isthmum
 Consaluziana
 nis eripere
 intendit.

LEVR APOL. GAND. DE

Verdugus
Theonymā
occupat.

Aedes op-
pugnantur.

lacumq³, Nicaraguanum in Occidentale O-
ceanum delatus ex captiuis quibusdā, quos
cum nauigio quodam cœperat, quid Pana-
maide, quid Theonymæ gereretur, quī isthic,
quī hic Duces agerent, omnia luculentius co-
gnouit. Celeriter ergo in occasione aduolan-
dum ratus, cum militibus media nocte in lit-
tus excedit, & vnum ex captiuis Ducem
sequutus in urbē peruenit, nec excitato ad-
huc tumultu, rectā ad Ioannis Sabalij ædes
pergit: in quibus hospitio excepti erant Hi-
nosani Duces Cabrerius & Mexia. Ibi per-
vim irrumpere paranti ab prætorianis mili-
tibus egregiè repugnatum est; ac, primis re-
pulsis, tantisper defensæ sunt ædes, dum vir-
tutis locus esset. Verdugani, vbi maiore vim
contrā, ac rati erant, resistendo contendere vi-
derunt, tecta facibus illatis succendunt; nec,
vti id primo sentiri non poterat, pugnae ar-
dor deferbuit, diuque concitatus stetit, & eò
concitator, quo crescente flamma Hinosa-
norum crescebat periculum. Tum demū, vbi
proserpens ignis laquearia lambere inciperet,
deciderentq³ in pugnantium capita fauillæ
& ardentes titrones, Cabrerius & Mexia

aut

aut moriendum, aut sanguineo furore erum-
pendum conspicati, per flammās virosq; præ-
senti animo prorumpūt, noctisq; tenebris con-
tecti Panamaidem celerrimè refugerunt, &
Hinosā, quid accidisset, renunciarunt. Fa-
cilè tum clades, tum ignominia, tum ipsa bel-
li ratio, ne hostem ijs in finibus augescere,
& commodissimum omnium portum obti-
neri pateretur, permouerunt Hinosam tum
ad Verdugum eijciendum, tum ad omne Ve-
læ exterminandum nomē, vt id in summam
curam cogitationemq; reciperet. Sed, vt ho-
nesto velamine res ageretur, ciues Theony-
mensēs quosdam subornat, qui ciuitatis no-
mine Riuerium præfectum adirent, & ca-
lumnias in Verdugum ementientes, (nempe
vti pecuniam omnibus extorqueret, Iudi-
ces ac Præfectos in vincula cōijceret, & mul-
ta improbæ confidentiæ argumenta propo-
neret) ab eodem ipsius auxilium atque opem
aduersus hominem perniciosum flagitarent.
Riuerius his fidem habens, quū eam ad rem
Hinosā suos aliquot illi milites deferret, ac-
cepto ab ipsis sacramento Panamaide Theo-
nymā properauit. Verdugus rem festina ex-
ploratio-

Hinosā cal-
lide sibi
Theonymæ
Præfectum
aduersus
Verdugum
asciscit.

A a ploratio-

ploratione intelligens forum capit, & ibi,
 quod reliquum erat, acie instructa & ciui-
 bus adiunctis peragere cōstituit: postea tamē
 veritus, ne in medio iam pugnae feruore, op-
 pidani in vicinas domos secedētes se nudum
 desererent, & ipse tum circumclusus in inex-
 tricabile aut receptu effugioq; difficile disci-
 men perueniret, melius duxit, foris pari tum
 suorum aequitate iniquitateq; dimicare. Igi-
 tur, educto & suo et oppidanorum agmine,
 iuxta littus aequo in loco constitit; & ipse
 interim appropinquarat Hinosa. Tum, e-
 missis utrinque telis, mutuò incursum fuit,
 usque adeo acri inuectione, ut ad primū con-
 gressum multi viri fortes & nobiles aliquot
 ex Theonymensibus interfecti caderent. Id
 primum oppidanos percussit, pugnandi pro-
 fundendiq; sanguinis conspectui insuetos: de-
 inde, ubi Riuerium ab hostium partibus sta-
 re sentientes non vitæ modo in præsentia,
 sed in posterum fortunarum etiam pericu-
 lum, eo quod in suum Prætorē Præfectumq;
 acie pugnarent, se subiisse viderunt, in proxi-
 ma littora gradum retrahētes secessere: de-
 inde, cum milites terrere ac retinere abeun-

Pugna ad
 Theonymā
 Hinose cū
 Verdugo.

tes

res vellent, hostili vi & intestino etiam dis-
 sidio conuulsi sunt ordines: ab hostibus victo-
 riæ clamor attollitur: Verdugani varias in
 partes diffugiunt, & ad littus præcipites de-
 scendere conantur, pauci intenta aliò fuga
 per auias & inaccessas rupes euadunt; ipse
 Verdugus satis trepidè ad naues se proripit, ^{Hinosa vi}
 quæ nisi littori appulsæ trepidos accepissent, ^{etoria &}
 superfuisset fugæ aut pugnæ vix quisquam: ^{sedda Ver-}
 & ibi etiam sat trepidatū ac tumultuatū ^{duganorū}
 fuit, dum nautæ, ne hostes cum suis simul ir- ^{fuga ac tre-}
 rumperent, trahunt scalas orasque; milites ^{pidatio.}
 item certatim pro se quisque primum in eas e-
 uadere contenderent: multi insuper nauibus
 adnantes profundo mari immersi, incerto
 præ timore quid aut peterent, aut vitarent,
 fœdissimè interierunt. Ab ea Verdugi cla-
 de, quicquid turbatum erat, subita tranquil-
 litate resedit, pacataq; Repub. eosdem Du-
 ces cum maiore præsidio vrbi relinquentes,
 Hinosa atque Riuerius Panamaidem, vt
 isthic Cæsaris mandata quietè expectarent,
 redierunt. Interea Caruaial, paucis diebus
 Cuscone transactis, in Centenum progredi
 cœpit, et per Collaones ad Pariam regionem, ^{Caruaial}
 in Centenū

LEVI. APOL. GAND. DE

quo cesserat Centenus, iter habebat. Trecenti circiter erant, qui abeuntem comitabantur, sed inuiti & per vim tracti: quare hæc multorum erat opinio, ut ab suis in itinere proderetur; quando, præterquam quod militum stipendijs non satisfaceret, crudele ingenium, immanem indolem, inhumanos mores ferre vix quisquam iam posset. Sed has omnium voces, vel ad se delatas, astuta aure Caruaial trans mittebat, ne ullius dubitationis præstitæ argumento nutantes confirmaret commoueretq; sed constantis animi, & stabilis fidiq; vultus præsentia metu ac terrore susurrantes ab aliquo incepto compri meret. Vbi castra castris contulit, misit Centenus, qui Caruaiali denuntiarent, si ad Maiestatis tuendum nomen dare se vellet, ipsum se habiturum amicum, & in quibuslibet bel lis fidißimum adiutorem; sin, qua venisset, mente cœpta continuare statuisset, pugnam extemplo pararet. Caruaial ea magno cachinno verba excepit, statimq; colloquiũ te lis interiectis interruptũ est, plerisque etiam cum læthalibus pilulis etiã conuicia & pro bra interiaculantibus. Tum nil cunctatus

Carua-

Centeni ad
Caruaialẽ
legati.

Caruaial acie parata in Centenū rectā procedit: & illi etiam, quod equitum numero abundaret, & superiore in Torum victoria factus esset animatior, non alia sententia stabat, quā ut eo die rem praelio definiret; sed huic obstabant Argyropolitani, qui, audita cognitaq; militum in Ducem ab alienatione atque infidelitate & offenso affectu, sperabant rē, deserto Caruaiale, sine praelio conficere, & ob id minimē dubiam pugnae fortunam experiundam sentiebant: quibus Centenus morē gerens ex eo loco quindecim passuum millia abscessit, acerrimē instante Caruaiale, & veluti cedentium calces propē calcante; castra etiam, quā fieri poterat, proximē apponebat; & ea nocte imprimis diligentissimas fidiſsimorum quorumq; vigilias constituit, & vniuersam etiam aciem instructis in ordinibus continuit, neminem exire passus; quanquam Centeniani Sclopettarij laceſſentes mirum in modum molesti essent. Acis Caruaialis in Centenum inſequutio

Postridie Centenus versus Collaones properans, decem passuum millia confecit; & pari festinatione non procul semper tergis aberat Caruaial, quendam etiam fatigatione subsistere

Aa 3

LEVI. APOL. GAND. DE

stere ausum suspendi iussit, eodem supplicij genere se affecturum adiurans, quos pigritia tale quid audentes deprehenderet. Sequentibus diebus eadem fuit semper & cedentium & insequentium celeritas: iamq; Centeniani fessi & euadere diffidentes passim dilabi, clā fugere, Ducem deserere; quū Caruaial, quoscunq; consequeretur, nulla spe veniæ laqueis strangularet. Centenus suorum consilia detestatus, quod se dimicare volentem importuna & exitiali dissuasione impedijissent, ubi se destitui sensim, & minui suos indies vidit, præmissis ad nauigium procurandū Ribba Nairio, quo se reliquæ saluti ac fugæ seruaret, Arecupiam iter intendit. Vix biduum isthic transactum erat, quum & ipse Caruaial adfuit: qua celeritate victus & occupatus Centenus, cæteris in quas vellent partes abire iussis, solus ipse in mōtes profugit; ubi profundo in antro ab vicinis Barbarorum Principibus, eius causæ mirificè studiosis, quotidie comportatis ad ipsum cibarijs secretissimè sustentatus tātisper delituit, dum, uti dicitur, ad Petri Gascae Præsidis aduentum, rebellante in Consaluum Prouincia, ani-

Centenus
diu in an-
tro delite-
scit.

animum ad sese erigendum viresq; instau-
 randas resumpserit. Caruaial in agro Are-
 cupiano de Centeni fuga cortior factus, vi-
 ginti Sclopettarios ad persequendū Lupum
 Mendocium misit; sed hic intentissima cele-
 ritatis industria ad Argyreū amnē euasit.
 Postridiē Caruaial vt Arcupiam venit, na-
 uem ad littus aduertit, quam Næirius ad
 Centeni fugam pararat; edoctusq; non modo
 in quem vsum parata esset, sed quam tesse-
 ram proposuisset Centenus nautis dandam,
 in spem nauigij potiundi venit: circiter secre-
 to in loco abditis viginti Sclopettarijs tesse-
 ram dedit, quam Næirius Centeni iussu da-
 tam ratus, lembo littori adnauigari, sed &
 fraudem aliquam præmetuēs, diligenter nau-
 tas prospicere iubet: ita præmoniti illi exce-
 dere prius nolebant, quam Centenum vide-
 rent: ac sic animaduerso dolo vela vētis dan-
 tes Nicaragnam cursum instituere. Caruaial
 ea spe frustratus Argyropolim, atque hinc
 Pariam concessit, vt inde in Lupum Men-
 docium bellum moueret. Is enim ad Argy-
 reum amnem perueniens Gabrielem Vermu-
 dam, cum centum viris descendente, sibi

adiunxerat; & ad Poconem quadraginta passuum millibus ab Argyropoli considerat. Antequam Paria discederet Caruaial, milites breui hortatione precatus est, ne se Ducem sequentes, cuius ductu tantarum victoriarum facti compotes nominis sui fama omnem Peruiam compleuissent, eum nunc insequi pigeret, quem semel fuscum & fugere compulsus, non modo non pati, sed iusto dolore indignari deberent; quod victus fugatusque homo inquietissimus cessare non posset, inuidiaque in se ac nocendi studio non prius cessaturus videretur, quam vltima vltione affectum e medio sustulissent. Se scire non sibi modo certam esse victoriam, sed hoc videre, quum Mendocium milites equosque auro radiantes in aciem esse producturum fama teneret, opulentissimam ipsorum manibus praedam parari; sibi quoque priuatim ex hostium Ducibus multos suam per literas operam venditasse: superesse laborem ac negocium ad victoriam nullum aliud, quam ut ad locum, in quo hostes versarentur, perueniret. Posthac, triginta adhuc in itinere comparatis, Poconem accessit; & castris positis, hostibus ab edito lo-

to loco se ostendit. Mendocius, hoste conspe- Caruaial
in Lupura
Mendociū.
cto, nullam instruenda aciei moram fecit; sa-
tisq; sciens omnē in equitibus victoriæ spem
esse, qui egregia virtutis & armaturæ erāt,
cum his, relictis in planicie cum magna ar-
genti auriq; vi impedimentis, aduersus ho-
stem processit, non longiore hortatione om-
nes admonens, quā ut meminissent se pro
iure & æquitate in infamē & omni turpitu-
dine obsitum Tyrannum pugnatu-
ros, quem, non aliud vereri se, quā ut illum prius tol-
lāt accedant sui, quā ad manus veniatur;
se verò omnes in eum coniectos locum, unde
cum salutis spe extricari non possent, quan-
do captis explorata illam iamdudum crude-
litas hostium præciderit: Vincentibus verò
ea omnia breuissimo tēpore ac labore accessu-
ra, quæ, tot partis victorijs & vrbibus spo-
liatis acquisita, hostes attulerint. Cæterum
Caruaial, Mendocio castra mouente, diuersa
via ex edito loco in derelictam planiciem de-
scendit; vixq; dimiserat se agmen, quum om-
nes tumultuariē effusi ad impedimēta Men-
docij diripiēda conuolarūt: nec difficilis haud
dubiē victoria Mendocio extitisset, si in eo

LEVI. APOL. GAND. DE

temporis momento fuisset adortus. Verum
Caruaial tuba hostilis aduentus signum de-
dit, quo plerique ad signa redierunt, quan-
quam plurimi vel diripiendi ardore vel con-
texta diu fraude reuocari non possent. Mul-
ti enim Caruaiale licet praestantissima vir-
tutis & mirae felicitatis Ducem vehemen-
ter suspicerent, tamen, quod etiam post cla-
ras victorias operamque fortissime ac fidelissi-
me nauatam milites pessime accepisset, & sti-
pendijs defraudasset, maximo odio dirum in-
genium execrantes in eius caedem conspira-
rant; ipse etiam Secretorum Magister Pe-
trus Vendanius, cui maxime semper confide-
rat Caruaial, & suam salutem omnes me-
tuens commiserat (vti plerunque ij, qui ini-
quis Principibus intima familiaritate, &
maxima fiducia praestanda specie sunt con-
iuncti, infidissimi omnium, & primi ad eo-
rum perniciem proditores reperiuntur) per
Barbaros quospiam Hispanicae linguae gna-
ros Mendocio conspiracyonem detexerat, si-
mulque monuerat, vt proxima nocte castra
aggrederetur. Erant hac in ea planicie, quam
ab Mendocio relictam Caruaialem occupas-
se di-

Conspiratio
in Caruaia-
lem.

se diximus, quæ muro & portis etiam cinge-
batur, ad quas certas & maximè fidas sta-
tiones Caruaial collocarat. Ad has Mendo-
cius, non dubiè occulta prodicione fretus, den-
sis iam altæ noctis tenebris cum equitibus pe-
ditibusq; subiit; ibi, magno tumultu incusso
vehemens inter stationarios subarsit pugna,
qui Mendocianos fideliter fortiterque exce-
ptos, & vi introire moliunt, ut aciei in-
struendæ spaciū relinqueretur, constantissi-
mè repellebāt. Primo statim tumultu, ac cre-
pitantium Sclopettorum boatu totis castris
currendo & armis expediundis vehementer
tumultuatum est; excire alij iacentes proxi-
mos; alij, ut cuique virtus, fides, & arma
in promptu erant, quo clamor ferebat, cursu
ferri: nec inter coniuratos deerant, qui diffu-
giendo, & passim castrorum ab hoste capto-
rum ululatum circumferendo alijs animos
dejicere, & ad celerem fugam impellere labo-
rabant. Caruaial magnitudine periculi pro-
pè attonitus, & occultam ferè fraudem suspi-
cans, sed animo satis intrepidus atq; cōstans,
in quancunq; partem discursat, & nomine
queng; veteranum inuocans, monens, & co-
hortans

Mendocius
castra Car
uaialis no
ctu oppu-
gnat.

LEVI. APOL. GAND. DE

hortans huc atque illuc fertur. Ibi cursan-
tem clamantēq, conspiciatus Vendanius Sclo-
pettario cuidam conspirationis socio demon-
strat, & in eum elibrare globum iubet, qui
ex obliquo tactū in alterius clunis toro icit.

Caruaial
ab suo Sclo-
pettario
vulnera-
tur.

Caruaial, vt se læsum, nec id vulnus ab hoste
profectum sensit, ne quem tumultum auge-
ret, dolorem pressit; & tacitè cum isthoc Ven-
danio (de quo nulla suspicio in mentem veni-
re poterat) seorsim se recipiens vile pallium
ac galerum, vt coniuratos habitu falleret,
induit, & ad pugnam reuertit. Vendanius
alterum Sclopettarium impulit, vt in illum
iacularetur; sed errante globo Caruaialem
constantissimè fortuna defendit, vt destina-
ta demum neci reseruaret. Ita Mendociani,
vbi multum diuq, nequicquam penetrare ten-
tassent, magno clamore et strepitu sese geren-
tes rogitantesq, nū viueret Caruaial, quum
non ore, sed telis ac læthalibus globis respon-
deretur, oppugnatione demum destiterunt.

Mendocia-
norū fuga.

Ab eo infælici euentu plæraque equitū pars,
dum per noctem tutò liceret, aufugit; & par-
tim prælio, partim fuga suorum Mēdocius
ad summam paucitatē reductus, ipse etiam
fugæ.

fugæ consilium cœpit, motisq; castris ad am-
nem infra Poconem fluentem properè con-
cessit; ubi Caruaial, qui celerantissimè ve-
stigijs institerat, fatigue, somno, ac lan-
guore sopitos vulneribusq; ægros consequu-
tus est, & eo in loco Mendocium ac Petrum ^{Mendocij}
Heredium securi percussit: auxiliare verò, ^{cædes.}
qui superstitēs erant, non modo in gratiā re-
cepit, sed cunctis arma exuiasq; reddidit, &
Aloisium Perdomium Alphonsumq; Camar-
gum, quod defossū ab Centeno argenti acer-
uum monstrassent, vita donauit: deinde
Argyropolim reuersus, literas per Prouin-
ciam de rebus gestis suis misit, & ab bellicis
curis ad coaceruandas congerendasq; immen-
sæ pecuniæ gazas animum studiaq; reiecit:
ad quam rem ipsa quoque fortuna miram be-
nignitatem auaro præbuit. Sunt enim per id
tempus ad Potosium fodinæ per Rolandum ^{Fodinæ ad}
Argyropolitānam repertæ, quæ argenti co- ^{Potosium}
pia cæteris, quæ per vniuersam Prouinciā ^{reperitæ.}
sunt, longè præstant; ad quas breui tãto fos-
sorum numero est confluxum, vt multæ ali-
bi sint desertæ, ab tantaq; hominum conue-
nientiū multitudine eò omnia caritatis per-
uenerint,

*Caruaialis
auaritia.*

*Altera in
Caruaia-
lem coniu-
ratis.*

*Crudele in
coniuratos
supplicium*

uenerint, vt frumenti, quod Maytium ab incolis vocari libro primo diximus, modius viginti aureis; Coca verò herbae, cuius itidē mirabilem naturam explicuimus, sacculus vix septuaginta florenis comparari posset. Ex his fodinis Caruaial vsq; adeo profundas diuitias breui hausit, vt breuissimo tempore noningenta aureorum millia accumularet: qua tamen fortunæ amplitudine adduci non potuit, vt in milites equitēsque, quorum opera tantis rerum successibus excreuisset, vllam inexhaustæ opulentiaē partem erogaret. Propterea, multis ea ingratitude concitatis, ab Aloisio Perdomio, & Alphonso Camargo, quos ab illo vita donatos fuisse modo diximus, & Didaco Luxanio alijsque ferè triginta in illum est coniuratum, facinusq; in certum diem destinarant, quo tum fortuito negocio impediti in alterum diem distulēre. Id spacium coniurationis indicium & salutem Caruaiali attulit: quapropter Principes Perdomium, Camargum, Orbanæum, & Balsametum articulatim discidit, reliquos æterno exilio addixit: & eius supplicij horrore omnes vsq; adeo contreruit
& ex-

& externatos reddidit, vt in posterum nemo
 eius facinoris quicquam auderet concipere;
 quando vel in suspicionem leuem duntaxat
 coniectis non minus, quā mortis supplicium,
 certissimè immineret; & indicantibus maxi-
 mis præmijs propositis, omnes eodem metu ac
 silentio correpti, & vel fratres fratribus, ac
 proximi cognatione coniunctis diffidentes,
 odia in Tyrannum concepta cum animo sup-
 primere, & ad commodiorem occasionem vin-
 dicandi flammeam cupidinem reseruare, ni-
 hil tutius cautiusq; iudicarent. Dum hæc a-
 pud Charcantes ab Caruaiale geruntur, bel-
 lumq; infelici Argyropolitānorū rebellione
 excitatum opprimitur, non dissimili arriden-
 tis fortunæ euentu in agro Quitonico res o-
 mnis contentioq; tandem cruēto fine Consal-
 uo composita atque extincta fuit. Ille enim
 eo circiter tempore, quo in Centenum tende-
 bat Caruaial, bellum adhuc cum Prorege
 integrum expeditè finiri cupiebat, tantisper
 nouandæ rebellionis causas alijs atque alijs
 fore prospiciens, dum ille in terris superesset,
 pro quo ius belli stare videbatur, quò sublato
 facile suaue ocium, & profundam imperij ac
 dignita-

Cōsalui ad
Velam eli-
ciendum
astutus.

Vela Popæ
anam egre
ditur &
Quitonem
iterum ten-
dit.

dignitatis tranquillitatē se consequuturum
sperabat, omnibus tum haud dubiè metu in
suas partes transituris, quibus vita eius ani-
mos & spem ad Maiestatis tuendum nomen
suggereret. Hac de re conspiciatus profugio
eius impeditum victoriæ plenæ cursum esse,
fraudem ad illū eliciendum excogitans (nam
adhuc Popæanæ sedebat) famam vulgavit,
se contra Centeni motus in Charcantes pro-
fecturū, deinde Petro Pulletio Quitoni cum
trecentis præposito, ut contra Velam primos
fines tueretur, & bellum inferentis primos
impetus exciperet, ab Prouinciaq. retunde-
ret, ipse cum delecto militum flore discessit.
Ea res per subornatos delatores ad Velam
celeriter defertur, & Pulletius Popæanam
ad familiares quosdam scriptas literas, in
quibus rem gestam declarabat, ita consultò
mittebat, ut in Velæ manus deuenirent. His
rebus ille adductus, quum iam pridem Ioan-
nis Illanesij & fratris Nonnij casu intelle-
cto, nullam alicunde opē speraret, simul Pul-
letij opprimendi auiditate raptus Popæana
relicta Quitonem iter flexit, et ab ea duode-
cim tantum passuum millibus ad Ottawal-
lim

lim castra posuit. Tum Consalvus, rem pro
voto obtinens, repente Quitonem redijt, &
magnum gestienti eius animo gaudiū ac vo-
luptas exarsit, quod rem eò pertractam vi-
deret, quo cupiditatem perpetua sollicitudo
verterat. Quid enim optatius fieri pōterat
insecurō, & novos semper rebellionum odio-
rumq; in se consurgentium rumores audien-
ti, & graviora in dies expectanti, Cæsarisq;
ante omnia sententiam metuenti, quam in-
certæ fortunæ ac liti colophonem prælio im-
poni, in quo, si vlla rerum gestarum & mili-
tū ratione spes bellicæ aestimari possunt, cer-
tiora omnia sibi, qualibet iniquiora Velæ oc-
currebant? Quid tot victoriarum nomen, &
inviictissimorum militum virtutem valitu-
ra in illum, quem toties acceptæ cladis, arre-
ptæ fugæ conscientia deterreret, semilaceræ
vires, imperiti Duces, pauci milites suis fa-
cerent penitus irridendum? parūmue ad con-
tinuanda virtutis cœpta, ad turpissimā ac-
cipiundæ ignominie labem vitandam futu-
ra æternis victoribus tot decora ante par-
ta, tot adiuncta immensarum diuitiarū in-
crementa, omnis deniq; desperatio devictorū

B b

apud

apud eum, qui ne suis quidem parcere, & sanguineas manus ab beneficientibus temperare nosset? iam verò in suum sanguinem tantos appetitus hausisset, ut toties fugatus, fusus, victus, elapsus, nudatus, cessare tamen nesciret; & indomitos adhuc spiritus gereret, malletq; ad vltimum vsque pereuntis vitæ halitum vniuersam Prouinciam æternis discordijs ac seditionibus interturbare, quàm se gubernatorem pati, & Prouinciæ Præfeturam imperiumq; obeuntē sustinere, quod sibi, si ius respiceretur, ex fraterna inuentione, victoriaq; sua etiam dextra semiparta deberetur. Talibus suggillationibus cum mirificam alacritatem Consaluis suis omnibus iniecisset, intelligens Velam ad amnem propinquum castris positis non duobus passuum millibus abesse, aciem eduxit. Equites erant centum triginta generis cataphracti, hastati trecenti quinquaginta, Sclopettarij ducenti, quibus præerāt Ioannes Acoftanus & Ioannes Vellæus Queuara, hastatos ducebat Ferdinandus Baxicouus, non tam peritiæ militaris nomine, quàm insigni crudelitate spectatus; equitibus aderant Pulletius & Gome-
tius

Consaluis
in Velam.

tius Aluaradus. Ipse Consalvus cum septua-
ginta delectissimi roboris equitibus circa
summum signum sese tenebat. Præter hos
Duces illi etiam militabat Benitus Sunare-
tius Caruaial, qui iampridem ab eo ad mor-
tis usq; articulum, uti dictum est, adactus,
in gratiam redierat, virtutisq; nomine ordi-
nem ac præfecturam aliquot militum acce-
perat. Castra castris ita collata sunt, ut con-
currentes velites iurgia telaq; inter se inter-
fererent. Vela autem per exploratores certior
factus, secreto anfractu hostes circumiri pos-
se, eorum tergis insilire expectato constituit;
& Barbarorum multitudine in castris reli-
cta, qui ignibus faciundis hostium oculos fal-
lerent, eo tramite, de quo fuerat edoctus, in-
tempesta nocte milites ducere pergit. Nec du-
bium erat, quin ad summæ rei victoriam id
plurimum expeditisset, quum Consalviani di-
spersi & rari iacerent, & omnis tormento-
rum vis in castra Vela vergeret; ipsi verò
equites, qui ad terga iacebant, dissoluto va-
gantes ordine, nihil quicquam ea in parte in-
festum aut hostile expectarent: sed callis, quò
pergere instituerat Vela, solo frequente at-

Benitus
Caruaial
apud Con-
salvum mi-
litat.

LEVI. APOL. GAND. DE

tritum non planè subactò vsque adeò difficilem & impenetrabilem festinantibus se præbuit, vt certam victoriam interpellarit, & illum oriente iam luce hosti ferè patefcentem ad Quitonem petendam deflecteret, vt eos, quicunque Maiestatis nomen profiteri vellent, sibi adiungeret. Consaluiani autem antecursores ad castra hostium procurstantes, vbi silentio animaduerso intrare non dubitarunt, ab Barbaris, quid gestum esset, edocti, rem ad Consaluum detulerunt. Is, vbi Quitonem Velam iter flexisse audiuit, subito eòdem properat, vt quamprimum quocunque in loco versaretur, prælio decertaret. Tum quoque Vela eò loci redactus, vnde nullo modo fugere posset, partim necessitate, partim suopte desiderio ad prælium animatus, ita ordinata acie excessit, vt equitatum Alphonsus Montemaior, Aluarus, atque Basanius in hostes ducerent, Sanchæus verò Abilanus, Franciscus Giro ac Rodoricus Bouila, Ioannesq; Cabrerius, clarissimi & manu prompti Duces, & in quibus nihil præter fortunam desiderabatur, cum peditibus sequerentur. Ipsum Velam, qui eo die su-

premam

Vela Quitonem venit.

premam & in acie, & ante aciem virtutis di-
 ligentiaq; operam edidit, gossypino paluda-
 mento indutum, cui per secturas thorax au-
 reis peniculamentis fimbriatus eminebat, spa-
 dix & vehemens vehebat equus; & quan-
 quam ferè omnes plurimum rogarèt, vt ex- *Vele dili-*
 tra aciem cum equitibus aliquot consisteret, *gentia &*
 extremam allaturus opem, quò labor pericu- *audacia.*
 lumq; inclinaret, primæ tamen pugnae inter-
 esse voluit; cumq; intra teli ferè iactum per-
 uentum esset, ad proximos conuersus, Adest,
 viri, inquit, optatum tempus, quod termina-
 tis disidijs, imperium alterutri assignabit;
 nunc, quando eos ego in frontibus vestris a-
 nimos deprehendā, vt meo quoq; animo ma-
 gnus exinde cumulus accedat, id modo restat,
 vt causse æquitatē, & Deum pro vobis sta-
 re, & vel iniqua sorte morientibus etiā post
 fata gloriam, vel longè victoribus hostibus
 clariorem, nō defuturam memores sitis: quæ
 vixdum fatus Basanio & Montemaiore
 antè tendentibus, concitato equo in aduer-
 sum cornu alacriter procurrit, nec Consalvia
 ni equites Benito Caruaiale cohortante diu
 continere se potuerūt, quin & ipsi effusis ha- *Pugna ad*
Quinonem.
 B b 3 benis

benis incurrerent. Ita feruido inchoata prin-
 cipio pugna breui ad summum ardorem pro-
 cessit; & ipse Consalvus perlibenter primis
 adesse cupiuerat, vt omnia diligentius cu-
 raret, & præsentem se sui, ad speratæ mer-
 cedis, & ob id animorum incrementum in
 conspectu haberent: sed Duces ad latus cum
 equitibus aliquot spectatorem consistere
 iusserant, vt fessis aut perculsis parato
 subsidio in tempore adesset, ac recentibus
 integrisque fatigatos hostes exciperet. Ve-
 læ impetum Sclopettariorum manipulus, ab
 Consaluo ad eum euentum peropportune e-
 quitibus adiunctus, maxime infregit, qui
 equites magno incursu inuectos excipiens, di-
 splosis repente omnibus Sclopettis, frontem
 glandibus ita perculit, vt primis prostratis
 sequentes puluere, fumo, crepitu, & suorum
 etiã cadaueribus impediti, oculorum auriũq;
 vsu amisso, cõsternatos & anhelantes equos
 vix regere possent, & plurimum ad inuaden-
 dũ hostẽ tardarẽtur. In ea rerũ difficultate
 suo & equorum robore per omnia aspera &
 confertissimos perrumpendo ab multis ad si-
 gna penetratum est, cruentissimumque ea-
 abri-

abripere ac lacerare conantiū defendentium-
 que certamen exarsit. Ipse Vela testatus il-
 lum diem, illam aciem fore & tot cladium
 vindicem, & laborum finem, præmiorumque
 initium, impigerrimè depugnando munia for-
 tissimi militis audacter capeſſebat, Mōtal-
 phoq; quodam sua manu deturbato, acriorem
 sensim pugnam cæde calidus petebat, atque
 ibi ferocissimè dimicantē, nec sibi quicquam
 parcentem Ferdinandus Torraus graui as-
 cia vi tanta in caput incussit, vt ecclasi corre-
 ptus, sicut nocturno diurnoque labore viri-
 bus exhaustis tanti verberis vehementiæ su-
 ſtinendæ impar erat, ex equo humi moribun-
 dus deflueret. Tum, si vnquam, acerrimè pu-
 gnatum fuit, quum, Vela strato, certam sibi
 victoriam ducerent. Consaluiani; alteri verò
 corporibus oppositis deiectum erigere ac tue-
 ri, aut in eo vltimo vitæ actu supremum
 bellicæ virtutis opus cruentissima morte
 laboreque Duci fideliter præstare vellent.
 Idem pugnandi feruor apud pedites ver-
 sabatur, & ante hos destriictam romphæam
 manu vibrās inusitata virtutis Sanchæus
 lata obuiorum cæde limitem agebat; dumq;

Vela mo-
 ribundus
 ex equo de-
 iectur.

Sanchæi
 virtus.

LEVI. APOL. GAND. DE

grauissimam dextram subire nemo audet,
ad mediam aciem maclando trux peruenit,
vbi cum suis paucis circumuentus, & multis
vndique cadentium vulneribus auersis, ad-
uersisq; confossus, non inultè in faciem procu-
buit; pariq; ferè euentu in ipso aggressu ceci-
dit Cabrerijs. Tunc Consaluanorum clamo-
re & alacritate vociferantium, & intolera-
bili pondere incumbentium impetus clamor-
que, nec auribus nec corporibus sustentari po-
tuit; tum cæsis pugnacissimis quibusq;, qui
vel inter pedites, vel inter equites infracti
immobilesq; constiterant, tū, impulsæ ac tur-
bata cætera acie, ipse Vela capite detrunca-
to in eo tumultu interfectus est, & reliqui di-
spalati terga repentè verterunt, Consalua-
nis, qui se ad insequendum dissolutis ordi-
nibus effuderant, fugientes etiam prout aut
turba, aut armorum cadauerumq; aceruis
impeditos consequi poterant, interficiētibus;
periissentq; plures, ni tuba suos etiam diffu-
sos Consalius ad signa reuocasset. Cecidère
ex Velanis amplius ducenti, quum non plu-
res, quàm septem, Consalius desideraret, in-
terq; hos magnæ virtutis cæturiones, qui, ve
se, ac.

Vela caput
truncatur.
Velanorū
fuga.

se, ac stirpe nobili, antea acta q̃ militia dignum fuerat, ab suis deserti, dum præfracta statione pugnaque mortem petunt, inter media tela gloriose procubuerant. Pauci etiam, qui vel fuga euaserunt, milites Ducisue integri, plerique saucij discessere, inter quos fuerunt Alvarus Ephorus, & Ioannes Benalcazar, qui primum, ut libro primo demonstratum est; Quitonem in Hispanorum potestatem redegerat, ac nunc auxilio Velæ accesserat; quos Pizarrus omnes, præter Benalcazarem, lice priuare statuerat, & cum turba deprecantium crudelitatem moraretur, clam veneno tollere tentauit: sed Gomeij Aluaradi summa cura est factum, ut id caueretur, quanquam Alvarus, qui apud Cepedam in custodia tenebatur, mortem effugere non potuit, quem omnium opinione certum est amygdalina pulte veneno condita Alvarus Ephorus veneno sublatum. interisse. Benalcazarem Consalius in suam Prouinciam, quæ supra Quitonem erat, remisit, Alphonsum autem Montemaiorem, & Rodoricum Bouillam perpetuo exilio multatos, ad Chiliacos amandauit; sed illi, capto ductore Antonio Vlloa, nauem na-

LEVI. APOL. GAND. DE

Et ad Mexicanos profugere. Post præli-
um Consalvus conuocat, quicunque ex ho-
stibus capti erant, et his exposita declarata-
que vindictæ emeritæ, quam de ipsis victor
sumere posset, æquitate, ostendit, non se iure
seueritatis vsurum, quando sibi optimè fue-
rit exploratum ipsos nō proprio crimine, sed
multorum fraude vicioque in suum odium
esse vocatos: idcirco prætermissa sceleris ad-
missi pœna, deposita^q iniuriæ memoria, se
ipsos singulari quadam lenitate non modo in
gratiam recepturum, verum non minoribus
perpetuæ benignitatis officijs prosequuturū,
quàm eos, qui sua signa sequuti, eo die pro sua
salute dignitateque fortissimè fidelissimèque
depugnassent, si longi odij magnitudinem
maiore gratitudinis fiduciaque vsura non
inuita Minerva sarcirent. Ab ea oratio-
ne reddidit erepta, & graui edicto vetuit,
ne quid contumeliosè in ipsos diceretur: qui-
bus rebus curatis, literas de victoria hac
(quæ anni quadragesimi sexti mense Ianu-
ario parta est) in omnes partes misit, &
Alarconem cum myoparone Panamai-
dem ad Hinofam ablegauit, partim vi vi-
etoriæ

Consalui in
captiuos
Mexicanos in-
solita hu-
manitas.

Etoria ferret nuncium, partim ut Velam
 Nonnium Proregis fratrem cum filio no-
 tho adduceret. Huic ad se tandem ad-
 ducto, similem clementiam Consalvus indul-
 sit, gravissimè etiam interminatus, ut
 quàm posset diligentissimè, vel ab omni
 suspitione sibi caueret, quam illi confe-
 ssim ultimo malo futuram adiurabat. Mi-
 sit inde varias in partes ac loca cum mi-
 litibus Duces, eo maximè consilio, ut, si
 ab Cesare contra se pronunciaretur, vi
 dignitatem imperiumque assumptum obti-
 neret; cuius dulcedine degustata tot victo-
 rijs partis insolens ultimum fortunarum ac
 vitæ discrimen prius subire, quàm Præfe-
 ctura discedere, in intumescens animum
 induxerat. Ab eo enim inde tempore, à
 quo Cuscone ad imperium prouectus fue-
 rat, omnium cogitationum capitorumque cur-
 sum occulto conceptu eò direxit, ut Maiesta-
 tis nomen sensim extingueret, eos qui illud
 tueri vellent, profligaret, & se paulatim
 attolleret, ac demum per occasionem ad sum-
 mum imperium, uti fecit, insinueret. Nunc
 autè, debellato cæsoq; Vela, & per Caruialè
 Centeni

Consalvus
 Nonnium
 Vele fra-
 tre ingra-
 tiam reci-
 pit.

LEVI. APOL. GAND. DE

Stulta Con-
salui spes
& opinio.

Centeni nomine deleta, eoq; bipartitarum vi-
etoriarum fulmine ijs, quibus aliqua auden-
di quiddā mens restaret, percussis, ita sub sui
dominatus iugū vniuersam Prouincā com-
pressam confidebat, vt nemo in posterum ex-
urgere, nouis rebus studēre, adeoq; ne obmu-
tire sibi quidē ausurus esset; & si Caesar no-
ua constitutione, alteriusue Præfeti missio-
ne sibi quid vellet, nominis ac rerū gestarum
terrore, Isthmo etiam & Terra firma Pro-
uincijs per suos Duces occupatis, se nullo ne-
gocio impediturum confideret. Nec (si quic-
quam humana cōiecturæ certū est) procul du-
bio spes opinioq; cōcepta fefellisset, si, quorum
dextris viueret memor, milites charitate ac
studio, liberalitate gratitudineq; deuinxisset;
verū omni impietate superbiaq; imbutus, dū
se se eò insolentiæ imprudens demittit, vt si-
pendia detrahendo & merita virtute præ-
mia derogando, memoriam eorum insurgētī
animo excutit, quorum opera ad eam digni-
tatis ac fortunæ amplitudinem peruenisset,
fato trahente, & debitas infandæ immani-
tati pœnas Superis festinantibus, sese fru-
stratum deceptūq; extremo in termino sen-
sit.

sit. Peractis Quitone aliquot mensibus, ubi
 sobriè oīa cōstituisset, relicto hic cū trecentis
 Petro Pulletio, cuius fidei imprimis confide
 bat, Regiū abscēdit, fœliciq; profectiōe adue
 nientē Laurentius Aldanius cū ciuitate ho
 norificè excepit, atq; in urbē induxit, Princi
 pibus equū fræno ducētibus, et magno tuba
 rū tympanorūq; præcinēte concentu: ubi, cū
 suam ipse fortunā nō caperet, multa in dies
 instituit, quæ euidentissimis superbia atq; tu
 more turgidū pectus signis aperuēre: euntem
 Tyrannorū more octoginta satellites præi
 bant, superbè spectantium turbam dimouen
 tes, assurgere prætereunti vel ignorantia
 qui prætermisisset, in magno periculo erant,
 nemo in conspectu præsentis sedere, nemo ver
 ticem operire poterat, & multa id genus a
 lia in singulos dies proteruia audaciaq; fie
 bant, quæ C. Casari post deuictū Pompeium
 maximo victori inuidiam, & necē con
 ciliaſſe traduntur, huic non fœ
 liciores euentum pa
 ratura.

Consalus
 Regium re
 dit et ma
 gnifice in
 ducitur.

FINIS.

Δεὸς τὸ δέος.

LEVINI APOLLONII
GANDOBVRGANI MIT-
TELVBVRGENSIS DE REBVS
IN PERVVIA GESTIS.

LIBER V.

HÆc rerum tempestas atque
agritudo cum esset, Cæsar in-
terim per Franciscum Mal-
donatum & Didacũ Cutum
(quos in Hispaniam traiecisse, & in Germa-
niam inde veredarijs equis properasse dixi-
mus) de statu Prouinciæ erat edoctus; verũ
præsentium negotiorum ad religionem perti-
nentium difficultate factum est, quòd Peru-
uinarum rerum cura aliquandiu seposita sit
atque dilata. Nam hæc ferè incidere in id
tempus, quo Cæsar in Germania aduersus
Lutheranos bellum cudebat, in quo postea
Ioannes Fredericus Saxonie Dux, & Phi-
lippus Catthorum Princeps Lātgravius de-
bellati, accapti sunt. Tandẽ visum fuit Pe-
trum Gascam sacro Ordini initiatũ mit-
ti, cuius industria multis in negocijs specta-
ta, &

LEVI. APOL. GAND. DE

Gasca ab
Maexia re-
cipitur
Theony-
ma.

loquutus, Præsidis aduentum, aduentusque
causam exposuit: sed nullo certo accepto re-
sponso, quum neuter alteri permultum confi-
deret, discessit. Tum verò Mexia, altius re-
considerata perfectiusque cognita, lembo ob-
uiam Gascae tendit, & demum in ipsius na-
uigium insiliens, familiariter complexus est,
honorificeque in litus, ac deinde ad urbem per-
duxit: quæ res veluti Consaluiana ruina ia-
nuæ, & quod Præses rem obtinuerit, causa
fuit. Inde inter secretos sermones cum Gasca
rem omnem & sui aduentus causam, & Cæ-
saris voluntatem luculentius enarraret, &
sibi demandatæ potestatis diplomata ostenta-
ret, Mexia omnem profundæ simulationis
nubem disiecit, & se in Maiestatis ipsiusque
seruitium ac nutum redire professus est; & si
extemplo bellum indicendum, armataque
exeundum manu putaret, operam suam, &
quoscunque suis sub signis haberet milites,
dedicat; ac docet, si Panamaidem quampri-
mum tenderet, nullo labore vniuersam clas-
sem Consalui in potestatem redacturum, quan-
do sat sciret confideretque, exposita ipsius
aduentus ratione, ipsam Hinosam nulla
assen-

assensurum mora, in partesq; transiturum.
 His Gasca magnopere gratias agens, longè
 diuersam sibi propositā viā, & ingrediundā
 esse ostendit, eam verò Cæsaris mentem, vt
 modestia temperantiaque exitiosas dissidio-
 rum pestes excindat, & miserabili Prouin-
 ciæ inherentium tumultuum tela euellat,
 non vt noua maiorum discordiarum concita-
 tione Rempub. labefactatam & inclinan-
 tem in certæ ruinæ exitium impellat. Nam,
 quum ex immoderata Velæ Proregis seueri-
 tate vniuersam malorū tempestatē in Pro-
 uinciam effusam constaret, non insulsa de
 caussa Cæsarem moderati ponderatoris Iudi-
 cisq; temperantiam respexisse: quamobrē ma-
 gnā sibi spem affulgere, vulgata Cæsaris
 voluntate, singularem obtemperandi atque
 in Maiestatis nomen redeundi alacritatem,
 promptitudinemq; omnibus accessuram. Ad
 hæc faciliè consentientem Mexiam Panamæ
 dem proficisci iussit, vt Hinosæ rem expo-
 neret, qui ad primam recepti Præsidis fa-
 mam non leuiter Mexiæ succensebat, quod
 nondum auctoritatem & caussas aduentus rit.
 ipsius exploratas haberet, & in illo recipien

Hinosæ
 Mexiæ cur
 succensue-

do suam voluntatem Mexia haudquaquam
 consulisset, multiq; ob id prædicabant, ubi
 primum Panamaidem peruenisset, ingens sa-
 lutis subituum discrimen: quibus tamē ter-
 ricultis Mexia ab ea profectio detineri non
 potuit, partim vetere Hinosæ amicitia ac
 necessitudine fretus, partim clementis ipsius
 ingenij, & satis in Cæsareum nomen propen-
 si spe subnixus, quæ venienti, & negotium
 omne commemoranti, ac sese etiam purganti
 omnia facilia apud Hinosam effecit. Theo-
 nymam reuersus Mexia, quum satis prospe-
 ra renunciaret, animumque Ducis ad ipsius
 accessum egregia oratione præparatum osten-
 deret, Gasca Panamaidem peruenit; ubi, in-
 credibile dictu, quantoperè non Hinosam mo-
 do, sed reliquos Duces etiam, & ipsos milites
 pacatissimi animi moderatione se digna seue-
 ritate condita, ac vultu inter serenitatem
 ac grauitatem temperato, colloquij etiam fa-
 miliaritate comitateq;, veluti tantarū vir-
 tutum stupore perculsos, in se rapuerit ac
 transformarit. At, postquam de Præsidis
 aduentu Regium fama peruenit, magna re-
 pentē conturbatio Consaluum, ceterosq; Du-
 ces

Gasca Pa-
 namaidem
 peruenit.

ces occupavit; contrà verò apud hos tacita
 spes ac lætitia residebat, qui pio in Maiesta-
 tis nomen affectu imbuti, in eo tamen domi-
 natu Tyrannorum eundem altè suppressum
 reconditumq; continere coacti fuerant. Nec
 mora, Consalvus cum Ducibus, quid facto o-
 pus sit, gravissimè deliberat, quorum senten-
 tiæ turbatissimè variabant: multi vel pa-
 lam vel clam ad tollendum hominem mit-
 tendos censebant; alij in Prouinciam addu-
 cendum iudicabant, tum vel posse quidlibet
 ab eodem facillimè impetrari; sin id quoque
 diuersum cederet, longa prorogatione posse
 distineri per speciem habendi conuentus ci-
 uitatum ad ipsum recipiendum, & hūc pro-
 pter urbium disunctionem, atque interual-
 lum mutuum consulto vel in biennium di-
 strahi posse, ipsum interea, adhibito fido mi-
 litum præsidio, Pugnae insulae imponendum,
 & ea ratione Cæsari de aliquo motu ac re-
 bellione facta expostulandi locum nō fore;
 quando celerius ciuitates, longissimis inter
 se spacijs dissitæ, ad conuentum venire non
 posse viderentur: alij in Hispaniam relegan-
 dum censebant; & hoc demum cōsensum est,

Consalvi
 ob Præsidis
 aduentum
 angor.

LEVI. APOL. GAND. DE

ut ad Cæsarem maximæ authoritatis viri
mitterentur, qui, exquisita narratione vni-
uersa totius rei gestæ serie exposita, accura-
teq; sui purgatione facta, & omni tumultus
suborti culpa in Velæ Barbariem coniecta,
vniuersæ Prouinciæ nomine illum obse-
rent, ut Consaluo præfecturam, quā obtine-
ret, relinquere non grauaretur; ijdem etiam
Præsidem Gasconiam in itinere adorirentur,
& ne Prouinciæ pedem antè inferret, mone-
rent, quā Cæsaris voluntas ea legatione a-
damussum explorata fuisset, sin is minus pa-
rere vellet, custoditum Regium perduceret:
multi suadebant etiam, ut in itinere interfi-
cerent. Ad id munus deliguntur Hierony-
mus Lausanus Reginus Præsul, Lauren-
tius Aldanius, & Thomas Prædicatoriorū
Princeps, qui plurimum apud omnes facun-
dia valebat. Hi dum ad iter res suas compo-
nunt, Aldanius nauigio instructo (quem ma-
ximè properare, & primos sibi nuncios signi-
ficare iusserat Consaluus) Panamaidem na-
uigauit, quē paulò post reliqui sunt sequuti.
Hoc tempore tantum fidei apud Consaluum
contraxerat Nonnius Velæ frater, ut in li-
bera

Legati ab
Consaluo
ad Cæsa-
rem desti-
nantur.

bera custodia habito venatum exire liceret, nunc infortunatus misero casus accidit, qui in exitum traxit. Ioannes Torraus in lacuna quapiā (vbi Barbarorū idolū adorabatur) inuēto auri pōdere, cuius preciū octoginta aureorū millia superabat, prāter magnū torcosiorū ac smaragdorū numerū locuples factus, in sacra omologesi Minoritarum Cœnobiarchæ, apud quem thesaurum deposuerat, aliquando indicauit, permagnum sibi reuisendæ Hispaniæ desiderium esse, vt cum amicis necessarijs q̄ isthic familiariter suauiterq̄ conuiuendo, verum beneuolæ fortunæ fructum perciperet; sed quum sibi ob perpetuam Consaluianæ factionis societatem vsq̄ adeo grauitèr offensa Maiestate, ne in pœnam incurreret, metuens, in Hispaniā prius reuerti vereretur, quam id delictum contrario forti aliquo facinore diluisset, sibi statutum vnā cum thesauro Nicaragnam profugere; ac tum, contractis isthic militibus aliquot, nauigijsq̄ duobus instructis, ad loca immunitiora assultus facere, & Consaluianis subuectionibus molestias exhibere; verum quādo ad eius rei aditū consequendū nec ac-

LEVI. APOL. GAND. DE
commodam ætatem, nec authoritatem haberet, velle perlibèter digni nominis & spectatæ virtutis quendam asciscere, nec huic negotio videri appositiorē quēquā ipso Nonnio, quem egregio animi corporisq; vigore, & non exigua militiæ peritiā præditū, cū infinitæ illatarum iniuriarum afflictiones, tum fratris amantiſſimi miseranda mors ad vberriam ultionis rapiundæ occasionem iure concitarent: qui si ad pulcherrimum facinus perpetrandum virtuti audaciæq; deesse non veller, paratum se obsequio seruitioq; eius, vel ad mortem, atque hunc illi sanguinem suum ac vitam deuouere, et eam in rem sacramentum daturum: quamobrem precabatur cœnobiarcham, vt ipse propositum animi sui ad Velam deferret. Id cum Minorita haud grauatè fecisset, Nonnius ei iure diffidēs, quem in præcipuis Consaluiānorū fuisse sciebat, primum ad periculosissimæ rei assensum adduci nolebat; sed vbi solidum iureiurando sacramentum ante aras præstitit, dubitābundus negotium tamen suscepit; & multos cū inter se sermones sererent, ac conciliabula inter notos & familiares agerent,
odor

odor eius rei ad Consaluum peruenit. Ita captus est Nonnius, & publicè non sine maximo omnium luctu iugulatus. Sub id etiam tempus Cuscone Alphonsus Torus ab socero inter iurgia transfossus est, successitq; illi Alphonsus Hinosa, non hic Isthmi Præfectus, de quo hætenus loquuti sumus, qui paulo post seditionem subortam compescuit, Lupo Sanchæo Didacoq; Beserrio authoribus interfectis. Interea Aldanius, quem à Consaluo ante ceteros legatos præmissum fuisse diximus, Panamaidem venit, statimq; literas Pizarri ad Præsidentem satis contumeliosas & asperas, ne in ipsis principijs tantimomenti res inanibus scriptorum conuiciorumque muliebrium nugis offenderetur, discidit atque conerpsit, exceptusq; ab Hinosa ipso familiarissimè, cum quo honestatis atque clementis ingenij similitudine conflata necessitudo diuturna sibi intercesserat, paucos post dies ad salutandum Præsidentem Gascam accessit, iamq; fidei declarandæ tempus adesse conspicatus, quam temporum necessitate superpresserat, nulla rerum mandatarum illata mentione, Cæsareo nomini sese addixit, atq;

Nonnius
Vela Vela
Proregis
frater iugulatur.
Alphonsus
Torus Cuscone transfossus.

Laurëtius
Aldanius
ab Consaluo ad Præsidentem transit.

Cc 5 ita

ita Legatio instituta penitus interrupta est:
 & reliqui ferè Cōsalui Duces, qui adhuc in-
 certi nutabant, vt ab tanti viri defectione
 sibi consulendi exemplum caperent, sunt per-
 pulsi. Tum quoque cum Hinosa, qui nondum
 penitus Cōsaluo mētem operamq, renuncia-
 rat, audacius liberiusq, res agi cœpta est, &
 priuatim Ferdinandus Mexia in aures plu-
 rima susurrando præsentem rerum statum,
 miserabilem Prouinciæ habitum, calamita-
 tum multitudinem, molemq, secum conferre,
 cum animoq, diligenter metiri iubebat, ad ef-
 se Præsidem ab Cæsare missum non alia ra-
 tione, quā vt maturrimi remedij præsidium
 deformatæ & oppressæ Reipub. afferret, Ty-
 rannidem euerteret, & vel vltimam dissidij
 ac contentionis scintillam extingueret, &
 quodcunque vel audacia, vel inter publicam
 conturbationem negligentia mali noxiq,ue
 obrepisset, fideliter emendaret: cuius negocij
 institutum opus sua facultate atque virili
 prouehere, ipsius esse officij, qui perpetuam
 honestatis ac priuatæ existimationis curam
 optima mente prudentissimè in consiliū ad-
 hibuisset, quæ in non dubium cum ipsa vita
 & fa-

& facultatibus omnibus periculum accessi, si
 presentissimam relevandæ Provinciæ & fi-
 dei ac voluntatis erga Maestatem decla-
 randæ opportunitatem non alias rectius of-
 ferendam aut prætermitteret, aut trepidan-
 do differret. Ad ea respondit Hinosæ, se
 Præsidi institutisq; eius negocijs non hone-
 stissimè modò cupere, sed haud semel suæ in-
 clinacionis propensionisq; indicia de-
 monstrasse, nec ullam transeundi moram fa-
 cturum, simulac conspecta Consalvi postula-
 tione nihil firminus pro illo statuens Cæsar sal-
 utem sibi ad eam rem perficiendam nominis
 honorisq; sui rationem fecisset. Re vera enim
 Hinosæ, uti non multum belli peritus erat,
 & ingenio simplex candidusq; quicquid insti-
 tutum, quicquid gestum patratumq; ab Con-
 salvo fuerat, legitime sancteq; factū opinione
 conceperat; quando Pizarri postulationem
 etiam doctorum & sacrorum virorum suf-
 fragijs approbatam fuisse meminisset. Me-
 xia, imperitæ mentis morbū subsentiens, ni-
 hil quicquam aliud responsi statutiue ab Cæ-
 sare expectandum declararat; omnes verò
 usque adeò ardentè studia sua in Præsidem
 reie-

LEVI. APOL. GAND. DE

reiecisse, ut nihil ab eo imperatum recusatu-
ri essent; proinde se insulsa persuasione delu-
sum deceptumque teneret, eò quòd doctorum
etiam virorum suffragia Pizarri postulata
approbassent, quando valente Tyrannide
oppressam veritatem, ereptam libertatem,
et omnes vno eodemque assentandi secunda
fortune studio isthic perfusos constaret. His
rationibus victus Hinosfa postridie ad Præ-
sidis ædes ingressus Maiestati, sacramento
legitimè adhibito, nomen dedit; dein vocati
intus reliqui Duces promptissimè idem fe-
cèrè, sed clam, ut ad destinatum tempus si-
lētissimè res acta supprimeretur; quanquam
ex frequenti ingressu egressuque nasutis suspi-
cionem subolescere non difficilè esset. Gasca
tanto successu omnia ut se pro votis conse-
quutum vidit, omnem porro moram fore
perniciosa ratus, bellum occupare statuit,
ut expedita celeritate paratiora sibi omnia,
hosti verò imparatiora impeditioraque red-
deret. Ante omnia Laurentium Aldanium
cū quatuor myoparonibus accelerare ad Re-
ginum portum iubet, ut ea re Consaluo om-
nis rei maritimæ facultatem intercluderet,
simul-

Hinosfa ad
præsidentem
ab Consal-
uo deficit.

Aldanius
ad Regimū
portum oc-
cupandum
mittitur.

simulq; eos, qui piè in Maieſtatem affecti ef-
 ſent, cōmodius ad ſe reciperet, & cæteros e-
 tiā, qui in Conſalui adhuc fide erant, oſtērat
 donandæ pœnitentibus rebellionis admiſſæ
 remiſſionis diplomatibus, ad ſe deſciendum
 deſerendumq; Piſarrum ſolicitaret. Huic
 adiungit Ferdinandum Mexiam & Ioan-
 nem Ilaneſium; totius autem clāſſis præfe-
 cturam, vti antè gerebat, Hinoſæ relinquit,
 & in militibus recensendis cum ad ipſum ſi-
 gna deſerrentur, ſua quibusq; ſigniferis per-
 miſit, ea humanitate omnes artiſſimo quo-
 dam amore atque appetitu ſibi, ſummo au-
 tem odio inuidiaq; Tyrannidis infrænis
 memores Conſaluo obſtringens: dehinc Io-
 annem Mendocium ad Mexicanæ Prouin-
 ciæ Proregem Alphoſum Mendocium, a-
 liosq; paſſim ad vicinos præfectos Vati-
 miam ac Nicaragnam ad auxilia adducenda
 mittit. Paulò antè cum ſuis eiſq; literis, quas
 Cæſar ad Conſaluum perſcripſerat, Ferdi-
 nandum Pauiagnum ad Piſarrum miſe-
 rat, quem Tumbæo Michaëliam peruenien-
 tem Conſaluanus Prætor Vilalopus cœpit,
 literasq; ademptas ad Didacum Morā Tru-
 gilla-

Caesaris ad
Consaluum
litera.

LEVI. APOL. GAND. DE

gillanum Praefectum, & is ad Consaluum
misit. Caesaris literae in hanc sententiā per-
scriptae erant. Consalve Pizarre, ex tuis li-
teris & multorum sermone intellexi, quia
isthic interea nouatum sit, ex quo Vela
Proregia dignitate à nobis affectus in
Prouinciam cum decretis nostris appule-
rit, vt his exequendis publicae vtilitati
consuleretur. Facile adducor vt credam,
abs te nobis repugnandi consilio nihil
quicquam esse factum, sed Vela seueri-
tatis vitandae gratia, qui nulla postula-
tione admissa summum ius prosequi insti-
tuerat: quamobrem Franciscus Maldo-
natus legatus tuus, quae vel tuo vel re-
liquorum nomine retulit, benignis & aequis
auribus satis accepta sunt, nobisque sub-
inde ad omnem discordiarum eruendam ra-
dicem, liberandamque tristissimis arumnis
Prouinciam Petrum Gascam mittere, &
eum praestare visum fuit, quicquid diuinæ
gloriae laudatum, nostrae existimationi com-
modum, vniuersae Prouinciae indigenisque
vtile ac salutare iudicaret: proin ea in re
id tu obsequij officijque illi exhibeto, quod
mihi

mihi exhibendum putares, opemque quam
 potes confer; uti te facturum confido, ita
 mihi Franciscisci fratris tui memoria in-
 violata manebit, in te ac reliquam Pi-
 zarrinam posteritatem vberimis priuile-
 giorum compendijs redundabit. His literis
 priuatam epistolam ad Consaluum Gasca
 adiunxerat, prolixa & maxime pie admo-
 nitionis plenam, uti haud difficile fuit viro
 omnis scientiae facundiaeque gnaro valen-
 tissimas ad permouendam mentem artes
 adferre. Pizarrus utranque clam ha-
 buit, sed Paviagnum, quem cum his mis-
 sum diximus, adduci per fidum quendam
 seruum iubet, adductoque nihil periculi es-
 se docet, si nulli praeterquam ferendis epi-
 stolis alteri cura se immiscuisset; sin aut
 clam aut palam ad concitandos homines
 quidpiam faciundo demandati negotij se-
 pta fuisset transgressus, nihil tam exiguum
 fore, quin illi quamprimum capitale cederet.
 Paviagnus impaudè suam caussam egit,
 iussusque deinde faceffere ubi secessit, ibi
 certè consultatum etiam fuit de iure
 gentium violando, quanquam Consaluus id
 omni-

Ferdinandi
 Paviagni
 periculum.

omnino inuiolatum sibi perpetuò fore testa-
retur. Verù Prasidis diuulgato aduentu v-
bementer suadebāt Consaluiani Duces, Pra-
sidem nullo modo intra Prouinciæ limites re-
cipiendum, plurimi, ne Deos ferè quidem ex-
istimantes è suis manibus tyrannidem atque
imperium posse extorquere, Cæsarem multo
irrisu illudebāt, quod ad priuati hominis &
nulla virtute cogniti imperium atque obse-
quium indignissimè se reiecisset, qui vniuer-
sam Prouinciā in nutu manuq; cōtinerent.
Verù Consalius in vnicam bellici appara-
tus curam animum intendens, ad Caruaia-
lem scribit, vt cum omnibus ijs, quos addu-
cere posset, properè ad se veniret; ipse Regij
solertissimè aduersus omnem motum vigi-
lias instruere cœpit, & Saratem imprimis le-
cto decumbentem toxico tollendum curauit,
quem ante alios suspectum habebat. Petrum
Pulletium per literas monet, vt omnem vi-
gilando diligentiam adhiberet, delectuque
bello idoneos præriperet, ne conscripturis ho-
stibus cederent. Caruaial autem post animum
Pizarri intellectum accelerans, breui aduē-
nit, adduxitq; amplius milites quadringen-
tos,

Consalui-
anorum con-
fidentia &
superbia.

Caruaial
ab Consal-
uoreuoca-
tus è Char-
cantibus
Regiū re-
dit.
Sarates ve-
neno tol-
litur.

tos, & octoginta Carolinorum millia, veni-
entemq; egressus ipse Consalius cum proce-
rum turba latissimè & honorificentissimè
excepit. Interea Laurentius Aldanius Pa-
namaide cum quatuor myoparonibus di-
gressus, non procul Trugillo Malabrigam
appulsus est; nec quicquam adhuc de Ducum
suorū defectione Consalius perceperat, quan-
quam in ambigua suspitione eò versaretur,
quòd ab Hinosa nihil amplius literarū nun-
ciorumq; acciperet. De his nauigijs Didacus
Mora Trugilli Præfectus ubi percepit, Didacus
Mora Tru-
gilli Præ-
fectus cal-
ide ab cō-
saluo defi-
ciens Alda-
nio se ad-
iungit. quod multis literis interceptis, quicquid Pa-
namaide gestum erat, quanquam non plenè,
cognouisset, ipse instruit celocem, & eodem
proficiscitur, eo consilio, ut si Consaluanas
naues esse aduerteret, ipse commeatus adfe-
rendi explorandique caussa aduenisse vide-
retur, sin Præsidis cōspiceret, tum, quod de-
stinarat, his sese adiungeret: atque ita acci-
dit, ut eodem, quo portu excessit die Alda-
nius venienti occurreret; quapropter consa-
lutatione facta suum etiam nauigium Mo-
ra adiunxit, & largo commeatu reliqua in-
truxit. Ibi ad excitandos homines minuen-

Da dasq;

Mora Cas-
samalcam
abit.

dasq; Consalui vires cōstitutum est, vt Cas-
samalcam cum aliqua militum parte abiret,
isthic intercipiendi omnes caussa, qui ad Ma-
iestatis nomē transire vellēt: diuersi in super
diuersas in plagas ad Cichapoiades, Quito-
nem & Vanuconem, & ad Mercadillū Por-
selliumque Duces diuersis in locis ab Consal-
uo constitutos nunciij ac literæ mittuntur,
vt quamprimum, quibus possent copijs, ex
sedibus suis ad Cæsaris obsequium Cassamal-
cam accelerarent. Non multò post per mona-
chum iudicem ad Cōsaluum fama peruenit,
Didacum Moram portu egressum classiculæ
venienti nauigium adiūxisse, & ipse in eam
suspicionem veniebat, vt se Gascae applica-
ret, Panamaidem nauigasse, qua adductus
nauigio attributo Garziam Leontium vnā
cum cœnobiarcha quopiam Trugillum mi-
sit, vt isthic Præturam gereret, & profugo-
rum fœminas Panamaidem ad maritos eo
nauigio cœnobiarcha adueheret, viduas ve-
rò suis militibus, qui illas procirent, nubere
quamprimum iuberet, aut eas etiam, quæ
nollent imperata facere, cum cæteris Pana-
maidem deportaret: quod inhumanitatis ple-
num

Inhumanū
in fœmi-
nas Consal-
ui facinus.

num facinus, quanquam varijs excusatio-
num pallijs obtegeretur ac purgaretur, non
aliò tamen spectabat, quam ut earũ omnium
seruis indigenis, adeoq; vniuersis facultati-
bus inhumanissimè potiretur. Verum, quum
iamdudum inusitata tyrannidis omnes sa-
cietas cœpisset, Leontius occurrenti Alda-
nio cum omnibus suis se aggregauit, Re-
giumq; ad id renunciandum, aliosq; clam sol-
licitandos, & eos, qui secreta in Pizarrum
odia, in Præsidem verò benigna studia in-
duissent, monēdos, ut ad littus descenderent,
lembis excipiendi, cœnobiarchā remisit. Con-
saluus, quod erat, fama indicante antea re-
scissens hunc Regium peruenire, aut cum vl-
lo clam palàmue sermonem habere vetuit,
permultum autem conquestus est, tantum
suam se opinionem fefellisse, quod ab Alda-
nio, cui maximam semper fidem habuisset, in
quo summam spem collocasset & vel inuitis
alijs candidè pepercisset, nunc initio defectio-
nis factò ante alios subito proditus esset: mul-
ti palam etiā in Ducum corona eam ob rem
Consaluum incusabant, quòd, ut maturè in-
fidum hominem tolleret, suadentes stulta.

D d 2 credu-

Consalui
de Alda-
nio querela

LEVI. APOL. GAND. DE

Consalus
bellum ad-
uersus Præ-
sidem in-
struit.

credulitate fiduciaque respuisset: seræ tum
quærelæ volitabant, imminens vis pari vi
repellenda erat. Ergò Consalus acies ordi-
nesq; ac Duces instituere, tormenta parare,
arma congerere, & omnem belli necessariam
curam expedire cœpit. Benitum Caruaia-
lem ac Cepedam Ephorum, quorum fidei
superiore bello egregiè spectatæ id benè com-
mittendum putabat, equitibus præficit; Io-
anni Acostano; Ioanniq; Vellæo Queuara
veterem Sclopettariorum præfecturam re-
linquit; reliquo peditatu Ferdinandum Ba-
xicouum, Martinum Roblesium, & Mar-
tinum Almendram Duces assignat. Fran-
cisco Caruaiali vetus summæ Præfecturæ
munus reddit, quod inter alios facile virtu-
te, sciëntia, ac erga se fide præmineret, & cum
eo maximè omnes consiliorum suorum ra-
tiones digereret, eiq; Sclopettarios trecentos,
quos secum è Carchantibus adduxerat, relin-
quit. Hinc tuba tympanoq; per vicos com-
pitaq; sonante, vt quicunque per ætatem fer-
re arma possent, nomina darent, offerentem
se ciuiũ turbam per milites distribuit, & Du-
cibus insuper pecuniam in stipēdia impertit.

Marti-

Martino Roblesio viginti quinque aureo-
rum millia ad centum triginta milites alen-
dos donantur, Baxicoouo viginti, Acostano
ac Queuaræ in Sclopettarios suos triginta
millia dependuntur. Signum regium Anto-
nius Altamiranus vehebat, cui duodecim
millia data sunt, vt peculiare ipsi equites
attributos curaret, qui Cusconicæ vrbis ci-
ues potentia opibusq; splendidissimi stipendia
non merebantur, sed alacriter in Consalui
gratiam nomina dederant, in prioribusque
etiam bellis fortem fidelemque operâ illi na-
uarât. Ea nocte, militibus per certas statio-
nes diuisis, summa cura vigilatum fuit, po-
stridieq; milites, vt recenserentur, in foro e-
gregio ordine sub signis constiterunt, & ipse
Consalius peditibus admixtus stetit. Mille
amplius viri erant, sed quorum dextræ ac
virtus vniuersa ferè Prouinciæ loca egre-
gij facinoris memoria insignierant, & tales
hercule, quales nullo in triumpho Europa
vidit. Erant enim non decoris modo armis
protecti ac fulgentes, sed his superindutas e-
phæstrides murice, auro, argētoue tinctas ha-
bebant, caligasq; artificiosè segmentatas, &

Consalius
milites
quales in
nullo triū-
pho fuerūt.

LEVI. APOL. GAND. DE

per earum secturas cocco byssoue diducto, intumesciente tomento conspicuas, aut ipsa arma lagunculasq; auro intincto variegatas gestabant, inuicta haud dubie ea in Prouincia Ducibus militibusq; acies, si intoleranda crudelitas superbiaq; Consaluo militum Ducumq; fidem amoremq; non ademisset; quare victum magis, quam bello, superatum fuisse constabit. Mittuntur hinc in varias plagas nuncij ac literæ ad vrbium Prætores Cusconem, Quitonem, Vamantiacum, ad Iohannem Saiauedram, Argyropolim atque Arecupiam, ut quantas maxime possent copias magnæ & periculosæ rei causâ celerimè cogant, Regumq; perducant, ad alliciendum etiam vulgus hanc rationem belli suscepti fundamentis dabat. Eo proposito ad Cæsarem se Laurentium Aldanium amandasse, ut suo suorumq; nomine, quicquid in Prouincia gestum fuisset, exponeret, statumq; publicum exactissimè explicaret, & summam eius voluntatem referret, hunc tamen mala mente seductum Præsidi fœdus operamq; fraudulentissimè contra fidem applicasse, nunc sua cum classe, quam ipse tot aureorum

Consalui
ratio cur
bellum in
Præsidiem
susciperet.

reorum millibus exaedificasset atque instru-
xisset, facta conspiratione, se oppugnatū ve-
nire. Gascam autem Præsidem licet indu-
cendæ quietis, bellorumq³ pacandorum caus-
sa ab Cæsare missus esset, ex sua tamen nunc
authoritate copias, quas potuisset, conscri-
psisse, ut, quicunque superioribus bellis ope-
ram consiliumque & adminiculum interpo-
suissent, puniret ac persequerentur, cuius cul-
pæ quum neminem propè expertem esse con-
staret, enixè, ut sibi prospiciant, omnibus la-
borandum. Quod enim de donadis remissio-
num diplomatis iactatum esset, existere pro-
fecto plusquam friuolum ridiculumque, quæ
ecquid profutura cuipiam, cum ante Quito-
nicum prælium, & Velæ Proregis mortem
constituta confecta^q, neminem adhuc eorum
cōprehenderet, qui illi pugnae interfuissent?
in hæc verò donanda ecquid Præsidi potesta-
tis factum, qui ante Velam cæsum Hispania
soluisset? Quapropter dum alia constitutio-
ne negotio ab Maestate prospectum esset,
Præsidis iniquos conatus refutare, omni^que
vi bellica obsistere sibi statutum esse, & eò
promptius, quod fama & Francisci Mal-

Dd 4 donati

LEVI. APOL. GAND. DE

donati sui legati literis intellexisset, Gas-
cam missum esse non adimendæ sibi præfe-
cturæ caussa, sed ut in concilio regio Præsi-
dis nomen atque authoritatem tueretur &
usurparet, ipsum etiam Gascam in literis ad
se per Ferdinandum Paniagum traditis ni-
hil aliud prætulisse, nunc verò prauissimis
aliquot proditorum consilijs inuersum longè
rebus sibi mādatis aduersa moliri. Inter has
curas perlatum fuit Laurētium Aldanium
Trugillo propinquare, quem ad nuncium Con-
saluus cum quinquaginta hipposclopistis Io-
annem Acostanum percurrere littus iubet,
& lignandi aquandiq; facultatem descenden-
tibus impedire, & nauigia ab continente ar-
cere. Is nauiter iussa faciens ad Trugillum
vsque excurrit, partimq; Didacum Moram
Cassamalæ sedentem metuens, partim San-
tæ classē versari intelligens, eò contendit,
quod ipsum per Hispanos quosdam percipiēs
Aldanius manipulos aliquot in cannetum
abdedit, præcipitassetq; in insidias Acosta-
nus, ni, exceptis commodum aliquot explora-
toribus, & his metu mortis omnia aperien-
tibus, periculum didicisset. Ab iisdem cogno-
uit

Acostanus
classiarijs
infestus.

Aldanij
insidiæ de-
rectæ.

uit proximè littus nautas aquari, ad quos
 contendens multos cœpit, reliquos abêgit in
 ipso insidiatorum conspectu, qui equitibus se
 pedites obterendos obijcere metuentes prodi-
 re non audebant. Captiuos Regium missos
 Consalius, serò clementiæ famam captans,
 comiter apud se habuit, & ab his clarissimè,
 quid Panamaide gestum fuisset, quid Præ-
 ses rerum gereret, quem apparatus instrue-
 ret, quæ missis in diuersas variarum Pro-
 uinciæ partes Legatis nuncijsq; auxilia
 conuocasset, intellexit, & inter cætera id e-
 tiam relatum cognouit, Aldanium ad pro-
 mittenda dandaq; remissionum diplomata
 Petrum Vllôam, virum sacratum, profano
 habitu in continentem exposuisse, quem de-
 inde conquistum Consalius cœpit, & in ca-
 uernam tenebris horrentē, & dira reptilium
 ac subterraneorum animantium multitudi-
 ne infestum atque deformē detrusit, ubi tan-
 tisper delituit, dum appulsa classe per occa-
 sionem erumpens effugit. Post hæc ad eijcien-
 dum Cassamalca Didacum Moram statue-
 rat Consalius Benitum Caruaialem mitte-
 re, eoq; redacta res erat, vt ducentis delectis

Petrus Vl-
 lôa in ca-
 uernâ de-
 trusus.

D d 5 in cra-

LEVI. APOL. GAND. DE

in crastinum profectiōem pararet, quum
 sequentis diei summū mane Franciscus Car-
 uaial ad Consalium veniens id magnis de-
 causis est dehortatus, tantæ rei momentum
 minimè ambigua fidei homini committen-
 dum affirmans, quem satis sciret magis vin-
 dicandi fratris, quàm ipsius studio eius par-
 tes superiore bello esse sequutum, nunc vl-
 tione peracta non inanis suspicio foret tot
 affines, cognatos, ac familiares Præsidi mili-
 tantes, & fratrem Episcopum Luganum,
 in summa gratia nomineq; apud Cæsarem ha-
 bentem, deinde turpi indictæ necis ignomi-
 nia affectum, ex cruciante veteris iniuriæ
 memoria, nihil fidi certiq; apud animū con-
 stituisse, & pro tempore consilium aliquando
 capturū. Huius ergo hortatu id munus Aco-
 stano impositū est, & ea diffidentia effectum,
 vt iniecta suspicione Benitus ad deficiendi
 cogitationes verteretur. Acostanus autem
 ducētis & octoginta amplius assumptis Cas-
 samalcam iter intendit, sed postea reuocatus
 cœptum omisit. Sub id etiam tempus literis
 Aldanij acceptis Ioannes Saiauedra Vanu-
 conis Præfectus militibus aliquot cōtractis
 per

Suspicio &
 diffidentia
 Consalui
 erga Beni-
 tum Car-
 uaialem.

per speciem opis Consaluo ferenda, quam ille
etiam misso Ferdinando Alphonso postula-
rat, vrbe exiuit, atque ibi mente detecta, om-
nibusq; ad Præsidis obsequiū paratis Cassa-
malcam ad Didacum Moram accessit. In
hac noui motus tempestate Centenus post-
quam ferè annum integrum in specu deli-
tuisset, de Præsidis aduentu alijsq; rebus ge-
stis edoctus caput exerere, sensimq; viros at-
trahere cœpit. Cusconem miserat Consalius
Antonium Roblesium, qua contumelia per-
motum ferunt Alphōsum Hinosam vocasse
ad urbem occupandam Centenum, atque vel
id certè, vel aliam fraudem latuisse oportet,
quæ Centenum inuitarit, cui alioqui quis cre-
dat eam posse audaciā ac spem esse vrbis in-
uadendæ, vbi amplius quingentorum præsi-
dium esset, tanta paucitate, quam tum Cen-
tenus habebat. Erant enim illi non amplius
viri quadraginta, nec ijdē satis armati, adeo
vt quidam ridiculè armorum atque hasta-
rum inopia pugiones perticis alligarent; in-
ter hos Principes eminebant Aloysius Ri-
berius, Alphonsus Peris Esciuellus, Dida-
cus Aluarus, Franciscus Nigralius, Pe-
trusq;

Didacus
Centenus
postquam
in specu
amplius
anno dili-
tuisset ite-
rū compa-
ret.

LEVI. A P O L. G A N D. D E

Centenius
ad Cusconē
expugnan-
dam pro-
perat.

Cruenta
pugna Cu-
sconico in
foro.

trusq; Hortitius Sarates. Cum his Centenius Cusconem ire perrexisset, quod ubi cognouit Roblesius, milites præparat, acieq; instructa forum occupat, & Franciscum Aquirram eius Peruchi fratrem (quem ab Caruaiale immeritò suspensum fuisse diximus) exploratum emittit, qui in hac occasione veteris iniuria non immemor Didaco sese adiunxit, & eundem de stationibus edocuit, & quicquid porrò in Prouincia gestum fuisset. Ea igitur nocte, quæ Sacramenti festum præcessit, altera, quàm expectabatur via urbem introiuit, statimq; Centeniani illato clamore atque tumultu, quo prima impressione Roblesianorum conglobatos ordines percellerent, acerrimè sunt adorti. Ergo repente, tubis sonantibus & vniuersa vrbe Sclopettorum, tympanorum, ac pugnantium murmure repleta, quum semisopiti quiq; ex ædibus prosultantes, raptò eo, quod fors manibus primum intulerat, partim hostium, partim suorū numerū oppidani auxissent, et ipsi Roblesiani ad eum casum præparati fortissimè inuadentes excepissent, maximæ contentionis certamen sequutum est. Centenianorum

norum paucitatem tenebræ, et ipse Dux plu-
 rimum adiuuabant, qui dextricū tenens gla-
 dium hic cunctis aut moriedum fortiter aut
 vincendum fortius esse monebat. Roblesia-
 ni quanquam numero longè vincerent, ta-
 men vndique opprimebantur. Nam ipsi ci-
 ues nihil de tessaris quærentes, in eum
 ruebant, in quem primus furor excursusque
 distulerat, fœdiorq; idcirco metus ac turba-
 tio erat, quum à quo cauendum, quò irrum-
 pendum esset, tenebris impredientibus nesci-
 retur, & ipse circumstans vndequaque cla-
 mor, fusus sanguis, vulneratorum discursio
 omnia verò terribiora facerent. In ea trepi-
 datione equos præparatos sessoribus caren-
 tes Centenus calcitris in confertos agitari
 iussit; quibus dolore insanientibus, & furi-
 bundo impetu proruentibus, prius Roblesia-
 norū ordines diuulsi ac lacerati sunt, quam
 vel interficere præteruolantes, vel sentire
 possent an sessores haberent. Ea res Centeno
 plateæ spatio potiundi facultatem dedit, &
 certam victoriam attulit; quippe disruptis
 ordinibus, & alibi alibi que magna confusio-
 ne pugnantium Roblesianorum vbi paulò post
 con-

Astus Cen-
 teni ad ex-
 emplū An-
 nibalis quo
 hostium or-
 dines per-
 fregit

LEVI. APOL. GAND. DE

concors fuga exorta est, oppidani victoribus
se adiungentes effusissimè omnium fugienti-
bus institère, & ad expiandas Consaluiano-
rum Ducum varias cædes avidissimè per vi-
cos & compita concidèrunt; quem inter tu-
multum ex ciuibus etiam nonnulli periè-
re: nec desunt, qui ferant fugæ consultò initium
esse factum ab Hinosanis, ita ab Duce face-
re iussis; quāquam nec Hinosæ id factum ad
existimationem ledendam fateri, nec ipse
Didacus ad eleuandam victoriæ gloriam,
quæ ingens erat, accipere atque agnoscere
vellet. Certè in ea nocte vel accedente occul-
ta fraude duo præclara fecisse putatur: pri-
mum, quod tanta paucitate urbem adoriun-
di concepisset audaciam, ea propè non mino-
rem, qua Leonidas Lacedæmoniorum Prin-
ceps cum quingentis ad Thermopylas Xer-
xis exercitum innumerabilem noctu inua-
sit: deinde quod ea equorum concitatione
hostilem aciem perfregisset, petita; vti vide-
tur, ab Annibalis exemplo versutia, quem
bobus stramentis ad cornua ardentibus a-
menter concitatis, saltum; quo ab Fabio Cum
Etatore circumuentus erat, metu Romanis
aba-

Duo Cen-
teni præ-
clara fa-
cinora.

abactis euasisse, Liuius memorat. Postridiè
 Centenus, sedato tumultu, vulgo ad opera ^{Cusco ab}
 redire iusso, composita q̃ Repub. Antonium ^{Centeno}
 Roblesium præpalam capite plectit, militi- ^{occupatur.}
 bus centum aureorum millia distribuit, &
 magna Roblesianorum parte ascita, Pe-
 trum Rium & Ioannem Vargam pediti-
 bus, Negraliū equitibus præficit, Aloysium
 Riuerium legatum facit, atque inde Argy-
 ropolim ad Alphonsum Mendocium oppri-
 mendum iter intendit. Arecupianus tum
 Prætor, Lucas Martinus, centum triginta
 viros collectos vrbe egressus Consaluo ad-
 ducere volebat; sed hi audita Centeni
 fortuna hunc comprehenderunt, sumptoque
 Duce Hieronymo Villega (cuius non vna
 superiore libro mentio est facta) ad Cen-
 tenum transierunt. Hæc omnia ad Con-
 saluum perlata, antè iamdudum certio-
 rem factum Michaëliæ ad Præsidentem omnes incli-
 natos, & Cassamalcam magnas copias vn-
 dique conuenire, nunc certissimè scientem, ni-
 hil sibi militum quicquam sperandam esse,
 præterquam quod Regij haberet, induxê-
 re, vt Ioannem Acostanum (quem ab eo ad
 oppri-

LEVI. APOL. GAND. DE

opprimendum Moram Cassamalcam missum
antè diximus)reuocaret, & eundem aduer-
sus Centenum mitteret, atque ipse demum
sequeretur; primumq; ea parte insurgentem
nubem discuteret, aut, si male vellet fortu-
na, procul ad extremam conseruandæ salutis
curam ad Argyreum amnem, aut Chiliacos
secederet. Iam enim aduerso satis in se homi-
num habitu, & maiores in dies militum suo-
rum Ducumq; defectiones percipiens, serò for-
tunæ ludibrium, & inanes hominum conten-
tiones sapere cœpit; in tantum verò paues-
cebat in dies, vt oblitus gloriæ veterisque
iactantiæ & cupiditatis, qua modo Prouin-
ciæ imperium affectarat, atque id per vim,
vel inuito Cæsare, obtinere sibi desponderat,
in vnam expediundæ salutis sollicitudinem
attonita mente incumberet. Hæc quanquam
occultissimè contegere conaretur, tamen vel
multo annisu expressa vultus simulatio la-
tentem mœrorem decoquere non poterat, vt
omnem apud alios sensum suspicionemq; con-
tegeret. Varia igitur transfugia & defe-
ctiones subortæ sunt, varij apud milites tu-
multus, & ingens metus, parq; desciscendi
volun-

Consalvus
serò sapere
& sibi me-
tuere inci-
pit.

voluntas plures pluresque in dies incessit: quare quum tyrannide, vi, & crudelitate in fide atque imperio nolentes cōtinere vellet, varia homicidia, multæ cædes vel ob leuiusculas suspiciones exceperunt. His è medio sublatis sunt Laurentius Mexia, & nullo in facinore deprehensus, quod paulò ad ob-eunda imperia inuitior ac tardior credere-tur, Antonius Altamiranus; signumq; Re-gium, quod huic donatum fuerat, ad Anto-nium Riuerum est translatum. Verum vt certiore vinculo, quos habebat, sibi astringeret, eosdem procul dubio defecturos suspi-cans, simulac dubijs remissionum diplomata innotuissent, Duces, Principes, vrbisq; pri-mates conuocat, his ob oculos ponit nullum officium, nullum certamen ad ipsos defenden-dos abs se prætermisum esse, nihil curarum, bellorumq; ac discriminū recusatum ad con-seruandas ipsorum fortunas, quas beneficio fratris sui Francisci Pizarri obtinuissent, nihil, quod ad ipsorum causæ confirmatio-nem faceret, relictum, missos in Hispaniam Legatos, vt Cæsari publicum Prouinciæ sta-tum latè declararent; sed eosdem Panamai-

Consalū
in castris
multa trās-
fugia, &
ob id va-
ria cædes.

Laurētiū
Mexia &
Antonius
Altamira-
nus cæsi.

Consalū
suorum a-
nimos ten-
tat.

E e de re-

LEVI. APOL. GAND. DE
de retentos, & fraude seductos foedera con-
tra se iniquissima percussisse; & classem, in
quam tanta impendia erogasset, contra om-
nem fidem interceptam: quæ in re non hercu-
le Maiestatis mandatum præstari, sed priua-
tam rem Præsidis requiri, cui si quæ in se
belligerandi facta potestas esset, ipsum haud
dubiè una cum literis per Paniagum tabu-
las fuisse missurum, nunc pedes suæ iurisdic-
tionis finibus inferre nouorum tumultuum
fabam cudentem, & in varias partes ad se-
ditiones secessionesq; excitandas fallacia di-
plomata mittentem; quæ iniquitate ad repu-
gnandum ipsi nunc sese impelli, quam ad rem
non minora ipsorum studia atque adiuuen-
ta esse debere: nam satis liquidum, certissi-
mam anteaكتور bellorum, cædium, ac la-
trociniorum, exactissima seueritate rationem
ductum iri, & omnibus igitur ipsis, qui ma-
gnam earum rerum partem gessissent, trucu-
lentissima excarnificationum supplicia im-
minere: quæ obrem, si superioribus bellis pro
honorum incolumitate promptissimè depu-
gnassent, nunc multo hercule alacrius for-
tiusq; dextras metu deposito pro vita, hono-
re, ex-

re, existimatione, ad intenta supremarū mi-
 seriarum, & extremæ necis tela iugulis re-
 tundenda propulsandaq; expediundas, eaque
 re huc omnes ipsos abs se conuocatos esse, vt,
 nulla hæsitazione, liberis sententijs intima-
 rum voluntatum ingenuitatē expromerent:
 se fidem dare, & (si vellent) legitimo Sacra-
 mento adiuraturum, nemini id fraudi aut
 damno fore, abire etiam volentibus liberam
 discedendi facultatem concessurum, suā ve-
 rò qui sententiam approbarent, ijs Sacramen-
 to fidem obligandam, & asscribenda nomina
 esse: proin secum omnes, quod videretur, di-
 ligenti æstimantis animi ponderatione exa-
 minarent; postea enim post exhibita suffra-
 gia pœnitere, ac pigrescere, remq; ad belli vsq;
 euentum dubiam trahere volentibus vel te-
 nuissimæ suspicionis auram capitalem futu-
 ram. Illi adulationis studio mox ferè omnes
 fidem frustraturi, quod instituisset, laudan-
 do, & ne dubitaret pergere, exhortando, ad
 ipsius salutem gloriamq; quicquid in se hæc
 nus sensisset, studij, cōsiliij, laboris, ingenij, au-
 thoritatis, fidei, constantieq; id omne largius
 præstantiusq; ad hanc rem conficiendam pol-
 licentur.

Fides Con-
 saluo ab
 suis da

LEVI. APOL. GAND. DE

licentur ac deferūt, & penitus, quicquid sua
vel corporis vel animi facultas caperet, ad
extremos spiritus ipsi se reseruatuos spon-
dent. Hac data omnium fides quum metu
gravi anxium paululum recreasset, aduenit
Acoftanus, quem, vti antea statuerat, Cu-
sconem quamprimum cum trecentis aduer-
sus Centenum misit. Paucos post dies cogni-
tum est Laurentium Aldanium cum classe
non amplius quindecim passuum millibus
abesse; quem ad nuncium Consalvus, ne si
classsem propinquare pateretur, magna for-
tuito tumultu exuscitata conturbatio vr-
bem confunderet, quotquot armis ferēdis per-
atatem idonei essent, educere constituit; pro-
mulgatoq; edicto, ne quis post tubæ signum in
vrbe permaneret, tanta repentē mœstitudo
miserum vulgus occupauit, vt, quum nec fu-
giendi, nec manēdi, mortis vndequaq; astan-
te metu animum haberet, multi extremum
casum opperirentur, plurimi supellectilia, &
argenteos imprimis thesauros incilibus atq;
lacunis conderent. Postridiē, cum vela pro-
cul conspecta essent, tuba sonante equites pe-
ditesq; qui amplius quingenti erant, in fo-
rum

Regij trepi
dauo ob
Aldanij
aduentum.

Laurētius
Aldanius
ad Reginū
portum ve-
nit.

rum tumultuario conuenerunt; quibus de-
inde Consalvus eductis medio itinere eam ob
causam confedit, ut continente, ne diploma
ta per suos insinuanda ac spargenda cura-
rent, (id enim ante omnia metuebat) classia-
rios arceret, & suis transfugiendi locum præ-
cluderet, interimque, qua fraude classe potiri
posset, experiretur. Postquam eo die pacatus
sedisset, postridiè ad Aldaniū misit Ioannem
Ferdinandum ciuem Reginum, ut, illo reten-
to obside, ipse aliquem colloquendi causa ad
se mitteret; qua re facta venit ab Aldanio
missus Peña, qui ad Consaluū perductus ta-
bularum demandatæ Præsidi potestatis declara-
torias, & remissionis publicū diploma eidem
tradidit; ore dein reliquum peragēs, monuit,
id cum ipsi imprimis honestum, tum Reipub.
fructuosum fore, si, uti par esset, æqui obse-
quij pium officium Maiestatis statutis defer-
ret, quorum hanc vnicam voluntatem esse,
ipsum occupata per nefas præfectura abire,
ac Præsidis cum plenissima omnium rerum
peragendarum potestate in Prouinciā missi
authoritati parere. Ad ea nihil aliud respon-
dit Consalvus, quam quod atrocissimis sup-
plicijs

Consalvus
in Alda-
nium.

plicijs proditores, & ipsum Præsidentem arrogantiae causa se affecturum minaretur, & gravissimè imprimis de Aldanij improbitate expostularet: ipsi autem Pennæ data fidecentum aureorum millia spondebat, si qua arte prodendam sibi classem curaret: cuius sceleris oblationem bonesto ore Penna abs se respuit, atque ita dimissus recessit, simulque Ioannes Ferdinandus in castra reuersus est. Is varijs Aldanij incitationibus pertusus longè alium & Consaluanis aduersum animum induerat; & huius opera Aldanius in diplomatis insinuandis maximè vtendum censens, aliquot ei exempla secretò tradiderat, literasq; item alteras ad meliorem perficiundæ fraudis aditum parandum cõtextas, & ad procures datas, quas ijs attribuit; & Pizarrum remotis arbitris conueniens, dicebat Aldanium mentem suam sibi in sinum effudisse, petiisseq; vt aliquot diplomatũ exempla in ipsius castra perferret, idq; partim vana Aldanij lætandi spe causa, partim, vt ipse, quid lateret, perlegeret, haud se grauare fecisse: qua de re collaudatus magnæ fidei, loco apud Consaluum parato occasionem

cum

Remissio-
num diplo-
mata per
Ioannem
Ferdinan-
dum castris
Consalui
insinuatur.

Ioannis
Ferdinan-
di astus ad
cauendam
suspicionē.

cum quibusdam de diplomatibus clam agen-
 di inuenit. Hunc in modum Consalui rebus
 afflictis, ubi venia impetranda diplomatum
 fama aspersisset, Regini ciues aliquot exeun-
 di in urbē copia facta profugere, inter quos
 facile principes erant Ferdinandus Brauus, *Consalua
 ni magno
 numero ab
 Pizarro pro-
 fugere inci-
 piunt.*
 Didacus Ascouetius, Bascus Quenara, &
 Franciscus Ampurius; ad quos insequendos
 Ioannem Torraem (non eū cuius supra men-
 tio facta) ex templo Consalvus misit, qui sum-
 ma celeritate nouissimos consequutus est, &
 Bascum Ampuriumque se defendere coegit;
 sed demum, equis vehementer cursu fatiga-
 tis, pugnamque illis viriliter in profundas te-
 nebras extrahentibus, recessit: Ferdinandum
 Brauum, qui ab reliquis diuerterat, interce-
 ptum secum adducens. Huic vix multa la-
 chrymarum precumque profusione soror, ad
 Consalui pedes sese aduoluens, vitam impe-
 trare potuit; qua homini indulta Alphon- *Ridiculus
 facinus.*
 sus Casarassus Pizarrum complexus, Male
 pereant, summæ Princeps, inquit, qui te de-
 serunt, atque ipse dein vix post horas tres
 cum Brauo profugit. Paulo post Didacus
 Maldonatus ab Martino Roblesio rescis-

LEVI. APOL. GAND. DE

Didaci
Maldona-
ti noctur-
na fuga.

cens sese in magna suspitione versari, quod
primum inter eos fuisset, qui Cuscone ad Ve-
lam profugerant, quod contumeliosas literas
ad Pizarri pedes abijciendas curasse puta-
retur, quod magnam familiaritatem cū An-
tonio Altamirano habuisset, noctu, nemine
seruo assumpto, equo etiā relicto, pedes, quan-
tum per ingrauescentem ætatem licebat, tri-
bus inde passuum millibus fugiens sese inter
arundines condidit; dein veritus, ne ab inse-
quentibus retraheretur, nautam indigenam
magnis precibus perpulit, vt se stramento im-
positum classi adueheret, cuius ita beneficio,
quanquam ægrè, iam labassante stramento-
rum compage seruatus est. Manè Roblesius
& ipse maturè facescendi desiderio flagrans,
Pizarro significat profugisse Maldonatū,
sibi videri in tempore illinc discedundum, ne
ab cunctis per occasionem fugientibus dese-
reretur; nemini verò copiam ad urbem ab-
eundi faciundam, & , vt eiusdem petendæ
caussa tolleretur, iturum cum suis se profite-
tur ad obsonia coëmenda, diligentissimeque
omnes obseruaturum, eadem tum insuper o-
pera Maldonatum retracturum, qui in Do-
mini-

minicanorum monasterio latere vulgo fere-
batur. Id quum mirificè approbaret Consal-
uus, ille optatam occasiunculam nactus, as-
sumptis quibusq; fidiſſimis & equis Maldonati,
ad urbē profectus est; deinde palàm ad
Præsidentem se transire professus, Pizarrumq;
tyrannum increpans, celerrimè Trugillum
contendit. Hunc paucos post dies Benitus
Caruaial vigiliarum curam cùm gereret, de-
serta statione, multis cum viris sequutus est;
hunc verò Gabriel Roas cum Vernutio &
Gometio Roa cognatis. Tum verò apud mi-
lites Ducem ab ijs deserere conspicantes, qui
summam hactenus fiduciam præstitissent,
intimaq; consiliorum ipsius adyta scirent,
nec id sine magna caussa fieri ratos, suprema
attonitarum mentium conturbatio cæpit,
adeò ut animis & spe etiam destituti peni-
tus obstupeſcerent, multiq; ab hac occa-
sione tumultuandi ansas petentes suam mise-
riam, Pizarri superbiam ac cæcitatem ma-
gno verborum murmure exaggerarent. Ibi
inter alios ferocissimi duo in ipso Consalui
conſpectu altissimè inclamantes, tyrannumq;
appellantes, equis conscensis profugerunt,
E e 5 Pizar-

Martinus
Roblesius
astutè Con-
saluū deci-
piens fugit.

Beniti Car-
uaialis cū
multis a-
lijs fuga.

Mirabilis
inter Con-
saluanos
perturba-
tio.

Militum
duorum
ingens au-
dacia.

Consalus
desperabun-
dus Regio
abscedit.

Aldanius
Regio po-
tatur.

Pizarro non insequi auso, ne & insequentes amitteret; ipsi verò nullis matationum suppliciorumq; exemplis frenari ac sisti fugam posse sentienti vsque adeò perculsa inter metum ac desperationem mens stabat, vt, quò longius suos ab classe retraheret, in Nasconum regionem, quæ quinquaginta inde passuum millibus abest, desperabundus abscederet. Nec mora, digresso Consaluo, Antonius Riuerus, Martinusq; Pizarrus, Antoniusq; Lætonius, qui Consalui venia in vrberemanserant, in forū conueniētes Maiestatis nomini urbem planè inaugurantur, et diplomata remissionum ad vulgus recitant, & Laurentium Aldanium de re omni certiore factum aduocant, & pulchro aciei ordine introeuntem beneuolæ excipiunt. Hic rebus omnibus curatis, quæ vel ad classis tutelam, vel ad diplomata spargenda, vel ad stationes urbanas distribuendas pertinebāt, Gasce Præsidi, quod gestum erat, per literas significat; & declarata omnium ad ipsum iuuandum, & ad hostem deferendum promptitudine, vt acceleraret; hortatur. Interea Ioannes Acoftanus cum trecentis in Centenum

num dimissus (viti dictum fuit) cum montano itinere Cusconem pergeret, ipsum se sequi Pizarrum Regio relicto intellexit; quamobrem misso Petro monastica vitæ homine ab eodem quæ fuit, quid facto opus esse iudicaret, responditq; Pizarrus ad se quamprimum veniret eo itinere, quod per literas scriptas demonstrabat. Monacho reuertente, Acostanus omnem Pizarri fortunam, qui tumultus, qui terrores, quæ transfugia accidissent, cognouit; sed ab eodem admonitus, ne eorum verbum antè faceret, quam ad Consaluum peruenisset, ad iniquas omnes auertendas suspiciones in vulgus militum vana commenta spargebat, bellissimè cū Pizarro agi, magnamq; illi hominum multitudinem accessisse, magnatum verò quospiam emisisse, qui per transfugij speciem viam sibi potiundæ classis pararent. Verùm nulla effictorum rumorum mēdaciam calamitatem acceptam tegere poterant, quin ad milites non obscura suspicio surreperet, demirantes quorsum Regio Consalius abscessisset; antè etiam perlata secretò erant per indigenas ad quosdam literæ, & ipsos Duces imprimis diligē-

LEVI. APOL. GAND. DE

ligenter de rerum suarum statu indagantes
scrutantésque veritas rei gestæ fallere non
poterat. Quapropter Paschasius Sotus &
Martinus Dolmus seorsim, quisque apud se,
non inita coniuratione, de mutuo instituto
ignorantes Acoſtanum tollere decreuerant;
& vtroque tempus accommodum quaren-
te, fortè accidit, vt sese in eodem conce-
ptu versari ex quibusdam signis aduerterēt;
colloquuti deinde inter se eadem de re milites
aliquot asciuere; in ipso autem temporis ad-
cædem destinati momento animaduertit So-
tus Acoſtanum in tabernaculo duobus cum
Ducibus, Didaco Gillio Martinoq; Almen-
dra, colloqui, & satellitium excubare pro fo-
ribus solito frequentius: qua ex re suspicione
manifestata coniurationis collecta, præmoni-
tis ad se preparandos socijs triginta amplius
Vamātiacum versus profugere, ad quos in-
sequendos sexaginta hipposclopistas Acoſta-
nus misit; sed hi, profugis celeritate euaden-
tibus nihil agentes, in castra sunt reuerſi.
Exinde cœptum iter prosequens, cædendo in-
terficiendoq; suspectos multis dilapsis & di-
labentibus Cusconem peruenit, atque hinc
Arecu-

Conſpira-
tio in Aco-
ſtanum
non per-
fecta.

Paschasij
Soti &
Martini
Dolmi ſu-
ga.

Arecupiam, quò Consalvus deflexerat, con-
tendit. In eo itinere amplius triginta ami-
sit, & ipse Martinus Almēdras Cusconem
cū viginti profugit, restitutoq; senatu quem
immutarat Acoftanus, Consalvianos Iudices
vinctos Regium ad Aldanium misit. Are-
cupiam cū peruenisset Acoftanus, centum
duntaxat suorum deprehendit, cum trecen-
tos Regio eduxisset; sed ipsum Consalvum
cum trecentis tantum offendit, quum supra
mille paulo antè habuisset. Sub id tempus
Rodoricus Salasarius Petrum Pulletium
Quitone confodit, belloq; in Consalvum pro-
clamato, omnes milites ad Præsidis partes
perduxit; & cum trecentis egressus, Tum-
baeum concessit. Ita nulla vrbs ac ciuitas e-
rat, quæ non, exploso Consalvi nomine, regi-
am militiam accepisset. Didacus Centenus
interea ad Collaones perueniēs, literas isthic
Aldanij accepit, quibus certior fiebat Regio
Consalvum discessisse, & eò angustiae reda-
ctum, vt ne latebram quidem amplius ad re-
ceptum haberet, perpetuoq; certamine ad re-
tentandos milites, fugamq; inhibendam con-
flictaretur, non dubiumq; esset, omnium au-
xilio

Acoftanus
Cusconem
venit &
magno nu-
mero ab
suis defe-
ritur.

Martini Al-
mendre
fuga.

Consalvus
& Acofta-
nus Arecu-
piam ve-
niunt.

Petrus Pul-
letius Qui-
tone con-
fossus.

LEVI. APOL. GAND. DE

Centeni li-
 tere ad Al-
 phonsum
 Mendociū.

 xilio destitutum iri, simulac hostes visi com-
 modam transfugendi opportunitatem præ-
 berent. Hæc scripta Centenus ad Alpho-
 num Mendocium, Argyropolis præfectum,
 mittit, simulq; suas literas addit, in quibus
 ostendit, minimè ex voluntate Cæsaris fieri,
 Pizarrum summam præfecturam obire, eam
 verò Præsidi misso demandatam: quamob-
 rem plurimos, qui in omnibus bellis illi sum-
 ma fidelitate atq; constantia hætenus adhæ-
 sissent, nunc animos commutasse, considerare
 iubet, dominatum Pizarri omni furore &
 inhumanitate plenissimum, tot innoxiorum
 cædes factas, tot innocentium direptas for-
 tunas, nunc ad obtinendum mordicis inua-
 sum imperium manifestam rebellionem Regi
 suo, cui natura ipsum obseruātia obsequioq;
 deuinxerit, sceleratè construere, malleq; vitā
 antè deponere, quā missum Præsidi acce-
 ptare, & iniusto principatu abire: porrò, si
 ullo colore adhuc excusari, et aliqua caussa-
 rum æquitate defendi antea dicta possent, nihil
 profecto in hoc motu rationum caussarumue
 relinqui, quibus aut nequitiam peruersis-
 simæ mentis obscurare, aut perduellionis in-
 famiam

famiam pœnāq; subterfugere valeret. His ta-
 libusq; monitis ab Consaluo deductus Men-
 docius, cum fama antè percepta plurimū ip-
 sius mentē labefactasset, cū Centeno pepigit,
 ut suis uterq; militibus imperio adequato
 præisset: deinde Argyropoli profectus, sese
 Didaco coniunxit, summaq; militum gratu-
 latio utrinque est facta: & ingens gaudium
 omnes pervasit, quum præter optimum belli
 apparatus amplius mille viri coijssent. His
 rebus auditis Consalvus, quanquā in singu-
 los ferè dies in arctū cogi copias suas vide-
 ret, Franciscū Vossū cū literis ad Centenum
 misit, in quibus omnia beneficia, quæ à se
 profecta in ipsum constarent, prolixè comme-
 morat: eo etiam tempore, quo Gaspar Roas
 Philippusque Gutirius sublati fuissent, illi
 vel Ducū magno dissuasū abs se parcitū esse
 recēset, pollicetur nunc omnē iniuriarū me-
 moriam candida obliuione se deleturum, in-
 gratiamq; quibus ille vellet pactis cū illo re-
 diturū, si ad se adueniret, quādo Lupus Men-
 docius eiusque appendices seditionis conci-
 tatae autores meritas pœnas excoluissent. Ad
 ea rescripsit Cētenus, singulari humanitate
 benefi-

Alphonſus
Mendocius
ſe Centeno
adiungit
deſerto Cō-
ſaluo.

Conſalui
ad Cente-
nū literæ.

Centeni ad
literas Con-
ſalvi.

LEVI. APOL. GAND. DE

beneficiorū apud se positorū nomine Cōsaluo
permagnas habēs gratias, & eidē promittēs,
si præfractā superbæ in Maiestatē rebellio-
nis mentē exueret, aberrantemq; furore et cæ-
ca cupiditate animum ad iustæ pietatis offi-
cijq; cogitationes retorqueret, ipsum se fido
apud Præsidentem deprecatore ac conciliatore
vsurum. Franciscus Vossius Didaci Centeni
litteras referens, cū in castra reuerteretur,
ei obuiam contendit Caruaial, iussitq; in vul-
gus famam dare, Centeno non vltra septin-
gentos milites esse. Vir enim bellicosus & cru-
delis, maximeq; indignans victum abs se
Didacum, & ex antro proserpentem ad tan-
tum splendorem rediisse, ac per dolum Al-
phonsum Mendocium attraxisse, prælio ma-
turæ fortunæ euentum periclitari statuerat;
&, ne suis nutantibus magis animi frange-
rentur, eo commento effici volebat. Ipse e-
tiam Cōsaluus ad Centeni contemptum de-
clarandum ante lectionem litteras delatas in
omnium conspectu exussit: dehinc certo dimi-
candi proposito rectā in Centenum pergit, cu-
rante primam aciem Caruaiale, qui quoscun-
que obuiam delatos in crucem agebat; & in-
ter

Caruaialis
astus.

Cōsaluus
in Centenū

ter hos sacrati ordinis quēpiā nomine Pantaleonē. Castra ubi castris collata sunt (quod fuit quadragesimi septimi mense Octobri supra millesimum quingentesimum) rursus ad Centenum hominem sacratum misit Consalius, qui ab eodē flagitaret, ut transeuntem impedire nollet: alioqui, si ad pugnam compelleret, quicquid inde manaturum esset detrimenti, eius integram penes ipsum culpam fore. Hunc castra introeuntem Reginus Archipræsul, qui antea ad Centenum fugerat, capi iussit. Erat Didacus eo tempore ex longa febris adhuc aeger, & lecto decumbens, tamen rebus quanquam interesse præsens, & quæ necesse erant coram administrare non posset, per Duces tamen internunciosque, quod in rem erat, expediebat, & ea imprimis note contrahi milites in castra iubebat. Id ubi cognovit Consalius, existimans remotiore ab cæteris loco tabernaculum Centeni esse, speransque furtim per circuitum in id perueniri posse, Acostanum cum viginti Sclopettarijs eò clam mittit. Nec prima fefellit opinio, antequam venientem, quam sentiri posset: sed ubi tabernaculo immineret, à quibusdam, qui id

Ff

aduer-

Acostanus aduerterant, repenti magno clamore arma
Centeni ca- inclamata sunt, ceptūq; est magno militum
stres tumult- numero eò concurrere: quamobrem Acostanus,
um infert. ut incassum venisse se vidit, Sclopettarios
 exonerare Sclopetta iubet, quorum improvi-
 so crepitu tanto terrore discursuq; castra flu-
 ctuarunt, ut multi cateruatim dissolutimq;
 vagabundi inter se ruerent, plurimi armis
 hastisq; relictis in pedes sese conijcerent. Ita
 concitatis castris damno nec illato nec acce-
 pto se Acostanus recepit. Postridiè, præpa-
 ratis in pugnam ad eum diem utrisque, sum-
 mo mane amplifico ordine è castris in plani-
 ciem acies processere. Centenus enim partim
Acies inter numero, partim hostium inter se diffidentia
se in plani- maximè ad præliū rē deduci petebat, quum
ciem descē-
dant. præter ingentes etiam suorum spiritus hanc
 etiam spem concepisset, simulac procursum
 esset, magno numero hostes ad se trāsituros,
 in medioq; discrimine Ducē relicturos: idcir-
 co per Duces præfectosq; magnis cohortatio-
 nibus suos animarat, ut impavidè ultimam
 pugnam capefferent, vlcisciq; tot simul pri-
 uatas cognatorum atq; affinium cedes, tot
 simul publicas oppressæ Prouinciæ ærum-
 nas,

nas, deuocantesq; ad vindictam omnium bonorum lachrymas properarent, & eò libentius, quòd pro equitate, pro omnium liberatione aduersus latrones raptoresq; sibi pugnandum scirent, qui præter ora ac vultus nihil humanitatis haberent, feritateq; & omni furore belluas expressissent. E' diuerso Cōsaluus, nec die nec noctu quiescens, quū quotidianis suorum transfugijs maiore luctu in dies obrueretur, vt vix vllam spem, vix vllum animum haberet, prælio cōmisso vel miseriam subita morte victus finire statuerat, vel noua victoria omnium in se odia sistere: & quos haberet, milites confirmare: & quam in prælio longè miserrimi euentus discrimen proponeretur quod longè militū numero, fide, & rerum bellicarū apparatu vinceretur, id tamen se dignū putabat, vel cum magno periculo anteactæ militiæ fortunæq; honorem tueri, & mori potius, quā abs Ducibus suis semel victo præ metu cedere; plurimum adhæc trecentis Sclopettarijs confidebat, qui illum in omnibus bellis seclati, in armis durati erant. Primam aciem ducebat Caruaial, non tam suis inuisus, quam victi

Ff 2 semel

LEVI. APOL. GAND. DE

semel Centeni memoria Centenianis metuen-
 dus; equitibus eo die Consalius ipse præfuit
 vna cum Cepeda Ephoro, & Ioanne Vellæo
 Queuara; pedites Acostanus, Baxicouus, Io-
 annesq; Torraus duxere. Apud Cetenianos
 equitatum Petrus Rius, Hieronymusque
 Villega, ferente Regium signum Didaco Al-
 uaro: peditatum Franciscus Retamosius, Io-
 annes Vargas, Negralius, Pantous, & Lu-
 pus Suniganus regebant: verum his omni-
 bus superior Centeni vices obibat Aloysius
 Riuerius, quum æger ille pugnantis, vti
 maximè cupiebat, interesse non posset. Hunc
 in modum quum magno tubarum strepitu
 magnorum instar exercituum acies gradum
 inferrent, spaciūq; inter vtranque tantum
 quingentorum passuum interesset, Caruaial,
 qui primis intētus aderat, phalangē resiste-
 re hastis in sublime erectis iubet, propinquan-
 tibus interea Centenianis quadraginta Sclo-
 pettarios è corpore detractis emit tit, qui præ-
 lium irritarent, hostemq; propius elicerent.
 His ex Centeniano agmine par Sclopetta-
 riorum numerus occurrit, qui dum concur-
 rendo inter se tumultuantur, interim consi-
 stere

Caruaial
 magna &
 callidape-
 ritia.

stere reliquos Caruaial conspicatus, modestè
 progredi decem passus suos iubet, vt, pelle-
 Etatis ea ratione hostibus, præparatam om-
 nium tormentorum procellam infunderet.
 Centeniani eam progrediundi cunctationem
 ab metu aliquo proficisci existimantes, ca-
 nentibus signis alacriter omnes propinquare
 & adoriri cœperunt, quos imminentes et in-
 tra globorum contactum Caruaial vbi se a-
 deptum vidit, tormentorū magistris signum
 dat propositæ rei faciundæ. Tum verò horri-
 bili sonitu elibratæ glandes tātā hominum
 stragem ac ruinam cum terribili armorum
 contusorum fragore, & dissiliētis in ora vul-
 tusq; sanguinis tetro fœdoq; aspectu perua-
 dentes Centenianis intulēre, vt post secundos
 ictus ante pugnam ordines diffringerentur,
 & pleriq; arma abijcientes effusè profuge-
 rent, pauci ad hostes peruenirent; quāquam
 Franciscus Retamosius sollicitè ad omnes di-
 scursans, & rauco clamore intonans, mora-
 ri, agereq; in pugnam inclinatos conuersosq;
 illatis etiam verberibus, frustra conaretur:
 Soli verò equites impigrè adorti atrocissi-
 mum excitarunt certamē; partimq; suo, par-

Pugna in-
 ter Conjal.
 & Cente-
 num cru-
 enta.

Centenia-
 norum pe-
 ditum stra-
 ges & fu-
 ga.

Consalvus
equo deie-
ctus forti-
ter se tue-
tur.

tim hostium sanguine madentes ac efferi, ad ipsum Consaluum peruenerunt, & equo ipsius transfosso in magnū vitæ discrimen adduxerūt; cœpissentq; aut interfecissent haud dubiè, ni & ille intrepidè se in pedes pernix excipiens gladio circumstantes fortiter arcuisset, & egregiæ virtutis prætoriani constantissimè defendissent. In eo etiā Ducis periculo cæteri Duces non defuere, quin inducto Sclopettariorum manipulo opem ferrent; qui ex obliquo inuadentes, quū, infusis equorum hominumq; lateribus mortiferis pilulis, quoslibet trucidando deiiciendoq; ostendendæ virtutis locum eriperent, æstuantem primo impetu Consalui aciem confirmarunt, & circumstante interim peditū passim fugientium tumultu, equites; ne circumuenirentur, metuentes, fugæ equos dare compulerunt. Ea in pugna Consalvus ex quingentis, quibuscum hoc die conflixit, centum optimæ virtutis milites desiderauit, ex Centenianis cecidere amplius trecenti, quorum numerus ad pugnam euntium mille viros superauit. Inter hos ipsi fuere Duces ferè omnes, quos ordines deserere fugereque puduerat; ad vltimum

mum hortantes suos ac retentantes, præ- Ducū Cen-
 liumq̃, quam diu possent sustinentes, cæsi oc- tenianorū
 cubuere Aloysius Riuerius, Retamosius, virtus ac
 Lupus Suniganus, Negralius, Pantous, Di- caes.
 dacusque Aluarus, qui signum suum perti-
 nacissimè defenderat; ac nisi vita disceden-
 te reliquerat. Centenum magna baiulo-
 rum diligentia celeritasque lectica deporta-
 tum conseruauit. Caruaial fugientes mul-
 tum diuque insequutus est, maximè Ar-
 chipræsulem Cusconicum consequendi caus- Caruaialis
 sa, cui ante alios, quò prælio interfuisset, in Archi-
 magis iratus erat, quem ubi consequi non præsulem
 posset, perniciosissima fuga euadentem, ani- Cusconi-
 mi dolorem in captiuos exercuit, & Fer- cum ira.
 dinandum Baxiconum, quod in ea Cente-
 nianorum equitum irruptione statim ad ho-
 stes proclamata deditioe transisset, victo-
 riamq̃ propè inuertisset, obuiā sibi factum,
 ei hilari ore arridens, & compatrem etiam
 (vti erat) per iocum appellans, in cru- Ferdinan-
 cem agi iussit. Hæc victoria militum la- dus Baxi-
 bassantem haud dubiè fidem Pizarro ali- conus ridi-
 qua ex parte restituit, quos maiore iam cule & per
 spe obligatos, vt obstrictiore officio sua hu- iocum ab
Caruaiale
suspensio.
 Ff 4 mani-

LEVI. APOL. GAND. DE

manitate arctius sibi deuinciret, & nutan-
tium etiam gratiā redimeret, cæsos sepelien-
dos, & saucios suis sumptibus percurandos
curauit; captiuorum etiam pleramque par-
tem benignè omnes affatus, aureosq; montes
pollicitus, si sibi fideles in posterum perma-
nerent, ad sua signa (quod illi fatale fuit) tra-
duxit: dehinc ad pecuniam contrahendam,
militesque imprimis adducendos Duces ad di-
uersas vrbes misit, Dionysium Bouadillam
Argyropolim, Didacum Caruaialem Are-
cupiam, ipse Cusconem profectus est, & se ad
instans bellum cum Præsede gerendum pa-
rare cœpit. Ille, dum hæc geruntur, ab Al-
dano de Regio occupato, ac Consalui disces-
su, ipsiusque militum tumultu, ac transfu-
gijs certior factus, clasticula cum quingentis
conscensa Panamaide soluit, ac secunda tem-
pestate vsus Tumbæum appulit. Ibi omni-
bus ex partibus innumeras ferè literas acce-
pit, certatim studia sua operamque Maiesta-
ti deferentium, & ad similem humanitatem
ostendendam singulis respondere, & gratias
agere haud grauat us est. Adhæc incredibili
ardore milites quotidie ad ipsum cōfluebāt,
ita

Consalus
Cusconem
venit.

Præses Tū-
bæum ap-
pellit.

ita vt omnino superuacaneum esse videret
ab alijs Prouincijs auxilia adduci; mitte-
retque idcirco ad eos Duces, quos per legatos
de mittendis auxilijs sollicitarat, nuncios, ne
quid negoci suscipere, nunciaturos: dehinc
militibus in cohortes centuriatis, & Petro
Hinosæ summa imperij delata, eoque Cassa-
malcam ad Didacum Moram & reliquos,
qui isthuc magno numero conuenerat, addu-
cēdos misso, Trugillū profectus est, statuens-
que non antè Regium peruenire, quam al-
terutro euentu bellum compositum esset, edi-
xit, vt, quicunque regie militie nomina
dare vellent, in Sausanam vallem conueni-
rent, ipse eodem contendens Cassamalca pro-
cessit, assumptisq; qui huc conuenerant (am-
plius mille viri erāt) discedens breui in Sau-
sanam vallem peruenit. Eodem die Regio
digressi adfuerunt Benitus Caruaial, Ga-
briel Roas, & Iannes Alphonsus Palomi-
nius, qui, vt, ea in parte curaret, Aldanium
Regij reliquerant. Nec multò post de Cen-
teni clade peruenit fama contra omnium fe-
rè expectationem, qui tantam in Centeni vi-
ribus fiduciam posuerant, vt eundem debel-

Ef 5 lando

LEVI. APOL. GAND. DE

Angustia
in Præsi-
dis exerci-
tu ad An-
dequerias,
& hinc in
gularis pro
spectus ac
cura Præs.

Petri Val-
diuie ab
Chiliacis
reditus ad
ferendam
Præsidi o-
pem.

lando Pizarro sufficere credidissent, suasis-
sentque ob id Gascae Præsidi, ne haud ne-
cessarios parandis copijs sumptus subiret. Is
nuncius quanquam haud secus, quam par e-
rat, Gascam percelleret, nullum tamen pa-
lam doloris metusue indicium dedit, sed gene-
roso quodam animo parui id facere, & breui
vlturus videbatur. Redacto dehinc in iu-
stos ordines exercitu, Sausana valle egrediens
Cusconico itinere Andequerias peruenit, ubi
continēti imbrium tempestate humectatis ac
putrefactis locis exceptus, magnas angustias
subijt. Milites enim, cū nusquam siccandi lo-
cus esset, oblanguidi aëris & cariosi soli hu-
moribus cōsticti, vulgatis dysenteriarum
ac torminum morbis discruciiari cœperunt,
quibus tamen admirabili humanitate Gas-
ca succurrit, Francisco Rocha iusso diligen-
tissimam ægrorum rationem agere, cuius e-
tiā industria, velut in priuatis ædibus suffo-
ti, paulò post ferè omnes conualuerunt. Ma-
gnū etiam gaudium exercitui affecto attulit
Petri Valdiuie aduētus, qui ad id vsq; tēpus
cū Chiliacis ad mare pacificū (quò ab Cusco-
nico prælio captoq; maiore Almagro fuisse
missum

missum diximus) perpetuum bellū gesserat,
 saepe cum indomitis populis acie dimicarat,
 saepe & ipse in summis periculis nūc vi nunc
 fraudibus Barbarorū appetitus fuerat; vix-
 que demum multo labore aruo occupato Hi-
 spanorum Coloniā statuerat ac cōfirmarat:
 qua de re tantam apud omnes virtutis opi-
 nionē habebat, vt illum modò Francisco Car-
 uaiāli opponerent, cuius solertia audaciāq;
 Consaluo tot victorias partas, & illam im-
 primis aduersus Centenū omnes fatebantur,
 atq; ante alios maximè metuebant. Paucos
 post dies ipse Didacus Centenus cū triginta
 viris è praelio profugus accessit. Horū adue-
 tu miro applausu accepto, Andaquarijs ad
 Apurimiū amnem mota sunt castra. Is duo-
 decim passuū millibus à Cuscone fuit, in ijs
 montibus ortus, qui inter hāc Regiūq; inter-
 iacent; quem vt transirēt, vsitato more pon-
 tes tomicis ad vtramq; ripā vncis mordenti-
 bus destriētis tribus in locis ad fallendum ho-
 stē struebāt. Tandē apparuit ad Catabam-
 bām transitū fore, adductoq; eodē agmine, cū
 distēti funes essent, repētē exploratores Cōsal-
 uiani aduolantes disciderunt. Hac re percul-
 sus

Caruail
 ab Gasca-
 nis time-
 tur.

LEVI. APOL. GAND. DE

sus Gasca ad locum cum Petro Valdiuia
alijsq; Ducibus accelerat, statimq; vsitatis
tignorū classiculis equos trāsnare iubet. Ea
ratione ante alios antecedēte Polo Honde-
garto, cum aliqua multitudo in aduersam ri-
pam euasisset, ad Pixarrum celeriter perla-
tum est transiisse paucos, & eosdem flumine
ab alijs seiunctos leui labore deleri posse. Ad
id negocium mittitur, confestim cum trecen-
tis Acostanus; sed illi, qui transierant in eo
periculo sibi non desunt, editum locum ca-
piunt, Barbarosq; Hispanis adiungunt in
fronte dispositis: quem hominum numerum
eminus conspiciatus Acostanus, eò quod se
imparem existimaret, plures acciturus ab-
scescit, quod spacium nactus, Gasca pontibus
interea reffectis magnam exercitus partē tra-
duxit, & in edito monte castra posuit; quod
si inuadere nō dubitasset Acostanus eos, qui
primò transgressi erant, vel ipse cum omni
militum robore aduolasset Consalvus, nullo
negocio Gasca ingens accepisset detrimētum.
Pixarrus, vbi amnem hostes transiisse au-
diuit, Cuscone milites educens ad Saquissa-
uanam oppidulum in lata planicie castra po-
suit,

Gasca Apu-
rimū am-
nem tran-
sit.

Consalvus
in Presi.
Gascam.

suit, quæ ad latus tergumq; flumine ac palu-
 de inaccessa, duntaxat angusta via è mon-
 tibus discedentibus adiri poterat. Erant illi
 tormenta sex, quæ aduersus eas viæ angu-
 stias disposuit, & milites noningenti, quo-
 rum magna pars ex captis Centenianis con-
 flata erat, quos mortis metu flagitanti vo-
 lentiq; sese adiungentes exitioso planè consi-
 lio ad se traduxerat, vt acceptam priore pu-
 gna cladem & ignominiam noua perfidia ple-
 nissimè vindicarèt: tum quidem, quanquam
 longè militum numero hostes superiores e-
 rant, nulla tamen re ex veterana suorum
 virtute & vnus Caruialis experientia
 haud dubiè inferior iudicari potuisset (si
 quicquam humanæ coniecturæ certum est)
 si vel minimum vlla militum fides, in Du-
 cemq; charitas vtendæ virtutis peritiæque
 locū fecisset. Per aliquot dies præliola non-
 nulla per Sclopettarios concursim & tumul-
 tuariè sunt conferta, sensimq; propinquans
 Gasca & ipse in vicina planicie montana
 castra transtulit, quamobrem veritus Pi-
 zarrus, ne tormentis obrueretur, post mon-
 tem editissimum planiciei vicinum suos re-
 cepit.

Consaluu
Præsidis ca
stra inua
dere cogi
tat, sed o
mittit.

Gascanorū
calamitas
& angus
tia.

Pugne ad
Saquiffa
uanam
initium.

cepit. Proxima nocte ipse ac Caruaial tri
partito Gascae castra inuadere decreue
runt; sed militis vnus (quem id ad ho
stes, vti acciderat, detulisse existimabant)
transfugium salutare & certissimum ad vi
ctoriam ceptum interpellauit. Gascani enim
frigoribus montanis ac fame enecti, indili
gentes plerunque noctu stationes ac vigilias
agebant, nocturnæ pruinæ intolerabili infe
statione vsque adeo oblanguescentes, vt in
terdum vix hastas atque enses manibus te
nere possent, & ea imprimis nocte, qua trās
fuga irrupturos Cōsaluianos nunciarat, ma
gno in metu versarentur, sollicitæque lucem
expectarent. Vixdum sole exorto magnus
tubarum clangor, & conualliū resonitu ter
ribilior Sclopettorū crepitus est auditus, ab
his Consaluanis editus, qui secundum mon
tium decliuum quærendæ parandæque in ho
stium castra viæ intenti erant. Extemplò
Gascani, percurrēte tota castra hostilis aduē
tus clamore, arma corripit, statimq, qui om
nī expediti & ad tales casus maximè instru
cti erāt, Ferdinādu Mexia, Alphōsus Palo
minius, Valdiuia & Aluaradus cū trecentis
Sclopet-

Sclopettarijs in occursum se venientibus
dedere, ita ut glandibus acriter immixtis
Consaluanis nonnihil pedes referre coge-
rentur. Dum inter hos crebro displosu certa-
tur, Gasca eadem montium declivitate, &
conualli protectus, ad angustias acies ad-
ducit, celeriterque omnes non conseruatis
ordinibus, equos manibus per fræna dedu-
centes, in planiciem descenderunt. Ibi duas
equitum alæ constitutæ, intra quas omnis
peditatus prominentiore paulum loco rece-
ptus est; sinistro in cornu versabantur Io-
annes Saiauedra, Didacus Mora, pluri-
miq; alij peculiaribus equitum turmis
præfecti; Dextrum datum erat Benito Car-
naiali, ac Petro Cabrerio; peditum cura
incumbebat Martino Roblesio & Ferdi-
nando Dolmo. Ante dextrum cornu cum ve-
litibus perequitabat Alphonsus Mendoci-
us, cui Didacus Centenus astabat, ut ad o-
mnem necessitatē subsidio laborantibus ad-
ferendo expediti intentiq; essent. Hunc in mo-
dū Gascanis in prælium procedentibus, Cepe-
da, ex Consaluaniano agmine cum multis alijs
profugiens, sese applicuit; ad quos insequēdos
Petrus

Petrus Martinus missus vsque adeò feru-
dè institit, vt vulnerato Cepeda omnes in
summum discrimen venturos appareret, ni
ad profugos recipiendos & ipse Gasca equi-
tes emisisset. Inter hæc Consalius, Caruaiale
cum veteribus Ducibus Queuara ac Tor-
rao peditatum regente, & Acostano equi-
tatu præfecto, se suo quietus loco tenebat,
vt simili arte, qua Centeni exercitum profli-
garat, Gascanos, in iniquum locum semper
propinquando pertractos, tormentis, repentè
effusis prosterneret. Verùm Hinosa pedeten-
tim suos ire iussit; interimq; Valdiuia stre-
nuè adequitans, vt acerrimè Sclopettarij rē
glandibus gererent, solertissimè curabat: ipse
etiam Gasca maioribus tormentis continen-
tissimè intonari iubebat. Dum hunc in mo-
dum gradatim procedendo propinquatur, ex
Consaliuanis alij alijq; transfugiebāt; quam-
obrem Centenus Mendociusq;, ad quorum
partes transfugia inclinabant, Hinosam per
celeres internuncios rogant, vt signa & a-
cies sistat, vel nullo enim prælio frequentissi-
mis hostium transfugijs victoriam in manu
esse. Erant hi perfugæ ex eorū ferè numero,
qui

Consaliua
norū trans-
fugia.

qui iam pridem pro Centeno pugnantes vi-
 eti, & ab Consaluo in suam aciem recepti, mi-
 litiam quidem, non animum ac fidem, immu-
 tarant, in eoq; extremae necessitatis momēto
 bonam vindicandi sese opportunitatem rati,
 integris saepe manipulis ordines deferentes
 ad Cetenianos transcurrebāt. Accidit, ut hos
 sequuti numero circiter triginta simili mo-
 do ab designata statione effugerent; ad quos
 insequendos dum alij post terga aduolant, alij
 se transfugientibus aggregare properant, cæ-
 teriq; eo fœdæ confusionis aspectu terrentur
 ac trepidant, perturbati demum sint ordi-
 nes; idcirco militum numero multum exte-
 nuato, & pluribus in locis profugorum fuga
 acie hiscente, Consaluanis animi ceciderunt,
 parsq; Cusconē, pars ad hostes, pars aliò dif-
 fusi dispersatiq; fugere cœperunt. Ita Consal-
 uo undique destituto, omnis spes prolapsa est,
 nec aut pugnandi aut fugiendi mens erat, ad
 proximosq; conuersus, Ergo, inquit, si ad Re-
 gem properant omnes, agē & nos eodem ten-
 damus; quæ verba excipiens Acostanus, mi-
 nimè ita Imperator, quin, ut pristino hono-
 re fortibusq; viris dignum, moriamur, & in

Consalua
 norum va-
 ria fuga.

G g media

LEVI. APOL. GAND. DE

media arma ruamus, non inultè casuri. Verum Consalvus in eo ultimo infortunio, memoria veræ salutis & miserrimæ animæ in sollicitam mentem redeunte, testatus Christianè mori præstare, quàm cruento obitu veteris gloriæ dignitatem tuendo & animæ & corporis in extremam & inemendabilem perniciem præcipitare, accito Petro Villauicentio, quem inter hostium primos de facie nouerat, sese dedit; ad Gascamq; perductus, Centeno ad custodiam traditus est. Eodem tempore Franciscus Caruaial, qui equum in fugam adegerat, in cannero se oculere ea nocte sperabat; sed in paludē cum equo prolapsus, tenaciq; luto implicitus, ab suis comprehensus, & ad hostes perductus est: pari infortunio in potestatem venēre ab insequentibus equitibus retracti Ioannes Acoftanus, Ioannes Vellæus Queuara, Peris atq; Torraeus, quod accidit anni quadragesimi octauæ die lunæ Paschatis octauam sequente. Post bi-duum pronunciata in Consaluum Pizarrum est sententia, quòd vel sua confessione perduellionis reus esset, vt capite plecteretur, præcisumq; Regij clatrata in fenestra spectan-

Consalvus
se dedit &
captiuis
Centeno cu
stodiendus
tradiunt.

Caruaial
ab suis ca-
piunt.

Sententia
in Pizarrū
lata.

Standum proponeretur, epigraphæ fron-
 ti affixa, Id esse caput Consalui Pizarri,
 qui bellum seditiosè suum in Regē suscep-
 set; ædes eius Cuscone deiicerentur, saleq; con-
 spersis cippus cum eadem epigraphæ impone-
 retur. Hæc sententia eodem die in illū perfe-
 cta est: moriturus serica tunica auro textili
 elaborata, similiq; huic galero indutus, satis
 animo constante prodijt, gladiumq; incussum
 impauida ceruice excepit. Cētenus & captum
 & mortuum summa humanitate prosequu-
 tus est; captum honorificè semper tractauit,
 neminem in illum aut petulans aut insolens
 dictum obijcere passus est; mortuum Cuscone
 digno sepulturæ honore efferendum curauit.
 Eodē die Caruaial artibus dissectis quadri-
 partitus fuit, in plærosque alios gladio ani-
 maduersum: atq; ita hi duo, qui vel inuito Cæ-
 sare Prouinciæ imperiū cōceperant, tyrāni-
 deq; & omni vi obtinere sperarant, illudente
 fortuna et magno Deo non vltra ferente, ab
 omni splendore deiecti nō seras tot scelerū cæ-
 diumq; imprimis pœnas senserunt. Nec huius
 victoriæ lætitia dudum Centenus perfrui po-
 tuit, fato interceptus, quū nunquam ab diu-

Consalius
moriur.

Centeni in
Consaliu
captū mor-
tuumque
humanitas

Caruaial
quadripar-
titus.

Centeni
mors.

G g 2 turno

LEVI. APOL. GAND. DE

Gasca Prae
ses Regium
venit.

Gasca Prae
ses Pana-
maidem
redit.

turno morbo firmam valetudinem recupe-
rare potuisset. Hinc, Ducibus varias in lo-
corum plagas dimissis, & ipso Valdivia ad
Chiliacos regresso, Gasca Regium venit, pecu-
niamq³ ad impendia belli compensanda, quae
noningenta aureorum nummum millia supe-
rabant, magna diligentia cōgerere coepit, suc-
creuitq³ tanta ex diuersis locis, maximè ex
Charcantum ac Potosij fodinis, auri argen-
tiq³ aduecti copia, vt prater sarta impendia
quindecies centena ducatorum millia supe-
rarit. His rebus constitutis, & ijs etiam dili-
genter curatis, quae ad iurisdictionem, prio-
rumq³ Caesaris cōstitutionum exequutionem
in leuandis indigenis pertinerent, gratijs om-
nibus actis, vnà cum thesauris nauem con-
scendens, sub annum quinquagesimum Pana-
maidem peruenit, vbi incautum aliud disci-
men inopinatò ferè oppressit. Eo tēpore, quo
Gratiæ inter Vatimaliam & Nicaraguam
concilium, vt dictum est, constitutum esset,
ei tum Prouinciæ erat Praefectus Rodori-
cus Contrerius, quem secundum latas Cæsa-
ris cōstitutiones seruis indigenis Ephori spo-
liarunt: qua ille iniuria permotus, suscepta
in Hi-

in Hispaniam profectio, ad Cæsarem eius facinoris indignitatem detulit, grauiterque eam suis meritis gratiam persolui conquestus est; verū quum constitutionū decretis firmissimè staretur, Ferdinandus ac Petrus Contrerij Rodorici filij non aliam Patris causæ equitatem adhiberi indignati, partimq; militibus Consaluanis, è Peruuia profugis, partim ijs, qui expectata mercede ab Gasca defraudati huc indignabundè concesserant, confirmati, concitante ante alios Ioāne Bermeo, Prouinciam inuadere ipsi decreuerūt, Antistiteq; inter frutillorum lusum per insidias obtruncato, quem suis partibus maximè aduersari existimabant, & nauigijs aliquot captis, meridionalis pelagi littus legere ad intercipiendum Gascam Panamaidē nauigantem cæperunt. Sed ubi ex agricolis quibusdam ad urbem vnā cum regijs thesauris aduenisse audierunt, anchoris cōstiterunt ad tenebras vsq; certissimaq; opprimendi Gascae & thesauris potiundi opinione adducti, nocte cæca nemine demorante in urbem peruenerunt. Verū ibi, vt Gascam paucos ante dies Theonymam abijsse auditum fuit, thesau-

Rodorici
Contrerij
apud Cæ-
sarē que-
rela.

Filiorum
Contrerij
temerarius
& iuueni-
lis motus.

LEVI. APOL. GAND. DE
rarium regium Martinum Ruitium Mar-
chenū adorti sunt, spoliatisq; amplius quin-
gentis aureorū millibus, statuerunt, vt Fer-
dinandus Theonymam properè contenderet,
Bermæus cum viris centum procul Pana-
maide ad ferendum subsidium excubaret, Pe-
trus nauigiorum intereà curam gereret. Id
consilium per celeres nuncios (quos thesaura-
rius festinè emiserat) mox ad Gascam perla-
tum fuit, is ad præmonendos ciues, & ad ar-
ma concitandos Theonymā Franciscum Se-
guram mittit, ipse qua potest celeritate sub-
sequitur, & cum oppidanis iam ante ad fa-
mam eò perlatam præparatis egressus, Pa-
namaidem contendit; Verū tum Bermæus
ab erumpentibus Panamaitis debellatus ac
cæsus erat, & Ferdinandus Contrerius illos
in se properare audiens, desertis suis, profu-
git, ac dum per amniculos riuosq; isthuc fre-
quenter occurrentes transnare cogeretur,
in vndis perijt; quorū casu percepto Petrus
Contrerius nauigia relinquens et ipse exigua
cymba profugit, putaturque, quod exinde
conspæctus sit nunquam, ab Barbaris interfe-
ctus. Ita ad quietem Prouincia velut antè
reda-

Filiorum
Contrerij.

DE
um Mar
ius quin-
us Fer
rederet,
Pau-
ari, Pi
ret. Id
desjura
opera-
ad ar-
um de-
re sub-
ad fa-
Pa-
mens
tus at
illos
rifa-
fre-
tur,
erus
igna
de
rifi
nie
la-

REB. PERUVIN. LIB. V. 236

redacta, Gascaïn Hispaniam traiecit, atq;
Barcinonem prouectus, inde in Germaniam
ad Cæsarem contendit; posteaque virtutis &
operæ fœliciter nauatæ gratia, Palentinum
præsulatum in Bætica est adeptus, quū pau-
lo antè Antonius Mendocius, Me-
xicanorum prætor, Peru-
uiae Prorex ab Cæsa-
re declaratus
fuiſſet.

FINIS RERVM PE-
RVVINARVM.

Nihil habet S. Romanæ Ecclesiæ
fidei contrarium aut Reipub. offensi-
uū quod testor Sebastianus Baer Del-
phius insignis Colleg. Ecclesię S. Ma-
riæ Hantuerpien. Plebanus.

RERV
LIV
113



Alma
13. b. in
versus
mulua
initium
cos pro
crament
conem
perbia
loquium
moritur
Alph
Cateon
gnat. ib
cere by
tia adu
parat
Alph
Alph
Aluz
dum de
duet

RERVM MEMORABILIVM, QVAE IN HIS LIBRIS CONTINENTVR, INDEX.

A



Dulteria maximè impia & eorum
supplicia 29.b

Agri Peruvini maritimi 16.b

Agricultura Peruviorum mi-
rabilis 26.a.&c.b

Albericus Vesputius Pariae &
Brasiliae inuentor

Almagrus ad Ambustos veniens oculum amittit
12.b. in Peruviam venit 63.a. &c.b. egregiè se gerit ad-
uersus Aluaradum 74.a. paciscitur cum illo 74.b. tu-
multuari Cuscone incipit 78.b. cum Pizarro dissidij
initium, ibid. iusiurandum horribile 74.a. ad Chilia-
cos profectio memorabilis 79.b. Cusconè contra Sa-
cramentum redit 81.b. Prætor accipi vult 82. b. Cus-
conem irrumpit ibid. Pizarri fratres capit, ibidem. su-
perbia eius 85. b. respuit Pizarri pacem 86. a. ad col-
loquium venit 88.a. Cusconè fugit 89.a. capitur 92.b.
moritur 94.b

Alphonfus Aluaradus Pizarro venit auxilio 84. b.
Cusconem mittitur & in itinere cum Barbaris pu-
gnat, ibid. ab Almagro capitur 85. a. erumpit ex car-
cere 87. a. ira in Almagrum 92. b. virtus, ibid. constan-
tia aduersus Almagrum iuniorem & bellum in eum
parat 105.b. & 106.a

Alphonfus Mendocius Centeno se adiungit.

Alphonfus Torus: vide Torus.

Aluarus Ephorus ad Velam in Hispaniam auehen-
dum deligitur 146. a. studet cum Vela in gratiam re-
dire 147.a. veneno ab Consaluo sublatus 197.a

Gg 5

An-

INDEX.

Angustia in Præsidis exercitu ad Andequæri-	229.b
as.	
Antonius Altamiranus ab Consaluo innocenter	217.a
cæsus	
Antonius Solartes ægrè vita donata ab Vela in car-	
ceres conijcitur 125.b. inuito Vela ab Ephoris libera-	126.b
tur	
Apurimia amnis	31.a
Arborum quarundam adipis vis	19.a
Arecupia vrbs	23.a
Argyropolis vrbs	32.b
Argyropolitani Consalui imperium agnoscere no-	
lunt, & Proregem Velam acceptant 128.a. in Consal-	
uum insurgunt	165.a
Arias Maldonatus ab Consaluo cæsus	138.a
Atabalibas Gynacauæ filius 38. a. Quitonicum re-	
gnum à fratre Guascare petit 38. b. bellum in Guasca-	
rem suscipit 39. a. capitur, ibid. & 39. b. erumpit è car-	
cere, bellum instaurat, & vincit 39. b. & 40. a. b. dona-	
ad Pizarrum mittit 47. b. superbia & superbum ad	
Ferdinandum Pizarrum responsum 49. b. & 50. a. in	
prælio capitur 57. b. murmurant in illū Hispani 59. a.	
Guascarem fratrem interfici iubet 62. a. querela ad	
Ferdinandum Pizarrum abiturum 64. b. mors 66. a	
Aues marinæ Peruiiæ	25. a
Auancaus amnis	31. a
Augustinus Sarates & Antonius Riuerius legati	
ad Consaluum mittuntur ab Ephoris 149. b. capitur	
ille	150. a
Amazones	24. b
Alphonfi Montemaioris ad Velam liberandū con-	
silia 146. a. b. captus in Quitonico prælio & ad Chi-	
liacos missus in itinere ad Mexicanos profugit 197. a.	
& b	

BArbari quibus insidijs ducentos equites circum-
Buenêre 83. a. Regium obsident & pugna eorun-
deni

INDEX.

dem

- Balthasar Lausanus ab Consaluanis capitur 137. b
 Baxicoui crudelitas in Panamaitas 157. a. ridiculè
 & periocum ab Caruaiale suspensus 228. a
 Bellum in Velam Cuscone paratur 126. b
 Benitus Caruaial Ilani Suuaretij frater 151. b. in ip-
 so mortis articulo & c. 155. a. apud Cōsaluum militat
 194. a. fuga ab Consaluo 221. a
 Blascus Nonnius interfectus 9. b
 Blascus Nonnius Vela Prorex: vide Vela.

C

- C**ausa dissidij inter Velam & Ephoros 125. a
 Carimonia qua regium sigillum recipitur 124. b
 Centeni vita & mores 164. b. Almendram Consal-
 uianum Præfectum confodit 165. a. Argyropolita-
 norum Dux creatur 166. a. oratio ad eos, ibid. b. Argy-
 ropolitanos educit 169. b. Toro callidè cedit 171. b.
 Torum reuertentem insequitur & nouissimis detri-
 mentum infert 172. a. eius ad Caruaialē legati 186. b.
 diu in antro delitescit 186. b. emergit 214. a. Cusconē
 capit astu 214. b. vincitur et fugatur ab Cōsaluo 227. a
 Consaluum captum & mortuū humanitas & mors
 eius 234. a
 Centenianorum peditum strages & fuga 227. a
 Centenianorum Ducum virtus & cædes 228. a
 Cepeda Ephorus in ipso pugnae articulo ab Con-
 saluo transfugit 232. b
 Caruaial: vide Franciscus Caruaial
 Charcantes populi 32. b
 Chiliaci populi, & de his mira 23. b
 Christophorus Columbus primus noui orbis in-
 uentor 9. a
 Cinnamomum vbi & quomodo crescat 97. a
 Cilicuchima ad Atabalibam captum venit 63. a
 Coacci populi 15. b
 Collaones populi 32. b
 Con-

INDEX.

- Coniuratio in Almendram 164. b.
 Consalui Diæ in Nonnium Velam proditio 134. a
 interficitur ab Barbaris 160. a
 Consaluiani Ephorum Legatos ab castris auer-
 tere student 149. b. postulata eorum & mens 150. b.
 confidentia et superbia. magno numero ab Con-
 saluo profugere incipiunt 220. a. varia eorum fuga ad
 Saquissauanam 234. a
 Cōsaluus Pizarrus ab Almagro capitur 83. a. erum-
 pit ex carcere 87. a. insidias Almagro struit, ibid. b. ex-
 peditio eius in cinnamomi terram 96. b. reditus eius-
 dem verè heroicus & admirabilis 99. b. Cuscone Im-
 perator in Velam ad Cæsaris constitutiones impe-
 diendas creatur 126. b. ad bellum gerendum prompti-
 tudo & diligentia 127. b. apparatus 129. b. Protesta-
 tio aduersus Velam & decreta 130. b. ætas. 131. b. Cu-
 scone in Velam egreditur 132. a. trepidatio eius & ini-
 tium tyrannidis 135. b. ad Regium venit 151. b. per vim
 merumque ab Ephoris summam Præfecturam ex-
 primit 152. b. introitus in Reginam urbem magnifi-
 cus, ibidem. clandestinus metus 154. a. ad iurisdictionem
 subuertendam conatus 160. b. affinitas cum
 Sarate, ibidem. in Velam proficiscitur 161. b. eum in-
 sequitur fugientem, ibid. Quitonem peruenit & fa-
 cta ibi eius scelera 162. a. pudendum eius facinus
 163. a. in Centenum cura 174. a. fallaces ad Pana-
 maitas literæ 178. b. nothus eius 180. a. ad elicien-
 dum Velam astus 192. b. in captiuos Velanos inso-
 lita humanitas 197. b. eius victoria in Velam 196. b.
 Nonnium Velæ fratrem in gratiam recipit 198. a. stul-
 ta eius spes & opinio 198. b. Regium redit & ibi ty-
 rannidem instituit 199. a. angor ob Præsidis aduen-
 tum 203. a. ratio cur bellum in Præsidem suscipe-
 ret 211. b. serò sapere & sibi metuere incipit 216. b.
 Regio desperabundus abscedit 221. b. Arecupiam
 venit 223. a. Centeni literas ante lectionem exurit
 224. b. in Centenum pergit, ibidem. equo deiectus
 fortiter se tuetur 227. b. in Præsidem castra ad Sa-
 quissau-

INDEX.

quissauanam ponit 230. b. destitutus à suis se dedit
& capite plectitur 233. b. & 234. a

Conspiratio ad Velam liberandum 146. b

Conspiratio in Aldanium detecta & consperato-
rum poena 176. a

Conspiratio in Caruaialem 189. b

Conspiratio in Caruaialem altera & conspirato-
rum horribilis poena 191. b

Cusco metropolis Peuruuiae ab Hispanis occupa-
tur 68. a

Cusconici Caruaialem ad se inuitant 177. a

D

Decreta in Hispanorum licentiam lata. & ob
ea in Prouincia tumultus 121. a

Didacus Almagrus: vide Almagrus.

Didacus Almagrus senioris Almagri filius 100. a.
Pizarro interfecto Prouinciæ imperium occupat
103. b. Petrum Holuinum insequitur 108. a. ad Va-
mantiacum tendit 102. a. responsum eius ad Vaciani
litteras 112. b. fugit, capitur & interficitur 117. a. b. &
118. a

Didacianorum contumacia & implacabile in Pi-
zarros odium 93. b

Didacus Cutus Velanæ classis præfectus 144. b. in
Germaniam pro Vela ad Cæsarem contendit 157. b

Domus Peruuinæ 22. a

Didacus Lupus Suniganus, ab Consaluanis ca-
ptus, ab Aldanio dimittitur 173. a. mors eius in pu-
gna ad Collaones 228. a

E

Equi Peruuiae & nouo orbi penitus incogniti,
maximusque ob id hominum terror 26. b

Ephori Peruuini Concilij 122. a. Regium veniunt
124. b. ob Ilani cædem Velæ litem intendunt 140. a.
trepidatio & sollicitudo ob Velâ captum 144. b. pro-
missa

INDEX.

missa non seruant 145. a. classẽ capiunt Velanam. 151. a.
146. merus ob Consaluum

F

Ferdinandus Cortesius Themistitanam sube-
git 9. b
Ferdinandi Magellani nauigatio 9. b
Ferdinandus Mexia Præsidentem recipit 201. b
Ferdinandi Pauigni periculum 208. a
Ferdinandi Pizarri & Atabalibæ colloquium 49. b
ab Almagro capitur 82. b. dimittitur 88. a. in Hispaniam proficiscitur 64. b. & 96. a. virtus eius 90. b. in victos Didacianos humanitas 93. a
Ferdinãdus Torraus Velã dimicantẽ sternit 196. a
Fides Consaluo ab suis data 218. a
Filiorum Contrerij temerarius et iuuenilis motus & eorundem interitus 235. a. & b
Fodinæ ad Potosium repertæ 191. a
Franciscus Almendras Argyropoli ab Consaluo præficitur 163. b. inhumanitas sibi funesta 164. a. interficitur 165. a
Franciscus Caruaial Cuscone Almagro iuuiori se opponit 106. b. in Vaciani exercitu Præfectus summ⁹ creatur 111. b. in pugna ad Vamantiacũ inusitata audacia 116. a. & b. mores & vita 132. a. absurda immanitas 152. auro vincitur 156. b. in Centenum destinatur 174. a. crudele facinus, ibid. b. cũ Toro simulas 176. b. in Centenũ 186. b. acris in Cētenũ persequutio 187. a. in Lupũ Mendociũ 189. a. ab suo Sclopettario vulneratur 190. b. auaritia 191. b. ab Cōsaluo reuocat⁹ 208. b. magna & callida in pugna apud Collaones peritia 226. b. ab Gascanis timetur 230. a. capitur & articulim secatur 233. b. & 234. a
Franciscus Giro suffocatus 176. a
Franciscus Maldonatus ad Cæsare in Germaniam pro Consaluo contendit 157. b
Franciscus Pizarrus 11. b. eiusdem angustia in litore explorando 12. a. deseritur ab suis in Galla insula 14. a

I N D E X.

la 14. a. in Hispaniam ad Cæsarem proficiscitur 14. b.
 eius in Puna insula euentus 42. b. bellū cum Tumbēi
 regulis gerit & eorum castra irrumpit 45. a. & b. ora-
 tio ad milites 51. a. Cusconem capit 68. a. cum Alma-
 gro initium dissidij 78. b. Regium colit 78. a. obside-
 tur Regij ab Barbaris 84. a. ab Almagro pacem quærit
 86. a. cum Almagro colloquium 88. a. Consaluum ac
 Ferdinandum dum in Almagrum mittit 98. b. conspi-
 ratur in eum 100. a. & b. miserabilis cædes 103. b

G

GAbriel Roas Cusconi ab Almagro præficitur
 86. b. capitur ab captiuis suis 87. a. fugit ab Con-
 saluo 221. a

Gaspar Roas ad Velam transfugere cogitat 136. a.
 ab Consaluo interfectus 138. a

Garzias Aluaradus Michaëliam capit, & quosdam
 Pizarrinos cedit 107. b. eius iurgium cū Sotellio 110. a
 concipit Didacum iuniorem in cœna interficere, sed
 ipse deprehensus miserè cæditur 110. a. & b.

Gascanorum calamitas & angustia 231. b

Gigantes Peruuia, miraq; de his 19. b

Gometij Tordoi egregium factum 106. b. interfi-
 citur in Vamantiaci prælio. 116. a

Gometius Luna ob dictum ab Almendra captus
 & cæsus 164. a

Guasfar Gynacauæ filius vnde dictus 38. a. in ipsa
 victoria capitur 40. b. & 41. a. legatos ad Franciscum
 Pizarrum mittit & eius opem aduersus Atabalibam
 implorat 46. a. eius ad legatos Pizarri querela & po-
 stulata 60. a. & b. interficitur 62. a

Gynacaua Peruuia rex, & de eo lectu digna 37. a

H

HErba Peruuina 25. b
 Herba cuiuspiam vis ibid.
 Herba

I N D E X.

Herba Coca famem & sitim pellenis	26.a
Hieronymus Caruaial ab Velanis capitur	139.b
Hieronymus Villega ab Vela fusus 160. a. ad Centenum ab Consaluo deficit	226.a.
Hinosaclassi Consaluianae praeficitur 178.b. in Panamaitas acie progreditur 181. a. Panamaidem intrat & callide Isthmum occupat 182.b. cum Verdugo pugna & in eum victoria 186. a. cur Mexiae succensuerit 202.a. ad Praesidem ab Consaluo deficit	206.b
Holcades Consalui intercipiuntur	129.b

I

I lescias Atabalibae frater 62. b. obtruncatur	66.a
Ilanus Suuaretius Velae Proregis recipiendi author 123. b. eiusdem caedes	139.a
Ioanes Acoftanus claffiarijs infestus 212. b. in Centenum mittitur 218. b. Cusconem venit & ab suis deseritur 223. a. Centeni castris tumultum infert 225. b. verba ad Consaluum se dedere volentem	233.a
Ioannes Benalcazar in Ruminaxim	68.b
Ioannes Errada in necem Francisci Pizarri conspirat 100. a. mors eius	108.b
Ioannes Illanesius Dux Velanus ad Consaluum deficit	182.b
Ioannis Ferdinandi ad cauendam suspicionem astutus	219. b
Ioannes Peririus ab Consaluianis opprimitur	159.b
Ioannes Pizarrus interficitur	81.a
Ioanni Velasco manus praecisa	176.a
Ius ac licentia Hispanorum in noui orbis indigenas	120.b

L

L aurentius Aldanius ab Consaluo Reginae vrbi praeficitur 160. b. temperata & callida virtus 172. b. in captiuos humanitas 173. a. in eum coniuratio 176. a. ad Prae-	
--	--

INDEX.

ad Præsidentem deficit	205. a.	ad Reginum portum occupandum mittitur	206. b.	insidiæ eius detectæ	212. b
ad Reginum potum venit	218. b.	Regio potitur	221. b	Legati Ephorum & postulata ad Velam	143. b
Leuantium vrbs					30. b
Literæ Cæsaris ad Consaluum					207. b
Literæ Consalui ad Centenum & Centeni ad eas responsum					224. a
Lupus Mendocius castra Caruaialis oppugnat					191. a
190. a. cædes eius					191. a
Lupus Sanchæus interfectus Cuscone					205. a
Lychengorma rex, cui Amazones parent					24. b

M

M Artini Dolmi & Paschasij Soti fuga	222. b
Martinus Roblesius Consaluum decipiens fugit	221. a
Mangonis Ingæ rebellio 80. a. Cusconem obsideret	81. a
Mare Peruuinum cur retrogradum	23. a
Melchior Verdugus Caruaialis aduentum fugit	
175. b. admirabilis astus 183. b. Isthmum occupare intrédit 184. a. Theonymam occupat 184. b. Pugna cum Hinosa & vincitur	185. b. & 186. a
Mendocianorum fuga	190. b
Michaëlia vrbs	21. a
Militum duorum ingens audacia	221. a
Milites Consaluiani quales in nullo triumpho fuerunt	211. a
Mirabilis inter Consaluianos perturbatio	221. a
Mons Aetnæ Siculæ similis	72. a
Montes Arcabuxij	72. a
Montes Peruuia	16. a
Muliebris impotentie memorandū exēplum	175. a

N

N auigia Peruuinorum ex tignis	42. b
Nōnius Vela instructas sibi insidias fugit	134. b
H h	ab Con-

I N D E X.

ab Consaluanis per insidias capitur 180. a. Palam ab
Consaluo iugulatur 205. a

O

O Ratio ad Velam Proregem deprecatoria Aluari
Ephori 147. b
Oratio Centeni ad Argyropolitanos 166. b
Oratio Francisci Pizarri ad milites 51. a

P

P Agacamus Peruuinorum Deus 33. b
Panamais Isthmi vrbs 10. b
Panamaitæ aduersus Hinofam arma capiūt 180. b
cum Hinofa paciscuntur 182. a
Peruuia vnde dicta 12. a. qui inuenerint 14. a. & b.
descriptio eius copiosa 16. a. & b. eius maritima pars
pluiijs carens 16. b. Peruuia maritimæ flumina 17. a.
littora aquis strata quomodo transnatentur 17. b. vr-
bes eius 20. b. & 21. a
Peruuinorum maritimorum idola 19. a. montano-
rum descriptio 28. a & b
Peruuinorum annales ex funibus 20. a. oues 27. a.
venatio 27. b. pontes 31. b. equos maximè timet 26. b.
eorum de sua creatione, de Deo, de diluuiio opinio
33. a. & b. ars in liquefactionibus 28. b. sacerdotes 35. a
virgines vestales 16. a. domini, ibid. naues 42. b
Peruuinorum regum diadema 36. b
Peruchus Aquirra innocenter suspensus 176. b.
Petrus Aluaradus in Peruuiam trajcit 71. b. et 72. a
in Almagrum 73. a. in Vatumaliam redit 78. a
Petrus Cabrerijs & Mexia per flammam erum-
punt 184. b. & 185. a
Petrus Fauentius Arecupia fugit 166. a
Petrus Gasca Præses in Peruuiam mittitur 201. a.
Theonymæ ab Mexia recipitur 201. b. Panamaidem
venit 202. b. Tumbæum appellit 228. b. Regium ve-
nit

INDEX.

nit 234. b. Panamaidem nauigat arque inde in Hispaniam	234. b. & 235. a. & b
Petrus Hinofa: vide Hinofa.	
Petrus Holuinus in Didacum bellum parat	107. a.
ad Alphonsum Alueradum contendit	107. b. stratage
ma eius aduersus Almagrum insequentē	108. a. mors
in Vamantiaci praelio	116. a
Petrus Lerma 83. b. odium eius in Alphonsum Aluaradum & eundem prodit	85. a
Petrus Pulletius ad Consaluum deficit	133. a. Qui-
tone confoditur	223. a
Petri Valdiuix ab Chiliacis reditus	229. b
Petrus Vendanius in Caruaialem conspirat	189. b
Petrus Vllōa in cauernam derrufus	213. a
Philippillus Hispanorum interpres caussa mortis	
Atabalibæ 65. a. ad Aluaradum fugit	73. b. quadripar-
titur	80. a
Philippus Gutirius ab Consaluo interfectus	138. a
Polus antarcticus & signa eius	24. a
Portus Vetus vrbs	20. b
Potosium	33. a
Principes qui primū ab Consaluo secesserunt	135. a
Pugna ad Cassamalcam 56. b. ad Cufconem 91. b.	
ad Vamantiacum 116. a. in Vilcacinis 67. a. pugnam	
imminentem intercurrentes sacraei impediunt	101. b.
pugna ad Theonymam 185. b. ad Poconem in castris	
oppugnandis 190. a. & b. ad Quitonem 195. a. inter	
Centenum & Consaluum 227. a. ad Saquiffauanam	
in qua captus est Consaluus	231. b
Pulleriani Vadaciliam irrumpunt	134. b
Puna infula	42. a

Q

Q Vabimilla Amazonum regina	24. b
Quinquaginta ab Centeno capti	172. a
Quisquis ordo in proficiscendo	75. b. fugit
Pizarrum 66. b. ab suis confoditur	77. b
Hh 2	Quito

I N D E X.

Quito vrbs

30.b

R

Regiū vrbs & eius copiosa descriptio 21.b. & 22.a
ibi archisenatus Peruuinus statuitur 121.b. tumultus inter Ephoros & Velam 142.b. tumultus ex Centeni victoria 172. b. trepidatio ob aduentum Aldanij 218.b

Rodorici Contrerij apud Casarem querela 235.a

Rodorici Nini constans in Velam fides 134.b

Rodorici Orgonij crudelitas 90.a. ferocitas & virtus & mors 91.b. & 92.a. & b

Ruminaxis fugit in Cassamalcano praelio 58.a. factus pius & sceleratus in vno 66.a. quid ad pellices dixerit 69.a. fuga eius, ibidem.

S

SMaragdi Peruuini 21.a

Sausa amnis 30.a

Sanchæi virtus & mors 196.a. & b

Sententia in Consaluum Pizarrum 233.b

Sexaginta milites gelu constricti 72.b

Suspicio & diffidentia Consalui erga Benitū Caruaialem 213.b

T

TAngarana Prouincia vbi nunc Michaëlia vrbs 46.a

Terra Florida 10.a

Terræ motus admirabilis 96.b

Theonyma Isthmi vrbs ab diuino nomine dicta 10.b

Tiada Ephorus in Hispaniam destinatur 154. b. in

Hispanico itinere moritur 157.b

Titicaca lacus admirabilis 31.b

Torus ciuitatem Cusconicam aduersus Cētenum incitat 170.a. in Centenum 171. a. Caruaiali infidias

struit 177.b. confossus est Cusccone in iurgio 205.a

Transfugia Consaluianorum 217.a

Tumibamba vrbs 39.a

Turba

INDEX.

Turba in Consalvi exercitu

135.a

VAcianus Caster ad cognitionē de Almagri morte habendā in Prouinciam mittitur 101. a. prouinciæ præturā assumit 108. b. ad exercitū accedit, & cura eius ad bellū in iuniorem Almagrum parandum 109. b. Vamantiacum contendit 112. a. sententiam in iuniorem Almagrum stringit. 113. a. generali præfectura se abdicat

123. b

Vacianorum in venientem Proregem murmu-

ra

123. a

Vacianus Caster comprehensus in publicum carcerem truditur 124. precibus ciuitatis liberatur, ibid. b. secundo ab Vela captus 129. a. fugit 155. a. Vlyssiponem in Hispaniam venit, & euentus eiusdem

157. b

Vamantiacum vrbs

3. a

Vanuco vrbs

30. b

Vela Peruuia Prorex dicitur 122. a. Tumbæum venit 122. b. amarulenta responsio ad Prouinciæ Legatos ibid. ingenium 123. a. eius in Antonium Solartem ira 125. a. ad bellum se parat 128. b. sollicitudo eius 138. b. in illum omnium odium ob Ilani cadem 140. a. profugere Regio statuit 140. b. Ephoros contemnit & irridet 143. a. ab suis deseritur 144. a. capitur, ibid. restituitur libertati & imperio ab Alvaro 149. a. Tumbæum venit 153. b. Quitonē fugit 156. a. Michaeliam Quitone venit 158. b. Consaluanos Duces Villegam & Diam opprimit 160. a. fugit Consaluu 161. b. Popæanā fugit 162. a. Popæanā egreditur & Quitonem iterum tendit 192. b. Quitonem venit 194. b. diligentia & audacia 195. a. ex equo deijcitur, & capite obtruncatur

196. a. & b

Vrbes Peruuia maritimæ

20. b

Vultures in littore Peruuino

25. a.

FINIS.

Σεὶς τὸ δέος.

ERRATA ANTE LE- CTIONEM RESTI- tuenda.

- | | |
|-------------------------------|-------------------------------|
| Folio 10. facie 2. linea 9. | 45. 1. 25. inuiolanda. |
| lege connititur. | 46. 2. 6. iniuria, |
| 15. 1. 18. obtinuiſſet. | 48. 2. 1. ab. |
| 15. 1. 21. interque. | 48. 2. 15. laceſſere. |
| 16. 1. 24. retracta. | 51. 2. 8. priſtine. in eadem |
| 20. 2. 13. quicquid. debet | linea, virtuti. |
| deſeri. | 60. 1. 17. narratiſque. |
| 23. 2. 25. aqua madefcit. | 62. 1. 21. iniqua. |
| 24. 1. 23. ad | 65. 1. 11. tum. |
| 24. 2. 3. amplas. | 66. 1. 8. cuſtodias. |
| 25. 1. 8. ſedentem. | 67. 1. 6. ſubſidio. |
| 26. 1. 11. enectarum. | 70. 1. 20. aduentu. |
| 26. 2. 16. grauate. | 86. 2. 18. delectus. |
| 27. 1. 22. lardum. | 89. 2. 25. proficiſceretur. |
| 29. 1. 10. lege ſic, qui ſecu | 90. 1. 12. munitioni. in ſe- |
| riores ad quiete ac tuti | quente linea, halitu |
| ore negotiatione ſedes | 92. 1. 8. diffregere. |
| potius obrinere qua- | 94. 1. 21. apparabant. |
| runt, qua obnoxijſ pe- | 102. 2. 12. & ad illa. in ea- |
| riculo quotidiano lo- | dem linea, ad, deleatur. |
| cis hærere, &c. | 104. 1. 9. perfecturi. |
| 33. 2. 19. Peruvia. | 107. 1. 6. imperij. |
| 36. 1. 3. Thomam. | 107. 2. 11. exceſſit. |
| 38. 2. 3. legatum. | 118. 2. 7. immiſcuiffent. |
| 39. 1. 18. re perceptra. | 126. 1. 8. ſpirituum. |
| 40. 1. 24. audentem. | 131. 1. 14. quidem. |
| 40. 2. 16. Atabalibiani, | 138. 1. 22. ſupplicij. |
| 41. 1. 6. indicem. | 144. 1. 11. diripere. |
| 42. 1. 18. dulcis. | 164. 1. 13. miſerrimum. |
| 45. 1. 14. equorumque. | 168. 1. 23. Rhegij. |

LE-
1-
under
L
on
in eodem
supra
Coron.
manus-
cripti
al.
lingu-
larum
ent.

ANTVERPIAE,
TYPIS AMATI TA-
VERNERII.

ANTVERPIAE
TYPIS AMATI TA-
VERNERII.

